

kat. hump.
CIMELIA

0

903

Crellius Joh.

THEOLOGIA.

N.

~~792~~





903

CIMELIA

X. 2. 76.

34. VII. 106.





COMMENTARIUS

In Epistolas

PAULI APOSTOLI

Ad Thessalonicenses.

Ex prælectionibus
IOHANNIS CRELLII FRANCI

conscriptus

à
PETRO MORSKOVIO
à Morskovv.



RACOVIAE, Typis Pauli Sternacii
Anno à Christo nato 1636.

Cim. O. 908



PETRUS MORSKOVIVS

a Morskovv.

Christiano Lectori S.

OFFERIMUS tibi Christiane Lector
Commētarium in utramq; Apo-
stoli Pauli ad Thessalonicenses e-
pistolam, à nobis è prælectionibus *μὰ καὶ*
πρὸς illius Iohannis Crellii Franci elucu-
bratum: utinam tanto tuo fructu & e-
molumento, quanto studio, & animi in-
tepropensione nostra. Materiæ certè in
qua primùm vires præeunte illo nun-
quam satis laudato viro nostras experi-
ri volumus, is est genius, ut tantò magis
unumquemq; allicere & trahere ad se de-
beat, quantò acrioribus ille se stimulis
ad veræ pietatis orbitam inoffenso pe-
de calcandam agitari sentit. Tametsi e-
nim, non ea hic seges est abstusiorum
illorum Christianæ religionis mysterio-
rum, nos in sacratissima ipsius adyta in-
troducendum, qualem in aliis huius A-
postoli scriptis conspicias; at illorum
quæ solidæ pietati & constantiæ in re-
ligione

PRÆFATIO

ligione commendandæ & fovendæ faciunt, ideoq; istis minimè cedunt, proventus longè uberrimus. Ita divinus iste gentium Doctor, qui verum nobis Christianum sermonis sui penicillo depinxit alibi; hîc in exempli quasi quodam speculo, vivam & spirantem eius imaginem spectandam proposuit; quodq; præstare coeli candidatum debere docuit alibi; id etiam posse, hîc luculentissimè demonstravit. Animaturus nimirum Thessalonicenses ad constantiam in religione Christiana, seu ad *παρρησίαν & gloriationem*, (ut divinus ille author ad Heb: loquitur) *spei usq; ad finem firmam retinendam*, ea cum de sua & inter illos conversatione, & in illos voluntate, tum de illorum vicissim & in se animo & in religionem Christianam affectu prædicat, quæ & Pastorem nobis undequaq; absolutum exhibent, & auditorem. Nam quid in illo Pastore desideres ampliùs, qui nō ut caput referat unctius, aut plausum mereatur, & se assignet famæ, sed ut gloriæ Dei, & hominum saluti velificetur, curam suscipit gregis eoq; nihil quod salutare putat, reticet,

AD LECTOREM:

reticet, sed candidè, sed ex animo oracula divina pandit, ac ut à veritate prædicanda nullis periculis absterretur, ita prædicationem suam tanta sanctitate & morum integritate fulcit, ut omnem calumniatori aditum ad se præcludat, potiusq; cum summa sua molestia & labore de jure suo remittat multùm, quàm offensionis ansam præbeat aliquam; eorum verò quos gubernat, amore ardeat tanto, ut & præsentibus non secus atque nutrix mater solet, foveat, & absentium desiderio teneatur incredibili, pro iis oret, & gratias agat indefinenter, nullam rationem implendi defectûs illorum fidei prætermittat, illos coronam suæ gloriationis, spem, gaudium suum esse credat, se deniq; animamq; suam usibus eorum impendere, & devovere sit paratus! Atqui hæc omnia in se à Thessalonicensibus conspecta, non illorum solùm, sed ipsius etiam Dei, qui intimorum mentis nostræ recessuum arbiter & inspector est, testimonio comprobatur Apostolus. Iam quid ad justam veri Christiani staturam desit ei, qui veritatem circumstantibus

PRÆFATIO

nantibus undiq; periculorum procellis, imò cum persecutione ipsa, & tanta alacritate, ac animi robore receperit, ut nō credentium tantum circa se omnium exemplar, sed ipsius etiam Christi Apostolorūq; in eo æmulus ac imitator esset, & tantā constantiā tantāq; fiduciā ac spe profiteretur, ut velut per ipsas afflictiones fides in Deum cresceret, & spes, patientiā, radices altiūs ageret, omnes circumstrepentis Satanae turbines impavidus & imperterritus frangeret; charitate verò, quæ legis perfunctio & veri Christiani character est certissimus, tam ardenti, tam nulla hypocriseos & privati quæstus ærugine infuscata, cum in omnes in universum, tum in singulos privatim ferretur, ut eam à natura hausisse, imò à Deo ipso didicisse videretur! aut si quid tandem tam generose, tam coelesti, imò tam Deo suo plenæ defuerit animæ, quis non videt, vel non tanti id esse momenti ut de summa spei suæ periclitari propterea possit, vel certè, qualis qualis ille defectus fuerit, tam in proclivi esse illum complere, atq; imber quando plu-

it. At.


A D L E C T O R E M.

it. Atqui horum omnium laudem Thes-
salonicensibus suis non modio neq; tri-
modio, sed horreo, quod aiunt ipso, hic
admetitur Apostolus; adeò ut non tam
novam aliquam eis virtutem per istas E-
pistolas inferere voluisse, quàm ne ob af-
flictionum magnitudinem de studio re-
mitterent, & tempore in cursu langve-
scerent. timuisse, atq; ideò ut ad cœpti
tanto cum omniũ plausu & admurmu-
ratione curriculi calcem, se ipsos quoti-
die vota; de se concepta superâtes pro-
perare vellent, orationis suæ velut quo-
dam classico impulisse & animasse vide-
atur. Et hinc sunt illæ tam liberali manu
in eos cōgestæ, totiesq; repetitæ laudes;
hinc tam effusa Pauli de suo in illos & il-
lorũ in se animo prædicatio, hinc deniq;
tot tam crebra, tamq; ardēter pro iis con-
cepta vota, ut vix aliquid huius simi-
le in reliquis Apostoli huius epistolis
animadvertas. Quamquam sunt & aliæ
harum Epistolarum dotes, illis vel pecu-
liares, vel certè cum paucissimis cōmu-
nes. Nam ubi, si Epistolas ad Corinthios
excipias, sive de mysterio resurrectionis
nostræ,

P R Æ F A T I O

nostræ, sive de animadversione Ecclesiastica plenius tractatur & uberius? atqui ut illud est prora quod ajunt & puppis fidei speiq; nostræ; ita hæc unicū ordinis in Ecclesia cōservandi remedium, & instrumentum. Iam de Apostasia adventum Christi ad judicium antecessura, revelandoq; illo homine peccati, & quòd jam tum iniquitatis perageretur mysterium, in omnibus huius Apostoli, ne dicam omnium scriptis altissimum silentium. Nam etsi S. Iohannes in Epistolis suis innuat, in Apocalypsi verò etiam pluribus nonnulla persequatur, harum tamen Epistolarum verba, lucem illis omnibus fœnerantur: absq; quibus fuisset, omnes hîc velut in illuni nocte erraremus, & horrêdis illis scopulis tot Christianorum ossibus albis, conscientia navis allidenda foret: quos nunc ista signa, licet rectè propter temporum rationem ab Apostolo posita, candido & veræ pietatis amore flagranti oculo intuentibus sine periculo, divina ope invocata, prætervehi haud ita operosum. Sed quid ego harum epistolarum decora, culpa dero po-

A D L E C T O R E M.

tero potius ingenii, quàm meritis exor-
no laudibus; cùm longè plus ipsa lectio
& venerationis sit ipsis allatura & præco-
nii, quàm quantum ego ullis verborum
apparatibus consequi possim? Ad com-
mentarium venio; de quo malumus tu-
um judicium expectare, quàm nostrum
quod hîc facile cæcutire potest appone-
re; & præterea, res est experimenti, non
verborum. Hoc tantùm de illo in præ-
sentiarum tibi videtur indicandum; rem-
ferè hîc esse à Crellio, verba verò à no-
bis, & ea quidem non omnia. Erat videl.
in more magno illi Theologo, viva tan-
tùm voce auditoribus suis in evolutione
& explicatione scriptorum Apostolico-
rum sine ullo scripto præire: quæ ratio-
ne cùm istarum quoq; epistolarum in-
terpretationem aggrederetur, author i-
pse mihi fuit, ut scripto ista, propter &
memoriæ subsidium, & aliorum qui le-
ctionibus istis non interessent enolu-
mentum consignare vellem: parui ego
libenter, tam justa & non cum aliorum
tantùm verùm meo etiam ipsius singu-
lari fructu conjuncta imperanti: cumq;
*  ita quæ

P R Æ F A T I O

ita quæ tum ex illius differentis ore hauriebam in chartam conijcerem, ut quædam etiam quæ non dicta videbantur, de meo, sensus illius expiscandi gratia adderem, tradebam illi recognoscenda: quæ ille postea ad suum arbitrium finxit & refinxit, multis inductis, nonnullis etiam de suo additis. In primis verò illa in posteriori Epistola c. 3. à v. 6. ad finem usq; omnia sunt planè illius. Nam cùm in his, doctrinæ de Excommunicatione in qua multi cæcutiunt plenius pertractandæ, campus mihi aperiri videretur, nix⁹ ego an abusus dicam facilitate, & in omnes de quolibet benè merendi partes accincta propensione viri, spatium tantùm nudū & sine literis in charta reliqueram, addito, velle me, ut istam materiam suis ipse verbis pro ut ipsi videretur pertractandam susciperet. Nec detrectavit ille, qui omnibus cuperet esse omnia, & suo ipse stylo prout ambiveram omni apersequutus est; addito tamen, tam plenam doctrinæ de excommunicatione tractationem non huius esse loci, & velle postmodum Ethicæ suæ recognita inseri, quæ com-
menta-

A D L E C T O R E M.

mentationis huius pomœria excedere viderentur. Verùm ut ipsum commentarium scribebam ego, & recognoscebat ille, non sine edendi; ita nec ista postquã tradiderat mihi, aut ille in manus resumpsit unquam, aut ego vel in minimis mutare fas mihi putavi; exceptis tamen iis quæ temporibus condonanda videbantur. Quæ tibi Lector, tam multis à me memorantur, ut si minùs fortè tibi in hoc commentario arriserint omnia, speq; forsitan tua minora fuerint visa, æquior sis cùm illi qui facem prætulit nobis, nec tamen morte præventus, ita ut par erat, rudem hanc & informem carunculam relambere potuit, tum verò nobis ipsis, quibus religio fuit, aut addere aliquid post ipsius recognitionem ne cornicum oculos configere diceremur, aut cùm tamdiu Ethices illius editio differatur, omittere quæ ille hîc de Excommunicatione utilissimè adjecerat. Inde videlicet nec stylus ubiq; decurrit equaliter, & nonnulla pendere, nec satis ubiq; adstricta videntur. Nam quòd nō attollatur & humi plerumq; serpat, id nec excusan-

P R Æ F A T I O A D L E C T.

excusandum videtur; cū rem nobis nō
verba proposita haberemus, & genus i-
stud descriptionis, lautitias illas elegantia-
rum, si non respuat, ambiat certē ac de-
sideret minimē. Quod super est, si in his,
quæ tuo candore nixa, lucem aspicerenō
erubescunt, aliquid, quod sit ad palatum
tuum inveneris, pro iis Deo Optimo ma-
ximo, cujus glorię omnis nostra defudat
opera gratias agito, pro nobis ardentē
ad eundem suspiria mittens, ut vitam no-
bis & otium largiatur, quō alia generis
huius quæ domi affecta habemus, reco-
gnoscere & tecum communicare possi-
mus. Domin⁹ autē dirigat cor tuum in
charitatem Dei, & expectationem

fui. Vale. 3. Maii. Anno

Christi. 1636.



COMMENTARIUS

IN EPISTOLAM PAULI APOSTOLI

AD THESSALONICENSES

Priorem.

Argumentum

QUum Theſſalonicenſes, perſecutionem à Occaſio
civibus ſuis paterentur, ob Evangelium, Epistolæ
quod per Divi Pauli prædicationem tan- Theſalo-
ra cum alacritate receperant, & conſtantia profite- nicenſium
bantur, ut exemplo eſſent omnibus in Macedonia, & perſeq-
Achaia credentibus; Apoſtolus veritus, ne ſub affli- tio.
ctionis onere ſatiſcerent, & per impoſtores, ab illo
qui tentat ſeduci, à religione Chriſtiana reſilirent,
in eo quidem initio erat ſemel & iterum, ut ipſe illos
inviſeret; Sed cùm id præſtare non poſſet, Timothe-
um ſuum in Evangelio illis prædicando ſocium ad il-
los miſerat, ut ſtatum illorum propiùs inſpiceret, &
ad afflictiones illas inſracto animo perſerendas ani-
maret. A quo deinde ad ſe reſerſo, cùm nihil illos
afflictionibus illis moveri, & in fide erga Deum ac
charitate erga ſe invicem permanere cognoviſſet,
hinc ſcribendi ad illos occaſionem arripit, & quæ
præteritâ eorum in recipiendo Evgelio alacritate,
quæ

Prolegomena.

2

Scopus.

Confirmatio, & ad pietatem cohortatio. Quem ut assequatur. Primò eos cõmendat, ut se illis insinuet.

Deinde

Variæ pietatis officia præscribit, doctrinam de resurrectione priorum interferens. Partes Epistolæ,

quâ præsentî in eo firmiter retinendo constantia cõlaudata, ad illos ulteriùs confirmandos, & uberiùs in iis quæ maxime illos scire intererat, instruendos progreditur. Est igitur hæc Epistola Apostolo propositum incitare Thessalonicenses, primùm ad constantiam in fide, & perseverantiam in patientiâ: deinde ad pietatem Christianis hominibus dignam. Verùm prius via quodammodo obliqua præstat. neque enim hortationem ad fidei ac patientiæ constantiam apertè proponit: sed velut molles aditus quærens, & sensim sine sensu animis illorum irrepere, & quod cupiebat insinuare volens, suum erga eos studium prædicat, iis rebus partim excitatum, partim ostensum ac demonstratum, quarum commemoratio magnam vim habere poterat ad Thessalonicensium animos in fide confirmandos, & ad patientiam impellendos. Tum deinde varia pietatis officia præscribit, inserens doctrinam de resurrectione mortuorum; Christiq; ad iudicium adventu; ut huic velut fundamento structura pietatis innixa tantò surgeret feliciùs; cùm præsertim appareat inter Thessalonicenses non defuisse, qui ea de re non satù rectè essent instructi, vel potiùs non satù rectè sentirent, Et ad hæc duo summa capita, vel (si ea quæ de resurrectione fidelium, deq; adventu Christi ad iudicium dicuntur, pro peculiari parte numerare velim) ad hæc tria revocari potest tota ista Epistola: Extra quæ, ut in aliis Epistolis a solet, ponitur Exordium. in quo nomen authoris à quo, & Ecclesia ad quam scripta est ista Epistola,

Comment: in Cap. I. Ep. prior. ad Thes. 1
pistola, una cum voto sive salutatione, quæ Epistolâ
premitti solet, exprimitur: Et Epilogus salutatio-
ne ac voto claudens Epistolam.

IN CAPUT PRIMUM.

POST Exordium Epistolæ benevolentiam Thessa- Partes eas
lonicensium capiat, sui erga eos amoris, tum es- pitis duæ
secta, tum causas aperiens.

v. 1. Paulus Nomen est Auctori Epistolæ, seu, ut I. Exordii
vulgò vocant, moris nostri habita ratione, subscri- um Epi-
ptio. Adjungit autem sibi Sylvanum & Timo- stolæ.
heum, approbatores eorum quæ scriberet: quos ma- Cur sibi
gnam apud Thessalonicenses auctoritatem habuisse adjungit
certum est, quia comites fuerant, atque etiamnum es Sylvanum
erant Pauli, ac laborum, quos Evangelii propagandi et Timo-
causâ suscipiebat socii, & in ipsis Thessalonicensibus rheum,
ad Christum convertendû, inq. iis erudiendû ac con-
firmandû unâ cum Paulo, & post ipsum sedulam col-
locaverunt operam: ut partim ex Actû, partim ex
hac ipsa Epistola constet. Præterquam quod eorum
pietas Thessalonicensibus satî perspecta, et Apostoli er-
ga illos affectus ac charitas planè paterna, eos Thes-
salonicensibus vehementer commendare posset. Quæ Cur Apô-
causâ etiam inter alias esse potuit, cur usitatum sibi stoli titu-
in aliis Epistolis Apostoli titulum hoc loco apponere lum hic nō
neglexerit, ne videlicet illis Apostolorum nomen ne apposue-
gare videretur, qui si aliis non erant Apostoli, Thes- rit.
salonicensibus videri poterant, apud quos existima-
tionem

Sylvanus
idem qui
Silas.

tionem eorum, non tantum non minuire, sed etiam augere cupiebat Apostolus. Sylvanum verò hunc eundem esse, quem Silam Lucas in Actis vocat, ostenderunt ante nos alii, nomine Hebraico, in Romanam terminationem flexo. Ut enim ipsum imperium tunc in orbe potentissimum fuit, ita nomina quoque Romana maius aliarum gentium & lingvarum nominibus pondus habuisse, iuvè illustriora fuisse credibile est. Ecclesiæ Thessalonicensium, i. e. congregationi sanctorum fidelium, quæ est Thessalonica: Inscriptio, seu nomen eorum, ad quos scripta Epistola. In Deo Patre & Domino Iesu Christo. vel, cuius Deus Pater & Dominus Iesus author est, ut & sit positum pro d' iœ, vel, quæ Deo, qui Pater est, & Domino, qui Iesus Christus est, conjuncta & consecrata est, quæq; non aliam ob causam unita & collecta est, quàm Dei Patris Dominiq; Iesu Christi colendi causâ. Nota autem, cum absolute Deus vocatur Pater, relationem ferè haberi ad nos, qui in Christum credimus, nisi aperte ad Dominum Iesum superius nominatum referatur, aut ipse Dominus Patrem eum absolute vocet. Gratia vobis & pax i. e. favor, ac benevolentia, & ex ea fluens omnigena felicitas, à Deo Patre nostro tanquam causa prima, et Domino Iesu Christo, tanquam media & secunda. Est salutatio seu votum, de quo abundè dictum alibi.

Altera
pars capit-
tis.

v. 2. Gratias agimus. Incipit prima Epistole
seu

Epist. prior. ad Thessal:

1

seu tractationi præcipue, & altera capituli pars, in qua benevolentiam Thessalonicensium ab Apostolo captari diximus, indicatione sui erga eos amoris: Cujus hic cum effectum, ex quo quantus esset facile cognoscere poterant, tum causas, quæ illum peperissent, exprimit. Effectum amoris erga Thessalonicenses Paulini, ex quo illius magnitudo facile perspicere posset, hoc erat, quod Deo gratias ageret. semper, i. e. quotiescunque ad preces, privatas præsertim accederet, vel subinde, ac quàm sepius. Pro omnibus vobis, i. e. pro integra vestra Ecclesia, non pro certis tantum pietate inter vos eminentioribus, aut aliquam ob causam mihi privatim charioribus. Nam singulos nominatim recensuisse, nec erat necesse, nec forte possibile. mentionem vestri facientes. i. e. vos nominatim vestramq; Ecclesiam in precibus meis commemorans. Apparet autem hinc non solum assiduitas Pauli in precibus, sed & pervigil ad Deum, pro iis, quos Christo lucrificaverat, interpellatio. Nam in compluribus, ut vidimus, epistolis, id de seipso testatur. Quod si, ut ex Epistola ad Coloss: apparet, pro iis etiam orabat & gratias agebat, quos ne viderat quidem, quantum magis excubabat pro salute eorum, quos ipse plantaverat?

Magnitudo amoris Paulini in Thessalonicenses.

Gratiis Deo pro iis agendis expressa.

Pauli pro iis, quos Christo lucrificaverat: in precibus assiduitas. 1. Cor. 1. 4. Eph: 1. 16. Philip. 1. 3. & c. Coloss: c. 2. v. 1. & Rom. 1. v. 8.

Ejus causas,

v. 3. Indefinenter memores. i. e. nunquam ex animo memoriam ejicientes, semperq; ante oculos habentes. Descendit ad causas, quæ hunc affectum in se producerent. Quas ponit duplices. Insignes videlicet illorum virtutes, & ingens Dei in ipsos

Prima vir- collatum beneficium. Ac virtutes quidem (ut ita di-
tutes **Thes** camus cardinales) commemorat tres: etsi cum ter-
Salonic. tia quartam quoque insinuet. Quatum prima est:

Fides,

Memores vestri operis fidei. Quae verba duplici-
 ter explicari possunt: vel ita: memores vestri illius
 tam praeclari operis ac facinoris, quod edidistis, cum
 fidem adhibuistis doctrinae Christi, eamque recepistis,
 tanta cum alacritate animi, tanta cum fortitudi-
 ne, tam intrepide, cum omnes remoras & obstacula
 perumpentes, contemptuque omnibus periculis, quae
 vobis imminebant, fidem in Dominum Iesum comple-
 xi estis: ut vox fidei sit genitivus speciei. vel ita: me-
 mores vestri operis, id est, animose illius profes-
 sionis ex fide, quam Domino dederatis, in corde ve-
 stro ei assentientes, proficiscentis, cum videlicet nihil
 morati hostium Evangelii perversitatem, & ex ea
 imminens vobis praesentissimum discrimen, palam
 vos esse Christianos estis professi. Ut voce operis,
 professionem fidei primam appellet, quae operosa e-
 rat, propter circumstantia undique pericula, religi-
 onis Christi sectatoribus; ut sit genitivus causae. Res
 eodem redit, sed prior explicatio videtur esse accom-

Chari-
tas **eaque**
laboriosa.

modatior. Altera virtus, et laboris charitatis: i. e.
 charitatis laboriosa: vel, laborum illius ex charitate
 vestra erga sanctos proficiscentis; dum videlicet nulli
 nec sumptui nec opera parciatis, omni in eo conten-
 tione virium elaboratis, quod charitatem vestram
 erga sanctos exerceatis, illorumque usibus serviatis.
 Genitivus causae. Vox laboris, indicat non otiosam

aut se-

aut segnem erga proximos Thessalonicensium charitatem fuisse: sed efficacem, sed ardentem, & nihil arduum fratrum causâ detrectantem. Quod etiam clariùs exprimere videtur Apostolus infra cap. 4. ver. 9. 10. Tertia virtus, et sustinentiæ spei: i. e. & vestre in afflictionibus, cum summa animi equitate patientia, ac perseverantia, ex immortalis vitæ spe, quam animo foveti, orietur. Atque hæc est illa quarta virtus, spes puta immortalitatis firma & inconcussa, in Deo ac Christo collocata, quæ animos ipsis fecerat, ut (quemadmodum inferiùs hanc ipsorum virtutem quodammodo explicans ait,) cum gaudio afflictiones illas propter Evangelium perferrent & sustinerent. Iterum genitivus causæ. Domini nostri Iesu Christi, i. e. spei illius, cujus author & conciliator ac veluti fundamentum est Dominus Iesus: unde & spes nostra dicitur, 1. Tim: 1. 1. ante Deum & Patrem nostrum. Verba ista vel ita accipi possunt, ut referantur ad remotius, vocem videlicet mentionem facientes seu memores, sitq; transpositio: vel ut referantur ad propiùs nominatas virtutes, quas ab illis dicit exeri in conspectu Dei, id est, Deo velut earum arbitro, easq; inspectante & approbante, non simulatè, non fide, sed verè & re ipsâ.

v. 4. Scientes. i. e. Ut qui sciamus. Altera gratiarum actionis pro Thessalonicensibus Paulinæ causa, & quidem magis propria quam illa superior, collatum videlicet in eos insigne Dei beneficium; ideoq; illam sine ulla nota quæ aliam esse innuat adjungit.

Vi illa

3. Patientia.

4. Spes immortalitatis firma.

Christus cur spes nostra dicitur.

Gratiarum actionum Pauli pro Thessalonicæ causa, altera eaq; potior.

Ut illa prior occasionem tantum gratiarum actioni
 præbuerit, hæc verò propria ipsius causa sit. Regitur
 enim vox εἰς ὅτι à superioribus, & refertur ad vo-
 cem εὐχαριστοῦν. Quam tamen ita tractat, ut
 non solum quantum in eos Dei beneficium redunda-
 rit exprimat, sed etiam quàm dignos se illo ostende-
 rint indicet, atq; ita fusiùs eorum laudes à quibus-
 dam ex iis virtutibus ductas persequitur, quas supe-
 rius strictim & concisè attigerat; quasi diceret: In-
 definentis autem istius mee pro vobis gratiarum Deo
 actionis causa est, insigne illud Dei beneficium, quod
 in capita vestra effudit, cum vos è reliquorum homi-
 num censu segregatos ad se pertraheret; vestraq; in
 eo sequacitas, & ea probitas animi, qua non indi-
 gnos tanto munere vos fuisse satù abundè declara-
 stis, & adhuc declaratis. Fratres dilecti. Serviant
 hæ voces captandæ benevolentiae, de quibus alibi.
 cum quibus alii iungunt subsequentiâ verba, à Deo;
 ut sensus sit, ut pote quibus, (fratres à Deo, unice di-
 lecti, scilicet quos Deus habet charissimos:) optime
 cognitum, & exploratum est, qualis fuerit electio ve-
 stra. Sic scire electionem eorum, erit scire, qua-
 lis sit aut fuerit electio ipsorum. Alii verò, inter quos
 Beza, verba ista à Deo. iungunt cum sequentibus e-
 lectionem vestram; ut sensus sit, ut qui sciamus à
 Deo. profectam esse electionem vestram, seu à Deo
 vos electos esse. Vide Act. 16 v 10. Priori interpreta-
 tioni favet locus similis, in 2. ad eosdem Thesalo.
 cap. 2.

Beneficium
 divinum in
 illos, cum
 vocaretur,
 collatum.

Vocum.
 Fratres di-
 lecti à Deo,
 duplex
 constru-
 ctio.

cap. 2. 13. ubi est Fratres Dilecti. (ἀγαπημένοι)
 à Domino: faver ipsa vox ἀγαπημένοι, pro quā a-
 liās videretur positurus fuisse vocem ἀγαπητοί; fa-
 vent & sequentia. Nam paulò durior est illa conne-
 xio verborum, ὑπὸ θεοῦ τὴν ἐκλογὴν ὑμῶν à
 Deo electionem vestram; Et vox ipsa electionis
 tacitè includit Deum authorem, ita ut si constet ali-
 quos fuisse electos, non sit necesse insuper docere eo-
 rum electionem esse à Deo profectam. Adde, quòd
 in sequentibus non tantum exponuntur ea, quæ do-
 cent Deum fuisse electionis ipsorum authorem, sed e-
 tiam quam promptè ipsi quoq; Deo paruerint, & sic
 eligenti Deo fuerint obsequuti: quod longè meliùs
 quadrabit, si priori modo connectas verba, & ita ac-
 cipias, quasi dictum sit; Scientes, fratres à Deo dile-
 cti, qualinam electio vestra (quæ à Deo est) extite-
 rit, videlicet eximia & singulari, in qua non obscu-
 ra & divine erga vos benignitatis argumenta, &
 vestra erga Deum pietatis documenta eluxerint.
 Iam electionis voce infirmior illa, ut quidem illam *Electio in-*
 vocare solemus, intelligitur: quæ revera cùm vocati- *firmior.*
 one idem est: nisi quod illa innuit ex reliquorum cen-
 su istos, qui eliguntur eximi: quod vocationon insinu- *Vocati qui.*
 at. Hoc sensu, electi seu vocati sunt ii, qui doctrinam
 Christi sunt amplexi, & ad ejus præscriptum sese
 componere cogitant. Hoc igitur vult Paulus; ad gra-
 tias Deo pro iis assidue agendas se impelli, partim il-
 lo singulari Dei opt. Max. in eos beneficio, quòd iis

Evangelium annunciari curârit, eosq; ad sempiternam vitam invitârit, variûq; modis effecerit, ut oblatam ab ipso gratiam amplecterentur; partim eximii, quæ tum in illis exsplenduerunt, virtutibus; quod utrumq; in sequentibus declarabitur.

v. 5. *Quia. Si Bezae interpretationem sequamur, rationem reddit ejus quod versiculo precedente dixerat, hoc est, ostendit eorû electionem à Deo revera fuisse profectâ; si verò priorem retineamus interpretationem, quâ nobis magis diximus probari, illustrat tantum dicta, & explicat qualinam fuerit illa electio. Idq; tum ex parte Dei, tum ex parte ipsorû Thes-salonicensium. Quibus interserit quedâ ad ipsorum qui Dei in ea ministri fuerunt personâ pertinentia; ut ita omni ex parte dignâ esse rem ostendat, pro qua Deo gratias semper agat. Ex quo tacitè colligi vult Apostolus, ut semel datam Christo fidem servant ad extremû constantissimè, nec ob ea ullis deinceps afflictionum acerbitatibus dimoveri se patiantur. Qui enim cõveniret deserere fidem ad quam divinitus essent perducti, & quæ tot à Deo argumētis esset comprobata? quàm turpe esset à virtute ac pietate sua degenerare, & religionem, quam certissimis argumētis convicti, summa cum alacritate animiq; fortitudine receperint, abjicere. Evangelii meû. i. e. predicatio apud vos Evangelii mea nō fuit ad vos in sermone tantum. i. e. nō constitit intra sola verba, quibus doctrinâ Christi vobis explicabamus, & ad eam capeßendam vos hortabamur. Sed & in virtu-*

*Finis ob
quem istud
beneficium
commemo-
rat.*

*Quantum
autem fue-
rit, apparuit
primò in
persona præ-
dicantium.*

te. i. ſed ad predicationem adjunximus etiam ſtupenda miracula, quæ ad ejus veritatem demonſtrandam, Deus per nos inter vos operabatur, Rom. 15. 19. vocat potentiam ſignorum, vide, & 1. Cor. 2. v 4. 5. & cap. 4. v. 20. Quanquam in hiſ posterioribus locis, præter potentiam miraculorum ampliùs quid intelligi poteſt, videlicet ſapientia cælitus infuſa, & doctrina ſoliditas, ac quidam veluti nervi. Et in Spiritu ſancto. Duplici ratione id accipi poteſt, vel de divino Spiritu in ipſis Apoſtoliſ, hoc eſt in Paulo & ſociis ejus ſeſe exerente, tunc cùm Evangelium Theſſalonicenſibus annunciarent. Solebat enim interdum, ut in Actiſ non uno in loco legimus, divinus eos Spiritus quodammodo invadere, eosq; penitus occupare, ut non ipſi, ſed ſpiritus, divinus linguam eorum regeret, & tum ſententias, tum verba illis ſupeditaret, ac ſimul animos eorum ita accenderet, ut in mediũ licet periculũ, animi fortitudo, dicendi libertas. & in promulgando Evangelio alacritas in iis conſpiceretur; omnibꝫq; appareret divino quodam eos afflatu duci; Vel intelligi poteſt divinus ſpiritus, in ipſos Theſſalonicenſes, per impoſitionem manuum Apoſtolicarum effuſus, poſtquam doctrinam Chriſti receperant, vel ſaltem in eorum aliquos qui primi doctrinam Chriſti eſſent amplexi; unde & ipſi credentes fuerunt in fide confirmati, & alii quoq; ad eam amplectendam excitati, q. d. Quibus acceſſit & illud viſibile (eſſi nec inviſibile excludendum ſit) Spiritus S. in vos collati donum, quod varios eosq;

mirabiles

Prædicatione
Pauli in
Spiritu S.
quomodo.
vide Act.
cap. 2. tot.
cap. 4. v 8.
cap 5. 6. &c.
Spiritus S.
Apoſtolos
prædicantes
invadebat,
& linguam
eorum regebat.

Spiritus S.
donum vi-
sibile in pri-
mitiva Ec-
clesia fide-
libus gene-
ratim o-
mnibus da-
ri solitum.

mirabiles & stupendos in vobis pariebat effectus. Scimus enim in primitiva Ecclesia dari solitum Spiritus S. donum, generatim omnibus doctrine Christi assentientibus. Vnde & author divinus Epistolæ ad Hebr. cap. 2. v. 4 ait, Deum Evangelii sui prædicationem contestatum signis & portentis, & variis virtutibus, & Spiritus S. distributionibus secundum suam voluntatem: de quo etiam 1 Corinth. 12, differit Apostolus. Et in πληροφωρίᾳ multa i. e. plena persuasione, alii plena certitudine i. e. & in omnibus iis, quæcunq; ad Evāgelii certitudinem omni ex parte ostendendam faciebant. Ea autem fuerunt, cum illa animositas Pauli, ejusq; sociorum in prædicando Evangelio, propter quod paulò ante afflictis fuissent Philippum (quod ipse explicat cap. 2. 2.) tum verò vitæ integritas, de qua eodem cap. v. 10. Huc autem ipsum respexisse indicant sequentia verba, cum statim addit. Sicut scitis quales fuerimus. i. e. id verò ita esse, nec me quicquam hic comminisci, vel vos ipsi luculentissimi nobis testes esse potestis, ut qui sciatis, quæ quantaq; fecerimus, quales nos Deus vobis exhibuerit, & quomodo ipsi quoq; nos geßerimus in vobis i. e. inter vos propter vos. i. e. idq; nullam aliam ob causam, quàm, ut vobis vestraq; saluti prodessemus, vos videlicet ad amplectendam Evangelii doctrinam pertrahendo. Videntur enim hæc verba referri ad totum id, quod eodem hoc versiculo præcesserat, nempe ad patriationem miraculorum, ad ostensionem aut effusionem
Spiritus

Spiritus S. & cetera argumenta quæ per Apostolum ejusq; comites ac laborum socios fuerunt Thessalonicensibus exhibita, ut fides doctrinæ Christi fieret, & porro ipsi Thessalonicenses ad eam recipiendam adducerentur. Nam si ad mores tantum & vitam ipsorum Apostolorum id velis referre, declarabitur tantum proxima hujus versiculi particula, nimirum & in certitudine multa. Sed prius est credibilis.

v. 6. Et vos i. e. Sed nec vos tanto Dei beneficio indignos esse vos ostendistis, aut id quod vestrarum erat partium, ulla ex parte neglexistis, quandoquidem imitatores nostri facti estis; mei videlicet, Sylvani, & Timothei, qui vobis Evangelium prædicavimus. Et domini, videlicet Iesu Christi, qui doctrinæ istius dux & antesignanus est. Sensim ad illorum commendationem delabitur, illudq; paulò fusiùs persequitur, quod initio paulò brevius expreßerat.

v. 3. Accipe autem id non de imitatione in latissimo significatu, respectu omnium virtutum & vitæ integritatis in genere, quomodo alibi imitatores esse jubemur Christi & Apostolorum: sed in certa tantum virtute; ad quam Apostolum respexisse indicant subsequentiâ verba, quibus explicat quam in re imitatores cum sui, tum Christi facti essent. excipientes verbum seu sermonem in tribulatione multa. i. e. doctrinam Evangelicam (quæ istud verbum seu sermo est) amplectentes cum multis afflictionibus; quatenus videlicet in præsens periculum se conjiciebant, imò statim & persecutionem patiebantur

Deinde in
persona
Thessaloni-
censium.

Iterum ad
eos fusiùs
laudandos
delabitur.

Thessaloni-
Christi &
Apostoli i-
mitatores.

1. Cor. 4. 17.

11. 1.

Eph. 5. 1.
Filip. 3. 17.

Quòd Ev-
angelium
receperint.
1. cum mul-
tis afflictio-
nibus.

tantur ob editam professionem suam, quâ Christi religionem se se amplecti, eumq; se pro Domino suo agnoscere testabantur. Vide Act. 17. 5. & seq. Tribulationem autem vocat multam, vel simpliciter quatenus varia paterentur ob Christi nomen: vel

ῥοξ πολλὰ
ἂν pro ma
ἴνα.

πολλὰ voce pro magna usurpata, ut 2. Cor: 7. 12: 7. 4: 8. 22. Eph. 2, 4. Philem: v. 8, & alibi sæpè. Ceterum imitatio ista Christi & Apostolorum non in ipsâ receptionis ratione consistit, quasi perinde atq; Thessalonicenses Christus etiam aut Paulus recipiens doctrinam, afflictionem aliquam pateretur, sed in sola afflictionum pro veritate patientia; quod sicut olim Christus, Apostoli autem ad eum usque diem illas sustinerent, ita & illi. Non contentus autem dixisse quod Evangelium receperint cum tribulatione,

2. eum alacritate.

& quidem multâ seu magnâ, ascendit altius. Cum gaudio: i. e. nihil animo deiectionis, propterea quod simul atq; ad istam doctrinam accessisti, imò, ut accederetis, patiendum vobis erat, sed leti, alacres, & exultantes; Ad Coloss: 1. v. 11. tres veluti gradus istius divine virtutis constituit, tolerantiam, longanimitatem, & deniq; gaudium. Et sanè quidem magna virtus est pati aliquid propter nomen Domini, præsertim statim, simulatq; doctrinam hanc receperis, & nec dum ad ejus adyta penitus accesseris & penetraveris: major si diutius & constantius patiaris: maxima, si non solum id non facias gemens, aut

Patientia
propter no-
men Do-
mini, gra-
due tres.

- 1.
- 2.
- 3.

fortune ob id tue iratus & reluctanter, sed cum lætitia ac gaudio, felicem etiam te reputans eo nomine. Spi-

ne Spiritus Sancti. i. e. quod gaudium creabatur in vobis & excitabatur à Spiritu S. in cordibus vestris habitante; quanquam non sine vestra opera ac studio. Scintille enim est similis; quæ ut vim suam exercat, & excitatione per flabellum, & materie aggregatione indiget; sic etiam ille qui Spiritus S. ope adjuvari ac corroborari vult, necesse est aprum se huic divino igni præbeat, & ut Paulus ad Timotheum scribens loquitur, exsuscitet donum ac vim in se latentem, quæ ita excitata mirabiles effectus in pectore producit, paritq; id gaudium, de quo hic Paulus ait.

Quæ proficiſcebatur à Spiritu S.

Spiritus S. scintilla ſimilis.

2. Tim. c. ii

v. 6.

v. 7. Ita ut facti ſitis forma seu exemplaria omnibus credentibus. Intendit ampliùs cõmendationem fortitudinis & tolerantie ipſorũ, eamq; ab effectu eximio illustrat; quasi dicat, quæ quidem animositas & patientia vestra adeo fuit excellens, & eximia, adeoq; conspicua extitit, ut omnes fideles à vobis exempla capiant, vosq; sibi tanquam exemplar quoddam proponant ad quod ipsi sese componere debeant. Quanquam ita extendi hæc verba possint, ut intelligamus ceteros in Macedonia & Achaia fideles, non tantum postquam jam fidem essent amplexi, eorum constantiam & patientiam sibi proposuisse imitandam: sed etiam ad fidem ipsam, proposito licet periculo recipiendam, eorum exemplo incitados fuisse, quemadmodum sequentia videntur indicare. In Macedonia, cujus caput Theſſalonica, & Achaia quæ contermina Macedonia, potestq; per Synecdochen sumi pro tota Græcia.

3. Aded ut essent credentibus exemplaria.

quomodo?

Evangelii
eor dicitur
Domini?

v. 8. A vobis enim. Explicat & illustrat, quomodo facti sint exemplaria omnibus credentibus; quia inquit à vobis personuit sermo Domini, doctrina nempe Evangelica. Quæ Domini dicitur, quia à Domino primùm in terras allata & promulgata est, & ejusdem jussu atq; ope postmodum ab Apostolis per orbem fuit divulgata. Id est; à vobis disseminata est fama, & ubiq; percrebuit esse quandam novam & eximiam doctrinam, quam tanto animi ardore ac robore Thessalonicenses, viri ob loci celebritatem non obscuri, & magni nominis receperint, nec ab ea se ullis periculis & afflictionum minis & acerbitatibus abstrahi sint passi. Ab illi autem ait sermonem Domini personuisse, licet prius Philippi prædicatum esset Evangelium, & assensum invenisset, quia sorte & pauciores isti fuerant, & non ita conspicui ut Thessalonicenses, quorum, ut illustri loco positorum, exemplum longè majorem proculdubio ad alios in societatem trahendos vim habere poterat. Non solùm in Macedonia & Achaia, quæ viciniore sunt, sed & in omni loco, puta quò fama nominis vestri pervenit, eodem etiam rumor de doctrina Evangelica pervenit. Ita universalis locutio restringenda; nisi hyperbolen subesse malimus. Credibile autem est longè lateq; dimanasse famam de fide Thessalonicensium, & passim non sine admiratione & narratum & auditum fuisse, novam eos quandam religionem amplexos fuisse. Fuit enim urbs illa non tantum totius Macedo-

nie precipua atq; opulentissima, sed simul etiam pro-
ut hodieq; est emporium celeberrimum, quod ex omni-
bus terrarum partibus, magnus subinde fieret homi-
num confluxus. fides vestra quæ ad Deum exiit,
ad omnium quicunq; vos nōrunt aures, fama de fide
vestra, quam in Deo collocastis, assensum videlicet
doctrinæ Evangelicæ præbendo, permanavit: ut non
sit necesse nobis loqui quicquam, i. e. adeo ut
non sit opus à nobis, qui horum omnium oculati testes
fuimus, quicquam cuiquam tanquam novum & in-
auditum indicari; ita omnes omnia probè nōrunt.

v. 7. Ipsi enim. Proximè dicta confirmat, ut si-
mul declares ea quæ v. 5. & 6, superius dixerat. Vo-
cula autem ipsi, vel respicit credentes, v. 7. nomina-
tos, vel per Synthesin (sensum videlicet non constru-
ctionem attendendo) refertur ad illa verba in o-
mni loco; ut voce ipsorum intelligat homines illa
loca incolentes; maxime tamen fideles. quasi dicat:
Ipsi enim locorum illorum quæ nominavi incolæ, ad
quos rei hujus fama permanavit, de nobis annun-
ciant, ultrò de nobis prædicant, & passim narrant
qualem introitum habuerimus ad vos, i. e. qua-
lità nostra inter vos prædicatio fuerit, quamq; non so-
lum audactèr & animosè, summa animi constantia
ac robore, doctrinam Evangelii cum ad vos venisse-
m⁹ prædicavimus, sed etiam quibus miraculis eam
confirmavimus, & quibus modis vos ad fidem illi præ-
bendam permoverimus. Respicit ad ea quæ versu 5.
dixerat. Hæc autem de industria interserit Aposto-
lus,

ius, ut ad alterum caput transeundi occasionem sibi faciat, quò omiſſis illis miraculis, quibus non tam ipse, quàm Deus ac Christus doctrinam suam inter Theſſalonicenses comprobabat, commemoraret suas quoque virtutes, quibus doctrinam suam Theſſalonicenſibus plurimùm commendaverat. Nam miraculorum, rerumq; planè divinitus ad comprobandam Christi doctrinam factarum, ſat aperta mentio jam fuerat. v. 5. Quid verò ipſemet Apoſtolus unà cum laborum ſociis, ex ſua quoq; parte ad commendandam ac comprobandam ſuam (que Christi erat) doctrinam fecerit, leviter tantùm atq; obſcurè fuerat indicatum; exponitur autem clarè capiti ſecundi parte prima, ad quam hoc loco aditum ſibi ſtruit. Hujus enim dicti explicandi illuſtrandiq; cauſa, caput ſecundum annectit: ut hic vinculum dici poſſit contineri, quo caput ſecundum ſuperiori ſermoni annectitur. Et quod converſi eſtis ad Deum i. e. & quàm non fuerit noſter ad vos adventus, & ſuſceptus inter vos labor vanus atq; irritus, ſed fructum in vobis ingentem pepererit; De quo ſuperius v. 6. & ſeq. dixerat: hic autem eum velut pugillo includens, totam converſionis rationem, & religionis Chriſtiane ſummam, aliquot verbis aperit, & quidem ita, ut ipſa hæc deſcriptione factum ipſorum inſigniter commendetur, ac porrò ipſi ad conſtantiam in re tam præclarâ excitentur. Quia verò converſio eſt in melius mutatio, & omnis mutatio eſt à termino, ut ajunt, à quo, ad terminum ad quem: utrumq; hic exprimit

Apoſto-

Tota con-
verſionis
Theſſratio,
& Chriſti-
anæ relig.
ſumma.

Apoſtolus, & quæ religionis Chriſtiane natura ſit e-
docet. Terminum à quo exprimit, dum ait, ab ido-
lis. i. e. tùm ab imaginibus, quæ propriè idola dicun-
tur, tùm ab iis numinibus quibus illæ ponuntur, quo-
rumq; quaſi ſignificativæ ſunt; ut non excludantur
etiã Demones, quatenus (cùm illa numina cerebri
revera humani figmentum eſſent, nec in rerum na-
tura extarent) pro illis ſeſe ſiſtebant, & in cultum
illorum Deorum quos hominibus obtrudebant, ipſi
ſuccedebant. Terminum ad quem exprimit, dum ait,
ad Deum, illum nempe qui Pater eſt, ut ex ſeqq. in-
telligetur: Quem ſtatim deſcribit, duos fines conver-
ſionis ad Deum exprimens. Prior eſt: Ut ſerviretis
Deo vivo & vero i. e. ut pro eo, quod antea res
mortuas, puta imagines, & fictas colebatis, illarum
obſequiis penitus addicti, nunc vos totos Deo manci-
paretis: qui & vivus eſt, quo differt propriè ab imagi-
nibus ſenſu omni deſtitutis: & verus, i. e. qui ut re-
vera eſt, ita eſt id quod eſſe dicitur; quo diſtat ab illis
fictitiis numinibus, quæ nomine tantùm, & non re e-
rant. Vnde ſacra ſcriptura ſaxa & ligna coli, ab
Ethnici pro diis aſſeverat, quia revera illa quorum
ſignificatrices erant imagines, in rerum natura non
extabant. Nota autem vocem $\delta\epsilon\lambda\epsilon\upsilon\epsilon\iota\nu$ loco $\lambda\alpha-$
 $\tau\epsilon\upsilon\epsilon\iota\nu$ uſurpari, cùm de religioſo cultu loquatur qui
Deo comperat: qua ratione de Galatiſ dicitur $\epsilon\delta\delta\epsilon$
 $\lambda\epsilon\upsilon\sigma\alpha\tau\epsilon$ iſi qui non eſſent natura Dii.

v. 10. Et expectaretis filium ejus. Alter finis
iſtius converſionis ad Deum, Fides videlicet in Do-

Terminus
à quo.

Terminus
ad quem.

Fines con-
verſionis
duo.
I.

Deus cur
dicatur,
vividus, &
verus.

$\delta\epsilon\lambda\epsilon\upsilon\epsilon\iota\nu$
pro $\lambda\alpha-$
 $\tau\epsilon\upsilon\epsilon\iota\nu$.

II.

MINIM

Christianæ
religionis
differentia
specifica.

Expectatio
adventus
Christi pa-
rit peca-
tem.

Cur hic re-
suscitatio-
nis Christi
meminit.

minum Iesum. filium Dei vivi & veri: quæ est religi-
onis Christianæ differentia specifica, quâ Christiani
à Iudeis: ut superiori, ab Ethnicis distinguuntur. Po-
nitur autem hic pars pro toto; nempe pro universa in
Dominum Iesum fiducia. Expectatio ejus adven-
tus, quæ obtemperationem sacrosanctis ejus manda-
tis ex se parit. Notum enim est ex Evangelica doctri-
na, eum in finem venturum esse Christum, ut unicui-
que reddat secundum opera ejus, & piis quidem vi-
tam æternam largiatur, impios ignis æterni suppli-
cio afficiat. At qui hoc ex animo credit, & expectat,
eum necesse est, & pro Domino ac Rege suo Christum
agnoscere, & ei penitus confidere, mandatisq; ejus
obtemperare. De cœlis, cum videlicet adveniet ex-
tremo die, vivos mortuosq; indicaturus. Significat
Christum in cœli nunc degere, ibiq; regnare. quem
suscitavit ex mortuis, nempe ille Deus vivus, cujus
filius ipse est Christus. Vnde intelligitur Christum à
Patre suo esse à mortuis suscitatum, quemadmodum
& Gal. 1. 1. expressè scribitur. Antequam proprio i-
psius nomine insigniat, dupliciter describit, & ut à
Patre distingvat, cum filium vocat, & ut certitudi-
nem religionis Christianæ insinuet, cum à Deo re-
suscitatum ex mortuis esse dicit illum, qui prima ipsi-
us in terris semina iecit. Est enim resuscitatio Chri-
sti, cum illi præsertim quæ illam consequuta sunt
juncta, ejus quam per Christum in Deo habemus fi-
dei, speiq; certissimum fundamentum. Tandem eum
nominat, Iesum. Quem iterum describit ab effectu,
sed qui

sed qui causa est cur adventus ejus à Thessalonicen-
sibus expectetur, & ab omnibus fidelibus expectari
debeat. Liberantem nos ab ira ventura. i. e. Qui
nos liberaturus est à pœna peccatorum nostrorum, ob
quæ in iram Dei incurreramus. Pœna, inquam, quam
in adventu suo irrogaturus est iis, qui ipsi non obedi-
erunt, hoc est, supplicio ignis æterni, interitu. Iræ Ira Dei, pro
vocem pro pœna, causam videlicet pro effectu poni, pœna.
habes exempla Rom: 1. v. 18. cap: 2. ver. 9. 13, 5. &
alibi. Iam προμείνον & ἐρχομένης, præsentia pro
futuris ponuntur, propter certitudinem, more sacris
litteris usitato: quanquam id aliàs quoq; in voce ἐρ-
χέσθαι nulla habita ratione certitudinis, sacris lit-
teris familiare est. Ex hac autem conversionis Thes-
salonicensium descriptione patet, quàm præclarum
hoc ipsorum factum fuerit, quàmq; felix hæc religio-
nis mutatio extiterit: unde porro consequitur, ipsos
in eo quod caperant debere constanter perseverare,
pessimeq; facturos ac sibi consulturos si pedem reser-
rent. Etenim quis non videt optimè factum, quòd
ab inanimis idolis, & à falsis fictiq; numinibus, ad
Deum vivum verumq; se converterint, & illi relictis
huius sese cultui atq; obsequio penitus addixerint?
Quam verò stultum, quàmq; impium foret, Deo vivo
ac vero deserto, ad inania simulachra, ac numina
commentitia reverti? Deinde, qui non cernit rectè
eos amplexos Christum, ejusq; sanctissimam religio-
nem, & in eo fiduciam suam collocasse: cùm eum &
filium Dei esse, & à Deo à mortuis excitatum, &

nunc in cælis vivere ac regere, & inde aliquando ad
judicium venturum, certis argumentis deprehende-
rint? præsertim cum tantum ab ipso bonum sint ob-
tenturi, ut aliquando ab ignis supplicio sempiternoq;
interitu ab eo liberentur. Quanta verò stultitia atq;
adeò insania foret, eum denud deferere, & se in eo-
rum numerum recipere, quibus ultimum illud ac ma-
ximè horrendum supplicium est irrogaturus?

IN CAPUT II.

Partes ca-
pituli tres.

Hujus capituli tres sunt partes: In prima uberiùs
explicat, & confirmat id, quod superiori capite
ver. 5. & 9. breviter de suo ad Thessalonicenses
ingressu, & ratione inter ipsos vivendi indicave-
rat. Docet enim quomodo se inter Thessalonicen-
ses gesserit, quoq; animi robore, sinceritate, &
denique contentione Evangelium illis prædicarit.
In secunda ingenuam illorum in Evangelio reci-
piendo alacritatem, suæ in docendo fidei ac dili-
gentiæ egregiè respondentem, & quæ cum illa
conjuncta erat, afflictionum patientiam, denud
commendat, usque ad ver. 17. In tertia excusat
se, cur ad eos, uti statui ipsorum, ac salutis ratio
in tam gravibus afflictionibus postulare videba-
tur, non venerit; idq; non defectu voluntatis, aut
amoris ac studii erga illos sui, sed ob impedinen-
ta sibi à Sathana objecta, factum fuisse docet.

Nexus ca-
pituli hujus
cum prioris.

v. 1. Ipsi enim scitis. Indicavimus jam paulò
antè, hoc caput cum prioris ita connecti, ut quod su-
perie-

perioru cap. ver. 5. de sua inter Tessalonicenses conversatione innuerat, hic apertius, & quasi per partes declaret, que verò asseruerat ver. 9. confirmet; quasi dicat. Et rectè quidem, cum Macedones & Achaei omnes, tum omnes etiam illi ad quos fama huius rei pervenit, ista commemorant, nec quicquam in ea re fama in majus, ut solet, auxit: sive nostras, qui vobis Evangelium predicavimus, sive vestras, qui illud amplexi estis, personas spectes. Ac nos quidem quod attinet, ipsi scitis. vestram ipsorum appello memoriam, vos ipsos in testimonium advoco, cum probè nòritu introitum nostrum ad vos. i. e. quomodo nos gesserimus inter vos, toto illo tempore quo apud vos degentes Evangelium vobis annunciamus, ab illo usque tempore, quo oppidum vestrum sumus ingressi: quia, vel quòd non vanus fuit: scilicet introitus. i. e. quòd commoratio nostra inter vos, Evangeliiq; predicatio, non fuerit vacua illi argumentu, quæ vobis veritatem doctrine, quam predicabamus, persuadere, & vos ad illam amplectendam pertrahere poterant; ac proinde nec effectum etiam ac eventum optato caruerit. Non fuit, inquam, vanus, sive consideres efficaciam respectu predicantium, sive successum respectu audientium. Ad prius, ut sequentia verba indicant, potius respexisse videtur, effectum pro causa ponens; sed tamen ita, ut nec ipso effectus, quod ex secunda capituli parte apparebit, excludatur; ut veluti consulto hac voce usus videatur apostolus, quæ utriq; sensui faveat, unius propositio-

Prima capituli pars ad v. 13 conversationem inter Thessalonicenses Pauli commendans.

Ab his virtutibus, quæ in illo conspiciuntur certitudinem illius doctrine demonstrant.

nū vinculo, quæ postea in duas veluti partes disseſci-
tur, membra capitū duo connectere volens.

Quo artifi-
cio hic pro-
ductæ.

Earum pri-
ma Fortitu-
do in prædi-
cando et in-
victum ani-
mi robur.

v. 2. Sed antè passi: Probat id, quod antece-
denti versiculo asseruerat, nō caruisse videlicet præ-
dicationem suam in argumentū, quæ doctrinæ ipsius
certitudinem ab oculis ponere, & Thessalonicenses
ad eam amplectendam allicere poterant. Quæ qui-
dem argumenta ita producit, ut unum ex alio velut
deducens, & alteram in alterius patrocinium ad-
vocans, inter se devinciat, & rationem quandam ex
iis conficiat, dum videlicet semper posterius à priori
pendens, novum quid illi adjicit. In fronte autem col-
locat fortitudinem, & invictum in annuntiando
Evangelio animi robur, ut quæ longè maximam vim
ad eorum mentes expugnandas habuerit; dum scili-
cet viderent Paulum cum suis comitibus, nec illis
quas Philippis proximè pertulerant afflictionibus
fractos, nec instantibus Thessalonice periculū deter-
ritos, in prædicando publicè Evangelio constantissi-
mè perseverasse. Erat enim evidens argumentum
fidei ac sinceritatis ipsorum in doctrina Christi pro-
mulganda, & ea illos suspicioneus apud cordatos li-
berare facile poterat, quasi aliquid fingere, aut com-
menta sua aliis obtrudere vellent, quemadmodum et
sequentia ostendunt. Causam enim procreantem i-
stius fortitudinis subjicit, nempe sinceritatem suam,
animiq; candorem, ut suo loco apparebit. Sed antè
passi, & contumeliis affecti. i.e. sed licet & pau-
lè antè quàm pedem Thessalonicam intulimus, mul-

ea eo ipſo tantum nomine quod Evangelium prædi-
caſſemus paſſi, multiq; contumeliis affecti adeo eſſe-
mus, ut ipſa tam recentis calamitatis recordatio,
nos ab urgendo propoſito deducere facile poſſet. ſi-
cut ſcitis Philippiſ. i. e. quod non eſt neceſſe vobis
juſtius referre, cum ipſimet optimè ſciatū, quæ nobis
contigerint Philippi, ejusdem regionis urbe, vide
Act: 16, 12, & ſeqq. libertate uſi fuimus. i. e. nihi-
lominus tamen adeo confidenter & intrepidè apud
vos egimus: ut animum noſtrum ſupra omnia ejus-
modi mala eſſe, omnibus appareret. in Deo noſtro.
i. e. freti auxilio Dei, cujus ſervi ſumus, cujuſq; nego-
cium egimus. vel, Deo ipſo animum nobis ac robur in-
ſpirante. loqui apud vos Evangelium Dei. i. e.
ut prædicaremus vobis Evangelium, cujus cum au-
thorem Deum ipſum eſſe ſciremus, promotorem etiā
futurum non dubitabamus. In multo certamine,
licet multos gravesq; haberemus adverſarios, cum
quibus eſſet decertandum, & ſtatim multa nobis pa-
tienda eſſe. ac longè graviora inſtare liquidd vi-
deremus.

ver. 3. Nam exhortatio noſtra. Expreſſurus
cauſam illius fortitudinis, quæ fuit Fides & ſinceri-
tas in prædicando, primò ejus contraria, quæ illam
fortitudinem infringere poterant, remouet; quaſi di-
cat: Non ſolum enim de fundamento, cui hac doctri-
na, quam propagari cupiebamus, niteretur, luculen-
tiſſimè perſaſi, ſed nobismetipſis optimè conſcii era-
mus; ut quorum exhortatio, quæ videlicet vos ad

Cauſa for-
titudinis i-
ſtus: Alte-
ra Pauli vir-
tus Fides &
ſinceritas
in prædi-
cando.

Apparuit
enim alie-
num fuisse
ab imponē-
di studio.

Imp. stura
duplex.

Et ab omni
cupiditatis
exurgit.

Denique
Fraude ac
dolo.

renunciandum idolis & peccatis, doctrinam autem
cœlestem, & quæ illius est anima, pietatem, capeffen-
dam incitabamus, non ex imposturâ, scilicet pro-
ficiscebatur, quasi scilicet imponendi studio obtrude-
remus vobis ea, quæ aliter sese habere sciremus, aut
etiam ipsi confinxissemus. Impostura duplex est. Vna,
cùm quis in fraudem ipse inductus ab alio, falsum,
quod verum esse credit, alteri persuadere nititur.
Alterâ, cùm quis aliquid à se confictum, quodq; fal-
sum esse optimè novit, pro vero alteri obtrudit: & hic
proprie imponit, adeoq; impostor est, quod hic à se a-
molitur Apostolus. Nam de priore suspicio esse vix po-
terat. Necesse enim fuisset Paulum multa confinxis-
se, si falsa fuissent quæ docebat; nimirum se à Chri-
sto tam admirabili ratione fuisse conversum, & Ev-
angelium predicare, ac nominatim ad gentes ex-
traneas ire iussum. Hoc enim non aliunde accipere
poterat, sed ipsummet confinxisse necesse fuisset, si a-
liter se res habuisset. Neque ex immunditia, i. e.
neque proficiscebatur ex animo sordibus, & ærugine
cupiditatis alicujus infecto, avaritia puta, & ambi-
tionis. ut explicare videtur ipse ver. 5. & 6. Et si id ad
voluptates etiam extendant alii, quarum cupiditas
vitiosa, impuritas solet appellari. Sed quia de re
sanctissima, Evangelii nimirum predicatione age-
bat, quæ aliis etiam affectibus vehementer contami-
natur ac polluitur, videtur nomen hoc latius exten-
disse. neque in dolo, in pro cum. i. e. Sed neque
in modo vobiscum agendi, ulla fraude doloq; usi su-

mu. Sinceritatem suam & fidem in predicando Evangelio indicat. Quæ tribus hiis violatur, si aut conficta quis pro veris venditet, & hoc imposturam vocavit: aut vera quidem predicet, sed non honesta aliqua causa, puta bono proximi; sed propria cupiditate impulsus: aut denique si in ipsa verorum predicatione fucum aliquem adhibeat, & in modo agendi fraudem usurpet, atque ita honeste predicationis causæ fuci aliquid admisceat.

Fides in
predicatione
tripliciter
violatur.

1.

2.

3.

v. 4. Sed sicut probati sumus à Deo. Remotum à predicatione sua virum candori & sinceritati contrarium, quandam ipsius sinceritatis descriptionem per oppositionem subijcit, & quidem ita ut duplex simul sinceritatis illius argumentum afferat. Quorum prius valde concise proponit, hujus versu initio. Sensus est, quasi dicat; sed quem animum se in nobis invenisse Deus ostendit, cum nobis exploratum, & recessibus mentium nostrarum inspectum, Evangelii predicationis munus nobis concedidit, (neque enim hominibus callidum & fraudulentum, aut non satis candidum, tam sanctum munus committeret,) eundem etiam servamus, & in predicando Evangelio tum apud vos adhibuimus, tum ad hunc usque diem adhibemus. Vel. Quam sinceritatem in nobis vidit, & concedendo Evangelio se reperisse ostendit Deus, eam in predicando usurpamus. non quasi hominibus placentes: sed Deo qui probat corda nostra. Alterum sinceritatis illius argumentum: q. d. ita loquimur, ut illos facere par est, qui non id agunt ut hominum

Quin eum
candorem
quem ipse
Deus concedendo
Apostolatus
illi inesse
ostendit,
semper usurpavit.

Deo placere
studendo
non hominum
gratiam
auctoritatem
pando.

gratiam

gratiam aucupentur, sed ut Dei sibi favorem concilient; hunc enim nos unice querimus. Novimus autem probè, nobis, si Deo velimus placere, & ejus gratiâ potiri, omninò necesse esse, ut candidè ac sincerè agamus, non aliud verbis aut factis externis simulemus, aliud pectore clausum habeamus; quandoquidem scimus Deum, animi etiam nostri cogitata, intimosq; pectoris nostri recessus explorare, atq; inspicere, & ex illis iudicium de nobis facere. Hæc ergo cogitatio nos perpetuò impellit ut sincerè ac candidè loquamur.

v. 5. Neq; enim aliquando. Ex re atq; effectu ipso probat Apostolus id quod proximo versiculo asseruerat, nempe candidè ac sincerè se in Evangelio predicando fuisse versatum, & iis se caruisse vitiis, quæ versiculo 3. à se removerat, sinceritati contrariis. Quod si ad illud solùm quod versiculo præcedente dixerat Apostolus, se non id agere ut hominibus placeat, comprobandum, hæc verba reserere volueris; non multùm pugnabimus. Ita autem id probare censendus erit, ut removeat à se tum modum agendi quo animi hominum pignerantur, tum causas propter quas eorum favor captari solet. Illud præstat in his verbis. Neq; enim aliquando in sermone adulationis facti fuimus. i. e. Neq; enim unquam vobis supparasitati, aut eo sermone ad vos usi sumus, qui assentationem aliquam redoleret. Sed eadem etiam verba ostendunt, eum nullo dolo, nulla fraude atq; astutia, ut vers. 3. dixerat, fuisse usum. Sicut scitis.

Ve qui nullo
li Thessalo.
nicensium
supparasita-
tus est.

Scitis. i. e. id quod ita se habere, vos ipsi luculentissi- Ipsis etiam
mi nobis testes esse potestis. Meminerant enim nun- testibus.

quam Apostolum eos præter meritum laudare, aut ad ipsorum peccata vitiaq; connivere solitum, sed ea liberè reprehendisse, & eos qui meruerant, nullo personarum discrimine, verbis castigasse. Rationem ab ipsorummet testimonio petitam, ideoq; apud ipsos longè firmissimam, adjicit. Hoc verò, nempe ut causas propter quas favor hominum captari solet, removeat, in sequentibus præstat. Quod quia duas partes habet, cum favor hominum vel corradendarum opum, vel etiam ambitionis studio colligi soleat; utriusq; suspicionem separatim à se removeret, & eadem operâ id probat quod versu 3. asseruerat, hortationem doctrinamq; suam, non profectam esse ex impuritate, seu affectu aliquo turpi, & à muneris Apostolici ac doctrine Evangelicæ sanctitate abhorrenti.

Neq; in prætextu avaritiæ. i. e. neq; verbi divini Nec enim
predicatione ad nostra privata incrementa, remq; predicatione
augendam sumus abusi, ut sub specioso religionis ac ne ad avaritiam ab-
salutis vestræ prætextu, avaritiam nostram exple- usus.

remus, sensimq; in animos vestros irrepentes, num-
mus vos emungeremus. Deus testis. i. e. Cujus rei
Deum ipsum, qui cordium scrutator est, testem advo-
co. Avaritiæ suspicionem amolitur juramento, cum
adulationis crimen solo ipsorum testimonio repulsi-
set, quia hoc, ut manifestius, ab aliis quoq; facile de-
prehendi potest, illud verò multas latebras & sinuo-
sos anfractus habet. Quare juramento se purgat, ne

Deo ipso
teste.

Cur Paulus
avaritiæ
suspicionem
juramento
à se amoli-
tur.

qua

qua in alicujus fortè animo suspicio hæreat, utut Apostolus non possit avaritiæ convinci, non tamen protinus ab ea immunem esse.

v. 6. Nec quærens ex hominibus gloriam.

Nec gloriam ex ea venabatur & quoquam.

i. e. Sed neq; etiam gloriam ex eo nobis ullam venabamur; Ne quis fortè ita nos avaritiæ crimine liberet, ut tanquam ventose gloriæ ancillarios, os populi mereri, & volitare per ora virum, cupivisse insimulet. Addit, Neq; à vobis, neq; ab aliis. i. e. à nullo penitus; ne quis & hic cavillari posset; non respexisse quidem Apostolum ad Thesalonicensēs, quod nomen sibi apud illos illustre compararet, respexisse tamen ad alios, à quibus propterea summis laudum encomiis celebrari posset, quod in suam sententiam Thesalonicensēs tam celebri urbis incolas pertraxisset.

v. 7. Cū possemus in pondere esse. ἐν βάρει.

Vnde nec propotestate sua victum ab illis exegit.

περί βάρει, vetus interpres, oneri esse: quam lectionem retinet & propugnat Beza, ita tamen ut imprudens ad illam quæ nobis verisimilior videtur, sensim delabatur; cū ait ἐν βάρει, huc refero, quod cū suo jure uti potuissent, sicut in Epistola utraq; ad Corinth. Paulus testatur, & Ecclesiarum sumptu vivere, suis tamen manibus victum quesivissent, manifesto sanè argumento, se ab omni tum avaritia, tum ambitione maximè esse alienos. Atqui id sine indicatione authoritatū & potestatiū Apostolorum fieri non poterat; id quod vocibus oneri esse minimè innuitur, ut quæ solum alicujus in erogandis sumptibus,

tribus, ut ita dicam gravamen ob oculos ponant. Rectius itaq; ἐν Βάπτει εἶναι interpretabimur in pondere esse: quasi dicat, Licet enim possemus pro auctoritate & potestate nostra vobiscum agere, & jure nostro vobis præcipere, ut nos propriis sumptibus sustentaretis. Ut ita vocula ista utriq; membro versus antecedentis opponatur, confirmetq; id quod ultimo loco gloriam se ex hominibus non querivisse dixerat. Quod illum omnino respexisse antithesis ipsa sequentium indicat. Ut Christi Apostoli. i. e. tanquam ii, qui sumus legati ejus qui vester Dominus est, eoq; summo honore digni; digni qui vestris sumptibus, sine ullo nostro labore ac molestia aleremur, ac liberallyter sustentaremur. Sed facti sumus lenes in medio vestrum. In his verbis tertiam sibi virtutem tribuit, quam Thessalonicensibus probavit, nimirum lenitatem ac humanitatem, que si vera est, à modestia sejungi non potest, sed eam quodammodo in se includit. Que causa est cur eam opponat iis factis, que, si vitiosa sint, ad arrogantiam aut ambitionem spectant. Itaq; modestiam illi potius, quam mansuetudinem videtur opponere debuisse. Sed quia Apostolus veluti catenam quandam, ut antea diximus, necesse voluit, maluit virtutem modestie vicinam, & cum eâ arctissimo vinculo nexam, factis illis opponere; ut ita non uni virtuti immoraretur, sed ab alia ad aliam subinde transfret. Sensus verborum est: Sed nullo supercilio, nulla verborum acrimonia, & asperitate, que arrogantia speciem præbere posset, sumus

inter

Tertia Pauli
li virtus, le-
nitas ac hu-
manitas.

Vera huma-
nitas mode-
stiam in se
includit.

inter vos usi, multumq; de nostro jure remittentes, in
 iis etiam rebus, lenitatem, mansuetudinem, huma-
 nitatem nostram vobis approbare studuimus, in qui-
 bus minimè vobis obstricti eramus: ut omnem à nobis
 ambitionis suspicionem amoliremur, ac mansuetudi-
 ne potiùs, comitate, & demissione, animos vestros no-
 bis conciliaremus, quàm auctoritate premeremus,
 jurisq; nostri stricti à usurpatione, vos à nobis abalie-
 naremus. Tanquam si nutrix foveat suos ipsius
 filios. i. e. Ita comiter, ita blandè vobiscum agentes,

Paulus cum
 Thessaloni-
 censibus e-
 git ut age-
 re solet ma-
 ter cum pro-
 le sua.

atq; solet mater nutrix cum prole sua agere, quæ vi-
 lissima ac admodum sordida ministeria prolis sue
 causa non dedignatur; nec sua, sed ea quæ fetus sui
 sunt querit, soli ejus fomentationi, & alimentis uni-
 cè intenta. Illustrat quod superius dixerat, à simili,
 & auget mensuram lenitatis sue, ponens eam quæ in
 matribus erga proprios foetus conspicitur. Nutrici e-
 nim nomine, non semina nutriendo infanti mercede
 conductæ, aut pretio emptæ, sed mater infantem a-
 lens significari videtur.

Quarta vir-
 tus Pauli
 charitas ar-
 dense erga
 Thessal:

v. 8. Ita cupidi vestri. i. e. vestris usibus & in-
 crementis ita addicti. Quartam huius verbis sibi virtu-
 tem adscribit, Charitatem videlicet erga Thessalo-
 nicenses ardentem: quæ causa quoq; fuit illius, quæ
 erga eosdem usum se fuisse versu præcedenti dixit,
 lenitatis, ac modeste comitatis. Comprobat autem id
 quod de sua erga illos charitate ac studio dixerat, ab
 effectu, per collationem imparium, dum ait, aveba-
 mus tradere vobis non solum Evangelium
 Dei,

Dei, sed etiam nostras ipsorum animas: *i. e. ut parati essemus, non Evangelium solum, quod nobis Deus concedidit, quodq; ipsius propriè donum & beneficium est, vobis tradere, hoc est ejus cognitione vos imbueret; sed nosmet ipsos vitamq; nostram vobis emolumentisq; vestris penitus devovere, & consecrare, seu vite etiam nostræ jacturâ vestris usibus, salutisq; vestræ servire. Quoniam chari nobis facti estis. i. e. quia eximio in vos amore flagramus, vosq; egregiè hanc animo nostro habuimus. Causam proximè nominati effectus aperit.*

v. 7. Memores enim estis. Cùm ea, quæ ultimo loco dixerat, tum etiam remotiora, (non enim est insolens Paulo ut unicâ voculâ γὰρ, non proxima tantum confirmet, sed etiam ad superiora respiciat,) comprobat ab effectis, laboribus videlicet suis: atq; i. e. ra quintam precedentibus virtutem annectit, nimirum laborum tolerantiam, & in munere fungendo diligentiam. Quod ipsum rursus, primò ipsorum testimonio roborat, dum ait memores estis: deinde ipsos labores suos exprimit, eosq; duplici generis, sed utrosq; Thessalonicensium gratiâ susceptos. Alii enim manuum erant, alii animi ac lingvæ, hoc est labores docendi ac predicandi Evangelii. Priores ita exprimit, ut eorum simul gravitatem ostendat, dum non contentus una voce laboris, addit & fatigationis, quòd priori significantius est. Nam potest esse labor sine fatigatione ac lassitudine. Deinde & assiduitatem, cùm ait. Nocte enim & die operantes.

Quarta virtus Pauli, Laborum Tolerantia et inobeundum, muere diligentia.

Labores Pauli in Thessaloniam gratiam.

Alii manuum quoque graves et assidui.

C

id est,

cur suscep-
ptus

Altilin-
gus.
Prædicatio
Evangelii.

Titus du-
plici videl.
iptorum &
De testi-
monio com-
probat.

i. e. sine intermissione; Non quidem quasi nunquam interjungerent, & à labore requiescerent, quod erat impossibile; sed quòd quicquid superesset à prædicandi Evangelii labore, ac necessaria quiete, viriumq; refectione temporis, id totum labori huic impenderent, ut quo seipsos sustentarent & victum sibi prospicerent, ad non gravandum quenquam vestrum i. e. ne cuiquam vestrum molesti essemus, nec à quoquam sumptum ad vitam sustentandam necessarium exigere cogeremur. Causam exprimit cur illis laboribus tantoperè essent intentis; quia, ut mox explicat, gratis Evangelium ipsis prædicare voluerunt. Alterum igitur laboris genus adjicit. Prædicavimus in vos Evangelium *ἑῡς ἑμῶς* vel vobis per Hebraismum, qui Lamed & Beth inter se non raro permutat. Beth autem præfixum, pro ratione ac circumstantia locorum, nunc per *ἑν*, nunc per *ἑῡς* efforunt Græci: vel apud vos *ἑῡς* præposito, ut supra cap. 1. v. 5. & Hebr. 2. 3. 1. Pet. 1. 25.

v. 10. Vos testes, & Deus. Hucusq; speciales quoddā ipsorū virtutes recensuit Apostolus, quibus doctrinā ac prædicationem suā apud Thesal. commendārit, & efficacem reddiderit; nunc omnia illa velut in fasciculum colligens, in rota sua vita & actionibus universis nihil ejusmodi apparuisse ostendit, quod prædicationis, ut ita dicam, luminibus quomodo obstrueret, ejusq; cursum remoraretur, & non potius eam vehementer commendaret, ac cursum

(sum

sum ejus promoveret. Idq̃ ostendit argumento, à duplici, ipsorū videlicet, & Dei testimonio petito, quasi dicat: Quid multa? vel in summa, ut rem in paucis conseram, nec argumenta plura conquiram; vos ipsos, & ne qua suspicio forte in vobis hæreat, ipsum etiam Deum, qui abditissima quæq̃ cernit, testem omni exceptione majorem citare possum. Scitū enim vos, novit optimè ille cordium scrutator Deus, ut sancte i. e. quā nos gesserimus religiosè, quā & sermo noster, & facta omnia, summum cultum & reverentiam divini numinis spirarint, palamq̃ nostra omnia studia & conatus illius honori & gloriæ unicè dicatos & consecratos esse testata fuerint. Et justè, i. e. integrè, honestè. Iustitia enim hæc, qua se usum fuisse Apostolus indicat, (ut sæpe aliàs,) pro integritate, ac honestate vitæ in universum sumi videtur. Quanquam nil prohibet, quo minùs de justitia particulari, ut vocant, ea vox sumatur: quasi dicat, omnibus, scilicet proximis, suum cuiq̃, tribuendo, neminem ulla injuria afficiendo, imò unicuiq̃, quantum in nobis erat commodando; quanquam hoc postremum ad benignitatem potiùs spectat. Et inculpate vobis credentibus. consequens hoc est priorum. Qui enim sanctè ac justè vivit, is etiam vivit inculpate. q. d. nihil prorsus in sermonibus aut actionibus nostris apparuit, quod vestram etiam qui credidistis, ac proinde majorem notitiam recti & pravi teneris, nedum extraneorum ullam reprehensionem meritis incurrere posset; sed eam semper orbitam pressimus,

nempe quod
sanctè.

Iustè.

Et inculpa-
credentibus
vixeris.

ita mores nostros, ad ejus quam prædicavimus doctrinæ amussim exegimus, ut nihil in nobis culpæ habentes, exempla à nobis tutissime capere possent.

v. 11. Sicut scitis. i.e. Prout & hoc etiam scitis.

Ostendit Apostolus, ita eos vitæ ipsius testes esse, quemadmodum fidelissimæ institutionis, & diligentissimæ animarum ipsorum curæ. Quam ita sibi tribuit, ut effusum in illos amorem studiumq; suum, quod uberius versu 8, declaraverat, repetat, quo modo unumquemq; vestrum sicut pater filios suos, hortantes vos scilicet: eramus, vel fuimus; Ellipsis verbi substantivi, vel Hebraismus, quo participium ponitur pro verbo, seu indicativo. Pronomen autem vos redundat: præcesserat enim unumquemq; vestrum. Significat autem his verbis, se paternam planè pro salute Thesalonicensium curam gessisse, & paterno amore, affectu, ac sollicitudine, eos non tantum generatim omnes nunc monuisse, nunc solatum fuisse, sed etiam singulos cum opus esse videret nominatim; & in ipsis monitionibus, verbis quoq; usum esse paternum plane affectum spirantibus. Effecta autem paterni sui in illos affectus, ac pie pro salute ipsorum sollicitudinis, duo exprimere videtur; quam eorum alterum duobus verbis describitur, quorum alterum altero est ἐμψαλίσκωτερον. Prius est

Paternam
pro Thessa-
lonic. solli-
citudinem
exprimens.

1. Hortan- do. hortari, quod postea exprimitur significantiori, ac
2. Obtesta- do. prægnantiori verbo obtestari, quod servorem quendam ac studium Apostoli, quod in adhortando adhibuerit, exprimit: significat autem origine inspectis

testibus

testibus adhibitis aliquem monere aut rogare; sed sumitur simpliciter pro graviter hortari, aut enixè rogare. Posterius est consolari. Cum enim veritatis causâ affligerentur, etiam consolandi erant, & hac ipsa ratione ad patientiam ac constantiam animandi atq; excitandi. Quanquam vox Græca παραινέσκει etiam adhortationem significare solet; quo pacto eandem rem tribus vocibus describeret, eo ipso suum in ea re studium ac diligentiam expressurus. Et sanè, quia ea vox inter duas alias est posita, adhortandi vim ac significationem quandam habentes, non sat congruens videtur, ut ea, voce aliam significationem habente, dirimantur. Sed tamen, si & statum Thessalonicensium, quidq; salus eorum, cum hæc ipso- rum esset conditio, requisserit; & quid paternus Apostoli erga eos affectus flagitarit, consideres: consolandi vox sat commodè interse- ritur; præsertim cum ipsa quoq; consolatio monendi vim haberet, ne ob afflictiones deficerent à fide, aut de ejus studio remitterent. ad ambulare vos. i. e. ut vitam traduceretis; (phrasi Hebræis, ut alibi notavimus usitata:) dignè Deo, prout dignus est Deus; ut scilicet in honorem ejus vita vestra cedat, & prout digna est ista vocatio, qua vos vocavit. Utrunq; enim concisa hæc loquendi ratio denotat: ut nimirum & ad Deum ex factis nostris honor redeat, tanto ejus beneficio dignus, & vita nostra respondeat huic statui ac conditioni nostræ, sitq; illi felicitati conveniens, ad quam vocatione divina nobis aditus aperitur.

Obtestari
proprie
quid sit.
3. Conso-
lando.

Consolatio
monendi
vim habet.

Ut dignè
Deo ambu-
larent,

Finem anxie de illi cura sue exprimit; qui porro ulteriorem respicit, quem satius expressit descriptione Dei proposito ipsius valde apposita. Ea enim rationem exprimit, ob quam illi vitam dignè Deo traducere debeant, nempe quia vocavit vos in suum ipsius Regnum & gloriam. i. e. qui vobis obtulit non rem aliquam levem, aut minimè tanta vitæ integritate dignam, sed id quod ipsius est, quodq; summum apud ipsum est; regnum videl: & gloriam suam, quibus participatio illa natura divina, & vita aterna, cum celestium bonorum affluentia & summa gloria conjuncta describitur. Regnum enim pro beatissimo habetur statu. Gloria autem gloriosissimum statum ac conditionem hic denotat. Quæcunq; autem Apostolus hucusque de se dixit, eo spectant, ut ipsius tum personæ, tum doctrine sua constet apud Thessalonicenses autoritas, nec ulli ii se machinis ab ea dimoveri patiātur.

Propter sum-
mum illius
in ipsos be-
neficium.

Obtulit e-
nim eis re-
gnum

et gloriam.

Altera ex-
plicit pars,
quæ Thes-
salonic. in
recipienda
Evangelii
di. Grina a-
lacritatem
Pauli labo-
ribus respō-
disse doce-
tur.

v. 13. Propter hoc Transit Apostolus ad secundam capituli huius partem, ostenditq; ex Thessalonicensium etiam parte non fuisse vanum, neque successu suo caruisse, suum ad illos introitum, ipsorumq; alacritatem in recipienda veritate, fidei, ac diligentie ipsius, quam in Evangelio ipsis prædicando adhibuerit, egregiè respondisse. Qua quidem in re ipsorum Thessalonicensium insignis commendatio continetur. Vocula propter hoc, significat in præcedentibus causam contineri, ob quam gratias Deo agat, licet eam non contentus aliam adjiciat, cum ait: quoniam accipi-

accipientes &c. Duas enim sibi causas esse indicat, quæ se ad gratias agendas impellant, quarum prior in ipso sit aut fuerit, posterior in Thessalonicensibus. Quæ quidem posterior simul materia erat atque argumentum gratiarum actionis. Priorem jam explicuit, indefessum videlicet & pertinax in iis Deo mancipandis studium. Tanto enim charior unaquæque res nobis esse solet, tantoq; acrius ad gratias Deo pro ea, si voto nostro responderet, agendum excitamur, quanto majori nobis impendio constat. Posterior est ipsorum in Evangelio alacriter & animose amplectendo ingenuitas. Et nos: vobis nota est, aut comparandi nota est, quasi dicat: Non solum vos, sed & nos. Aut tantum res diversas connectendi; paritatem veritatis superiorum cum posterioribus indicans, ut Col: 1. 9. Gratias agimus Deo indefinenter, scil. pro vobis, de quo supra vidimus cap. 1. 3. Laudaturus eos, initio effectum quendam in se, cum ex labore circa illos suscepto, tum verò ex illorum virtutibus ortum exprimit, qui & affectus in eos Paulini ingens erat documentum, & ipsi eorum commendationi pondus addebat. Ut enim egregie charos Paulo necesse est fuisse eos, pro quibus ille Deo gratias ageret indefinenter, ita nec vulgares, sed excellentes eorum virtutes, quibus ad tam jugem gratiarum actionem excitaretur: quasi dicat, quanto autem acrius vobis Christo consecrandum insudavi, & quanto majori virum contentione in id conmixus sum, tanto majori persunder latitiâ, tam seli-

Nexus enim
cum parte
prima.

Qua tanta
fuit, ut gra-
tias Deo
Paulus age-
ret pro illis.

tem in vobis successum animadvertens, adeò, ut semper mihi in ore sitis, quoties Deo meo adgeniculor, gratiasq; pro vobis agam sine intermissione, quoniam accipientes verbum auditus à nobis. Ver-

*Accipere
pro edoce-
re.*

*Receperant
quippe Ev-
angelium,
non ut ser-
monem ho-
minum.*

*Verbum
auditus.*

*Exempla
ubi deest
particula
ὅς.*

*Sed tãquam
verbum
Dei.*

bum accipientes, *Gracè παραλαβόντες*, vel, nihil aliud hoc loco significat, quàm edoceri, erudiri, quo pacto tradere & accipere sunt correlata. (vide 1. Cor: 11. 27.) vel significat assensum præbere & amplecti. neque enim huic posteriori interpretationi obstat, quod sequitur ἐδέξαθη excepistis, seu recepistis, in quo assensus ille continetur. Nam non simpliciter ibi dicitur eos recepisse sermonem illum, sed additur: non ut sermonem hominum, sed Dei. quasi dicat, cum doctrinam illam amplexi fuissetis, & assensum ei præbuissetis, non amplexi fuissetis ut hominum inventum, sed ut doctrinam divinius profectam. verbum vel sermonem auditus, vocat doctrinam, quam ex ore loquentis Pauli auribus suis hausissent. Dei. i. e. quod verbum seu sermo est Dei, hunc authorem habet. excepistis non [ut] verbum hominum. i. e. non ita illud recepistis atque solent recipi humana inventa & commenta, seu non quasi humanum aliquid, ac idedò minùs curandum, estis amplexi. In Græco deest particula ὅς, [ut 2. Pet: 2. 4. Psal: 11. 1. 14, 4: 22. 14; 68. 18: Osee 7. 5.] Sed sicut verè est verbum Dei. i. e. Sed tanquam verbum Dei, quemadmodum etiam revera verbum Dei est. Receperant autem doctrinam Evangelicam ut divinam.

divinam; quia, ut in seqq. dicitur, ab ea recipienda nulli periculis, nulli afflictionibus passi sunt abster-
 rer; sed omnia alacri animo doctrinæ illius causâ ^{quomodo id intelli-}
 sustinenda sibi iudicârunt, ac re ipsâ etiam suslinue-
 runt; ut versiculo sequenti declarabitur: Hoc enim ^{gendum.}
 nequaquam fecissent, nisi doctrinam illam divinitus
 profectam fuisse iudicâssent. Nam cur, si hominum
 inventa esse putâssent, in tantum dâcrimen tantasq;
 angustias se coniecissent. Illud ergo dum fecerunt,
 sermonem illum ut divinum sese amplecti clarissimè
 sunt testati. Illorum autem sive factum, sive de do-
 ctrina hac iudicium, comprobatur, dum subjicit: qui &
 operatur in vobis. Pronomen relativum qui, vel
 ad sermonem, vel ad Deum proximè nominatum
 referri potest. Si ad sermonem Dei referatur, effe-
 ctus ex illa, tanta cum alacritate, fortitudine, ac pa-
 tientia, verbi divini réceptione proficiens expri-
 metur; ut ex suavitate fructus facti eorum præstan-
 tia tantò magis elucescat, quasi dicat: Cujus quidem
 facti vestri rationem vel ex ipso effectu animadver-
 tere potestis, quem in vobis operatur verbum Dei,
 nempe virtutibus iis, quæ in vobis post agnitam veri-
 tatem resplenduerunt, & ad hanc usque diem con-
 spiciuntur. Nisi malis statuere, Apostolum ex effectu
 probare, eos doctrinam suam non ut humanam, sed
 ut divinam recepisse, quia uberrimos in iis pietatis
 ac virtutis fructus proferat; quos non proferret, si e-
 am non ut divinum, sed ut humanum quoddam in-
 ventum recepissent. Sed haud scio, an satius sit de i-

Quod iudicium illorum
 Deus spiritu suo illis
 infuso approbavit.

pro Deo, cuius pro- imè fuerat facta mentio, id acci-
pere, ut ex hoc effectu, Deum revera sermoni illius
authorem esse, intelligatur. Duo enim in proximis
verbis asseruerat Apostolus. Primum est, Thessaloni-
censes doctrinam à se prædicatam, ut divinam rece-
pisse. Alterum, eam doctrinam revera etiam divinam
esse; quod posterius pertinet ad approbationem prio-
ri, seu ad ostendendum Thessalonicenses minimè sal-
sos, aut iudicio lapsos fuisse, cum doctrinam illam di-
vinam esse iudicârunt, & ut talem receperunt. Hoc
igitur posterius, tanquam accessorium, breviter ac
veluti in transitu comprobatur, Deum, cuius ille sermo
vel doctrina sit, ab effectu describens quasi dicat,
qui Deus variis Spiritus sui donis, quibus vos copiose
donavit, & quorum vi sese in vobis assidue exerit,
se istius, quam recepistis, doctrinæ authorem esse, lu-
culentiſsimè vobis ostendit & demonstrat. Prius au-
tem, quod principale hoc loco est, susciùs demonstrat
in sequentibus, ubi ex afflictionibus, quas doctrinæ il-
lius causâ pertulerant, eam illos ut divinam rece-
pisse demonstrat.

Illi verb
patientia
suâ manife-
stârunt.

Iudaicarum
in eo Eccle-
siarum imi-
tator es,

v. 14. Vos enim imitatores facti estis. Ra-
tionem, ut diximus, ejus quod de Thessalonicensibus
asseruerat, affert ab effectu, quem illustrat à simili.
Suprà cap: 1. 2. 6. eos cum Christo, & secum conta-
lerat, ipsos imitatores sui, & Christi fuisse asserens;
nunc eos cum Ecclesiis in Iudæa existentibus confert,
ejusdem patientiæ, & afflictionum tolerantie no-
mine. Ecclesiarum Dei, quæ sunt in Iudæa in
Christo

Christo Iesu. i. e. quæ ad Christum Iesum pertinent, eiq; additæ & consecratæ sunt, ut cap: 1. 1. ad distinctionem Synagoge Iudaicæ, quæ Dei etiam Ecclesia suo tempore fuit, sed non Christi; quasi dicat, illarum Ecclesiarum, quæ ita illi Deo vero adherent, eumq; venerantur, ut simul Filium ejus Dominum Iesum agnoscant, in eum credant, eumq; colant. quia eadem passi estis. Eadem, sive genere, sive specie: id est, illi similia; sive etiam prorsus talia. a propriis contributibus: i. e. ab ejusdem sive lingue, sive nationis hominibus, sicut & ipsi à Iudæis, nempe infidelibus, qui interdum nominatim Iudæi appellantur, ad distinctionem Christi discipulorum, quod apud D. Iohannem est frequens. vide etiam 1. Cor: 1. 22, 23, 24: 10, 22.

Eadem vi-
del à suis
passi.

Quæ illæ à
Iudæis in-
credulis.

v. 15. Qui & Dominum. Quia mirari poterant Thessalonienſes, qui fieret, ut Iudæi, qui Dei & legis ipsius notitiam haberent, eò improbitatis progredierentur, ut homines Christianos, quorum religio nil nisi meram spiret pietatem, persequerentur; alia adhuc addit majora isti, quod commemorarat, eorum factis ceteroqui similia, quæ admirationem illam quodammodo tollunt, & minimè mirandum esse docent, Iudæas eò impietatis ac crudelitatis progressus, ut Christi discipulos persequantur, cum majora etiam fuerint ausi. Nam, inquit, et Dominum ipsum, nempe Iesum, ipsum Christianorum Regem ac magistrum, Dominum illum gloriæ, principemq; salutis occiderunt; quid mirum igitur si membra etiam sex-

Quos talia
patrare non
mirum.

Quia & ipsi
Christum.

Imò propri-
os etiam
Prophetas
occiderunt,
licet scripta
eorum ex-
osculentur.

Scriptura
solet indi-
viduis &
personis at-
tribuere,
quod eidē
generi seu
populo
competit.

Et Aposto-
los perse-
quebanur.

Deniq; nec
Deum cu-
rant.

am servosq; ejus persequantur? Ac ne quis cogitaret,
hoc ab iis fortè ideò factum, quia fraudem aliquam
ac dolum, in ipso ejusq; doctrina deprehendissent; ad-
dit Apostolus, & proprios Prophetas, quos ipsi pro
legatis Dei agnoscunt, quorumq; memoriam vene-
rantur, & monumenta iis extruunt, scripta ex oscu-
lantur, & pro divinis habent. Quod auget improbi-
tatem eorum, cum nullam hic excusationem sceleris
suo prætendere possint. Intelligenda autem hæc sunt
nō de iisdem personis seu individuis, sed de eodem ge-
nere seu populo. Neq; enim iidem Iudei, seu eadem
planè personæ fuerunt, quæ Christum, & quæ Pro-
phetas occiderunt: sed idem hominum genus, seu ejus-
dem gentis homines. Similes loquendi modi non raro
in sacris litteris occurrunt. Et huic quidem planè
geminus extat in verbis Christi. Math: 23. 35. Vido
Ioh: 6. 32. Act: 3. v. 22. ex Deut: 18. 1. Cor: 15. 52.
& infra hac eadem Epistola ad Thessalonicenses
cap: 4: 17. Plura exempla vide apud Soci: contra Pa-
leologum, cum disputat de verbo Audistis cap: 5.
Matthæi aliquoties repetito. Et nos persequentibus.
i. e. quin & nos, legatos Christi, licet tot signo-
rum miraculorumq; testimoniis conspicuos, oderunt
& persequuntur. Amplius, & Deo non placent.
i. e. imò nec Deum quidem ipsum curant, neq; quo-
modo ejus gratiam promerereantur elaborant. Non de
eo enim videtur loqui, quomodo erga ipsos affectus sit
Deus, sed quomodo illi erga ipsum sint animati, ut &
antecedentia, & consequentia ostendunt, in quibus

non

non quid Iudæis fiat, ſed quid ii faciant exprimitur, & omnibus hominibus adverſantur. i. e. & omnium hominum in ſe odium provocant, non ſtudiis & amicitia, ſed inimicitia & ſimulatibus cum illis certantes, & odioſis factis eos irritantes, ac adverſus ſe concitantes, quaſi dicat: Et ut rem in pauca conferam; nec Domini favorem ambiunt, & hominum ſtudia factis ſuis prorsus à ſe abalienant. Tales igitur cum ſint, taliaq; cum non in Dominum ſolum, noſq; ipſius legatos, ſed in ſuosmet etiam prophetas designarint; quid mirum ſi improbitatis ſue virus in alios Chriſti ſectatores evomant.

Et omnibus
hominibus
adverſatur.

v. 16. Prohibentes nos gentibus loqui ut ſerventur. i. e. qui agerrime id ſerunt, neq; patiuntur nos gentibus extraneis id annunciare, quo pateſcat illis aditus ad ſalutem, atq; illos hortari, ut amplectantur iſtam doctrinam, cujus vi atq; ope ſalutem poſtea, ſi ipſi cōſtanter adheſerint, conſequantur. Ab effectu ſpeciali, & valde quidem inſigni oſtendit, quod aſſeruerat, illos adverſari omnibus hominibus, de quo vide Act: cap: 13. v. 45. 50. cap: 14. v. 4. & d. & v. 19. cap: 19. v. 19. cap: 22. v. 21. 22. & nominatim etiam cap: 17. v. 4. 5. & d. ubi quid in ipſa Theſſalonicenſium urbe contigerit narratur. In vocibus iſtis ut ſerventur, eſt metonymia effecti, pro, loqui ut amplectantur doctrinam, per quam poſtea ſerventur ad implendum ſua peccata ſemper, i. e. ut adimpleant, quemadmodum ſolent, meſuram peccatorum ſuorum; ne quid illis de ſumma improbi-

Vnde nec
Evangelium
gentibus
annunciari
patiuntur.
ſalutem i.
ipſis invi-
dentes.

Vt meſu-
ram ſuam
improbi-
tatis imple-
ant.

talit

*Implere
peccata
quid?*

*Sed non fe-
rent ista im-
punè.*

*Voces in
finem quid
significent.*

ratu sue desit. Verba hæc non finem denotant quem ipsi haberent sibi propositum: sed effectum qui sponte ex illorum improbitate consequeretur, licet illi id minimè cogitarent. Simili loquendi modus notatur ab interpretibus, Gen: 15. 16. Nondum completæ sunt iniquitates Amorrhæorum, & Matth: 23. 32. & vos implete mensuram (intellige impietatis, aut crudelitatis) patrum vestrorum, quasi dicat: id quod adhuc deest patrum impietati aut crudelitati, ut in supplicium erumpat, addite, ut ita in vos impietatis illius pœna effundatur, nec differatur amplius rebus jam maturis. prævenit autem super illos ira in finem. i. e. sed non finet hanc tantam eorum improbitatem impunitam Deus: quia imminet illis, imò jam illos occupavit indignatio Dei, quæ super illos mansura est, in finem. i. e. indefinenter, perpetuò, ut Lucæ 18. 5. Respondet id Habræo Lanetsach, ut est ab interpretibus quibusdam notatum. Id enim verti solet à Græcis εἰς τέλος. vide Psalm: 13. 1:44, 23:74. 1. Vide. & Syr: 10, 15, & ibidem Drusium. Adjicit hæc verba, ne impunè laturos hanc suam malitiam Iudeos arbitrarentur; ut ita omnem hac de re sinisterius cogitandi, & exinde vel de providentia divina, vel de veritate doctrine Christi, quam Iudei tandiu impunè infestent, dubitandi, ansâ præcidat; quemadmodum & 2. Thess: 1. 6. Iustum esse apud Deum ait retribuere tribulantibus eos tribulationem &c.

*Tertia ca-
pituli pars,*

v. 17. Nos autem fratres. Tertia capituli pars,
in qua

In qua suum erga eos studium declarat, ex ardentissimo ipsos videndi desiderio. Quod primò exprimit, deinde cur illud ad exitum non perduxerit, aperit: & deniq; causam ipsius explicat. Ad desiderii autem istius mentionem per prolepsin & occupationem quandam descendere videtur. Nam quia poterant ipsi objicere: Tu verò interea quid cogitasti; forte de nobis securus fuisti, nec te quicquam tanta angustia nostra afficiebat, aut quicquam animo ob tuum à nobis discessum commovebare? Me verò, inquit Paulus, maximoperè id afficiebat, & vehementissime hac distracti nostri angebat. Nos autem fratres, quasi dicat, Et hic quidem vester fuit status: Nos autem postquam orbatu fuimus vobis, hoc est separati ac disjuncti à vobis, atq; ita non secus ac parentes distracti, à liberis, aut iis privati, orbi quodammodo facti. Verbo illo orbatu significat quàm molesta sibi sit ac fuerit hac à Thessalonicensibus distractio, & perinde eà se affici indicat, ac parentes solent liberi orbatu: quod ipsum argumento illi esse poterat, quantoperè ab ipso diligerentur, quove loco apud ipsum essent, nempe liberorum charissimorum loco. ad tempus horæ i. e. ad tempus breve: quasi dicat; paulò post quàm à vobis discessimus, cum per exiguum tempus vestro conspectu caruissemus. Facit hoc ad exaggerandum Apostoli erga Thessalonicenses amorem. Significat enim, non tum demum, cum jam diu ab illis abfuisset, illorum revisendorum desiderium subiisse, & ut ad eos redire posset se laborasse; sed paulò post,

ardentissimum eos invifendi studium, et causam, cur ad exitum non fuerit perductum aperiens.

Nexus cum superiorib.

Simul ac enim ab iis abiit, ita se affici sensio a que parentes cum liberis orbantur.

postquam ab illis discessisset. Valdè charòs Paulo fuisse eos apparet, quorum videndorum desiderium tam citò illum invaserit, & ut re ipsa ad eos redire cogitaret effecerit. Nam quæ non ita chara sunt, eorum absentiam diutiùs ferre possumus, eorumq; revisendorum desiderium lentè ac tardè solet subire.

Et aspectu
ab illis se-
junctus, a-
nimo præ-
sens illis
fuit.

aspectu seu facie, non corde, & hoc Pauli erga Theßalonicenses affectum illustrat ac commendat. Limitat enim id quod dixerat, se illis fuisse orbatum, & ostendit corpore quidem se ab illis sejunctum fuisse, sed non animo; quasi dicat; Et orbatum quidem sumus vobis aspectu tantùm, quia nimirum ora vestra contueri non licuit: at non animo ac cogitatione. Animo enim vobis semper adsui, & vos mihi; semper vos pectore circumtuli, atq; adhuc circumfero. Perpetuò enim de vobis cogitavi, & de vobis sollicitus fui. Continetur in his verbis causa seqq: hoc est desiderii ac studii Paulini, Theßalonicenses revisendi, cum quadam prolepsis. Poterant enim cogitare, Paulum postquam corpore discessisset, animo etiam discessisse, & sui memoriam deposuisse. Respondet igitur, non idèò animo excidisti, quia ab oculis fuisti a-

Vnde tantò
maior in-
vitendorum
eorum stu-
dio flagra-
vit.

moti, neq; cum conspectu vestro vestri etiam memoriam deposui, ut ab illis sit, in quorum animis affectus amoris nondum altas egit radices: sed absens etiam vestri perpetuò sui memor. Abundantiùs studuimus faciem veltram videre, quasi dicat, tantum abest, ut discessus ille meus atq; à vobis separatio affectum erga vos meum vel extinxerit, vel minue-

rit, ut etiam auxerit. Tantò enim magis fui accensus ut vos reviviscere cogitarem, & re ipsa conarer. in multo desiderio, i. e. magno cum desiderio, seu magno desiderio inflammatus atq; impulsus: quasi dicat, tantò majori cupiditate flagravi vestri videnti, ac porro operam tantò majorem dedi, ut ad vos redire possem.

v. 18. Quapropter volumus venire ad vos, Et in eo, ut illos revivisceret, aliquoties erat,
 Exprimatur hic effectus illius desiderii, cujus proximè facta fuerat mentio, cum obiectionis occupatione. Effectus est voluntas, hoc est consilium ac conatus ad Thessalonicenses eundi: quem magis illustrat Apostolus, dum de se nominatim ait, se semel atq; iterum, hoc est, aliquoties id voluisse, conatumvé esse. Id quod affectum Pauli erga Thessalonicenses eximium arguit. Sed quia dicere poterant Thessalonicenses: Cur ergo non venisti? Si redire ad nos serió voluisses, conatusvé esses, etiam rediisses. Respondet Paulus, non voluntatis defectu id factum, sed quia venire ob impedimenta sibi à Sathana objecta non potuerit: Ait enim, & impedivit nos Sathanas. Et, pro sed Sed impedivit Sathanas.
 ut alibi sæpè. Impedivit autem Sathanas, vel quia quomodo
 pericula obiecit varia, inter quæ proculdubio fuit & illud Berrhæ à ludæis Thessalonicensibus ipsi creatum, quod nisi intervenisset, potuisset ad Thessalonicenses cum in propinqua esset urbe, faciliè redire; vel quia alibi faceffivit Paulo negotium, excitando homines improbos, cum quibus depugnandum esset Paulo, ne fortè fideles quos alibi collegerat, seduce-
 D rent

rent aut corrumpere. Quare quoties Paulum in eo esse videbat ut Thessalonicenses reviseret, eosq. in fide confirmaret, animaretq., toties ei remoram aliquam iniecit, & conatum ejus impedivit. Deus autem talia non semper impedit, (qui & Sathanae, & hominum improbitati locum relictum esse voluit, nec vim illis penitus inferre deiecit,) & fidei, patientie, constantie, piorum, hac ratione exercenda campum relinquit aut aperit.

Nec im-
mò id ten-
tavit.

Erant enim
Thessalo-
nic. Pauli
spes.

Gaudium.

v. 19. Quæ est enim nostra spes aut gaudium. Causam adfert impulsivam illius sue voluntatis, hoc est consilii ac conatus ad Thessalonicenses redeundi, & hac ratione proximè dicta confirmat, ac plusquam verisimile facit, non voluntati, sed facultati atq. opportunitati defectu factum esse, quod ad illos non venerit. Causa autem hæc est, quia illi sint ipsius spes, gaudium, ac corona gloriationis. Dicuntur autem hæc per Metonymiam effecti de Thessalonicensibus, ultimum simul etiam per Metaphoram. Spes i. e. ii ob quos præmium laborum meorum, quos in prædicando Evangelio exantlo, à Domino Iesu sperare merito possum, atq. adeò spero. Cur enim non speraret à Domino præmium, quod tot homines, tam probos, quorum in fide amplectenda tanta extitisset alacritas, fortitudo, patientia, ipse lucrari fecerit, eumq. in finem tanta sustinuerit certamina, tam gravia adierit pericula, tot labores susceperit, tot devoravit molestias? Gaudium i. e. ii qui mihi gaudium adfert, quorum fides, pietas, patientia,

tia, ac constantia, summam mihi subinde adfert leti-
 tiam. Vide infra cap. 3. v. 7. 9. Quauquam etiam ea-
 tenus gaudium ipsius censeſſi poterant, quia gaudio
 ipſi olim eſſent futuri in Domini aduentu, ſiquidem
 propter eos premio eſſet à Domino donandus, ut mo-
 dò diximus. Corona gloriationis. i. e. in cauſa e- Coronæ glo-
riationis.
 ritis ut coroner à Chriſto, & premium tam amplum
 conſequar, ut de eo maximopere gloriari poſſim: vel
 laudi mihi, honori, & gloria, & nunc eſt, & olim
 eſt futuri; adeò ut non ſecus de vobis gloriari poſ-
 ſim, quàm victor de corona ſolet, imò multò magis,
 majoriq; jure, quàm quiquam de corona. Alludit ad
 premia victorum, quibus corona ſeu ſertum dabatur;
 quæ res magno illis honori erat, & non exiguam illis
 gloriandi materiem videbatur præbere. Non ſimpli-
 citer autem affirmat Apoſtolus, Theſſalonicenſes eſſe
 ſuam ſpem, gaudium, coronam gloriationis; ſed ait,
 Nonne & vos, ne alios fideles Theſſalonicenſibus
 ſimiles, quos itidem lucratus eſſet Domino, exclude-
 re videretur; ideò ait: Et ſeu etiam vos: quaſi di-
 cat; vos quoque inter ceteros. Quauquam ſequenti
 verſiculo id ſimpliciter aſſerit: non quòd excludi ve-
 lit ceteros, & ſolos Theſſalonicenſes eo loco habeat;
 ſed ſimpliciter, quòd tales eos eſſe cenſeat, vel inter
 primos eſſe exiſtimet. Deinde addit eodem verſiculo
 19. ante Dominum noſtrum Ieſum Chriſtum. Coram Do-
mino Ieſu,
idq; ultimo
die.
 ſeu in conſpectu Domini noſtri Ieſu Chriſti
 eſtis, in aduentu ejus, quaſi dicat; non apud homi-
 nes tantum mihi eſt honor ac laudi, ac porro gau-
 dii mate-

dii materiam mihi præbetis, sed etiam apud ipsum Dominum Iesum: idq; non tantum nunc, sed etiam, idq; inprimis, cum veniet iudicatum vivos & mortuos, unicuique daturus secundum ipsius opera. Tunc, inquam, laudi mihi eritis, cum propter vos coronâ illâ gloriæ, hoc est, immortalis vitæ singularisq; dignitatis præmio donabor; tunc materiam gaudii amplissimam mihi præbebitis. Itaque tacita quedam hic est amplificatio rei, à comparatis imparibus. Magnum putatur laudem habere apud homines, sed longè sine ulla comparatione majus est, laudem ac gloriam consequi apud Christum, cœlestem Regem, atque adeò apud ipsum Deum, & quidem tum cum decretorius ille dies veniet, quo præmia cuiq; pro factis digna persolventur, cum summa Regis illius majestas apparebit, cum tam illustris est futura spectatorum corona, cum præsentis aderunt universæ legiones Angelorum, & piorum hominum tot myriades. Ex quo etiam liquet, quàm charos necesse fuerit esse Apostolo Thessalonicenses, ac porro quàm credibile fuerit, magno eum ipsorum videndorum desiderio flagrâsse. & ad eos redire non semel constituisse, nec denique à consilio destitutum fuisse, nisi fuisset impeditus.

v. 20. Vos enim estis gloria nostra & gaudium. Vim præcedentis interrogationis exprimit, atque ita eandem sententiam cum asseveratione repetit. Sensus verborum ex præcedentibus patet, quasi dicat: Ita loquor, quia vos vel inter primos estis, qui mihi

mihî & ſunt, & olim futuri ſunt honori, apud Dominum Ieſum, in ipſius adventu, ac proinde inſignem mihî voluptatem ac lætitiã & nunc pariunt, & porro etiam parituri ſunt. In hac autem commendatione Theſſalonicenſium, latet argumentum valde efficax, ad permovendos eorum animos, ut quemadmodum cœperant, pergant in Chriſtiana religione proſitenda ac tuenda, neu ſpem Apoſtoli fallant, & qui gaudio ac honori hucusque fuerant, & porro futuri videbantur, dolorem ipſi, pedem referentes, afferant, remq; eò deducant, ut eorum pudere ipſum ſit neceſſe.

IN CAP: III.

Pergit in ſui erga Theſſalonicenſes ſtudii teſtificatione. Nam primum reſert Timotheum à ſe miſſum, ut eos viſeret, & quid illis fieret cognosceret. Deinde ſummã ſe affectum lætitiã, cùm Timotheus de eorum in fide conſtantia & amore erga Paulum, nuncium referret, tantoq; majori ſe videndorum illorum deſiderio accenſum. Denique vorum adjicit, ſingulari erga eos benevolentie plenum.

v. 1. Ideò non amplius. Prima capituli particula uſque ad ver. 6. porrigitur. Vbi de miſſione ad illos Timothei acturus, primò cauſam ejus efficientem indicat, atq; ita ſimul id, quod de ſuo ad eos veniendi deſiderio, ſub finem ſuperioris capituli aſſeruerat, compro-

Prima capituli pars, ad v. 6.
Cauſa miſſionis Theſſalonicæ Timotheum impellens.

Nexus cum
superiori-
bus.

comprobat. Deinde personam missi commendat. Denique finem missionis indicat, quæ itidem eidem assertioni probandæ, suoq; erga ipsos studio declarando faciunt. Ideò non ampliùs sustinentes, scilicet desiderium videndi vestri: quasi dicat: Tam altè igitur pectori meo cùm insideatis, ut glòriam vos gaudiumq; meum putem, nec verò voti mei ob Sathane impedimenta compos fieri possem; ideò cùm jam desiderio videndi vestri essem impar, nec illud ferre ampliùs possem, de eo leniendo ac mitigando cogitare cœpi, & cùm ipsemet proficisci non possem, me velut alterum, Timotheum ad vos visendos ablegavi. optimum duximus soli Athenis relinquì, maluiq; solus Athenis remanere, licet id magna cum molestia mea conjunctum esset, dummodo aliqua ratione incitatissima vos videndi voluntati meæ satisfacere possem. Significat Apostolus suum se commodum Thessalonicensium commodis postposuisse. Ægrè enim comitù charissimi, atque adeò Filii sui operâ carebat, & eum à se divelli grave erat, præsertim cùm tam celebrem urbem esset ingressus, ubi laborum sociis indigere vel inprimis videbatur. Sed maluit seipsum tam iucundo Timothei convictu ejusq; ministerio fraudare, quàm suo erga Thessalonicenses affectui non satisfacere, quemadmodum ex sequentiùs plenius intelligetur. Nota, quod de seipso loquens plurali numero utatur. Neque enim est quod putes, eum de se ac Sila loqui. Silam enim, cujus initio mentionem fecit, ipsi tùm non adfuisse apparet ex

ret ex cap. 18. ver. 5. Act: ubi Silas & Timotheus, dicuntur ad Paulum Corinthum demum venisse; de quo Timothei adventu loqui videtur infra ver. 6.

v. 2. Et misimus Timotheum fratrem nostrum. i. e. Qui nobis unice dilectus est, & tanquam alter ego: charus autem & dilectus, quia dignus: id eò addit: & ministrum Dei, & cooperatorem nostrum in Evangelio, ut auctoritatem ipsi conciliet, simulq; ex dignitate ipsius personæ factum suum commendat, suiq; in eos studii ardorem insinuet: quòd licet sibi unice charus, et maxime accommodus, imò necessarius ob laborum societatem fuerit; maluerit tamen illo ad tempus carere, dummodo affectum erga illos suum testaretur, illorumq; necessitati consuleret. Ministrum autem Dei vocat, non ea ratione, quâ omnes Christiani servi Dei sunt: sed peculiari, & in propriâ, qui præsumt Ecclesiæ, & prædicando Evangelio, ac gloriæ divinæ propagandæ unice incumbunt. Quo & non vulgarem ipsum esse fratrem ostendere vult, & singulari suo amore dignum: id quod amplius adhuc indicat, cum suum in prædicatione Evangelii locum vocat. Evangelium enim hic sumitur pro prædicatione Evangelii, ut Rom: 1. 9. & 15, 19: 1. Cor: 9, 14. imò & hac ipsa Epistola cap. 1. ver. 5. & alibi sæpè. ad vos itabiliendos & exhortandos super fide vestra. Finem missionis Timothei exprimit, qui erat, ut ipsos ad constantiam in eo quod semel fuerant professi, & invictum animi robur in afflictionibus hortaretur, atq; ita eos in si-

Commenda-
tio missæ.

Evangelii
um pro præ-
dicatione
Evangelii

Finis mis-
sionis.

1. ut eos Ti-
motheus
ad constan-
tiam horta-
retur.

D de, quam

de, quam Christo semel dederant, confirmaret, & in iis, quæ ad eam sacramentam ipsis conservandam pertinerent, instrueret. Alii legunt super fide nostra: eo sensu: super iis, quæ ad fidem, quæ mihi vobiscum est communis, pertinent.

Ne ob afflictiones animo conciderent.

r. 3. Vt nemo commoveatur ob afflictiones istas. i. e. ne quicquam vestrum turbetur, aut animo concidat, & sive de deserenda prorsus, sive etiam de dissimulanda religione Christiana cogitet, ob tantas afflictiones, quas eo nomine perferre cogimini. Finem præcedenti versiculo expressum, uberius explicat, causamq; cur de eo cogitaverit, indicat. Ipsi enim scitis. Narrationi rationem ipsorum confirmationi servientem interferit; quasi dicat: Quod quidem, etiamsi tandem Timotheum non misissem, minimè vos turbare debebat, neque adeò nunc turbare debet, ut qui habeatis exploratum, quòd in hoc positi sumus. i. e. quòd ea sit conditio omnium nostrum, quicumque Christo nomen dedimus, ejusq; sacratissimæ militiæ adscribi voluimus, & ea Dei, qui hujus religionis author est, voluntas, ut per varias afflictiones & angustias, ad cœlestis gloriæ culmen enitamur. Est autem hæc Dei voluntas non absoluta; quasi scilicet ille, homines malos esse velit, qui negotium postea nobis facessant: (ita enim author foret peccati.) Sed ex hypothese, seu suppositione, ut loquuntur, quia videlicet existentem in mundo afflictionum causam, nempe malitiam improborum, cujus ipsi sibi causa sunt, nolit semper coercere, & penitus

Scientes enim esse Dei voluntatem.

quomodo id intelligendum?

& penitus reprimere: sed aliquando habentis improbitati ipsorum quodammodo laxatis, fideles suos, ipsorum fidei exploranda, sue verò gloriæ demonstranda causâ, ab iis nonnunquam affligi, ac vexari velit; licet interim imbecillitati virium ipsorum respectum habeat, neque ipsis ultra quàm ferre possint, oneris imponi sinat.

v. 4. Etenim cùm apud vos essemus. Scivisse illos jam antè, hanc esse conditionem fidelium, ac proinde non debuisse tanquam re nova inopinatò accidente commoveri, ostendit & sua predicatione, & ipso statim subsequente eventu: quasi dicat. Simul ac enim vos ad doctrinam Evangelii predicatione nostra incitare cepimus, illud etiam prediximus, fore ut affligeremur, tum nos qui illud predicaremus, tum vos qui illud amplexi fuistis. quod & evenit. i. e. nec defuit predictioni eventus. Et nostis, quòd scilicet & nos ipsi, & multi inter vos, adversa Evangelii causa sustinuerint.

v. 5. Propter hoc & ego non ampliùs sustinens, desiderium scilicet cognoscendi, quo statu res vestrae, ratione habita religionis, essent. Vocula δ τοῦτο, vel ad proximè præcedentiâ respicit, afflictionem nempe, quam ob Evangelii doctrinam perferrent; vel ad remotiora, desiderium videlicet eos videndi; ut per Epanalepsin repetat ea, quæ versiculo primo dicere ceperat, quasi dicat: Propterea, inquam, misi eum, ut cognoscerem fidem vestram. Alium missionis Thessalonicam Timothei finem exprimit, qui

2. ut de illorum statu quoad fidem cognosceret.

Verebatur
enim ne per
suam ablen-
tiam Sathan
eos seduce-

ret.

Et de feri-
ptio.

Altera ca-
pituli par-
tie. ad v. 12.
Latus de
ipforum cō-
stantia nūn-
tius.

ipsum magis Paulum respiciebat, sicut ille prior The-
salonicenses. Is autem erat, ut per illum certior fieri
posset de illorum statu ratione fidei ac religionis. Cui
statim subiicit causam, qua ad id impulsus fuerit, ne
forte tentaverit vos. i. e. metuens, ne per absenti-
am meam, aliorumq; mei similium, qui vos confirma-
re, atq; animare potuissent, in fraudem vos aliquam
induxerit, & tentatione sua in vobis aliquid profe-
cerit, ut videlicet vos de statu vestro dimoverit,
vosq; à fide abstraxerit. Vox tentaverit hoc loco
pregnans est, nec solum Sathanae impetum & assul-
tum, sed etiam effectum & successum significat, ut
Matthaei 6. 13. in precatione Dominica, ubi signifi-
cat, ne permittas ut Sathana vi aut fraude, à fide
aut pietate abducamur, & Gal. 6. 1. is qui tentat.
i. e. Sathanas, cuius id est artificium & unica cura,
ut homines tentet, & circumveniat. περισσῶς pro
περισσὸς Hebraico more positum, ut Matth. 4. 2.
& in vanum fiat labor noster. i. e. atq; frustranei
essent labores nostri, quos in perducendis vobis ad
Christum subimus.

v. 6. Nuper autem veniente Timotheo ad
nos à vobis. Veniente scilicet Corinthum, ut ex
Actis apparet. Est alterum capitulum hujus membrum,
quo, quid consequutum sit missionem illam Timothei,
explicat. Id autem est, latus de ipforum in fide con-
stantia & memoria Pauli nuntius, qui ingenti ipsum
gaudio replevit, & desiderium ipforum videndi in i-
pso vehementius accendit, & annunciante nobis
fidem,

fidem, quasi dicat; cum nobis retulisset, vos in fide adhuc persistere, ac religionem Christianam, quam semel estis amplexi, constanter sequi ac profiteri. Et charitatem vestram, nempe erga proximum, de qua cap. 1. ubi laborem charitatis illis tribuit, quam inferius cap. 4. v. 9. & 10, adhuc luculentius commendabit. & quia habetis memoriam nostri: i. e. cum illud quoque nobis retulisset, non effluxisse me ex animo vestro, sed vivere atque vigere apud vos memoriam mei, adeoque vos mei mentionem facere: eamque bonam, i. e. honorificam vos mentione me ipsum, vite rationem, laboresque meos inter vos susceptos, prosequi semper. i. e. identidem quomodo me inter vos gesserim, quomodoque in me vos animati sitis commemorando: desiderantes nos videre. i. e. ita vos mei meminisse, meivse mentionem facere solere, ut simul significetis, vehementi vos desiderio teneri videndi mei, & meo colloquio ac consuetudine fruendi. Sicut & nos vos. i. e. non secus atque ego ardeo incredibili desiderio videndi vestri. vel: Qua quidem in re paria mecum facitis, qui idem ardentissime exoptem. Subinde aliquid de suo erga ipsos studio interjicit, ut tanto magis illorum sese animus infinuet.

v. 7. Propter hoc consolati sumus fratres. *Quae adeo Paulum in summis afflictionibus constitutum exhilararunt.*
i. e. qui quidem Timothei nuncius, longe maximum mihi solatum attulit, in vobis i. e. propter vos, in omni tribulatione & necessitate nostra, i. e. cum in magnis tum calamitatibus versaremur, multa adversa Evangelii causa pateremur; quasi dicat; a-

Et memoria
Pauli apud
ipsum.

deo me nuncius tam latus exhilaravit, ut omnem dolorem & molestiam, ex afflictione & angustia qua undiq; premebar proficiscentem, si non penitus sustulerit & extinxerit, maximam certe partem lenierit & mitigaverit. Vocibus istis duabus, tribulatione & necessitate, una eademq; res intelligi potest: ita ut posterior augendi vim quandam habeat, easq; in afflictionibus angustias insinuet, quibus fiat ut quid consilii capias, & quò te vertas, penitus ignores, sitq; idem quod σενοχωρία, quam 2. Cor. 6. v. 4. distingvit ab ἀνάγκη, quæ illo loco angustiam in rebus ad victum necessariis significant, ut cap. 12. v. 10, quod cap. 11. v. 27, famis & sitis nomine (quo in loco necessitatum istarum non fecit mentionem) expressisse videtur. Quæ etiam significatio hîc locum habere potest, si duo omnino diversa hîc vocibus exprimi malis. Videtur autem præcipuè respicere ad illa de quibus legimus Act: 18, v. 12. Per vestram fidem i. e. propter vestram fidem. Fidei vocem in latiori quàm paulò antè significatione sumit, ut charitatem etiam complectatur.

Uel vel idipsum vitam ipsius redderet vitam.

v. 8. Quoniam nunc vivimus, i. e. Id enim nos reficit ac recreat, adeò ut nunc verè nobis vivere, & quasi à limine mortis, in hanc vitam revocari & restitui videamur. vel: Id enim est, quod ipsam vitam nobis reddat vitalem, omnemq; adeo vim morboris deleat, atq; abstergat. Genus dicendi figuratum, in repentini, ejusq; maximi inter afflictiones gaudii affluxu, usurpari solitum. Cujus exemplum habes lo-

hanc

han: cap: 14. v. 19, quia ego vivo, & vos vivetis. Verbum enim vivetis, non ad futuram tantum, ut fortè videri posset, sed hanc etiam vitam respicit, respectu cuius de summo gaudio, & quod æquale quodammodo sit ejus felicitati qui postliminio quasi ad vitam redeat, accipiendum videtur. Psal. 22. v. 27. vivet cor eorum in seculum. i. e. animus eorum exhilarabitur, & letitia perenni recreabitur. Si vos statis. i. e. quandoquidem vos firmi & robusti atq; constantes estis in Domino. i. e. quod attinet ad Dominum, constanter videlicet doctrina ac religioni ab ipso tradite adherentes: Vocula si non semper rem dubiam significat, sed sæpe etiam de rebus certissimi usurpatur. Vide 1. Cor. 15. v. 12, & seqq: quanquam ferè id evenit in argumentationibus hypotheticis ut vocant. Posset autem & propriam vim suam obtinere ut id vitam suam, summamq; adeo letitiam dicat esse absolutè, si illi constanter in fide Christo data permanerent; nisi obstaret vocula nunc, quæ presentis temporis nota est, & apertè ad id, quod significaverat, Timotheus respicit.

v. 9 Quam enim gratiarum actionem possumus Deo retribuere pro vobis. i. e. Tanta enim est gaudii vis ac magnitudo, ut nullas possimus condignas gratias reperire, quas Deo agamus pro tanta letitia, quod in nos ex vobis, vestraq; constantia & fide, quæ ipsius gratiæ & auxilio imputanda est, exuberavit. Ab effectu fidem facit ei, quod se vivere, i. e. summopere ex illorum in fide perseverantia,

quod constantes essent.

si pro qua niam.

Vnde et gratias Deo ardentissimas agebat propterea.

Omne pro
perfecto.

tia, letari dixerat. in omni gaudio, vel super omni gaudio. i. e. pro summo gaudio, omne ponit pro eo, quod est magnum. & omnibus suis partibus absolutum. propter vos. i. e. vestram causam, eas in vobis dotes, donas, Dei conspicientes. ante Deum nostrum, idque non simulatè & coram hominibus tantum, sed verè & coram ipso etiam Deo, qui eam gaudii nostri magnitudinem videt.

Orans noctu
& die, ut e-
os videre
posset.

Pauli in
precibus
assiduitas.

v. 10. Nocte ac die Redit iterum ad exaggerationem desiderii sui, de quo sub finem superioris capituli apertius disseruerat, & cujus mentionem paulò ante versu 6. fecerat, ut tantò magis studii amoris, in eos sui ardorem, iis testatum faciat. Et hic est alter effectus leti illius nuntii, de Thessalonicensibus à Timotheo allati, cum priori ita nexus, ut ex illo velut efflorescat. Magnitudinem autem desiderii istius censeret vult ex precum, quas eo nomine ad Deum funderet, assiduitate. Nocte ac die. i. e. assidue, sine intermissione, quamque frequentissimè, seu quoties Deum meum precibus adeo, toties id facio. Facio verò id & nocte & die: sermo proverbialis, sed qui singularem assiduitatem significet. Addit autem ὑπερῷον ἐκ περισσὸς δεόμενοι i. e. admodum abundanter, seu vehementer, atque ardentè orantes: ut non moris tantum causa, non frigide id se facere ostendat; sed ex animo, junctumque esse assiduitati ardorem, adeo ut veluti quotidie cresceret, & incrementum sui caperet orationis fervor. ad videndum vestram faciem. Finis & objectum precationis, & complere

compleve defectiones fidei vestræ, i. e. ut quod fidei vestræ, propter præproperum à vobis discessum meum deesse necesse est, id præsentia mea impleam; uberiorē videlicet vos earum rerum notitia imbuendo, de quibus tum non nisi carptim cogebar ob temporis angustiam dicere; & si quæ vobis exciderunt, in memoriam revocando, aut si quæ non intellexistis, manifestius declarando. Hiis autem verbis effectus ac finis exponitur prioris, nempe visitationis Theſſalonicensium, & sic causa indicatur, quæ ipsum impellat, ut & videre eos tantopere cupiat, & Deum tam diligenter, tam servidè oret, ut id sibi beneficiis præstet. Causam autem esse significat, non suam, sed ipsorum Theſſalonicensium utilitatem ac commodum, ipsis admodum necessarium. Idem autem hunc ejus rei fontem aperit Paulus, ut inde illius erga se amorem perspiciant Theſſalonicenses, utq; eorum animos sibi penitus devinciat & obliget; quasi dicat: Aveo verò tantopere vos videre, non ut oculos tantum meos conspectu vestro mihi longè cupidissimo pascam, neq; mei ipsius causâ, aut ob carnalem aliquem respectum: sed propter vosmet ipsos, ut vos erudiam, ut vestræ salutis, in qua omnes spes vestræ sitæ sunt, proſim & consulam.

v. 11. ipse autem. Voto secundam hujus capituli particulam claudit, quo desiderii sui, de quo hucusq; locutus est, compotem se fieri exoptat; quasi dicat: Ego quidem ita opto ac voveo, itaq; Deum oro; Deus autem ac Christus, in cujus manu est dispositio nostro-

Ad complē-
dum defe-
ctum illorū
fidei.

Et nunc
Deo & Chrō
sto vovet,
ut viam i-
psius diri-
gat.

tum cona-

rum conatum, & intentionum eventum præstet, & votis meis benignus annuat, felicemq; consilio huic meo successum largiatur. Et pater noster, i. e. qui Pater noster est. Qui titulus cum ardentissimi in nos amoris divini nota sit, spem facit, fore ut Deus vota impleat, & quæ filii ipsius tam ardentibus precibus ab ipso flagitant, præstet. Et dominus noster. i. e. & ille qui à patre suo in nos imperium accepit, & cui gubernatio ac cura Ecclesiæ, rerumq; ad eam pertinentium, nominatim à Deo est commissæ, nempe Iesus Christus. Verba enim hæc prioribus per appositionem addita. Dirigat viam nostram ad vos, i. e. secundet, expediat, impedimenta omnia amoliat, Sathane conatus, qui mihi hucusq; obstiterunt, reprimat, meum verò consilium aura divini favori sui promoveat, & me vobis salvi incolumem sistat. Insigne ut curæ & providentiæ circa nos Domini locum suum argumentum, ita invocati ipsius exemplum. Votum enim ejusmodi, quod eum, à quo aliquid voveo, audire sum persuasus, precatationis vim habet, atq; adeo ipsa, licet indirecta, precatio est.

Votum pre-
cationis
Sim ha-
bet.

Tertia ca-
pituli pars.
Votum, quo
compreca-
tur iis om-
nia secun-
dum spiri-
tum pro-
spera.

v. 12. Vos autem. Studii in eos sui testificatio-
nem voto aliquando claudit, quo comprecatur ipsis omnia
secundum spiritum fausta & prospera, quam terti-
am hujus capituli partem esse diximus: in qua etiam
aditum sibi ad eorum officia explicanda facit. quasi
dicat: Hoc quidem est desiderium meum, quod uti-
nam Deus impleat benedictione sua. Sed interim
dum id fiat, vobis unice opto & comprecor, ut vos

Domini.

nus, nempe Iesus Christus; ut ex articulo & superiori etiam versiculo patet: multiplicet: i. e. augeat & cumulet, & abundare faciat charitate invicem. i. e. saxis ut in dies magis ac magis proficiatis, & exuberetis in charitate, & erga vos invicem qui Thessalonice fraterno inter vos vinculo per Christum copulati estis, & in omnes, quicumque tandem illi sint, sive fratres, hoc est, Christiani, sive extranei, nec sacra vobiscum communia habentes; ut sunt gentiles, & Iudæi: quemadmodum & nos in vos, ut videlicet eo proximorum fratrumque amore flagretis, quo ego flagro adversus vos. Illorum erga alios charitatis mensuram suum erga ipsos amorem ponit, ut eorum animos sibi penitus pigneret, ac devinciat, insinuataque sui erga eos affectus exundantia, ad paria facienda provocet. Ita nullam occasionem prætermittere videmus Apostolum, quin suum erga illos studium atque affectum eximium testetur.

v. 13. Ad confirmanda vestra corda. Finem voti exprimit, vel potius pergit ulterius in enumeratione eorum, quæ ipsis precetur: ut corda vestra. id est, vos ipsos, animos spiritusque vestros confirmet. i. e. roboret, viresque vobis largiatur, inculcata in sanctitate, quò possitis ita vitam moresque vestros componere, ut sitis irreprehensibiles; ut pote sanctitate præditi, seu idè quia sanctitate præditi sitis, omniisque crimine, quod maculam aliquam vobis aspergere possit, vacetis, ante Deum & Patrem nostrum, idque non tantum

1. ut charitate abundant.

2. ut corroborentur à Domino tesu, quòd sint irreprehensibiles.

tum in oculis hominum, qui & facile decipi possunt, nec sunt nostri iudices: sed coram ipso Deo, qui Pater noster est, sed talis qui sine prosopolepsia iudicat, secundum uniuscuiusque opus, cuiusque oculorum aciem nemo effugere potest, in adventum Domini nostri: vel, ut usque ad adventum Domini nostri Iesu Christi sitis inculpati, seu ad mortem, quæ cum adventu illo quodam modo coniungitur, nosque ante tribunal Christi sistit, vel potius, ut tum appareatis inculpati, quando maximè intererit vestrâ inculpatos apparere, nempe in extremo iudicio, cum retribuet unicuique secundum opera ipsius: ut non solum exprimat à quo precetur; sed etiam quid, & quàm perfectè, quemque in finem cupiat id illis evenire. in adventu Domini nostri Iesu Christi. i. e. suo. Antecedens pro relativo, Hebræorum more, ut paulò ante v. 9. cum omnibus sanctis ejus, nempe Angelis. Ita post: Epist. cap. 1. v. 7. ait in revelatione Domini Iesu de cælo cum angelis virtutis ejus. Iudas autem v. 14. Ecce venit Dominus in sanctis millibus suis. Auget porro spiritualibus bonis fideles suos, & confirmat corda eorum inculcata in sanctitate Dominus Iesus, non si ipsi interea orientur, & in utramque aurem securi dormiant; sed si ipsi etiam adnitantur, & quantum possunt, vires suas extendant, ac sedulo, ut inculpatè coram Deo vivant, elaborent. Et videtur sanè Apostolus, votum hoc pro Thessalonicensibus concipiens, divine operis quasi quadam sollicitatione eos ad dirigenda brachia

Antecedens pro relativo.

Id tamen præstat Dominus non sine opera nostra.

chia contra torrentem peccatorum incitare voluisse. Præstat autem hæc Dominus Iesus sua ex parte, quomodo cum & uberiori fideles suos rerum divinarum notitiâ complet, & vires adversus omnes Sathane insultus subministrat, variaq; media, quibus corroborentur, porrigit: idq; vel Spiritus sancti sui afflatu, vel servorum suorum ad id excitatorum operâ; cum sæpè sufficiat unus vir cælesti sapientiâ instructus, & divino spiritu præditus, uti ad salutare lumen, vel innumeris in illuni errorum nocte vagantibus præferendum, ita etiam ad eosdem pleniori veritatis notitiâ instruendos, gressusq; eorum ad pietatis tramitem dirigendos, & in ejus semita retinendos ac stabiliendos.

IN CAPUT IV.

IN altera Epistolæ hujus parte, quæ ab hoc capite incipit, primò hortatur Thessalonicenses ad officia pietatis, tum in genere, tum in specie: Deinde subjungit doctrinam de resurrectione mortuorum, quæ fundamentum est pietatis Christianæ. Et hæ sunt capituli etiam hujus partes.

Partes capituli duæ.

v. 1. Reliquum ergo: Prima capituli hujus pars, ad ver. 13. porrigitur. In qua hortatur eos ad varia pietatis officia, quæ ipsis tacitè sub finem capituli superioris insinuaverat, ea ipsis à Domino Iesu optando, quorum compotes, nisi & ipsi manum admove-
rent operi, fieri non poterant. Connexionem horum cum prioribus innuit particula reliquum. quasi di-

Prima capituli pars ad v. 13.

Nexus cum
superiorib.

Varia pie-
tatis officia
parte prima
præscriptu-
rus.

Rogat.

Et hortatur
nomine
Domini Iesu.

cat: Hæc igitur cùm ita se habeant, nec ullum possit
esse dubium vos à Deo per nos ad cœleste regnum
esse vocatos, vosq; tam alacriter doctrinam nostram
amplexi, superatis tot tantiq; ob eam causam ca-
lamitatibus, in ea constanter ad hanc usque diem
persistatis; id superest, ut in cæteris quoque officium
ita faciatis, quò pietatem vestram Deo in dies ma-
giù magiq; approbetis. Vel si hæc cum proximis tan-
tùm connecti censeas; postquam vobis Domini Iesu
auxilium ad pietatem colendam necessarium sum
precatus, minimè dubitans id vobis præstitum iri; nil
jam restat aliud, quàm ut vos ipsos quoque rogem ac
moneam, ut vos quoque quod vestrarum est partium
sedulo faciatis, neu officio vestro ullatenus desitis, sed
divinæ opi, conatu ac contentione viridum subservia-
tis. Hortatur autem eos tum in genere, ut in ea, quam
ipsis non obscure tribuit integritate vitæ proficiant,
tum in specie ad certas quasdam pietatis partes. Ut
verò id, quod intendit, tantò faciliùs effectum red-
dat, Rogamus, ait, vos, & hortamur. Demissio-
nem amanti, cum auctoritate precipienti jungit.
Rogare enim est demittenti sese, & blanditiū quo-
dammodo quod vult obtinere cupienti. Hortari au-
tem, auctoritatem quandam usurpanti. Rogamus
igitur, inquit, tanquam ii, qui vobis optime cupimus,
& ingentem inde letitiam capimus, cùm vos nostrâ
operâ ad Evangelicam veritatem perducti officium
facitis. Hortamur autem tanquam ii, qui ius vos mo-
nendi, vobisq; præcipiendi habemus, idq; in Domino
Iesu,

Iesu, id est, auctoritate & nomine Domini Iesu. vel quod ad doctrinam & religionem Domini Iesu at-
 rinet. quemadmodum recepistis. Traiectio quæ-
 dam est, quia vocula ut, quæ præcedere debebat, in
 fine versiculi sequitur. Sensum haud malè expressit
 vetus interpres: ut quemadmodum accepistis à
 nobis, quomodo oporteat vos ambulare, &
 placere Deo, sicut & ambulatis, ut abundetis
 magis. Vult videlicet ut in pietate, quam illis supe-
 rius ex parte tribui vidimus, cum laborem charita-
 tis illis adscribit, cap. i. ver. 3. majores indies pro-
 fectus faciant. Ait verò, quemadmodum accepi-
 stis à nobis. i. e. quemadmodum à nobis didicistis,
 & ex ore nostro hausistis. Accipere traditionis cor-
 relatum est. Mensuram illorum vitæ & morum, vult
 esse suam doctrinam, non illorum opinionem. quo-
 modo oporteat vos ambulare. i. e. quomodo de-
 beat vitam instituere, Hebraismus notus est. et pla-
 cere Deo: instituere, inquam, ita, ut Dei favorem
 vobis conciliare, & in illius gratiam vos insinuare
 possitis. Finis actionum vitæ nostræ est, ut placeamus
 Deo: quo verò pacto id consequi possimus, ex iis, quæ
 nobis Apostoli tradiderunt, discimus. ut abundetis
 magis. i. e. ut non modò de pristino pietatis studio
 nihil remittatis, sed etiam enitamini, ut in pietate
 quotidie crescatis, & longè cumulatiùs id, quod huc-
 usque fecistis præstetis.

v. 2. Scitis enim. confirmat id, quod dixerat.
 accepisse illos à se quomodo oporteat ambu-

E 1 ~~ad Thessal.~~ lare,

Primo in
 genere ut
 nimirum
 servant,
 quæ ab ipso
 didicerant.

Accipere
 traditionis
 correlatum.

Finis actio-
 num nostrarum
 quis, &
 quomodo
 consequen-
 dus.

lare, eosq; ipsos testes quodammodo appellat; simul autem ostendit non posse eos ignorantiam hinc aliquam pretendere; siquidem ipsi probè sciant, quænam præcepta ipsis fuerint data, quibus virtutū ac pietatis officia continerentur. quæ præcepta dedimus vobis. i. e. quænam vobis præscripserimus & injunxerimus. Per Dominum Iesum. i. e. auctoritate non nostra propria, sed Domini Iesu, cujus servi sumus, cujusque nomine legationem istam obimus. Sic eadem verba sumuntur 2. Theſal: 3. 12.

v. 3. Hæc enim est voluntas Dei. i. e. Id enim vult, & exigit à vobis Deus. Voluntas pro objecto voluntatis. Vocula γὰρ, servit declarationi. Declarat enim Apostolus, quænam sint illa præcepta, quæ Theſſalonicensibus dederit, ac porro quomodo eos ambulare seu vivere oportere docuerit. Declarat autem id primò generaliter, si vocem ἀγαπᾶν, sanctificationis, ita latè sumamus, ut omnem virtutum complexum suo ambitu coercet, eam vitæ puritatem significans, ut ab omni peccati labe puri & immunes simus. Quo pacto ea, quæ sequuntur, species erunt hujus sanctificationis; quasi dicat; Non aliud, (ut breviter quæ jam ante dixi, repetam) à vobis exigit Deus: nec ulla alia, quâ in ipsius gratiam irrepere queat, est via, quàm ut vosmetipsos integros & illibatos ab omni vitiorum impuritate conservetis, vitamq; coram Deo in sanctitate traducatis, cujus inter alia hæc etiam sunt partes, ut scortationem & injuriam fugiatis, in fraterna verò chari-

Voluntas
pro objecto
voluntatis.

Vocis ἀγαπᾶν
significatio
latior.

tate indies proficiatis, & ab ambitione ac rerum a-
 lienarum cura alieni; laboribus quiete incumbatis.
 Hac enim quatuor sunt illa specialia; ad quæ illos in
 sequentibus hortatur Apostolus. Quod si voce sancti-
 tatis, sola tantum castitas intelligatur, ut alii vo-
 lunt, & inferius hac eadem vox repetita postulare
 videtur, dicendum erit Apostolum rectè ad enume-
 rationem specialium officiorum, declarande tantum
 generalis hortationis causâ descendere; quo sensu
 verba sequentia abstinere vos à fornicatione.
 explicatio erunt ejus, quod sanctitatis nomine ap-
 pellaverat. Sed prior sententia longè verisimilior est.
 Cum enim nomine voluntatis Dei significet Apo-
 stolus quicquid Deus à nobis postulat fieriq; vult, non
 est verisimile, Apostolum dicere voluntatem Dei esse
 solam castitatem. Porro quod ad proximè sequentia
 verba attinet; fornicatio adeò latè hoc loco exten-
 ditur, ut adulterium & impuritatem ac omnem la-
 sciviam, animumq; adeò impudicum complectatur:
 omnia enim ista sanctitati adversantur, & homi-
 nem ceno pejus inquinant. Et hoc est primum è spe-
 cialibus, ad quæ hortatur Theſſalonicenses, pietatis
 officii. Quod primo loco posuit, tum quia ipsius con-
 trarium res per se est longè turpissima, & sanctita-
 ti, quæ in puritate consistit, maximè adversa, atque
 inimica: tum quia illud vitium adeò fuit illo seculo
 inter gentes vulgare, ut ne in vitiorum quidem cen-
 su poneretur, & à Christianorum vulgo, ut ex Actu
 Apostolicis, & Epistola ad Cor: priori patet, inter
 adiphora censeretur.

Strictior;

Deinde in
specie,i. ut fugi-
ant forni-
cationem.Cujus hoc
loco signi-
ficatio la-
tissima.Cur eam
primo loco
posuit.Vide Act.
cap. 14

1. Cor: c. 6.

v. 4. Scire unumquemq; *Declarat manifestè quid sibi illo præcepto velit, & quò usq; pomeria illius extendat. Suum ipsius vas possidere in sanctificatione & honore. i. e. cum sanctificatione seu castitate; quasi dicat: ut unusquisq; corpus suum, quo tanquam instrumento quodam animus noster, seu mavis nos ipsi utimur, conservet purum, ne quicquam eo designet quo se polluat, atq; ita & se ipsum, corpusq; adeò suum dehonestet, & ignominie maculam ei aspergat. Nam cum totum hoc voluptatum genus aliquid impuri trahat, tum verò si extra limites conjugii imbecillitati humane concessos libido evagetur, non tantum per se turpis est, adeoq; hominem coram Deo conspurcat, sed & dedecore atq; ignominia peculiari afficit. Unde honor hoc loco cum castitate conjungitur, & scorrationi opponitur, & Rom: 1. v. 24. & 26, dicuntur homines ignominia affecisse corpora sua impuritate: & cupiditates impure appellantur $\pi \alpha \beta \eta \kappa \alpha \iota \tau \iota \mu \iota \alpha \varsigma$, affectus seu cupiditates ignominiosæ. Huc facit & illud Heb: 13. 4. Vas pro instrumento sumi familiare est sacris scriptoribus. Vide Gen: 27. v. 3. & cap: 49. v. 5. Iudic: 18. 11. 2. Paralip: 23, 7. Esaia 13. 5. Psalm: 7. 14. Sed locus 1. Sam: 21. 5. huic nostro simillimus est: nam & ibi vas pro corpore sumi videtur: quanquam & strictius sumere possis, pro iis, quæ generationi destinata honestè hoc nomine designantur. Iam vox Scire practicam hinc scientiam notat, quasi dicat, ut quisq; summo studio corpus suum servet, castum atq; ab omni libidine illibatum.*

Est verò o-
mnium vo-
luptatum
fœdissima.

Vas pro
instrumento
10.

v. 5. Non in passione desiderii. *μη ἐν πᾶ-
θει ἐπιθυμίας*, non in affectu cupiditatis. i. e.
affectu, qui est cupiditas. Genitivus speciei. Cupidi-
tatis autem voce eam, quæ voluptatis impuræ est in-
centiva, intelligit. In, posuit pro Cum, ut versicu-
lo precedente, in sanctificatione & honore. Por-
rò videntur hæc verba regi à superioribus, & à con-
trario illustrari, quid sit vas possidere in sancti-
tate & honore, id videlicet, ut alienissimi simus
ab illo belluino affectu, quo homines cæco impetu in
venerem rapiuntur, & licet à flagitio ipso, ob occasi-
onis aut facultatis defectum, aliave impedimenta
temperant, ipsam tamen cupiditatem animo foveant,
& illa semet titillant ac oblectant. Sicut & gentes,
quæ ignorant Deum i. e. quod faciunt gentes, qui-
bus non affulsit veri Dei notitia. Id inquam est gen-
tium quodammodo proprium, qui vera Dei cognitio-
ne destituuntur, quem quia vos nostis, ejusque voluntas
nobis docentibus probe vobis cognita & explorata
est, ideo dissimiles illorum hac in parte esse debetis.
Dissimilitudo status ac conditionis, dissimilia quoque
facta ac mores postulat. Vocula *ἔτι* abundat, ut a-
liàs sæpè. Satis enim erat dicere, Sicut gentes.

v. 6. Non opprimere & circumvenire, Con-
junguntur hæc cum illis, abstinere, v. 3. scire, v. 4;
per asyndeton, ita ut pendeant, una cum illis, ex
verbis v. 3. Hæc enim est voluntas Dei sancti-
ficatio vestra, & ad sanctificationem illam ex-
plicandam spectent. Est enim hic alterum è speciali-

E 5

bus offi-

Vas possi-
dere in sā-
ctitate &
honore
quid?

Vocula
ἔτι abun-
dat.

2. Ne in cō-
tractibus
quenquam
defrauden-

bus officiis, quo ab injuria alteri & praesertim fratri, inferenda arcemur: ὑπερβαίνεν proprie supergredi significat. Cum enim omne jus commutativum in aequalitate consistat, requiratur, ut tantundem reddat alter quantum accepit, & contra; qui in contractu, quem cum aliquo habet, ut emptione, venditione, societate negotiatoria, plus de lucro sibi sumit quam alter, seu illi tribuit, ut Aristoteles ait, minus, sibi autem plus sumit, illum velut superare & supergredi videtur, & eum πλεονεκτείν seu defraudare dicitur, in negotio puta συναλλακτικῶν seu contractu. Nam quod alii πράγματι & voce fornicationem intelligi putant, & πλεονεξίαν thori interpretantur, ut sit sermo de adulterio; id nec vox πράγματι &, nec verbum πλεονεκτείν ferre videtur. Quod enim illi locum adserunt Eph. 4. v. 19. ubi vocem πλεονεξίας hoc significatu usurpaverit Apostolus, id nullo negotio refelli potest. Nihil enim vetat ibi Apostolum vocem πλεονεξίας proprie usurpasse, & impuritati conjunxisse, tanquam vitium aequè latè atq; illud inter Ethnicos patens, & illi aequè atq; illud usitatum ac familiare. Id quod etiam alibi eum fecisse, hanc proculdubio ob causam, quam modo diximus, deprehendere licet. Vid. Rom: 1. 29. si vide Beza. vox πορνεία, ut nonnulli placet, supposititia est: & 1. Cor: 6. v. 9. & 10. Inprimis autem Ephes: 5. v. 5. & Col: 3. v. 5: quibus in locis etiam ratio eadem planè quae hic adjicitur. De argumento quo illi ad sententiam

riam suam adstruendam utantur, ex voce ἀναπα-
 ράσας & ἀγίασμός petito, mox dicitur. Fratrem
 suum non quod liceat extraneum circumvenire, sed
 quia maximè dedecet, ita cum eo agere, qui ob com-
 munem ex Deo nativitatem arctissimo fraternita-
 tis vinculo tecum sit devinctus. Est enim justitia soci-
 etatis, & conjunctionis vinculum ac custos, tantoq;
 accuratior ejus habenda est ratio, quanto major est
 societas, & conjunctio arctior. At cum quo arctior
 societatis nexus esse potest, atq; cum eo, qui uno tecum
 gaudeat patre? Vide 1. Cor. 6. 8. Quoniam vindex
 Dominus de omnibus his. i. e. Hæc vero vitia i-
 deò detestari, & ab iis abstinere debetis, quia Domi-
 nus Iesus severè animadversurus est, vel animadver-
 tere solet in eos, quicumq; his sceleribus sese contami-
 naverint, mandatūq; ipsius huius in rebus spreverint.
 Ratio sumpta ab effectu admodum damnofo, pena
 videlicet gravi irroganda iis, qui virtutum superio-
 rum septa transilire fuerint ausi. Est verò ista ratio,
 non posteriori tantum hujus officii, licet ei proximè
 annexa est, sed etiam prioris. Id quod & ex plurali
 numero, cum ait de omnibus his, conspicitur, &
 maximè ex versiculo 7. cujus verba prima fronte ad
 prius tantum respicere videntur. Vnde etiam occasi-
 onem sumserunt nonnulli, ad unum genus officii re-
 ferendi omnia, quæ hucusq; disseruit Apostolus. Vo-
 cula πᾶσι servit objecto. Vindex est de omnibus
 his. i. e. omnia ista flagitia ulciscitur. Sicut &
 prædiximus vobis. i. e. Id quod non nunc demum

Inprimis
 autem fra-
 trem.

Iustitia so-
 cietatis
 vinculum.

Ratio mo-
 nitorum
 pœna gra-
 vis in trans-
 gressores.

vobis indicavimus, ne quis forte ignorantiam prætere audeat, aut etiam sibi non esse dictum à nobis queratur; sed initio statim id prædiximus vobis, imò & testificati sumus. i. e. vel obtestati, Deo quasi teste adrocato, vel simpliciter contestati sumus, id est, identidem ingeminavimus, repetimus, ursumus, adeò ut vosmet ipsi testes locupletissimi sermonum nostrorum esse possitis. Faciunt hæc non tantum tollendæ illi objectioni, quam insinuavimus, sed etiam necessitati horum monitorum ostendendæ; ut videlicet tantopere ea inculcari videntes, non parum, sed plurimum in iis esse situm crederent.

Quod liquet & ex vocationis nostræ naturæ.

v. 7. Non enim vocavit nos Deus, vel causam hic reddit Apostolus, cur tam diligenter ea jam antea inculcaverit, & porro etiam cur à Thesalonicensibus monita hæc tam sedulò sint observanda, & peccata de quibus hucusq; actum tam studiose cavenda, vel futurum vindicem Dominum, ut versiculo præcedenti asseruerat, probat ex natura vocationis nostræ, quasi dicat: Non enim ea lege & conditione vocati sumus à Deo, ut impuritatem exerceremus, sed ut ab omnibus vitiorum inquinamentis puri simus. ἀκαθάρσις vox persèpè iis tantum ab Apostolo tribuitur, quæ circa voluptates venereas versantur; latius tamen patere & ad ipsam avaritiam extendi posse, vel ex secundo hujus Epistolæ capite v. 3. liquet. Sed in sanctificatione. i. e. in sanctificationem, seu ea conditione ut sanctificationem sectaremur, id est, vitæ puritatem & innocentiam. Sic

eadem

ἀκαθάρ-
σία. quam
latè sumat.

eadem vox sumitur Hebr. 12. 17. Quare & ex his vocibus, quæ natura sua latius porriguntur, frustra præceptum v. 6, ad libidinem vagam, & inordinatam torquetur. De Particula ἐν ἡμῖν diximus Galat. 5. 13. significat hoc loco finem & ponitur pro eis, vel, quod si rem spectes, eodem recidit, conditionem qua vocati sumus.

v. 8. Itaq; hoc rejiciens. Novam quandam ex precedentib. rationem elicit, quâ Thessalonicenses à vitis antea memoratis abducere conatur, cum quadam proleps. Quia enim nimis communia & trita erant inter Ethnicos hæc duo vitia, à quibus hic dehortatur Thessalonicenses; ideò ne cogitarent, non adeò magnum periculum esse, si monita hæc negligantur, pondus illis addit, & ostendit, quàm graviter illi peccent, qui præcepta hæc contemnant, & in suisq; deq; habitis, peccata illa designent, à quibus eos esset dehortatus. Rationem autem petit ex hujusmodi contemptus effectum quodam, ejusq; vero ac præcipuo, seu majoris ultimo objecto, in quod contumelia hæc redundet. Deducit verò ipsam ex iis verbis, quibus asseruerat, hæc eos conditione esse vocatos, nempe à Deo, ut omni impuritate abdicata, sanctè viverent; quasi dicat: Talis igitur cum sit vocatio vestra, seu, cum tali sitis conditione à Deo ipso per nos vocati; nemo vestrum cogitare audeat, hæc mandata, tanquam à me, hoc est ab homine profecta, violari posse. Sed sciat, quòd quicumq; illa rejicit, & spernit, libidinibus & injuriæ aliis inferendæ fibulam la-

ἐν ἡμῖν pro
eis.

Et quia peccata illa
Deum ipsū
fecerunt.

mans

Cur, qui A-
postolica
præcepta
spernit, De-
um spernat.

xans, non hominem rejicit, i. e. non me tantum il-
le qui homo sum rejicit, & spernit, nec in me tantum
delinquit, ut scilicet in me, tanquam præcipuo ulti-
movæ objecto terminetur istud peccatum: sed De-
um. i. e. sed porrigitur ulterius, & ascendit istud
delictum altius, ipsumq; adeò Deum ferit, in eum o-
mnis illa redundat contumelia: ut jam nullam am-
plius causam dubitandi de eo habeatis, quòd Domi-
num ultorem horum futurum asserui; & dantem
Spiritum suum sanctum in nobis. i. e. cujus rei
documentum, capere potestis ex eo, quod in nos effu-
dit spiritum suum sanctum, quo inspirante, impellen-
te, dictante, hæc præcepta vobis tradidimus, atq; eti-
amnum tradimus, & mentem divinam aperimus.
Rationem consequentie, cur videlicet qui Apostolica
præcepta spernit, Deum ipsum spernat, adducit à
causa præceptorum Apostolicorum efficiente, Spiritu
S. in illorum pectoribus inhabitante, qui manifestis-
sime sese in iis exerebat indicis ac documentis, ita
ut dubitare non possent Thessalonicenses, quæ Apo-
stolus assereret, ejus impulsu dicere. Quanquam ni-
hil prohibet, hoc argumentum ita accipere, ut non
tam à causa efficiente præceptorum Apostolicorum
ductum censeatur, quàm ab effectu Dei, Apostolorum
autem adjuncto, ex quo apparet, Apostolos Dei ipsius
legatos esse, & non suo, sed Dei nomine loqui ac præ-
cipere, quicquid præcipiant. Spiritus enim Sanctus
in illis habitans, & in iis sese manifestissime exse-
rens, erat apertum muneris atq; authoritatis ipso-

rum sigillum, ac veluti nota illi à Deo impressa, ex qua constaret eos esse viros divinos, Deive legatos. Alii legunt, dantem Spiritum S. in vobis, sensu ejusmodi; Id verò vel ex ipsa collatione in vos Spiritus S. animadvertere potestis: qui cùm in confirmationem doctrine, vobis à nobis prædicata, datus sit; inde liquidum est, nostra præcepta non nostra esse, sed illius potiùs, qui ea spiritu suo confirmavit, ac proinde contemptum eorum, in ipsum ultimò ac præcipuè redundare.

v. 9. De charitate autem fraternitatis. i. e. de eo autem ut fratres, qui sunt ejusdem vobiscum religioni, ac cœlesti vocationi consortes, ameti. Tertium è specialibus præceptum, de charitate erga fratres, quod per quandam præteritionem tractat Apostolus, ut non tam ad eam nunc demum amplectendam hortetur, quàm laudem ejus ipsis prolixè tribuens, ad progressus in ea faciendos, blandè invitet, non opus habetis scribere vobis. i. e. non est necesse ut vobis scribam, tanquam admonitioni hac in parte egentibus. Verba hæc ita laudem hujus virtutis tribuere videntur Thessalonicensibus, ut non obscure indicent in ceteris, quas illi hucusq. commendavit, virtutibus plus illis deesse, quia nimirum, ut dictum est, vitia illi contraria tunc fuerunt omnium Gentilium morbi quidam Epidemici. Ipsi enim vos à Deo docti estis. Rationem superioris versiculi affert, à causis per dissentanea elatis; quasi dicat; Jam antè enim Deus effecit, ut virtutem hanc

ut in charitate erga fratres proficiant in dies.

Cujus laudem ita illis tribuit, ut velut à Deo docti eam videantur.

disce-

disceretur, & eam vobis omnino colendam esse probe agnosceretur. Deus operam hanc in parte meam antevertit, eo veluti magistro estis usi, ut mei monitus jam amplius indigere non videamini. Non est autem credibile, ita eos à Deo edoctos fuisse, ut nulla à Paulo apud eos versante præcepta de charitate in fratres exercenda acciperent. Quæ enim res tam necessaria, tam eximia, quam Christianæ religionis animam non immerito dixeris, retineri à tanto hujus religionis magistro potuit? sed intelligendum est, non opus fuisse ut multa hac de re Paulus diceret, eosque ad hanc virtutem vehementius incitaret; quia nimirum ob rectum, quo erant præditi, iudicium & insignem animi probitatem, ipsi facile animadvertèrent, omnino convenire, ut qui tam sanctam Christi doctrinam essent amplexi, & ad eandem in cælis felicitatem à Deo vocati, ac viam ad eam tendentem unam ingressi, se mutuo amarent & quibus possent officii prosequerentur. Et hoc esse videtur quod Θεοδιδάκτοι appellat. Θεοδιδάκτοι enim illi recte dicuntur, qui animo sunt ita probo, atque ad virtutem propenso, ut vel nemine prorsus, vel propè nemine hominum monente, quid sui sit officii videant, velut Deo ipso interius eos erudiente, & occulta quadam vi id illis persuadente. Facit hoc ad intelligendum illud Christi, Et erunt omnes docibiles Dei. Simulac enim Christus adveniens voluntatem divinam hominibus revelare cepit, ii qui essent animo improbo, ab eo velut à petra scandali & scopulo ali-

Θεοδιδάκτοι
αἱ τοὶ qui.

Ioh. 6. 45.

quo

quo reſilierunt, illi verò qui probò eſſent animo, ſine ulla cunctatione ipſam ſunt amplexi, ut quaſi ab ipſo Deo, & occulta quadam vi, propter animi ſui probitatem eſſent tracti: Hanc ergo animi probitatem, quod ad charitatem attinet, Theſſalonicenſibus tribuit hic Apoſtolus, ita illos ad eam propenſos fuiſſe indicans, ut velut ab ipſo Deo eam didiciſſe viderentur.

v. 10. Etenim facitis illud. Ipſos Θεοδιδόντες eſſe probat ab effectu, ea videlicet charitate, quam re ipſa exhiberent omnibus fratribus in Macedonia exiſtentibus, illis nimirum omnibus, cum quibus, ob locorum vicinitatem, commercium aliquod habere ſolerent. Siquidem ipſi in Macedoniae metropoli vivebant. rogamus autem vos fratres abundare magis. i. e. Hoc tamen interim non tam monemus, quàm incitatam in id ſpontè voluntatem veſtram videntes, pro eo, quo vos proſequimur, amore vos obſecramus, ut in eo ipſo, quod benefacitū, indies progredi, & vos ipſos ſuperare velitū. Correctio quaedam eſt, qua calcar currentibus addit.

v. 11. Et contendere. Quartum ē ſpecialibus 4. Ut quiete vite ſtudium, cuius aſſequenda medium oſtendit, curioſitatis & otii fugam. Hec enim duo plurimum quietem noſtram turbare ſolent, multiq; nos curis ac difficultatibus implicare, ſi aut in aliena inquiramus, rebus vè ad nos non pertinentibus nos ingeramus, aut rerum ad victum neceſſariarum inopiâ laboremur. Et contendere qui-

etè agere. i. e. studiosè curetis, & in id sedulò incumbatis, ut dum alii seq̃ spesq̃ suas ambitione donant, vos vitam quietam & tranquillam agatis. à turba, à litibus negotiūq̃ forensibus, quoad ejus fieri potest, recedentes, & velut intra vosmetipsos secedentes. Hoc vos ambiatis, huc curam ac laborem vestrum convertatis, quasi hic honorum vestrorum summa esset sita. Ad ambitiosorum enim et gloriam consequentium studia, & prensationes, allusisse Apostolum, indicare videtur vox φιλοῦ. μῆδαι, quæ propriè significat honoris consequendi gratiā eniti: ut tacita quedam sit inter ambitionem aliorum, turbis ac negotiis, à quibus abesse possent; ulcrò se ingerentium, & studium Thessalonicensium in quiete seclanda, comparatio simul quedam & contentio. Quanquam & aliàs hac voce utitur Apostolus, pro sedulò eniti & studiosè elaborare. Róm. 15. 20. et agere propria. i. e. ut vestrum negotium curetis, alieni rebus vos minimè immiscentes, nevé alienorum curiosi scrutatores sitis. Hæc enim vitæ quietem, ut diximus, turbant, & varias nobis curas conciunt. Et hoc est unum ex mediis ad vitam quietam ducentibus. Alterum est, et operari propriis manibus vestris: quod etiam ab ipsa πολυπραγμοσύνη, avocat, ut ex illo Terentiano sene apparet, cum ait: Tantumné est abs re tua otii tibi, aliena ut cures, eaq̃ nihil quæ ad te attinent? Vult ergo Apostolus, ut manibus ipsi suis victum sibi acquirant, præsertim ii, quos res angusta domi premeret, ne o-

Que para-
tur fuga cu-
riositatis.

Otii.

sio, &

tio & torpore maridi, aliū negotium faceſant, in illorum res, ut ſerè ſolent deſides, inquirendo, aut ad extraneorum opem conſugere neceſſe habeant, ut in ſequentibus dicetur. Idem præceptum copioſius tractatur. 2. Epist. cap: 3. ver. 10. 11, 12. Ex quo loco cauſa ejus tradendi apparet. Dicit enim ibi Apoſtolus, audire ſe, eſſe inter ipſos nonnullos otioſos, rebus inanibus occupatos, quam ſamam apparet iam tum quoque ad Apoſtoli aures perveniſſe. Quare eos monet, ut labori incumbant honeſto, nec aliū ſint moleſti. victum videlicet ab illū emendicando, quem propriā indiſtriā optimè poſſent ſibi comparare. ſicut vobis præcepimus. i. e. quemadmodum etiam antea cū apud vos eſſemus, vos monuimus, ac vobis injunximus. Dum antehac ſe dicit præcepiſſe Apoſtolus, tum ne ignorantiam quī prætexere audeat, occurrit; tum verò neceſſitatem præceptorum indicat; ut quī non videatur fuiſſe res exigui momenti tam ſerid, idq; ſapius inculcaturus.

v. 12. Ut ambuletis honeſtè ad eos qui foris ſunt. Præceptum ſuum comprobat, à ſine, ſeu potius effectu. Sensus eſt: ut vitam tranſigatū decenter, & cum quadam veluti dignitate, ratione inprimis habita extraneorum, ſeu à doctrina Evangelica & Eccleſia alienorum; ne nimirum illū vos meripſos contemnendos quodammodo ac vilipendendos propinētis, ſi ad illorum opem conſugere cogamini. Huc enim Apoſtolum propriè reſpicere, oſtendunt ſequentia: Quanquam aliās, & ratio ipſa, & verba ita ſunt

Deſides enim curioſi.

Ratio præcepti à fine ne ad extraneorum opem ob inopiam conſugere coacti, illorum ſe contempui & inſultationi exponant.

comparata, ut latius extendi queant, & nominatim ad ea, quæ proximè antecesserunt, de vitanda πολυπραγμοσύνη, & rerum alienarum cura; quasi dicat Apostolus: ut ita vos geratis, ut homines à fide alieni cernentes vos nec ambitionis vento agitari, & ab alienarum rerum cura alienos vestrum negotium curare, & propriis manibus victum vobis acquirere, nec alienæ opis indigere, vos & admirentur, & nullam occasionem vos vilipendendi, aut vobis detrahendi habeant. Sed prius, ut diximus, Apostoli menti magis est consentaneum. Sequitur enim explicandi quodammodo gratiâ: et nullo opus habeatis. Vox nullo, ad homines extraneos videtur hoc loco propriè pertinere; quasi dicat: ita nimirum, ut nullius extranei ope indigeatis, nec ad eorum auxilium, vitæ sustentandæ causâ, confugere cogamini, qua in re consistit τὸ εὐχρηστον seu honestum illud, de quo modò dixi, eavé nititur. Etenim qui ad alienam opem confugit egestate adactus, ù ei se submittit, & occasionem illi præbet se contemnendi, & sibi insultandi, atque exprobandi, hominibus præsertim impotentis animi, & alienis à Christi religione, quòd sine ipsorum ope vivere non possit. Quodsi ob ignaviam etiâ Christianorum id accidat, causa illi præbetur tantò major, ut ipsis in probum id vertant.

Altera pars capituli, doctrinam de resurrectione adeoq; summa felicitate piorum continens.

v. 13. Non volumus autem vos ignorare.

Altera capituli pars, in qua doctrinam de piorum resurrectione, de qua non satis fuerant Thessalonicenses instructi, proponit, collocans illam in medio præ-

piorum

ptorum ad pietatem ducentium, quia illa sit velut fundamentum, cui pietas nostra innitatur, & nihil nos ad eam potentiùs incitare possit, atque vitæ futuræ spes. Ad hunc autem locum doctrinam illam potissimùm videtur reservâsse, quia traditurus adhuc erat præceptum de sobrietate ac vigilantia, quæ virtutum omnium Christianarum veluti custos est. Hujus verò fundamentum quoddam est spes, & expectatio adventus Christi, mortuos resuscitaturi, & unâ cum illis etiam superstites pios ad se collecturi, atque in cælum delaturi, cujus adventus tempus ignotum esse velis. Quare Apostolus ignorantiam Thessalonicensium circa resurrectionem mortuorum erudiens, rem totam illis breviter explicat, & effectus adventus Christi hoc capite expositis, initio sequentis capituli de tempore illius nonnihil addit, hoc est, id nobis ignotum esse asserit, & hac ratione præceptum de sobrietate ac vigilantia subjicit huic fundamento superstructum, atque ita ad interruptum præceptorum cursum revertitur. Reliquo igitur hoc capite Thessalonicenses de resurrectione meliùs instructurus, initio rem, de qua sit acturus, proponit: deinde eam explicat simul & comprobat: tum tacite illorum cogitationi occurrens, totam rationem, quâ omnes pii olim, sive mortui, sive vivi, sint ad supremam felicitatem perducendi, uberiùs declarat. Tandem finem hujus doctrine in ipsa propositione positum i. Eam tractaturus, initio rem proponit.

Cur hoc loco
contradatur.

Quodd sit de
iis aſſurus,
qui ſunt in
Domino
mortui.

2. Finis hu-
jus tradu-
tionis ne a-
nimo con-
tristentur.

Ut gentiles
qui ſunt
ſine ſpe.

ad quos ſcribit ſcitu vel neceſſaria, vel ſaltem utili,
ut 1. Cor. 10. 1. & 12. 1. 2. Cor. 1. 8. De iis qui ob-
dormierunt. i. e. Nolo autem vos in ignorantia
verſari eorum, quæ pertinent ad ſtatum ac conditio-
nem eorum, qui fide Domino Ieſu ad extremum vitæ
halitum ſervatâ mortui ſunt. Ii enim in ſacris litte-
ris Novi fœderis obdormiſſe dicuntur, qui mortui
ſunt in Domino: Metaphora pleniori, quia non ſecus
è morte, atque è ſomno in vitam revocabuntur. Eſi
enim in Veteris Fœderis ſcriptis, impiis quoque mori-
entibus idem verbum tribuitur, id tamen ſit tan-
tum propter *ἐν φημίαν*, metaphora dilutiori. ut nō
contriſtemini. i. e. ne ita ob eorum obitum animo
afficiamini, itaq; eos lugeatis, tanquam actum de il-
lis eſſet. Gravius enim mortem homini chari eum
ferre neceſſe eſt, qui eum periſſe jam exiſtimat,
quàm qui ſcit, eum haudquaquam periſſe, ſed cer-
tam melioris vitæ ſpem ei ſuperreſſe. Quanquam &
ſuâ cauſâ triſtari poterant Theſſalonicenſes, ne &
ipſi morte abrepti perirent. Qui enim pios mortuos
periſſe putat, de ſeipſo, præſertim cùm mortem ſibi
imminere videt, non poteſt non eſſe ſollicitus. ut &
reliqui. ſcilicet gentiles, qui ſpem non habent.
ſibi videlicet à Deo ſactam, ut Tit. 3. 7. cui ſcilicet
tutò innitantur. Cauſam finalem in hiſ verbiſ, ut
non contriſtemini, aſſert, quæ ad doctrinam hanc
de reſurrectione tractanda fuerit invitatus. Veriſi-
mile autem eſt, Theſſalonicenſes, cùm audirent, Chri-
ſtianos in adventu Domini Ieſu præmia reportatu-
ros

ros, ſapiusq; illis inculcaretur, perpetuo eos ad ad-
ventum illum paratos eſſe debere; id ipsis adhuc ſu-
perſtitibus futurum animo præſumpſiſſe: quod etiam
nonnullos iis perſuadere conatos, ex ſecundâ Episto-
la conſtat. Vnde cum interim viderent, alios Chri-
ſtianos, & ſibi fortè ſanguine junctos, mori; & pro-
pter illos mœrore conſciebantur, inſelices eos eſſe
exiſtimantes, quia unâ cum cæteriſ mortalibus peri-
iſſent: & ſibiipſis proculdubio metuebant, ac pro-
pterea in ſummo animi angore & cruciatu erant.
ne eos ante adventum Domini mors occuparet.

v. 14. Si enim credimus. Rem ipſam explicat,
& argumento à reſurrectione Chriſti ſumpto ſutu-
ram eorum, qui obdormierant, reſurrectionem pro-
bat. Argumentum ex loco parium ductum eſt. Vult
quippe dicere: Si Chriſtus, cum eſet mortuus, reſur-
rexit, ii etiam, qui membra ipſius ſunt; licet morian-
tur, reſurgent. Atqui prius verum, ergo & poſterius.
Porro oratio Apoſtoli verbis ἀνὰ λόγον & eſt. Ra-
tio enim connexionis aliud requirere videbatur con-
ſequens, ex iſto Apoſtoli antecedente aptum. Ita
nempe videtur concludere debuiſſe: Si credimus, quòd
Ieſus mortuus eſt, & reſurrexit; etiam credere de-
bemus, quòd Deus eos, qui dormiunt, per Ieſum ad-
ducet cum eo. At conſequens ab Apoſtolo expreſſum,
ſic & eos qui obdormierunt per Ieſum, ducet
cum eo, huiusmodi revera requirebat antecedens;
quemadmodum Ieſus mortuus eſt & reſurrexit: Non
autem iſtud quod hic ponitur: Si credimus, quòd

1. Reſurre-
ctionis cer-
tudo ex re-
ſurrectione
Chriſti.

Iesus mortuus est & resurrexit. *Sed nimirum concisa hac loquendi ratione voluit simul & antecedenti ipsius, in quo tota vñ argumenti sita est, manifestam apud ipsos veritatem exprimere, & consequentiae simul rationem ostendere. Ac illud quidem voce credimus, hoc verò vocula ὅτι, sic, quae similitudinis ac paritatis inter nostram & Domini resurrectionem nota est, praestitit: ita ut in hac enunciatione Paulina tacite includantur rationis subsidia, seu antecedenti & consequentiae probatio. quasi dicat: Si enim verum est, quòd Christus, cùm esset mortuus, resurrexit. ut sanò, verum esse omnes, qui Christi nomen profitentur, vosq; unà nobiscum certissimis argumentis convicti crediti; etiam illud verum est, quòd Christiani, etiamsi moriantur, resurgant: Si quidem par est huius & illius ratio, itaq; sunt haec inter se connexa, ut illud verum esse non possit, nisi etiam hoc sit. In antecedente autem istius propositionis hoc amplius est observandum, in vocibus mortuus est & resurrexit, esse ἐν δ' ἰα δ' ὄνο, pro, cùm esset mortuus resurrexit: quae loquendi ratio frequens est sacris scriptoribus. Neque enim Apostolus duo voluit resurrectionis nostrae argumenta adferre, mortem Christi, & ipsius resurrectionem: sed resurrectionem tantum, morte tanquam necessario antecedente illustratam. In consequente verò causa resurrectionis efficiens, quàm non expreſſerat in antecedente, nominatur; nempe Deus. Vocibus verò qui obdormierunt per Iesum, descriptio Christiano-*

rum continetur, & voce Iesu, Metonymicè doctrina seu religio ab ipſo tradita intelligitur. quaſi dicat: qui obdormierunt in religione Chriſtiana; ut idem ſit per Ieſum, & in Ieſu, ſeu cum Ieſu, ejusvè religione. Nam per pro cum uſurpari, frequens eſt. Vide Rom: 2. 27: 4. 11: 14. 20: 2. Cor: 3. 11. Quemadmodum autem Chriſti nomen pro ejus religione non rarò ſumitur, ita & nomen Ieſu nonnunquam. Vide Ephes: 4. 21. ducet cum eo. i. e. quemadmodum illum reduxit, puta ex mortuis, ita reducet & ipſos. Hac enim eſt viſ hujus loquendi rationis, cum eo, ut oſtenditur alibi. Vide inter alia Rom: 8. 32. Videtur autem vox ſimplex ὁ Ἰηſους poſita pro ὁ ἡρώδης, qua voce in eadem materia utitur alibi ſcriptura. ut Hebr: 12. 20. Rom: 10. 3. Niſi quò malit poſitum pro πρὸς ὁ Ἰηſους, aut οὐκ ἔστιν, qua ratione ſenſus eſet: Deum eos, qui in Chriſto obdormierunt, ſimul cum Chriſto ipſo ad ſe adducturum, vel congregaturum. ſed prior ſententia veriſimilior eſt.

Vide lib. 1.
de Uno Deo
Patre Sec 34
c. 3. pag. 4416
442.

v. 15. Hoc enim vobis dicimus in verbo Domini. i. e. Hoc enim vobis aſſevero & confirmo, non meis, quæ forte in dubium vocare quiſpiam auderet, ſed ipſius Domini Ieſu verbis, tanquam ſi ex ore ipſius Chriſti id audiret, ego enim id ab ipſo audi. Vocula in redundat: Descendit ad uberiores totius hujus myſterii explicationem, & primò quidem dictis ſuis authoritatem verbis jam explicatis conciliat. Deinde iterum tacite illorum cogitationi occurrens, quia nihilominus putare poſſent in ſelicio-

res eſſe

res esse mortuos, quàm futuri sint quas vivos inveni-
et adventus Domini; ne id quidem dici posse ostendit,
quia vivi minime in præmio accipiendo priores iu,
qui obdormierunt, futuri sunt. Quia, vel potius,
quòd nos viventes relictī in adventum Do-
mini. i. e. quòd illi quicunq; vixerint usq; ad adven-
tum Domini, sive ego, sive vos, sive quicunq; tandem
futuri sunt, quibus viventibus adveniet Dominus Ie-
sus. Neq; enim in prima persona ideò hæc effert, quòd
persuasus omnino sit, aut se, aut illos Thessalonicen-
ses, ad adventum usq; Christi victuros: sed cū utriq;
tum temporis adhuc viverent, se quoq; illi hominum
generi accensent, quos in adventu suo deprehendet
Christus: seu ut clariùs rem exprimamus, vocibus il-
li, nos viventes, nō speciem aut individua hæc, hoc
est se ipsum, & Thessalonicenses, aliosq; Christianos
eo ipso, quo hæc scribebat, tempore virētes intelligit,
sed genus, seu homines ejusdem generis, hoc est, Chri-
stianos viventes, è quorum numero ipse unā cū
Thessalonicensibus tum temporis erat. Solet enim
Scriptura sacra, non semel vocibus nos, vos, ac simi-
libus, non quidem illa ipsa individua quæ loquuntur,
aut ad quæ sermo fit, denotare, sed idem individu-
um genus, seu ejusdem generis singularia. Vide inter
alia multa. Iud: 2. 1. 6. 8, 9. 1. Sam: 17. 8. & Act: 7. v. 53.
Vide quoq; Socinū contra Palæologum part. 1. cap: 4.
pag: 76. & sequen: edit: secundæ. relictī in adven-
tum Domini. i. e. superstites usq; ad adventum Do-
mini. Nam & is positum est pro μεχρι. Non præve-
niemus

niemus eos, qui obdormierunt. i.e. non prius accipiemus, seu non accipient ii, qui tum vixerint, premium, quàm mortui: imò ut in eo Christiani vivi mortui quodammodo superiores erunt, quòd mortem non gustabunt, ita mortui priores quodammodo in acceptione premii futuri sunt. Dico quodam modo: quia tamen non prorsus & omnino posteriores illi vivi futuri sunt, ut ex sequentibus apparebit, ubi de modo & ordine ad felicitatem pios, tum vivos, tum mortuos reducendi plenius agetur.

v. 16. Quoniam ipse Dominus. Confirmat quod antecedente versiculo asseruerat, & simul totam resurrectionem, atq; adeo premii fidelibus dandi rationem aperit. Primò enim ipsum premii datorem exprimit. Deinde quæ preparatio, quiq; accessus ad tantum opus sit futurus exprimens, maiestatem huius habentis depingit. Tertiò demum ordinem & modum, quo in premio unicuiq; assignando sit usus explicat. ipse Dominus, nempe Iesus Christus. Hic enim est iudex vivorum & mortuorum à Deo constitutus. Vocia ipse non est otiosa, sed hanc vim habet, ut significet, non per alios hac perfecturum esse Christum, sed ipsummet è cælo, ubi tanquam in regia nunc habitat, descensurum ad opus tantum, quo nullum cogitari potest illustrius, perficiendum: ut ita omnibus pateat, per ipsum tantam nobis à Deo felicitatem dari, utq; illius maiestas etiam illi pateat, qui ipsum antea contempserant, aut etiam, ut scriptura loquitur, confixerant; atq; ita cernant, jure se impi-

etiam

etatis sue penas nunc dare, & ab illo, quem scelera-
 re vel in ipsiusmet corpore, vel in membris mystici
 corporis confixerant, se nunc confici & mactari.
 Descendet de cœlo. Hæc preparatio & accessus
 est ad tantum opus. Descensus de cœlo, in quo nunc
 degit ad dexteram patris confidens, in mediam hanc
 aëris regionem, ut ex v. 17. apparet: in quo cum di-
 cuntur fideles in occursum Domini in aëra raptum
 iri, non obscure aſſeritur Dominum in ipsam usq; ter-
 ram non descensurum, sed in aere cum suo cœlesti co-
 mitatu substiturum: Descendet autem illo ultimo
 die, quem pater constituit, ut justè judicet orbem
 terrarum, per virum quem definiit, fide palam fa-
 cta omnibus, illo à mortuis excitato, quemadmodum
 aſſeritur. Act: 17. v. 31. In hortationis clamore,
 in voce Archangeli, & in tuba Dei. In pro-
 cium, ut alibi sæpe, id est, cum leta & ingenti cœle-
 stis exercitus sui acclamatione, & veluti triumphan-
 zium oratione, cui præibit Archangelus, unus vide-
 licet è præcipuis militiæ cœlestis ductoribus, voce sua,
 quæ erit instar sonore cujusdam, & inter homines
 inusitate, ac Deo ipso dignæ tubæ. Pertinet id ad
 majestatem adventus Domini, seu maiori ipsius Do-
 mini advenientis demonstrandum, de qua plura le-
 gimus alibi, & imprimis Matth: 24. v. 31. vox κελύ-
 σματος ονάντιβς propria, vel etiam nautis, qui sub-
 lato clamore sese incitant, ut uno eodemq; impetu
 remis incumbentes navem impellant, præsertim ubi
 portum ingrediuntur, aut illo egrediuntur. Ita tum
 videlicet

videlicet cœleſtis ille exercitus, ſedibus ſuis, à Duce ſuo, ſummum gloriæ ſuæ faſtigium impoſituro, & majeſtatem ſuam ac poteſtatem uniſverſis terrarum populis oſtenſuro, excitus, mutua ſemet acclamatione, velut ad properandum, & juffa ejus exequendum cohortabitur, vel potius certiffima jam ſp̃e triumphum mox ſequuturum præſumens ovabit. Porro tubæ nomine non videtur quid diverſum ab illa Archangeli voce intelligendum; quam etſi hîc diſtinctè à tuba commemoret, in priori tamen ad Corinth: cap: 15, ubi etiam totam hujus myſterii rationem pleniffimè perſequitur, ſolius tubæ meminit: quam vocat Dei tubam, ad diſtinctionem humanarum tubarum, quia non vulgaris illa tuba erit, ſed divina, non quali duces aut reges terreni utuntur, ſed quæ nemini niſi Deo, aut proximum à Deo locum tenenti, & ejus perſonam ſuſtinenti, convenit. Tubam h. e. Tuba ſonum vocat illam Archangeli vocem, quia tubæ ſono erit ſimilis, ſonora, clara, penetrans, & digna tanto duce ac rege. Eſt ergo in tubæ nomine metaphora cùm metonymia conjuncta. Accomodabit Chriſtus adventus ſui tam illuſtris rationem humano quodammodo ingenio ac conſuetudini. Solent enim duces, cùm exercitibus præſertim, ac copiis advenientes, itemq; Reges cùm magno comitatu locum aliquem ingredientiſ, tubarum ſono adventum ſuum ſignificare, & populum velut ad ſpectaculum evocare, aut convocare. ſic Deus olim vel potius Angelus, Dei nomine legem laturus, cum ſono tubæ in mon-

rem Sinai descendit: quia ut summus rerum Monarcha, & ut Rex populi Israelitici, maiestate venerandus advenit, & ea ratione populum velut ad spectaculū convocavit, & ad legem audiendam excitavit, qua de re vide Exod: 17. 16 & Hebr: 12. 19. Et mortui in Christo. i. e. qui mortui sunt religionem Christianam constanter profitentes, & ei ad extremum usq; spiritum adherentes, resurgent primum. i. e. prius illi à mortuis excitabuntur, quàm premium reddatur illis, quos vivos adventus Domini reperiet: resurgent autem incorruptibiles, ut testatur idem Apostolus, 1. Cor: 15. v. 52. Explicat id, vel potius probat, quod asseruerat, viventes minime in accipiendo premio praevenituros eos, qui obdormiverunt; cùm contra potius futurum sit, ut pii qui obdormiverant, prius resurgant, quàm immutentur vivi. Quare mortuos eatenus feliciores viventibus futuros innuit, nedum ut quinquam illos infelices esse autumare debeat, & propter eos nimium, ut Thessalonicenses fecisse apparet, afflictiari.

v. 17. Deinde nos viventes relictī. i. e. tum demum postquam illi fuerint resuscitati, nos etiam, seu ii, quos vivos adventus Domini invenerit, simul cùm illis rapiemur. Tres veluti gradus in premio fidelibus reddendo constituit: in quorum primo mortui vivos antevertent: in duobus reliquis cùm illis plane conjungentur. Primus gradus erit mortuorum quidem resuscitatio, viventium autem immutatio. Sed viventium mutatio conjungetur cùm altero felicitatis

licitatù gradu, nempe cùm raptu ipſorum in aerem. Dum enim una cum pii reſuſcitatis abripiuntur in nubibus, inmutabuntur, & corpore glorioſo induentur, ac immortales evadent. Ait igitur: Simul cùm illis, jam nimirum reſuſcitatus, rapiemur in nubibus, quæ tanquam vehiculum quoddam erunt, quo ſubvehamur in altum, quæ ſubvexerunt etiam Dominum, imò in quibus ipſe Dominus quoque veniet. Rapiemur autem in occurſum Domini in aera, ut Domino occurramus, qui tum in aere ſubiſſet, nos velut expectans, ut teterrimo hoſtium noſtrorum iugo exempti ad illum veniamus. Tertius atque ultimus gradus felicitatis noſtræ exprimitur illis verbis, Et ſic ſemper cum Domino erimus. Deducemur enim inde in cœleſtia, in quibus nunc habitat, palatia, ubi vita nunquam finienda, omnibusque delitiis & voluptatibus plena fruemur. Neque enim aer ſedes noſtra eſt, ſed cœlum illud unde Chriſtum ſervatorem noſtrum expectamus, ubi noſtra eſt Reſpublica. Phil: 3. 20. Vide etiam Iob: 12. 26. 74. 2, 3. 17. 24. Summam autem hac tota in re videmus Dei æquitatem; Nam quia pii vita ſancti infeliciores videntur eſſe vivi; mors enim ſine dolore non advenit, & non immerito terrorem omnibus incutit: (unde cupiebat Paulus non exui, hoc nimirum mortali corpore, ſed ſuperindui, corpore nimirum immortalis, ut absorberetur mortale ab illa vita 2. Cor: 5. 4.) ideo prærogativa illis aliqua reſpectu viventium concedetur in adeunda felicitate futura. Siquidem prius reſur-

gent incorruptibiles, quàm vivi incorruptibilitatem induant, et hoc pacto illis compensabitur infelicitas illa, ac dolor, quem in subeunda morte sustinuerunt. Hac porro ratione vivi jam æquati, in ceteris felicitatis gradibus illos non antevertent, sed pari, ut ita dicam, passu cùm illi ad supremum felicitatis fastigium progredientur. Simul illi ad Christum in aërem rapiuntur, simul illum aspicient, simul ab illo in coelestes beatasq; sedes deducuntur, & ad Dei conspectum admittentur, unâ cùm illi eternum victuri.

v. 18. Itaq; consolamini alii alios in verbis istis. i. e. Istâ ergo doctrinâ, quam jam vobis proposui, nimium vobis merorem excutite, quem capitis ex mortibus aliorum fidelium, præsertim amicorum, & sanguine vobis, aliavé necessitudine junctorum, & metum quoq; ac sollicitudinem, si quæ vos coquit, dum horretis ne ante adventum Domini mors aliquem vestrum præveniat.

IN CAPUT V.

Partes capituli tres.

Capituli hujus partes sunt tres Initio de incertitudine temporis adventus Domini disserit. Deinde ad adhortationes ad pietatis officia redit. Tandem post votum et admonitiones specialiores, Epistolam familiari sibi salutatione concludit.

Nexus cum superiorib.

v. 1. De temporibus autem Quia de resurrectione fidelium disserens, dixerat ipsum Dominum Iesum è cœli venturum, ut & mortuos resuscitados, & vivos ad se translatos, ad suprema gaudia perdu-

cat: de adventus autem illius tempore nihil prorsus
desinierat; ne & hic suspensi essent, aut erronea ali-
qua cogitatione illaquearentur, de eo etiam aliquid
adijciendum putavit. Itaq; & affinitate materie
huc Apostolus fuit invitatus, & ea ratione de qua su-
perius diximus, quòd hoc pacto commodiorem aptio-
remq; habiturus esset transitum, seu magis reditum
ad cetera pietatis officia explicanda, ac nominatim
ad vigilantiam Theſſalonicensibus commendandam.
Ut enim spes adventus Domini Iesu est fortissimum
ad persuadendam pietatem argumentum: ita illius
incertitudo, ad excutiendum torporem, & procrastina-
tionem; ingenerandam autem vigilantiam &
indefessum pietatis studium. Ita igitur hujus doctrine
tractationem moderatur, ut sensim ab uno ad aliud
transiliens, fundamentum prius sequentium adhor-
tationum structuræ ponat, deinde illi, quæ constitue-
rat, alia superædificet. quasi dicat: Modum quidem
& ordinem, quo ad felicitatem supremam tum
mortui, tum vivi sint perducendi, aperui vobis, & in
adventu demum Domini totum id futurum indica-
vi. Verùm de illius ipsius tempore, ejusq; articulo, puta
anno, mense, die, nihil addo, neque enim opus est, ut
ea de re quicquam ad vos scribatur.

v. 2. Ipsi enim accuratè scitis. i. e. Ipsi enim
probè cognitum & exploratum habetis, statimq; ab
initio id à me didicistis. Superiorem assertionem
confirmat ex adjuncto, incertitudine videlicet ad-
ventus Domini: quam describit à simili. quia seu
G quòd

Pars capituli
prima ad
v. 6. incer-
tum tempus
Christi ad
judicium
adventus
docens.

Quia dies
ille Dominus
improvisus
ingruet.

Ue fur no-
ctū solet.

Voces in
nocte quo
modo acci-
pienda.

quod, dies Domini, dies videlicet iudicii ille ultimus, & decretorius, quo Christus veniet jura factorum daturus. sicut fur in nocte, ita veniet: i. e. ita improvisus & inexpectatus, præterq̃ omnium spem & cogitationem ingruet, atque fur noctu venire solet: quamq̃ incerta est hora & momentum furis noctu venientis; (aucupari autem solet id temp̃ fur, quo minimè omnium expectetur aut sentiatur) tam est incerta hora & momentum adventus Domini Iesu. Vox enim in nocte, non determinatio est temporis adventus Christi, seu non jungi debet cum die Domini, quasi innueret, noctu venturum Dominum, ut quidam ariolantur; sed cum proximè præcedenti voce furis: ut sensus sit; sicut fur noctu ita venire solet, (nocturnum enim tempus furti est accommodatissimum, & à furibus potissimum captari solet) ne hora & momentum adventus ejus præsciatur: ita & adventus Domini improvise homines opprimeret. Id quod ex verbis ipsius Domini hac eadem similitudine utentis manifestissime conspicitur. Matth: 24. 43. Luc: 12. 39. Quanquam & ex Apostoli verbis, eorumq̃ positu, res satis hoc loco patet. Nam si voces in nocte, deberent jungi cum die Domini, non cum nomine furis; non debuisset subjici particula sic ante verbum veniet: sed simpliciter dicendum fuisset: dies Domini ut fur noctu veniet. Sed de hoc plus satis. Eadem similitudine utitur & Petrus 2. Ephes: 3. v. 10. & Apoc: 3. 3. & 16. 15. quibus duobus locis Christus seipsum furi advenienti

habita

habita nimirum ratione incerti temporis, comparat.

Ex locis autem illis omnibus causa satis intelligitur, ob quam Deus incertos nos esse voluerit de tempore adventus illius definito; nempe ut semper parati essemus et intenti, nunquam securi, ac proinde semper nosmet in officio contineremus, nec quicquam de pietatis studio unquam remitteremus.

Cur tam
pus adven-
tus Domi-
ni ignora-
re nos vo-
luerit Deus.

v. 2. Cum enim dixerint. Assertionem suam demonstrat, hoc est, ostendit ita adventurum illum diem atque sur noctu venit. Ut enim ille tum maxime advenire solet, cum homines maxime securos & somno solutos esse putat: ita cum dixerint, puta impii, vel homines generatim omnes, quia generatim omnes impii sunt futuri: Pax, securitas, i. e. cum minime sperabunt, imò cum maxime securi erunt, & vel omnino non futurum (quales homines exituros indicat Petrus) vel adhuc longè abesse adventum Domini, atque ideo nil mali sibi imminere putabunt; tunc repentinus eis superveniet interitus i. e. tunc illos opprimet adventus Domini, qui illis perniciem & interitum adferet. Effectum, nempe poenam atque interitum, pro causa, nempe adventu Domini ponit, seu magis una cum effectu causam intelligi vult. Satis enim ex re subjecta apparet, de illo interitu hic sermonem esse, quem Domini adventus impiis adferet. Sub tempus autem ultimi iudicii, maxime securos, & nimium sibi blandientes futuros homines impios, docet ipse Dominus Matth. 24. 37. Etsi autem simpliciter dictum fueris diem Domini instar furis adventu-

Cum minime spera-
bis.

Repente
impios op-
priet.

qui tum e-
runt maxi-
me securi.

rum; significat tamen Apostolus, id respectu impiorum revera intelligendum esse, seu illorum tantum respectu rem illam vim esse habituram. Nam licet adeo incertum sit adventus Christi tempus, adeoque improviso sit adfuturus Christus, ut fur noctu: ob perpetuam tamen piorum vigilantiam fiet, ut illi non videatur fuisse improvisus, nec opprimat inexpectato. Quemadmodum enim fur nunquam circumspecto patrisfamilias improvisus advenit, ut ipsum incautum opprimat, nec operæ pretium adventu suo facit, nisi ubi edes negligentis & securi patrisfamilias invasit, ita & hic eveniet. sicut dolor in utero habentis. Alia similitudine idem illustrat; & in hac quidem similitudine duo sunt, quæ in priori desunt. Alterum est, quod prægnanti certus instet partus, licet tempus sit incertum: Furi autem adventus prorsus incertus est, & potest etiam nunquam advenire. Alterum est, quod certi iique graves prægnantem dolores maneant; quemadmodum certus imminet impij in adventu Christi cruciatus atque interitus. et non effugient scilicet interitum. Additum id ad certitudinem pænæ, quæ maneat impios, indicandam, simulque inter hujus seculi pœnas, quas multi sæpe impii effugiant, & illius discrimen insinuandum.

Atque prægnantem, dum partus tempus nondum adesse putat, dolores invadunt.

Nec effugient interitum, ut solent aliquando temporales pœnas

Thessalonicæ, tamen et pios omnibus minime id metuendum.

v. 4. Vos autem fratres. Occurrit tacite piorum cogitationi. Poterant enim Thessalonicenses denunciatione tam inæspirati adventus, certissimum hominibus incautis exitium allaturi, perterrefieri, atque

atque ita sibi etiam metuere. Liberat igitur ipsos hoc metu Apostolus, in eadem metaphora persistendo. quasi dicat: Et hoc quidem impiis metuendum est: vobis verò minimè, si modò statui ac conditioni vestre convenienter vos geratis. Non estis in tenebris. i. e. non enim versamini in caligine ignorantie voluntatù divine, quæ homines securos & oscitantes reddit: ut dies vos tanquam fur comprehendat. i. e. ut in hac ignorantie tanquam nocte, dies ille ultimus, adventus videlicet Domini, tanquam fur inopinatò vos opprimat. Vbi dies & lux est, ibi nox & tenebræ non sunt. Apud vos dies est, quia estis illustrati luce veritatù Evangelicæ. Quare nox apud vos esse non potest. Quod si nox esse non potest, non est quod vobis metuatis, ne vos Christus inopinantes tanquam fur noctu adveniens opprimat. Removit initio securitatem, nunc removel etiam nimium metum.

Quia non sunt in tenebris ignorantia, quæ securos facit.

v. 5. Omnes vos filii lucis estis, & filii diei. Idem hic est lux & dies. Lux enim tanta diem efficit, seu constituit. Sensus est: omnes enim vos participes estis lucis & diei. Nam filium esse rei alicujus, phrasi Hebraica, est participem esse alicujus rei ad eamvè pertinere. Sic filium esse regni, filium thalami, est ad regnum aut thalamum pertinere, & ejus aliqua ratione participem esse. Filium esse incredulitatù seu inobedientie, est esse inobedientem, adeoq; inobedientie participem. Participes autem lucis dicit, quia cognitione veritatù divine erant imbuti,

Sed sunt filii lucis.

Filium esse rei alicujus quid sit?

Matth. 8. 12.

9. 15.

Ephesi. 2. 2.

Thessalonicenses cur filii lucis.

que illa lux est, ut apparet ex loco Eph: 5. ver. 8. 9. Ostendit hi verbis Theſſalonicenſes non eſſe in tenebris, à contrario, quod ſimul eſt adjunctum Theſſalonicenſum, nempe cognitione voluntatis divina. Non ſumus noctis neque tenebrarum, ſcilicet filii. Illuſtrat id quod dixerat, iterum à contrario. Loco ejus autem quod antea in ſecunda perſona dixerat, omnes vos filii lucis eſtis: nunc in prima perſona loquitur; non ſumus noctis. &c. ut & ſe, & ceteros omnes eandem Chriſti religionem profiſcentes comprehendat, & eandem omnium hac in parte rationem eſſe oſtendat; ſartè etiam propterea, quia ſubjuncturus eſt dehortationem à ſecuritate, & adhortationem ad vigilantiam ac ſobrietatem. Mollior autem eſt adhortatio in prima perſona concepta, cum in qui hortatur ſe quoque ipſum includere videtur.

Participiis
altera ad
v. 29.
quæ adhortatur eos
primò in
genere ad
vigilantiam

v. 6. Nempe igitur. Superiori argumento ſuperſtruit jam adhortationes ſuas: Argumentum eſt ex loco diſſentaneorum, ſi predicatum reſpicias; ſi autem ſubjectum, ex loco adjunctorum. In primis autem, in eadem metaphora perſiſtens, dehortatur eos ab oſcitantia & ſecuritate. Non dormiamus ſicut & reliqui. i. e. ne ſimus ſecuri & oſcitantes, ne in negotio religionis, pietatis, ac ſalutis dormitemus, ſicut faciunt illi, qui voluntatis divine ſunt expertes, & in Cimmeriis ignorantie tenebris verſantur. Tranſlatio eſt à corpore ad animum; vel ex vulgato adagio, quo qui ſecurus eſt, in utramq; aurem dormire

dormire dicitur. Particula *ux* comparationi servi-
ens quodammodo redundat, ut & cap: 4. v. 5. 13. Sed
vigilemus, ſimus circumſpecti, officio noſtro unice
intenti, etiam atq; etiam providentes, ne dies Do-
mini nos incautos opprimat, quantoq; certius, quā a-
liquis paterfamilias furem, venturū ſcimus diem Do-
mini, horam autem adventus ipſius omnino ignora-
mus, tanto magis omnem veterum mentū excutia-
mus, ne dormientibus obrepat. & ſobrii ſimus. i. e.
ab immoderato potus uſu abſtineamus. Altera virtus
jam ſpecialior, quæ inſtrumētum eſt, imò mater quæ-
dam priorū; Vt enim in corpore ebrietas immodera-
ti ſomni, ſobrietas vigilantie cauſa eſt, & ad illam
tum acquirendam, tum conſervandam certiffimum
medium; ita & in animo. Conſer cū hoc loco illud
Chriſti, Luc: 21. 34. & 1. Petr: 4. 7.

non abundat.

Subjungens
ſpecialem
virtutem
ſobrietatem.

v. 7. Qui enim dormiunt, noctu dormiunt,
& qui inebriantur, noctu inebriantur. i. e. Nam
qui ſomno indulgere, & ebrietati vacare ſolent, no-
ctu id facere conſueverunt. Eſt major propositio ra-
tionis Apoſtolice, cujus aſſumptio & præceſſit v. 5, &
ſequitur mox in parte v. 8. Concluſio v. 4. præceſſit.
Ratio huic mundi ſenio, ſicut & illa D. Petri Act: 2.
v. 15. (ad ruborem depravati ſeculi noſtri) non foret
accomodata: Sed quicquid hodie fiat, illud certum eſt
tam ſedam eſſe ebrietatem, ut merito lucem fugere
debeat, ac proinde nullum ibi habere locum ubi per-
petuo dies, perpetuo lux eſt. Nihil autem huius ar-
gumenti firmitati obſtat, quod Apoſtolus luci ac

Ratio utri-
uſque ad-
hortatio-
nis.

Hoc mundi.
ſenio minùs
plauſibilis.

Firma eaq;
faci.

diei *improprie sic dictæ*; hoc est cognitioni veritatū, opponat noctem *proprie sic dictam*. Cū enim ait, Nam qui dormiunt, noctu dormiunt &c. noctis nomen *proprie sumit*. Robori, inquam, argumenti id nihil detrahit, orationi autem elegantie plurimum addit. Nam tacita hīc latet comparatio. Nam si luci aut diei *proprie dictæ* non convenit somnus *proprie dictus*, nec ebrietas; multo minūs convenit somnolentia in re pietatis ac salutis, luci seu diei *improprie dictæ*, hoc est, ei tempori quo veritatū luce sumus collustrati: similiter nec ebrietas huic tempori convenit.

v. 8. Nos autem diei existentes filii, sobrii simus. Vox *ὑπόμειν* generalis est, & tam vigilantia, quā sobrietati significande servit. Repetit fundamentum totius hujus sue ratiocinationis, ut tantō felicius reliqua, quæ intendit, superstruat, annexens finem hujus ipsius vigilantie & sobrietatis, quo continetur adhortatio brevis & nervosa ad omnia Christianorum officia. Transit autem sensim ad aliam metaphoram, vigilantiam istam, de qua hucusq; dixerat, ad certam speciem restringendo, nempe eam quæ militum est, rationemq; qua eam obire debeant explicat, induti thoracem fidei. i. e. Vigilate autem ita armati & muniti, atq; solent ii, qui hostes sibi imminere sciunt, cū sciatis vitam vestram esse militiam, & imprimis induite thoracem. i. e. pectus vestrum munite, ne facilē ad ictus hostium pateat. Thoracem fidei & charitatis. i. e. thoracem, qui est

Vigilantia
Christiano-
rum qualis.

Obeunda in
armis.

Debent e-
nim pectus
munire tho-
race: cujus
partes duæ.

est fides ac charitas, seu quod eodem redit, fide ac charitate constat. Genitivus est speciei, si fides ac charitas junctim sumatur: nam aliàs partes sunt illius thoracis. Sic Eph: 6. dicitur thorax justitiæ, scutum fidei, id est, thorax qui est justitia, scutum quod est fides. Prior ergo hujus thoracis pars est, Fides: firmissimus doctrinæ Evangelicæ assensus; ne videlicet quicquam animo dubitationis & hesitationis de illa soveatis: sed de illius veritate & certitudine persuasi, ab illa nullis hujus mundi minis, nullis calamitatibus, vos abduci & absterre ripatiimini. Ad Ephesios scuto fidem comparat; sed ibi paulò fusiùs atq; accuratiùs *παινοπλίαν*, Christianam persequitur: quanquam scuti eadem quodammodo quæ thoracis partes sunt, ut videlicet ictum à pectore repellat. Posterior thoracis hujus pars est charitas, videlicet erga proximum. Quam ita quidem latè hic sumit, ut omnia præter fidem & spem officia nostra, per Synecdochen speciei in se complectatur, quo pacto sumitur & alibi 1. Cor: 13. ult: Gal: 5. 6. 1. Ioh: 3. v. 22. & galeam spem salutis: Postquam munivit pectus, munire etiam jubet caput, jubetq; ei aptare galeam, quæ est spes salutis; non quidem illa, quæ præmium potius est pietatis, ex recta conscientia manans; sed quæ oritur ex assensu doctrinæ Evangelicæ præstito, quæq; inter fidem & charitatem, hic ab Apostolo nominatam, intercurrit, ita ut illius sit consequens, hujus verò causa procreans, ac conservans, quo pacto sumitur. 1. Cor: 13. v. ult. Col: 1. 5. quan-

Prior tho-
racis Chri-
stiani pars:
Fides.

Posterior
pars, Chari-
tas.

Caput autē
munendum
galeā, quæ
est spes sa-
lutis.

Ea duplex.

G 3 *quam*

qualis hic
intelligen-
da.

quam ibi metonymice pro re sperata sumitur; & supra cap: 1. 3. Consistit autem in eo, ut quis immortalē sibi vitam, si Deo constanter paruerit, datum iri firmiter persuadeat, summoq; ad eam desiderio feratur. Quanquam pro ipso desiderio salutis, quam tibi datum iri certo confidas, si Deo ad extremum usq; parueris, sumi potest.

Curea capi-
piti impo-
nenda,

v. 9. Quoniam. Hic verbis ita ultimum adhortationis membrum, de capienda videlicet galea spei salutis, comprobare videtur, ut toti simul adhortationi robur addat; hoc est ad vigilantiam illam nos excitet, de qua hucusq; fuerat loquutus, quæ excubias spirituales, nobis fide, charitate, ac spe salutis armatis agendas, complectitur, Quanquam nihil prohibet, Apostolum simul etiam ad superiora oculum intendisse, quibus nimium piis metum eximere voluit, inde ortum, quod improvise adventu suo Christus & incautos oppressurus, & exitium sit allaturus iis, quos securos deprehenderit: Inde enim sibi quoq; ac sue salutis metuere poterant. Hunc igitur metum hic ita temperat Apostolus, ut ostendat alium longè illorum ac hominum impiorum statum ac conditionem esse, adeo ut, modò sibi ipsis deesse nolint, interitum possint effugere. Et hæc causa est, cur spem, licet media inter fidem & charitatem intercurrat, ultimo loco posuit; ut sit illa hoc loco velut quoddam superiorum cum inferioribus vinculum. Ratio autem sumpta est à fine, quem Deus sibi habuit propositum, sive in suo de Christianis vocandū consilio, sive in ipso facto &

Quia Chri-
stianos vo-
cando Deus
non pœnz
destinavit,

No & vocatione. Verba enim ista, non posuit nos Deus in iram, tam ita possunt accipi, non id fuit consilium Dei, non id Deus intendit & sibi proposuit de Christianis, ut eos puniret ac perderet: quàm (& quidem melius) ita; non ideo nos vocavit, atq; in hoc statu, ut nempe ejus doctrinæ assentiremur, velut posuit ac collocavit, ut nos perderet, & exitii pœnam, quam commèriti eramus, nobis irrogaret. Ira pro pœna seu supplicio, & quidem ultimo atq; æterno, causa nempe pro effectu ponitur. Sed in acquisitionem salutis. i. e. sed ut acquireremus salutem, nempe illam æternam, quam D. Petrus animarum vocat. Sensus est, quasi dicat: Ideo verò salutis spem, tanquam galeam capiti vestro imponere, & in adventum Domini, quo ea vobis offeretur, intenti vigilare debetis, thorace fidei ac charitatis induti, ne fracti metu, nec securitatis somno velut sopiti; quia non id in consilio suo, quod olim de Christianis fecit, constituit, neq; id porro cùm nos per Evangelii doctrinam ad se vocaret, & in eo quo nunc sumus statu collocaret, spectavit Deus, ut nos in ira sua perderet, & in exitium præcipitaret: sed potius ut salutem ex ejus misericordia consequeremur. Quod ipsum ut metum, ita securitatem etiam & torporem ac veternum spiritualem excutere unicuique debet; cùm sciamus, in nostra jam esse manu, ut exitium effugiamus, eam esse conditionem nostram, ut salutem consequi possimus, modo advigilare velimus. Iure autem Apostolus asseruit, Deum non posuisse nos in iram, seu

Sed salutis

1. Pet. 1. 9.

ut nos perderet, sed in acquisitionem salutis: quia ipsa vocationis nostrae ratio, seu promissa Evangelica, illustribus documentis confirmata, id clarissime comprobant, uti ex sequentibus aliqua ratione intelligitur. Per Dominum Iesum Christum. i. e. & eam via, quam Dominus Iesus Christus praescripsit ac ostendit, & vi promissionum, quas ille primus nobis à Deo attulit, & sanxit, & denique ejus misericordia, potentia, ope interveniente. Mediam salutis nostrae causam subiicit, ut aditum sibi sternat ad probationem ejus, quod de consilio & intentione Dei, ratione habita status nostri, vel, si mavi, de statu, in quo nos per Christum collocavit, asseruerat.

Idq; per Dominum Iesum.

Quod & mors ipsius demonstrat,

quam pro nobis suscepit.

quomodo id intelligendum.

v. 10. Qui mortuus est pro nobis. i. e. qui nostram causam mortem oppetiit, ut videlicet nos mortis servitute ereptos, in veram vitae libertatem assereret. Descriptio est Domini Iesu ab effectu, quo comprobatur, tale esse Dei de nobis consilium, talem conditionem nostram, qualem versu superiori dixerat. Mors enim Christi pro nobis suscepta, medium est nostrae ab interitu liberationi, ac salutis acquisitioni, destinatum, & ejusdem certissimum pignus. Ut ergo precedenti capite ex Christi resurrectione spei nostrae firmamentum petiit; ita nunc ex morte. Porro cum sacrae litterae dicunt, Christum esse pro nobis, seu nostrae salutis causam mortuum, id duas praecipue partes habet. Prior est, quatenus morte sua nobis plenum jus ad remissionem peccatorum acquisivit, dum promissa Novi Foederis de remissione peccatorum ac vita

vita ſempiterna ſanxit. Poſterior, quatenus per ſanguinis fuſionem in cœlum ingreſſus poteſtatem ac munus nos à pœnis peccatorum liberandi, & exitio ereptos ſalute æterna donandi eſt adeptus. ut ſive vigilemus ſive dormiamus. Finem mor-
 ti Chriſti uberius expreſſurus, ſtatum noſtrum per diſtributio-
 nem ita deſcribit, ut ſignificet neutrum ſaluti no-
 ſtræ, modò ſpirituales illas vigilias ſeu excubias, de
 quibus antea dixerat, agamus, obſuturum. Qua in
 re objectionem tacitam diluit, ut paulò poſt intelli-
 getur, ubi verba ipſa explicuerimus. Poſſunt autem
 ea tam propriè accipi de ſomno & vigilia, quàm im-
 propriè de vita & morte: ut ſenſus ſit; Ideò Chriſtus
 noſtrâ cauſâ mortem ſubiit, ut ſive adventus illius
 nos vivos, ſive mortuos, vel ſive vigilantes, ſive dor-
 mientes invenerit, ſimul cum illo vivamus. i. e.
 non ſecus atque ille vivit, vitam nempe beatam ac
 ſempiternam, nos etiam vivamus, ut cap: 4. v. 14. o-
 ſtendimus. Non eſt autem abſurdum utrumque ſen-
 ſum conjungi; cùm videatur Apoſtolus alludere vo-
 lens ad ſomnum illum & vigiliam, de qua ſuperius
 loquutus eſt, conſultò ejusmodi vocibus uſus eſſe, quæ
 ad omnem vitæ noſtræ ſtatum reſerri & accommo-
 dari poſſent: ut oſtenderet, in quocunque tandem
 ſtatu nos adventus Chriſti reperturus eſſet, ſive vi-
 ventes, ſive mortuos, ſive vigilantes, ſive dormientes,
 nihil nobis metuendum eſſe, ſi modò illum, de quo nos
 ſuperius monuit, ſomnum excuſſerimus, vigiliam ve-
 rò intenderimus. Occurrere enim videtur tacite
 cuidam

Finis pro-
 pter quem
 pro nobis
 Chriſtus
 mortuus.

Ut ſimul
 cum illo vi-
 vamus.

quomodo id
 intelligen-
 dum.

Senſus duo
 recepti.

cuidam objectioni, metuiq; piorum. Potuisset enim quispiam cogitare: si, ut interitum effugiamus, vigilare nos oportet, quid nobis fiet, si dormientibus nobis advenierit Christus, aut etiam iam mortuū sopore oppressis? Neque enim natura nostra fert imbecillitas, ut corpore perpetuū vigilemus, & aliquando non obdormiscamus. Huic objectioni hoc loco occurrit Apostolus, dum in utroque statu salutem nos consequi posse docet, & hoc pacto significat, cum vigilare nos antea iussit, & somnum excutere, si interitum in adventu Domini effugere velimus; non de ejusmodi vigilantia loquutum, quæ somnum naturæ nostræ refocillandæ necessarium excludat, nec somnum illum naturalem, aut soporem mortis nobis noxium fore, sed somnum securitatis ac negligentie in re pietatis, somnum peccatorum. Hunc si excuserimus, nil nobis obsuturum, vel illum corporis somnum, vel soporem mortis, etiamsi nos hoc illoq; somno oppressos Christus deprehenderet. Assertur & tertia hujus loci explicatio, quā priora verba, nimirum vigilandi & dormiendi, de somno & vigilia propriè dicta accipiuntur, vivere autem cum Christo, non de vita immortalī, sed de vitæ pietate; quasi dicat: ut, sive dormiamus, sive vigilemus, ita vitam nostram componamus & traducamus, atque Christus olim vixit & nunc vivit, id est, ut eum imitemur, ipsiq; similes integritate ac sanctitate vitæ simus. Id quod respectu vigiliæ planum est. Respectu verò somni explicari solet ita, ut nimirum religiosi ad somnum etiam

Tertius repudiatus.

acceda-

accedamus, non tantum precibus nos Deo commen-
dantes. sed jam jam in somnum ituri religionis pleni
simus; ut hanc velut scintillam ignis spiritualis somni
favilla ad tempus sepeliat (quemadmodum circum-
spectis patribus familias cubitum se conferentibus
mori est) statim ubi evigilaverit, leni statu excitan-
dam. Verum hac interpretatio coarctior videtur, &
concionanti potius, quam Apostolica intentioni apta.
Satis enim apparet Apostolum in his verbis spem sa-
lutis nostrae, de qua hucusque disseruerat, confirma-
re voluisse. Ista verò interpretatio ad securitatem
tantum excutiendam pertinet, quasi significet Apo-
stolus, tantum à nobis pietatis studium requiri, ut ne
somnus quidem noster ea prorsus vacare debeat. Id
quod metum potius, quam spem excitat.

Concionali-
tori potius
convenit,
quam inten-
tioni Apo-
stoli.

v. 11. Ideò hortamini alii alios Ex superiori-
bus novam adhortationem educit, quasi dicat: Cum
igitur tam leta sit conditio vestra, qui Christo no-
men dedistis, nolite vobismet ipsis deesse: sed subinde
& vobis ipsis, & aliis omnem veternum animo excu-
tientes, mutuò vos ad iter pietatis strenuè & inof-
fenso pede decurrendum adhortemini, vel consola-
mini alii alios, ne videlicet metu frangantur. Nam
& ita vox παρὰ καλῆς verti potest, ut sit velut
repetitio ejus quod sub finem cap: 4. dixerat; quan-
doquidem spem salutis nostrae uberiùs nunc confirma-
vit, morte quoq; Christi velut in subsidium vocata:
cum capite præcedente resurrectionem revera tan-
tum urſiſſet, mortem autem non nisi resurrectionis
gratia

Altera ge-
neralis hor-
tatio.

Ut se mutuò
sive admo-
neant.

sive conſo-
lentur.

et instru-
ant.

Cujus rei
laudem eis
tribuit.

quare?

Adhortatio
specialis al-
tera ad cu-
ram Pasto-
rum.

quos tripli-
citer de-
scribit.

gratiâ commemorasset: & ædificate unus unus i. e. instruite; quâ mentem interiori rerum divina- rum notitia imbuendo, quâ voluntatem ad pietatem studiosè capeffendam flectendo & impellendo; & qui- dem subinde aliquid huic structuræ adijciendo, do- nec fastigium operi imponatur; ut ratio metaphora istius postulat. Sicut & facitis. i. e. quod etiam faci- tis. Adhortationi laudem subjungit, ut calcar cur- rentibus addat, & simul suspitioni eorû occurrat, ne forte existiment hanc adhortationem esse tacitam officii intermissi ac negligentie exprobrationem.

v. 12. Rogamus autem vos fratres. Nova adhortatio, & ex specialibus hoc capite propositis se- cunda, ad honorem & curam pastorum: quam blan- dè proponit, obsecrans potius quàm admonens, ut ip- sa hac ejus lenitate, tantò citius animus eorum illa- beretur: præsertim quia apud eos, qui huic rei non- dum assueverant, videri poterat officium hoc servi- tutem aliquam resipere. Quia verò velut novam ad- hortationis telam orditur, ideò illos compellat fra- tres. ut noritis, i. e. ut consideretis, & ante oculos habeatis laborem ipsorum, & quid ipsi agant dili- genter expendatis. Nisi cum quibusdam malis ver- bum nosse per metonymiam accipere, pro colere ac debitâ reverentiâ prosequi, qui laborant in vo- bis. i. e. inter vos. Laborant autem, vos docendo ac monendo, ut paulò post ait. Presbyteros intelligit ac pastores, quorum officium describit, & præsumt vo- bis in Domino i. e. qui vobis in iis, quæ ad Domi-

num

num pertinent, quæ ad religionis negotium spectant, præſunt, Eccleſieq; gubernacula tenent. Cujus autem generis ſint labores iſtorum, explicat. Et admonent vos, i. e. veſtri vos officii ſubinde admonent, à vitiiſ advocant, ad virtutes cohortantur. Quanquam hoc nomine comprehendenda eſt etiam aliorum Chriſtiane religionis capitum, ſeu ſententiarum, quibus pietas Chriſtiana ſuperſtruitur, explicatio: omnia enim hæc ad vobis & iſtæ ſeu admonitionem tandem ſpectant.

v. 13. Et ducatis illos ſuper ex abundanti in charitate. Hic eſt effectus ac finis ejus, quod antea dixerat, ut noritis eos. Duplici autem modo id poteſt explicari: vel, & æſtimetis ſtatuatq; eos præ cæteriſ & ſupra omnes charitate veſtra eſſe digniſſimos, atq; omne genus honoris & obſequii iſtis deferati, rebusq; ac neceſſitatibus eorum præ cæteriſ proſpiciati; ut charitas ſit id, quo illos admodum dignos judicare ſeu æſtimare debeant. Vel, ut eos præ cæteriſ æſtimetis, & honore ſummo proſequamini, ex charitate, ſeu charitate erga eos impulſi atq; inflammati, ut charitas ſit cauſa efficiens honoris illiſ exhibendi. propter opus illorum. i. e. propter illorum munus & functionem, cauſam ſubijcit admonitioniſ, ſeu quare dæmonſ rei ipſius quam ſenioribus præſtare jubet. Opus pro
pus pro functione Ioh: 17. 4. 1. Cór: 16: 10. 1. Tim: 3. 1. functione.
Pacem habere in vobis ipſis. i. e. Inter vos autem mutuo pacem & concordiam colite. Tertium of- Adhortatio
ſpecialis
tertia ad
cōcordiam
in ſpeciale.

Quarta ad-
hortatio
specialis
quadrupar-
tica.

1. monere
inordinatos
inordinati
qui.

2. Consola-
ri pusillos.
qui tales?

quando ma-
ximè.

quomodo?

v. 14. Rogamus autem vos fratres. *Quarta*
adhortatio specialis, quadruplex officium continens,
ad aliorum utilitatem atq; edificationem spectans,
ex charitate erga illòs manans. Officia enim illa di-
versa & varia esse debent, pro diversitate & varie-
tate subjectorum, ut videlicet uniuscujusq; saluti,
prout cuiq; opus est, consulatur. Et primum quidem
inquit, Monete inordinatos, i. e. eos qui à via pi-
etatis aberrant, nec eam, quam debebant, officiorum
orbitam premunt, salutaribus monitiu vestru in viam
reducite, & ut pietatis tramiti insistere velint ad-
monete, cum delictorum gravitate ac turpitudine,
et pœnarum, quæ ipsos maneant, acerbitate, tùm præ-
mii, si recte se gesserint, præstantiâ ob oculos positâ.
Deinde consolamini pusillanimes, i. e. Cum iu-
qui vel ob ante actæ vitæ peccata ac scelera, vel eti-
am ob præsentis infirmitates & lapsus, animum eri-
gere non possunt, aut spem sibi gratiæ divinæ ac salu-
tis sempiternæ, indignitatem suam expedientes, &
cum futura felicitatis magnitudine contendentes,
facere non audent; (Quod cum aliis non raro con-
tingit, tum sæpius iis, qui morti sunt vicini, eamq; pro-
pè ante oculos versari cernunt) vel ob afflictionum,
quibus propter nomen Domini premuntur, acerbita-
tem animo sunt dejecto & pusillo: cum iis, inquam, i-
ta agite, ut consolationibus vestris animos eorum e-
rigatis; misericordiam videlicet & fidelitatem Do-
mini illis ob oculos ponendo, propter quam ille pecca-
ta quidem, qualiacunq; tandem fecerint, sit ipsis re-
missa.

miſſurus, ſi pro virili ea vitaverint, & ſi quid impo-
 ſterum etiam reſtiterit temporis, id ſecundum man-
 data Domini tranſigentes, integritate ſua expiave-
 rint; in afflictionibus verò, ſi modo ſeſe ipſi penitus
 commiſerint, minimè eos ſit deſerturus, & vel finem
 afflictionibus allaturus, vel levamen adhibiturus,
 vel vires ad eas ſortiter perferendas ſubminiſtratu-
 rus. Tertiò Sustinete infirmos. i. e. Eos verò, qui
 ob exilem rerum divinarum notiſiam, in rebus fun-
 damenta ſalutis non ſubvertentibus errant, neq; ex-
 actam religionis habent notiſiam, tolerate: non ſta-
 tim videlicet illos reiſciendo, aut uſurpatione liber-
 tatù Chriſtiane à vobis abalienando, & propter ex-
 actiorem, qua eſtis præditi, rerum cœleſtium notiſi-
 am contemnendo; ſed potiùs de jure veſtro in illorum
 gratiam remittendo, & in vos accommodando, atq;
 ita eos ſenſim ad cognitionem rerum exactiorem
 perducendo. Debemus enim, qui firmi ſumus, imbecil-
 litates infirmorum portare, ac non placere nobis i-
 poſis, ut ait Apoſtolus Rom: 15. 1. Vide & cap: 14. 21. &
 1. Cor: 8, 9. Paſſes infirmorum nomine etiam illos in-
 telligere, qui in pietatis ſtadio decurrere conati, ſe-
 piùs tamen ex imbecillitate aliqua labuntur. Sed
 credibilius eſt, illos hîc intelligi, quos loci dicti, vel
 infirmos ſimpliciter, vel infirmos fide appellat. Qui
 vero pietatis habita ratione infirmi ſunt, ii ſequenti
 præcepto comprehendî poſſunt. Deniq; Longani-
 mes eſtote ad vel erga omnes. Præceptum hoc li-
 cêt ad privatam lenitatem ac manſuetudinem, qua

3. Sustinete
infirmos.

ii qui

quomodo
toleranda

Alia infirmorum ſignificatio
ſed non longi
huius.

4 Longanimitas erga omnes.

quid ea?

nimirum uti debemus erga eos qui nos privatim laeserunt, referri possit; credibile tamen est, illud vel magis, vel certè nō minus, ad publicam, ut ita dicam, lenitatem ac mansuetudinem pertinere, qua uti debent fideles erga eos, qui licet in ipsos privatim non deliquerint, in Dei tamen honorem Ecclesiæq; integritatem aut famam peccant: itemq; in eos, qui errores sorte suos pertinacius defendunt. Itaq; per vocem omnes Christiani homines potissimum videntur intelligendi. Nam de privata mansuetudine erga eos, qui nos ipsos laeserunt, sequens præceptum loquitur. Nisi dicere velis, sequens præceptum huic declarando atq; amplificando subnecti.

Quinta adhortatio ad officia, cum sumus ab aliquo laesi:

quàm diligenter ea observanda.

Vindicta hic fugienda.

quemodo,

v. 15. Videte, ne quis. Adhortatio ad mansuetudinis & lenitatis studium, ac curam, ratione effectuum ejus virtutis habitâ. Ita verò hæc verba concepta sunt, ut tam eam curam que alios, quàm eam que nos ipsos etiam respiciat, in se complectantur. Videte i. e. etiam atq; etiam curate (verbum id ad necessitatem, vel simul etiam difficultatem quandam rei, quam præcipit indicandam, additum) ne qui inter vos reperiatur, qui malum pro malo reddat. Monet videlicet, ut quisque ab hoc vitio sibi caveat, & ne alii fortè ei indulgeant, provideat. malum pro malo reddat. i. e. injuriam ulciscatur, pro dolore dolorem, pro damno damnum reponens. de vindicta loquitur, privatos alloquens, non tantùm eâ, quam ipsi privatim repetant, de iis à quibus sunt laesi, sed etiam ea, quam per magistratum repetere queant.

Non

Non tamen ut tollat pœnam, quæ à magistratu ipſo boni ordinis cauſa irrogetur, laſo licet minimè inſtigante, neque etiam ut privatos arceat à legitima ſuorum per magistratū repetitione. Aliud enim eſt. reſtitutionem damni requirere; Aliud pœnam: præſertim ſi ita compensationem damni modereris, ut, quantum in te eſt, caveas, ne is, qui te laſit, pœnam incurrat. Addit verò alicui, id eſt, cuicumque, ſive frater ſit, ſive extraneus: ut affectui libenter hic effuſia querenti frenos imponat, ne quis ad certum tantum genus hominum id præceptum adſtringat, aliterq; ibi cum extraneis, & aliter cum fratribus (quod etiam hodie nonnulli vellent) hac ipſa in re agendum eſſe exiſtimet: id quod ex oppoſita antithesi clariùs eluceſcit. Sed bonum ſemper ſeſtamina. i. e. Sed quoties vobis ab aliquo illata fuerit injuria, pro eo, quod alii vindictam querunt, vos (ut alibi ait,) bonitate veſtra malitiam illorum vincite. Bonum accipitur hic reſpectivè, ut loquuntur, pro utili, quod ſcilicet alteri bonum ſit, ſeu, ut nonnulli vertunt interpretes, pro ipſa beneficentia. et in vos mutuò. ſeu in vos, aut erga vos mutuò, qui eſt vinculo Chriſtianitatis copulati. Et in omnes, cujus-
quàm laſe
id exceden-
dum.
Pro ea, be-
neficentia
ſeſtanda.
Rom. 12.
ult.
erga omnes

cunque tandem ſint ſtatus, conditionis, ac religionis, quaſi dicat: etiam in extraneos, & à Chriſtiana religione alienos, ubi vos laſerint, beneficentiam exerceatis. Vult ergo Apoſtolus manſuetudinem ita à nobis exerceri, ut etiam beneficentiam exerceamus, & tam longè abeſſe à vindictæ cupiditate, ut ejus contrarium etiam faciamus. H 3 v. 16.

6 Adhorta-
tio ad tria
officia, cul-
tam divinū
respicien-
tia.

2. Gaudium
spirituale.

Unde id o-
ritur.

Gaudendū
autē omni
tempore.

Et si possit
hic eccli-
psis inter-
venire,
non tamen
totalis.

v. 16. Semper Sequuntur tres, numero adhor-
tationes ejusdem generū, ad ea videlicet officia du-
centes, quæ pietatem in strictiori significatione, hoc
est, religionem cultumq. divinū respiciunt: quan-
quam eorum primum ad ipsos quoque fideles spectat.
Id verò est, semper gaudete. gaudia videlicet non
carnali, seu ex carnali causa proficiscentes; sed spiri-
tuali: quod videlicet inprimis ex spe immortalitatis,
nobis per Christum à Deo facta, proveniat. De hoc
gaudio loquitur idem Apostolus. Rom. 12. 12. Phil. 4.
ver. 4. Vult autem isto gaudio Theſsalonicenses gau-
dere, semper. i. e. omni tempore, iam rebus proſpe-
rè & ad voluntatem fluentibus, quod quidem sponte
videtur provenire, in animo felicitatis salutisq. sue
recto aestimatores; quàm in afflictionibus & calami-
tatibus, & præsertim si eiusmodi incidant tempora,
quibus omnia adversus eos conspirare, & velut clas-
sicum canere videantur: ut videlicet in maximis
etiam angustii & angoribus constituti sese erigant,
nec quantumlibet gravissimis & acerbissimis casu-
bus ita à mærore opprimi se patiantur, ut animum
despondeant, & se tristitia penitus dedant, atq. ita
gaudium istud spirituale amittant; sed potius tan-
quam palma, tantò acrius contra ea nitantur, &
gaudii istius cœlestis vi omnia, quæ ipsos premunt one-
ra excutiant & diſciant, in quo quidem casu, fa-
tendum est, eclipsin velut quandam & deliquium
istius gaudii posse contingere, nō quidem illam tota-
lem, sed tamen talem, ob quam minus vires suas
explicet.

explicit, & celeſti ſubſidio ad eas reſovendas & recreandas egeat. Ita quantum in Chriſtianiſmum ſupererit ſpei, miſericordiæ, & benignitatis divini, beatæq; immortalitatis, quâ ſe tum ſuſtentent, & recreent, tantum ſupererit iſtius gaudii.

v. 17. Indefinenter orate. Alterum præceptum, de precum aſſiduitate. indefinenter, i.e. quàm creberrime, quàm frequentiffimè. Illa enim dicimur indefinenter agere, quæ quàm creberrimè facimus, & quibus dediti intentiq; ſumus, licet etiam aliquando in iu, natura rei ita ſerente, interjungere cogamur. Quanquam & alia quadam ratione jubemur ſemper orare, & non ſequeſcere, ne videlicet animum deſpondeamus, & ab oratione ceſſemus, ſi non ſtatim, in re quàm patefactæ a Deo voluntati conſonant eſſe novimus, exaudiamur: ſed potius tanto magis preces intendamus, acriusq; inſtemus, ſcientes, Dominum quandoque non quia preces noſtras ſpernar, opem denegare, ſed probandæ fidei noſtræ tantum differre. Et de hac in precibus aſſiduitate loquitur ipſe Dominus Luc: 18. ver. 1.

v. 18. In omni gratias agite. Tertium præceptum. in omni, ſcilicet tempore. Ad tempus enim illud potius reſpicere, quàm ad objectum, cum antecedentia præcepta indicant, tum verò quia in malis ac ſuppliciiis non eſt propriè gratiarum actioni locus, niſi fortè per accidens, quatenus utilitatem aliquam nobis afferre poſſunt. Quanquam ad Ephes: utrumq; conjungit Apoſtolus cap. 5. ver. 20. ſenſu quem hic

H 4

innuimus.

2. in precibus aſſiduitas.

quomodo id intelligendum.

3. Gratiarum omni tempore adie.

et de omnibus.

Ratio omni-
um istorum
trium.

innuimus, ibi verò luculentiùs explicuimus. Hæc enim est voluntas Dei. i. e. id enim vult Deus, ut supra cap. 4. ver. 5. in Christo Iesu. i. e. in religione Christi Iesu, vel, per Iesum Christum tradita, in vos. i. e. respectu vestri, vel ad vos spectans: Breviter, hoc à vobis requirit Deus. Ratio cum huius ultimi, tum priorum etiam duorum preceptorum.

Adhæreatio
septima ad
officia tria
quoad dona
in aliis con-
specta.

1. Ne Spiritus
extingvatur.

quomodo
id fiat.

v. 19. Spiritum ne extingvite. Sequuntur tria alia precepta, spectantia ad officia in rebus de donis spiritualibus, præsertim quæ in aliis appareant, Quorum primum est. ne Spiritus i. e. afflatus divinos, & dona ex divina efficacia proficiscentia extingvant: sive in se; tum oscitantia, tum vitæ impuritate; sive in aliis (nam hæc potius respicere videtur) conatibus videlicet illorum obstando, illos spernendo. Fit enim sæpe, ut etiam si quis maximo Dei dono sit præditus, si videat sua dicta nihili fieri, & se nihil promovere, adeoq; contra torrentem brachia dirigere, velut oppressus animum despondeat, et ab eo, quod ceperat, desistat: ex quo tandem & illud consequitur, ut ipsum etiam donum, ubi tanquam ignis velut quodam flatu non excitatur, paulatim desinat & extingvatur.

2. Prophe-
tias ne nihil
faciant.

v. 20. Prophetias ne nihili facite. Alterum huius generis præceptum, priori velut subserviens, eiq; subjectum. In specie enim, & exemplo quodam declarat, quod generaliter dixerat, quasi dicat: Inprimis verò Prophetias i. e. si quis se Prophetam esse professus fuerit, qui Deo inspirante ac patefaciente, ab-
strusa

strusa in religione Christiana mysteria pandere atque explicare possit: ne nihili facite. i. e. ne contemnite, ne statim rejicite: ita enim spiritum extinguetis, atque ab optimo persepe conatu eum, qui dono aliquo divino præditus est, absterrebitis; sicut ex contrario, ubi quis locum industrie videt, non libenter celat ea, quibus ipsum Deus ornavit.

v. 21. *Omnia explorantes. Tertium præceptum, quo occurrit tacite illorum cogitationi & objectioni. Poterant enim dicere: Vis igitur nos statim assentiri, simulac quis spiritus afflatum & Prophetie donum præ se ferens nobis aliquid obtrudere caperit? Minime verò, inquit Apostolus. Nec ideo ab uno extremorum vos avoco, ut in alterum pertraham: sed mediam quandam viam vos insistere volo; ut non statim omnia rejicere, sic nec statim cæco quodam impetu approbare debetis. Sed quicquid vobis fuerit oblatum & propositum, explore, & rationes ejus excutite. Explore verò, ad Lydium veritatis illius, quomodo quam professi estis, quamq; à nobis didicistis, lapidem: illudq; tandem quod bonum est, i. e. rectum & veritati consonum, tenete. Ita scilicet & à periculosa credulitate vobis cavebitis, & spiritum non extinguetis. Præceptum hoc non Apostoli tantum temporibus unitè necessarium, quibus complures impostores, prophetie & spiritus donum jactabant, periculum verò erat, illa ut statim recipere, ita & statim rejicere, ob ingentium in Ecclesia donorum copiam; sed nostris etiam: partim quidem, ne protinus tan-*

3^a Omnia
explorent.

quomodo

Bonum verò
teneant.

Præcepti
hujus necessitas.

quam fanaticum, aut hæreticum damnemus ac repudiemus, si quid à quopiam proferatur de rebus divinis, antea nobis inauditum; partim verò etiam, ne temerè credamus, sed examine diligenti instituto, rejiciamus falsa, vera ac salutaria retineamus.

Octava ad-

hortatio

generalis,

ut ab omni

specie mali

abstineant.

Species ma-

4 b. l. quid?

v. 22. Ab omni. Ultima adhortatio, quæ velut

in summam omnia pietatis officia colligere videtur.

quasi dicat: Breviter, ut uno verbo dicam, Ab omni

specie mali abstinete. i. e. vel ab omni eo, quod li-

cet malum revera non sit, tale tamen esse videatur;

nedum ab eo, quod revera malum est: (quod tamen

si res per se honesta est, tum tantum locum habet, ubi

vel metus est scandalum, vel spes majoris ædificationis)

vel etiam: Ab omni specie mali. i. e. ab omni

eo, quodcumque malum est, quamcumque formam

aut speciem habeat, ab omni genere malitiæ; ut

species idem sit Apostolo, quod forma: Quamcumque

faciem & formam improbitas induerit, quali qua-

li tandem fuerit, ab ea abstinete.

v. 23. Ipse autem Deus. Tertia capituli pars:

Cujus sunt tria membra. Nam primo votum magni-

ficum ponit. Deinde monita quedam specialiora in-

terferit. Tandem usitatâ sibi formulâ, seu voto Epi-

stolam concludit. Et quod ad votum quidem prius at-

tinet, non tantum illud verbis amplissimis expressit,

sed spem etiam in non ambiguum, futurum certo

quod volebat, fecit; quasi dicat. Et hæc quidem ego

vobis præcipio, vosq; proinde pro virili exsequi ea stu-

dere debetis, sed Deus ipse conatum utriusq; nostrum.

opera

Tertia ca-
pituli pars:
Ejus mem-
bra tria.

1. Votum
magnificum

Nexus cum
superiorib.

opera sua adjuvet, & ad eam vos sanctitatem, ad quam vos exstimulo, perducatur. Vocat autem eum, Deum pacis, hoc est, authorem pacis ac felicitatis omnium. Duplici enim ratione Deus appellatur, Deus pacis: vel quia concordie est author, eaq; vehementer delectatur: vel quia est felicitatis omnium author. Vtrumq; enim vox Pacis significat. Priori modo sumitur 1. Cor. 14: 23. Posteriori modo sapius in huiusmodi votis, ubi non nominatim pax, seu concordia optatur fidelibus, sed simpliciter id, quod ad felicitatem eorum pertineat, ut & hoc loco accidit. Descriptiones enim huiusmodi accommodatae solent esse rei, quae de sermo est. Summa autem voti, seu rei, quam illi optat, est, sanctificet vos totos, Graece ὁλοτελεῖς. quasi dicat, omni ex parte, ac planè sanctos atq; inculpato vos reddat, auxilium nempe vobis eam ad rem ferendo. Neq; enim ita sanctificat homines Deus, ut eorum ipsorum opera & conatus excludatur. Hoc autem votum postea declarat, maxime habita ratione illius perfectionis, quam significaverat voce ὁλοτελεῖς. Ea enim duplex est: partim quidem habita ratione partium subjecti, seu hominum sanctificandorum: partim habita ratione ipsius qualitatis, hoc est sanctitatis in subjectū illud introducendae. Ait enim, & integer vester spiritus, & anima, & corpus, inculpate in adventu Domini nostri Iesu Christi servetur. Hominem in tres distribuit partes: in spiritum, hoc est intellectum ac

mentem.

Deum eam
Vocat De-
um pacis

Summa voti.
ut eos
Deus sanctos reddat,
quomodo
id Deus
præstat.

et totos
quoad
1. spiritum.

- mentem, quā Deum, cœlestia, honesta consideramus,*
2. animam. *ac cognoscimus: animam, hoc est, voluntatem (sic sumitur cū jubemur ex tota anima Deum diligere; quanquam hic appetitum quem voluntas dirigit, cū ea conjungere possumus, vel potius debemus,) &*
3. corpus. *corpus, seu corporis membra, quibus sententiam mentis, ac voluntatis decreta exequimur. Vult au-*
- et perfectē. *tem ut integer spiritus, anima, corpus, inculcata serventur: ne qua pars istarum rerum sanctitate vacet. Sanctitas autem illa exprimitur, dum dicitur, ut inculpate servetur. Ejus perfectio, ac plenitudo quedam, dum additur, in adventu Domini nostri Iesu Christi. Inculcata enim in adventu præsertim Iesu Christi esse ea non possunt, nisi sint sancta. Quod enim est sanctum, culpā non potest; quod*
- Spiritus noster quando inculpatus. *sanctum non est, culpā non vacat. Inculpatus autem est integer spiritus, cū mens atq; intellectus noster omni vacat errore, qui ipsum polluere, atq; inquinare aliqua ratione posset. Talis autem error foret, qui pietatem aliqua ex parte tolleret, aut labefactaret: ut si quis quidpiam præcepti Christi adversum statueret, aut quod spem future vite, qua omni Christi-*
- Anima quando inculcata. *ani homini pietas nititur, subverteret. Anima seu voluntas inculcata est, cū nihil statuit, nihil desiderat, quā quod divini mandati est consentaneum, & in pietatem ac salutem toto impetu fertur.*
- Corpus quomodo. *Corpus deniq; inculpatum est, cū nihil aliud facit, nec quicquam membrorum ministerio exequitur, nisi quod cum indē Dei ac Christi mandati convenit,*

nit. Vult autem ea omnia servari inculpate in adventu Christi. Ita enim coherere videntur verba, ut significetur vera ac solida sanctitas: non ficta, & specie tantum pietatis hominum oculis imponens: non etiam mutila, quæ in adventu Christi inq̃ ipsius iudicio consistere, & nos inculpatos præstare non possit; sed talis, quæ coram ipso Christo olim, cum iudicabit mundum, & unicuiq̃ pro operibus reddet mercedem, inculpatos nos præstet, hoc est in causa sit, ut ab omni supplicio immunes, in regnum cæleste admittamur. Non arbitramur ergo & hic positum pro eis, & hoc rursus pro iuxta Christi, quasi dicat, usque ad adventum Domini nostri Iesu Christi, ut nonnulli censent, & sic verba hæc cum sequenti verbo servetur conjungunt, quasi Apostolus durationem istius sanctitatis eo pacto exprimat. Quanquam nihilominus eam durationem his verbis involutam arbitramur. Nam dum ait conservetur, non tantum partes illas hominis inculpatas sanctasve semel effici, sed eam sanctitatem constanter à Deo conservari cupit, eamq̃ fixam ac stabilem esse optat: Deinde cum vult, ut ea serventur inculpate in adventu Christi, hoc est ita, ut in adventu Christi culpam nequeant; simul indicat ad adventum Christi usque, vel saltem usq̃ ad mortem, ea inculpate servari debere. Si enim antè illud tempus inculpata esse designant, in adventu Christi inculpata non erunt. Eo ipso autem dum adventus Christi fit mentio, insinuat animis necessitas atq̃ utilitas ejus sanctitatis,

Inculpate
servari
corpus, a-
nimam,
spiritum.
in adven-
tu Christi
quid sit,

quam

quam Thessalonicensibus optat Apostolus. Quando-
quidem notum erat omnibus Christianis, Christum in
adventu suo orbem universum iudicaturum, & cuiq;
pro operibus justam mercedem redditurum. Quare
& necesse est in adventu illo inculpatum reperiri, &
fructum ea res habitura est incomparabilem.

v. 24. Voto expresso, spem quoq; facit Thessalo-
nicensibus Apostolus, fore ut, quod ipsis optaverat,
consequantur, dum subjicit. Fidelis qui vocat vos,
qui etiam faciet. Vbi & causam exponit, unde ef-
fectus voti sui manaturus sit, & unde tanti boni spem
ac fiduciam capere illi merito possint, deinde & i-
psam effectum subjungit. Causa est, Dei, qui Thessa-
lonicenses ad suum regnum ac gloriam vocaverat,
fides, hoc est constantia in servandis promissis, o-
mnibusq; illis prestandis, quae promissionibus ipsius,
aut gratiae hominibus oblatae, sunt consentanea.
Quare cum & promissa Dei, & gratia Thessaloni-
censibus oblata postulet, ut quatenus vires ipsorum
deficiant, ope illos sua atq; auxilio fulciat, ut sancti
atq; inculpati in adventu Domini Iesu serventur: fi-
des quoq; Dei postulat, ut id praestet. Quare nihil du-
bitandum est, Deum auxilium illi laturum, ad san-
ctitatem omni ex parte, constanterq; colendam. De-
scribit autem Deum, nomine non expresso, dum ait,
qui vocat, aut per Enallagen temporum, voca-
vit vos, ut significet, quenam sit, aut unde pendeat
illa obligatio Dei, ad auxilium illi, ut omni ex parte
inculpati evadant, ferendum. Comprehenditur e-

nim ea in vocatione à Deo profecta, aut ex ea pendet. Etenim vocat nos Deus, cum nos ad cœleste regnum capessendum invitat, & aperte declarat, cupere se, ut regnum illud aliquando re ipsa obtineamus, ea nimirum via, quam nobis per Christum præscripsit. Id verò dum facit Deus, significat se nos vehementer diligere, omniaq; que ad salutem nostram sunt necessaria, in quibus vires nostræ deficiunt, facere paratum esse. Nam aliàs, quod verbis offerret, re ipsa negare videretur, si, cum viam ad cœlum præscripserit, quam nobis ipsis relictæ, & ope ipsius destituti, emetiri non possimus, nos postmodum destitueret. Quare vel ipsa hæc ad cœleste regnum vocatio tacitam quandam complectitur Dei obligationem, seu tu maiori promissionem, que postulet, ut auxilium ferat ad sanctitatem constanter colendam: sed extant etiam aperta Dei promissa, vocationi huic annexa, quibus Deus spiritu se nos suo corroboraturum, & in pietatis cursu nos adiuturum pollicetur. Effectum subiicit, qui etiam faciet. Particula etiam comparationi parium servit: & significat, quemadmodum verum est, Deum, qui nos vocavit, fidelem esse; ita & illud, facturum esse eum id, quod antea Thessalonicensibus precatus fueris, hoc est, eos sanctificaturum totos.

v. 25. Fratres orate pro nobis. Sequuntur 11. Mōnita. nunc alia quedam monita, que privata dicere possis: privata. quorum primum est, ut pro se Deum orent, ut nimirum, quemadmodum in secunda ad eosdem Epistola 1o orent. cap:

cap: 3. scribit, sermo Domini currat, & glorificetur, quemadmodum etiam apud ipsos, & ut eruatur, tum ipse, tum alii laborum socii, ab absurdis & malis hominibus, ut, quemadmodum scribit ad Eph: cap: 6. 19. ipsi detur sermo in aperi-
 one oris ipsius, in libertate, ut patefaciat mysterium Evangelii: ut liberetur à periculis, ut os-
 tium fidei aperiat Deus, & occasionem largiatur com-
 modam Evangelium prædicandi, ut victoriam de e-
 jus hostibus largiatur. Vide etiam Rom: 15, 30, & 2.
 Cor: 1. 10. 11. Phil: 1. 19.

Alterum, ut
 omnes no-
 mine ipsius
 saluentur in
 osculo san-
 cto.

v. 26. Salutate fratres omnes in osculo san-
 cto. hoc est meis verbis, osculo addito, non profano,
 sed sancto, ac Christiano, seu ex charitate Christi-
 ana profecto, salutate omnes fratres. Præceptum hoc
 est secundum, ad eos pertinens, qui Epistolam primi
 essent accepturi, ac lecturi, nempe, ut consentaneum
 est, seniores; quemadmodum & sequens præceptum.
 Id autem est:

Tertium, ut
 legatur epi-
 stola omni-
 bus.

v. 27 Adjuro vos, [per] Dominum, ut lega-
 tur Epistola omnibus sanctis fratribus. Gra-
 viter illos obtestatur, Domino Iesu Christo veluti
 teste advocato, & quodammodo etiam vindice, si se-
 cus faxint, ut qui primi Epistolam hanc acceperint,
 legerint vè. eam ne suppriment, aut sibi solis rerum in
 ea scriptarum notitiam reservent; ceteris vel nihil
 de iis significantes, vel quantum sibi videatur; sed ut
 universo fidelium catui eam prælegant, aut prælegi
 curent; quandoquidem in illis ea continentur, quæ o-
 mnibus

mnibus scitu erant necessaria, ita ut salutis omnium
 interesset ea cognoscere. Sanctos vocat fratres,
 quod essent cognitione veritatis à profano ho-
 minum vulgo segregati, ac Deo consecra-
 ti. Similis loquendi modus est He-


Cureois v.
 ter sanctos.

bræ. 3. 1.

v. 28. Gratia Domini nostri Iesu Chri-
 sti. De hoc voto, quo Epistola clauditur,
 dictum est alibi.

iii. Epistolæ
 Gus.

GRATIA TIBI DOMINE IESU.



I

IN Po.

IN POSTERIOREM D. PAULI
AD THESSALONICENSES
EPISTOLAM.

Argumentum.

Scopus E.
pistolæ.

PRecipuus hujus Epistolæ scopus est, Confirmare Theſſalonicenſium fidem, & eos tum ad progreſſum in ceteris virtutibus Chriſtianiſ, tum verò inprimis ad conſtantiam in patientia ac tolerantia afflictionum ob Chriſti nomen perferendarum, excitare. Hoc autem ut conſequatur, eorum fidem, charitatem, ſed patientiam maximè, atq; omnium fuſiſſimè commendat: deq; hiſ virtutibus ipsis gratulatur, ſui erga illos ſtudii atq; affectus argumenta ubiq; interſpergens, ut orationem hoc pacto velut animet, & ad eorum pectora tum conſolanda, tum ad conſtantiam permovèda, efficaciorem reddat. Deinde, quia nonnulli inter eos reperiebantur, qui jamjam adventum Domini, de quo ſuperiori Epistolà diſſeruerat, inſtare dicerent, hunc etiam errorem animis eorum eximit, cum alia quedam, tum Antichriſti adventum diem illū anteceſſurum, predicens. Tandem ad præcepta, & cohortationes ad varia pietatis officia, more ſuo descendit. Tres igitur ſunt hujus Epistolæ partes: quarum ſingula, ſingu-

Partes E.
pistolæ.

ſingulis capitibus continentur. Præter hæc (ut in aliis etiam Epistolis vidimus) ponitur Exordium, & Epilogus.

IN CAPUT I.

Salutatus in exordio, more suo, Theſſalonicenſibus, virtutes nonnullas ipſorum commendat: omnium autem ſuſſinè patientiam, ut ad eam illos tanto magis exſtimulet: tandemq; voto ſuum erga eos ſtudium exprimit. Ita tria ſunt capituli membra.

v. 1. & 2. Paulus. &c. Prima capituli pars, ſeu exordium Epistolæ, verſiculis duobus comprehenſum; de quo quid ad priorem Epistolam dixerimus, vide. Idem enim planè verbis conceptum eſt.

v. 3. Gratias agere debemus. Incipit ipſa Epistola, & alia capituli pars: in qua gratulatur Theſſalonicenſibus, de quibusdam eorum virtutibus, commendans inprimis eos à fide & charitate, fundamentis & ſontibus omnium pietatis officiorum: quarum magnitudinem & perfectionem à duplici in ſe ex illis orto effectu arguit. Prior eſt gratiarum actio, ut aſſidua, ita ipſorum merito, vel potiùs divinæ erga eos benignitati, unde pietas eorum profluxit, debita. Ait enim: Gratias agere debemus Deo, ſemper pro vobis, fratres, quaſi dicat: gratias, prout quidem debemus, agimus pro vobis ſemper. Vel & debemus agere gratias, & porro reipſa agimus. Non magis enim hiſ verbis voluit expreſſum, quid officii ſui hac in parte eſſet, quàm quid re ipſa ſaceret; cuius facti quia ratio ipſi conſtabat, meritoq; id ab eo ſe-

Prima Epistolæ pars hoc capite continetur

Capitis membra tria.

1. Exordium.

2. Commendaturus Theſſ: gratias pro iis ſe Deo agere aſſerita.

bat, ideo, exprimere id volens, concisa hac loquendi ratione usus est. Quamquam id ipsum denuo mox huius verbis expressit, ita ut dignum est, i. e. sicut sanè decet ac convenit a nobis fieri, seu, æquum est ut fiat. Itaq; alterutrum harum vocum, nempe aut hæ posteriores, aut illa ὁφείλομεν, redundat. quoniam superaugescit fides vestra, i. e. Quoniam maiora subinde incrementa sumit, seu vehementer crescit, sive assensus vester Evangelicæ doctrinæ adhibitus, sive fiducia in Deum ac Christum ex assensu illo manans: ita, ut tum in eorum, quæ semel recipistis veritate magis ac magis corroboremini, tum in fiducia erga Deum quotidie crescatis: spei videlicet vestræ anchoram in omnipotentia, misericordia, & providentia eius oceanum profundissimè per Christum demittentes: Vna gratiarum actionis Paulinæ, causa, virtusq; Thessalonicensium prior à Deo profecta, ex qua illos commendat. Altera causa, & posterior virtus; Et abundat charitas. i. e. & charitas vestra erga proximum, non est tenuis, non manca, sed absoluta, & bonorum fructuum copiâ exuberans. uniuscuiusq; i. e. in unoquoq; vestrum. Ut illud ad intensionem, ita hoc ad extensionem, ut ita dicam, charitatis, utrumq; autem ad insignem Thessalonicensium commendationem, & divinæ erga eos beneficentiæ laudem spectat: quod & tam eximia esset illorum charitas, & tanta virtutis laus non esset quibusdam tantum inter eos peculiariis, sed communibus omnibus. Ideoq; huius verbis non contentus, insuper addit vo-

Idq; tum
propter fi-
dem ipsorum.

Tum pro-
pter chari-
tem.

dit vocem omnium, dum ait, uniuscujusque omnium veſtrū: quæ licet videatur redundare; non eſt tamen prorsus otioſa. Apertiùs enim oſtendit, quàm latè hæc virtus ejusq; incrementa in Eccleſia Theſſalonicenſium pateant. Significat quippe, non alicui tantū inter ipſos ordini hominum vè generi eam eſſe propriam: ſed toti Eccleſiæ eſſe communem; non in ſenioribus tantū, verbi gratiā; ſed & in auditorum vulgo conſpici. in invicem, i. e. erga vos mutuò. De charitate loquitur, quā Chriſtiani Chriſtianos, & quidem ob id ipſum, quòd Chriſtiani eſſent, proſequerentur. Porro generalibus fidei & charitatiſ vocibus videtur per quandam ſynecdochen complecti voluiſſe omnia pietatiſ officia.

v. 4. Vt nos ipſi in vobis gloriemur. i. e. quæ quidem laus veſtra tam illuſtri & eximia eſt, ut nos etiam ipſi gloriemur de vobis. In hoc loco denotat objectum, ut & Rom: 5. 3, 11. quemadmodum eſt ab aliis notatum. in Eccleſiis Dei. i. e. coram cæteris omnium fidelium. Eccleſias enim Chriſtianas intelligit, quibus ſolis ſub Novo Fœdere iſ titulus convenit. Alter effectus, manans ex virtutibus Theſſalonicenſium, & cum illorum magnitudinem, tum ipſorum Theſſalonicenſium commendationem augens. Nec enim vulgare quid & protritum, ſed eximium & excellens ſit, oportet, omniumq; aded vulgarium laudum titulos ſupergreſſum, de quo tantus Apoſtolus cum ſociis tantopore gloriatur. pro patientia veſtra & fide veſtra, i. e. de patientia & fide veſtra.

stra: ὑπερ προωγῆ, ut 2. Cor: 1. 7. & 8. & alibi in eadem Epistola sæpius. Explicat quid sit illud, de quo dixerat se gloriari in illis, seu magis quatenus, cuiusve rei respectu de illis gloriatur, quæq; sit illius gloriationis materia atq; argumentum. Fides nempe & patientia illorum. Fidei vocem in alterutra significationum paulo antè explicatarum sumit, patientiam tanquam ipsius custodem cum illa collocat, & in locum charitatis superius nominatæ substituit, tum quod illa maxime illustre esset illorum fidei documentum, magisq; ceteris, præsertim longè diffusi, quàm ipsa charitas, conspicua: tum quia de illa pluribus dicturus, & ad constantiam in ipsa Thesalonicenses imprimis animaturus esset. in omnibus persecutionibus & tribulationibus quas sustinetis, nempe propter doctrinæ Evangelicæ professionem. Ad eas enim tantum (ut & sequentia indicant) afflictiones propriè respicit.

v. 5. Indicium certum. Hic jam longius excurrit in patientiâ ipsorum, ad cuius constantiam eos præcipuè excitare atque animare constituit, laudem & commendationem. Hæc enim virtus fidei ac porro etiam salutis custos est, eaq; Thesalonicenses maximopere indigebant, cum veritatis Evangelicæ causâ, ab adversariis gravissimè premerentur. Commendat autem eam ab effectibus revera duobus, quamvis si verborum structuram spectes, unus tantum esse videatur, quia prior, qui huius sæculi est, respicit posteriorem, ut in qua tota vis sita est, futuro demum

sæculo

Quin & de
patientia
illorum.

In omnibus
persecutio-
nibus.

Patientia
locus.

seculo implendum. Porro in verbis est Solæcophanes: per appositionem enim Dativo ἑλπίετε afflictionibus jungitur ἐνδεύματα indicium seu demonstratio; sed Hebræorum more potest subaudiri relativum quæ vel quod, & ellipsi aliis quoque lingvis usitata verbum sunt vel est. Vnde nonnulli interpretes sic orationem suppleunt: quæ res manifestum est indicium, i. e. luculentum documentum. iusti iudicii Dei, i. e. illius quod olim iuste decreturus est de vobis Deus. Vt digni habeamini vos regno Dei. Explicat quale de ipsis futurum sit Dei iudicium, cuius indicium sint afflictiones, quas patiantur. Quasi dicat: talis nimirum iudicii Dei, ut digni ab ipso censeamini, seu pro digni reputemini, qui regno & gloriâ ipsius potiâmini. Non enim de ejusmodi dignitate loquitur, quam Deus in nobis sit effecturus eatenus, ut virtutem in nobis producat hoc premio dignam: sed, ut pro summa sua erga nos benignitate, ac secundum promissa sua liberalissima, virtutem ac patientiam nostram tanto premio digneatur. Hanc ejusdem vocis κατὰξιοῦναι significationem habes Luc: 21. 36. Excludit hæc vox meritum propriè dictum. Censeri igitur & reputari dignum regno illo cælesti, est præcipuus patientiæ fructus. Cui accedit alter, illius veluti prodromus, habere certum quoddam atque indubitatum tantæ felicitatis tantæq; mercedis argumentum, id quod unumquemque animare debet, ut omnia acerba propter nomen divinum perferat & obdures, memor quod hic dolor

Quæ docu-
mentum
sint certum

Quoddam sine
digni re-
gno Dei re-
putandi.

fit sibi profuturus olim. Vocula εἰς, non tam finem hoc loco significat, quàm effectum potius illius iudicii divini, quod iustum appellavit. Pro quo & patimini. i. e. propter quod, videlicet regnum Dei, seu cuius consequēdi gratiā etiā sustinetis has afflictiones. Vel causam insinuat, cur illi digni reputandi sint regna Dei, quia illius gratiā patienter tolerant calamitates varias ac graves: vel significat, ipsorum consilio ac desiderio eventum non desore: consequuturos eos quod querant, & cuius causā tam acerba patiantur. Pati eos, ut regno Dei potiantur: proinde etiam certò fore, ut potiantur: Vocū ὅτι finem denotantū clarissimum exemplum.

*Pax ὅτι
finem de-
notat,*

*Quia iustum
est apud
Deum, ut
qui pios af-
fligant, ipsi
ab eo affli-
gantur.*

ver. 6. Siquidem iustum est apud Deum, i. e. Dei iudicio ac sententiā. Effectum superius expressum confirmat, ab adjuncta iustitia seu equitate, & quidem ejusmodi, ob quam fieri nequeat, quin bonum illud, cuius spem fecerat Thesalonicensibus, in re ipsā obveniat. Iustum enim hoc loco dicitur id, quod ut fiat equum est, seu quod equitas ac rectitudo postulat, sive ob ipsius rei naturam, sive ob decretum aut effatum Dei irrevocabile. Simul autem istud effectum illustrat à contrario: Non solum enim quid piis & afflictis, sed etiam quid impiis, & pios Christi servos affligentibus eventurum sit docet. retribuere tribulantibus vos tribulationem. i. e. ut ii qui affligunt vos & persequuntur, propterea quod Christo adhæreatis, reddat, quam sua ista crudelitate merentur, pœnam & afflictionem. In-
telligen-

relligendum nimirum niſi reſiſcant, & ab hac crudelitate deſiſtentes, ipſi potiùs ob Chriſti nomen o-
 minia perpeti ſint parati. Nam hujusmodi conditionem eſſe ſubaudiendam, & tam benignè interpretandam eſſe hujus decreti divini ſeveritatem, tum alia multa Novi inprimis Fœderis dicta ac promiſſa, tum exemplum Pauli ipſius evidentiffimè docet: de quo vide 1. Tim. 1. Ab uno contrariorum incipit hoc loco Apoſtolus, eo nimirum judicii divini effectu, qui impios manet: & deſinit in altero, eo videlicet, qui piis deſtinatus eſt, propter quos hic univerſus ſermo ſuſceptus eſt.

v. 7. Et vobis afflictis relaxationem. i. e. Qui verò affligantur, requiem æternæ vitæ accipiant.
 Vobis autem, qui ab illis affligimini, liberationem ab omnibus calamitatibus, & requiem illius æterni & nunquam ceſſaturi gaudii, mercedis veluti loco red- dere, æquum eſt. ἔτι poſitum pro ἀλλὰ, vel δὲ. Eſſectus poſterior ex patientia in perſecutione profluens, & cauſa conſtantia, animiq; in afflictionibus invicti. Dicit autem juſtum eſſe apud Deum, ut Theſſalonicenſibus cœleſtis regni cauſâ tanta patientibus, hæc requies detur; non quòd patientia ipſorum tantam felicitatem propriè loquendo mereatur: (quæ enim finiti eſt ad infinitum proportio?) ſed quòd Deus ad hoc premium piis perſolvendum promiſſione ac fœdere ſeſe obſtrinxerit. Hunc verò judicii divini effectum illuſtrat primùm à ſimili, ſeu majori à pari, cùm ait nobiſcum. i. e. mecum & cum aliis mihi ſimilibus, qui itidem Chriſti cauſâ affligimur: qua in

Verumque
in adventu
Christi fu-
rurum.

Qui descen-
det e cælo

Cum Ange-
lis poten-
tia.

re latet argumentum, quo comprobatur effectus illo-
letus, ad Thesalonicensis olim ex ipsorum patientia
rediturus. Nam quemadmodum Paulo afflictiones
Christi causâ, patienti Deus daturus est premium
hujus tolerantie ac constantie, relaxationem nimi-
rum & requiem ab omnibus molestiis; ita & Thesa-
lonicensibus. Deinde eundem effectum illustrat ab
adjuncta temporis circumstantia, cum ait: in reve-
latione i. e. illustri ac conspicuo adventu Iesu
Christi. Quam rem amplificaturus revelationem
seu adventum hunc uberiùs describit, & ejus maje-
statem eleganter depingit, ut ita Thesalonicensis,
non modò quando premium hoc accepturi sint, &
contrâ impii ipsos affligentes pœnas sint daturi, in-
telligant, sed etiam per quem, & quo pacto. Adven-
tum ergo illum Christi describit primùm à loco, un-
de sit venturus, nimirum, è cœlo, ubi ad hunc usq;
diem ad Dei dexteram sedens, omnibusq; rebus im-
perans, ac salutis nostræ curam gerens, habitat ac re-
sidet, descensurus inde in hunc aërem, ad judicium
vivorum & mortuorum, uti 1. Thess. 4. vidimus. Per-
tinet hoc ipsum ad majestatem judicis illius demon-
strandam, quòd è cœli sit proditurus, utpote non ter-
renus, sed divinus judex, qui ipsius Dei personam in
judicando sustineat. Quanquam simul etiam indica-
tur locus nostræ quietis ac felicitatis; ut intelligitur
ex Phil. 3. 20, 21. Deinde adventum illum Christi de-
scribit atq; illustrat ab adjuncto eidem insigni, cum
angelis virtutis seu potentie suæ, seu mari suis.

i. e. cum angelis sui potentibus, robore ac viribus insigniter pollentibus. Vnde fortes robore dicuntur pellantur, Psalmo 103. Genitivus est adjuncti, & Hebraismus, dum genitivus pro adjectivo ponitur, & pronomen עוֹרְבִים, magis cum remotiori angelis, quam cum proximo potentia coheret: imò, si sensum spectes, non cum hoc, sed cum illo jungitur. De hoc Angelorum comitatu & ministerio vide etiam Matth: 24.

v. 8. Tertiò illustrat adventum illum ab effectu duplici; qui quidem est effectus ipsius Christi adventus, in eoq; iudicii ab eo tùm exercendi ratio, ac porro ipsum quoq; Dei iudicium, cuius v. 5. & 6. facta est mentio, consistit. Prior effectus est pœna impiorum, in igni flammæ dantis vindictam. i. e. qui vindictam sumet, seu puniet, igni flammante. Non enim hæc verba in igni flammæ, ut quidam putant, ad priora referenda, revelationem videl. de cælo, quasi maiestatis exaggerandæ causa addantur, dicaturq; Christum de cælo cum igni flamma venturum (quanquam id eo sensu ferri possit, si intelligatur cum ita venturum, ut ignis flammam quodammodo secum adferat, seu impius adveniens immitat) sed ad posteriora, ut modum pœnæ impiis irrogandæ exprimant, de quo legimus Math: 13, 42. Vox inposita est pro per, seu mavis ex Hebraismo posita, in Græco redundat. Modum enim seu medium pœnæ intelligendæ denotat. Porro dare vindictam Gracismus est, aut potiùs Hebraismus, pro quo Latinis dicitur sumere vindictam. Vindicta verò hic nihil aliud

Tum vindictam sumas de malis.

In igni flammante.

est

Qui & qua-
les ii.

est quàm pœna, iis qui non noverunt Deum. Describit homines puniendos ab adjuncto, seu mari effectū. Ignorantia enim hæc ita illis inest, ut eorum culpâ insit. Meritum pœnæ hac descriptione exprimit, & tacitè vult ostendere, eos jurè hoc supplicium luituros; quasi dicat: qui cùm possent Deum ita cognoscere, ut illius voluntati & arbitrio sese penitus dederent, habentes occasionem, & audientes prædicationem Evangelii; ad cognitionem tamen Dei animum non adjecerunt, neq; porro illi sese penitus addicere & mancipare voluerunt. Non enim ita generaliter hæc vox poni videtur, ut ad illos etiam extendi debeat, qui ut nullâ penitus Dei notiâ præditi sunt, ita nullam ad eum cognoscendum occasionem habuerunt. Quod etiam sequentia verba demonstrare videntur, quæ explicationi ergo subjicit Apostolus: & non obedientibus Evangelio Domini nostri Iesu Christi. quasi dicat: hoc est, iis, seu, qui sunt illi, qui oblatum sibi Evangelium recipere noluerunt, aut licèt fortè receperint, ab eo tamen vel penitus per apostasiam resilierunt, vel saltem vita & moribus suis dissentiant, ita ut licèt ipsi non erubescant Evangelium, illud tamen ipsos erubescat. Verùm hîc ii potissimùm videntur intelligi, qui Evangelium recipere noluerunt, sed id contumaciter repudiarunt.

v. 9. Qui pœnas luent exitium æternum.

Magnitudo
illorum pœ-
næ.

i. e. Qui exitiî æterni pœnâ multabuntur. Magnitudinem pœnæ exprimit, cujus versiculo superiori

Vocibus à
facie Do-

modum attigerat. à facie Domini. i. e. à Domino, cujus

tujus decreto, sententiâ, ac jussu, illis ista pœna irro- mini *quid*
gabitur. Hypallage est Hebræa. Causam enim illam significat
effluentem, quæ pœnam illam ad effectum deductura *tur?*
sit, emphaticè & cum majestatis Christi regali insi-
gnatione exprimit; quod videl. à facie, seu ab ore i-
psius, tãquàm regis ac judicis cœlestis, decretum istius
pœne proditurum, & gloriosis viribus ipsius executi-
oni mandandum sit. à facie enim Domini ideo id fu-
turum dici videtur, quia sententia ore judicis prola-
ta velut à facie ejus prodire videtur. Sic Psalmo 17.
2. ait David: à facie tua jus meum prodeat. hoc
est: tu ore veluti tuo pronuncia sententiam de me
justam, jus atq; innocentiam meam tuo decreto asse-
re. Quanquam aliàs à facie alicujus, phrasi Hebrai- *A facie a-*
ca, idem est quod ab aliquo, ut indicant inter alia *licujus fie-*
loca ista Deut: 20, 19. Psalmo 17. 2. 1. Paral: 29. 12. *ri quid*
Esaie 57. 16. Dan: 2. 18. & 7. 26. Itaq; à facie Do- *fit.*
mini, simpliciter accipi potest, quasi dicat à Domi-
no. Quidam modum pœne impiis insligendæ his ver-
bis exprimi putant: quasi dicat, expulsi à facie Do-
mini, seu ita abjecti, ut illi faciem Domini intueri,
aut coram ipso versari non liceat, sed ab eo procul
dijuncti pœnas luant.

v. 10. Cùm venerit glorificari in sanctis su-
is. i. e. Illo, inquam, tempore, quo veniet ut quàm glo-
riosus sit, appareat, vel laudem ac gloriam insignem
referat, ex eo, quod sancti sui, hoc est, fidelibus suis
præstiturus est; cùm præmium illorum virtutibus, &
in primis patientiæ, ex promisso debitum conferet. I-
dem

Punientur
autem die
ultimo.

Quando
glorificabi-
tur Domin⁹
in sanctis
suis.

dem tempus iudicii Domini illustrat ab effectu, superiori contrario, atq; ita ad fideles, propter quos in hunc sermonem descenderat, paulatim redit, quod tantò melius sequentia cum antecedentibus connectere possit. Glorificandus autem dicitur in die iudicii in sanctis Dominus, quia tùm maxime illius splendor ac maiestas, tùm vera ac solida gloria apparebit, & laus ei maxima ab omnibus tribuetur, cùm suos omnes in vitam revocabit, eosq; immortales & verè gloriosos ac beatos efficiet, quin omnes etiam, qui à condito orbe in Deo fidem suam collocaverant, in possessionem æternæ illius hereditatis introducet. Et admirabilis fieri in omnibus credentibus. i. e. ut eum in suis fidelibus potentie & imperii sui effectum exserat, quæ summam ipsi admirationem apud omnes conciliet. Maximam enim omnium admirationem excitabit beatissimus ille status ac gloria, ad quam omnes, qui in illum crediderint, tùm temporis perducet. Auget id, quod superius dixerat, amplitudinem gloriæ Domini, quæ tùm sese exeret, exaggerando. (Quia creditum est testimonium nostrum, super vos vel apud vos) Verba hæc in parenthesi ponenda, hiatuq; velut quiddā (quia concisè prolata sunt, nec prima facie, quid illis velit, apparet) explendus. quasi dicat: Et inter illos etiam in vobis, quia & vos in credentium numero estis, ut qui credideritis testimonio nostro. i. e. illi sermoni seu doctrine de qua testimonium perhibuimus inter vos. Sub genere enim, hoc est omnibus

omnibus credentibus quorum fecerat mentionem, etiā speciem insertam, hoc est, Thessalonicenses, ad quos & de quibus hic præcipue sermo est, quorumque causa hæc omnia dicuntur, tacite vult comprehendendi, in die illo, i. e. extremi iudicii. Verba hæc addenda post parenthesin, & jungenda verbo admirabilis fieri, quasi dicat: nempe in die illo. Dies ponitur pro tempore.

v. 11. In quod seu cuius rei gratiā etiam ora- Tertia capi-
mus semper pro vobis. i. e. quod quidem, ut vobis pitis pars
eveniat, oramus creberrimè. Ultima hæc est capituli Votum.
pars, in qua postquam eos ad constantiam in patientia satū animavit, votum etiam suum subjungit, quo id illū re ipsa obvenire cupit, quo eos in officio, & præcipue perseverantia in afflictionibus continere voluit. Quod quidem Apostoli votum, & benevolentie singularis contestatio, ad eos consolandos animandosque vim haud exiguam habere poterat: quasi dicat: Cuius quidem tam illustris & augusti boni, ut vos etiam compotes fiatū, & in numero istorum, in quibus glorificabitur & admirabilū apparebit Dominus, censeamini, adeo vobis roveo & opto, ut vos ad id quod vestrarum est partium ducens, cæleste insuper vobis auxilium implorem, interpellemque, pro vobis identidem, ut vos dignetur vocatione Deus noster. Vel, ut id in vobis præstet & efficiat, ut dignè vos geratū vocatione vestra, hoc est, ita vivatū, quemadmodum convenit vocationi vestrae, seu ut eos decet, qui ad tantam felicitatem sunt vocati; Vel
(quod

Ut Deus e-
os dignetur
vocatione.

(quod magis probamus) ut vos dignos censeat eo, ad quod vos vocavit, nempe resurrectionis & immortalitatis bono, voce vocationis pro ejus objecto, hoc est, re, ad quam vocati essent, per metonymiam adjuncti, ut ab aliis est annotatum, usurpata. Ut tacite simul duo velut argumenta includat, quibus ipsos voti istius haud agrè compotes fieri posse verisimile reddit. Quorum unum est in vocationis nomine, quia videlicet Deus id ipsis bonum sponte obtulerit, & promiserit. Alterum in voce Deus noster, quia videt: is, qui eos vocavit, & à quo illis ista voveat, Deus noster i. e. benefactor noster est is, qui se nobis tam propitium, tam saventem, nostrisq; tantopere amantem exhibuit. Esse enim Deum alicujus, est esse ipsius benefactorem, ipsumq; singulari amore ac benevolentia

Et ad finem
perducatur
suam bene-
ficentiam
ex benepla-
cito libero
profectam.

complecti. Et impleat omnem bonam voluntatem seu beneplacitum bonitatis, i. e. ad finem in vobis perducatur illam insignem beneficentiam suam, ex libero eius beneplacito manantem: vel beneplacitum suum ex mera benignitate profectum. Explicat idem quod paulò aliis antè verbis dixerat. Vox $\kappa\epsilon\gamma\alpha\theta\omega\sigma\iota\upsilon\upsilon\varsigma$ nomini $\epsilon\upsilon\delta\omicron\mu\iota\alpha\varsigma$ seu beneplaciti subiecta, ut iam innuimus, potest dupliciter accipi: vel pro genitivo causæ efficientis, ut scilicet benignitatem divinam, unde beneplacitum illud, seu decretum divinum liberrimum, amoris ac benevolentie in homines plenum, quo salutem illis eternam destinavit, profectum fuit: vel pro genitivo effecti; quo pacto significabis effectum beneficentiae, seu benignita-

tem

tem in ipſo effectu conſiſtentem; quæ quidem ab *ἐν-
δοξία* ſeu beneplacito ipſius liberrimoq; decreto
pendet. Uſurpatur vox *ἔργον* ſc. *opus* pro beneficen-
tia ab Apoſtolo, Gal: 5. 22. Eph: 5. 9. Et opus fidei,
ſcilicet impleat, hoc eſt, opus totum fidei in Chriſtum,
ac religionis, in vobis ceptum, ad exitum perducatur.
Fides enim hoc loco per ſynecdochen metonymi-
cam totum religionis ac pietatis Chriſti, ut loqui ſo-
lemus, negotium complecti videtur: ut iterum ſit ge-
nitivus ſpeciei: quaſi dicat; opus ſeu negocium id, quod
eſt fides. Quanquam interim non pugnamus, quo mi-
nus ſtrictius ac magis propriè ſumatur pro ſola fide;
quaſi dicat: atq; adeo in ipſa iſta fide, quæ tot tan-
tiq; ærumnis & afflictionibus vobis conſtat, quæq;
medium eſt ad illam ſelicitatem ducens, conſirmet,
ac corroboret: ne ſub onere ipſarum afflictionum fa-
tiſcentes, animo concidat; ſed viribus illius anima-
ri, inconcuſſo animi robore, afflictiones iſtas perſe-
ratis, fidemq; Domino ad extremum integram & il-
libatam in patientia ſervetis. Non multo aliter O-
pus fidei ſumptum fuit cap: 1. prioris Epiſtolæ, v. 2.
pro fide magno certamine parata ſuſcepta eſt. Non ſo-
lùm ipſis vovet à Deo finem ipſum, hoc eſt, beatitatem
ſempiternam, ſed etiam medium quod ad illam du-
cit. Preſtat autem id Deus cùm non ſolùm mentes
noſtras ſermonis Evangelii luce magis magisq; indi-
es colluſtrat, promiſſorumq; ſuorum amplitudinem
mentibus noſtris oſtendit, & tum hac ipſa ratione,
tum aliis beneficiis nos ſibi devincit, & media varia

Et opus fidei impleatur.

Quomodo hæc Deus præſtat.

K. augenda

augenda fidei nostrae servientia subministrat, sed etiam spiritus sui gratia nos confirmat, & isto auxilio coelesti nos cum contra carnis & mundi, tum ipsius denique Satanae impetus munit & suffulcit. in potentia i. e. cum potentia, seu potenter, aut per potentiam. Iungenda est haec particula cum verbo impleat: quasi dicat. Deus istud efficiat potentia viribusque suis.

Finis Voti.

v. 12. Vt glorificetur. Causam finalem voti seu rei, quam illis optabat, subiicit, quae ipsum ad preces huiusmodi pro illis fundendas, idque quod jam diximus, illis vovendum impellat. Ea verò duplex est. Prior, quae respicit caput nostrum gloriosum, nempe Christum: Posterior, quae nos ipsos. Et illa quidem huius seculi magis propria est, haec verò potius futuri.

2. Glorificatio Domini Iesu.

Est verò illa in his verbis, ut glorificetur nomen Domini nostri Iesu Christi in vobis. i. e. ut per vos vestramque in fide, pietate, ac patientia constantiam, nomen Domini fiat illustre, ipseque dignis maiestate sua laudibus & honoribus concelebretur ab omnibus, qui masculum hunc & malis infractum spiritum, adeoque integram vitam vestram ad vere honestatis amussim exactam propius inspexerint; animadvertentes inde veritatem ac vim Christianae religionis, quae huius tantae constantiae ac pietatis sit causa. In vobis. Idem valet quod per vos, aut propter vos, quod eodem recidit: propter ea, quae in vobis cernuntur, ut paulò superius versu 10. Et Gal: 1. 24. Haec est

2. Glorificatio personarum.

et vos in illo. i. e. & vos vicissim per illum glorificemini

ficemini, cum ex hujus vite mortisq; ergastulo liberatos in libertatem celestis regni sui transferet, & corporis hujus exuvii detracti glorioso corpori suo consimiles reddet. secundum gratiam Dei nostri. i. e. id quod eventurum est non ex nostro merito, sed ex gratia ac benignitate Dei, qui tantum nobis bonum, ex mero gratuitoq; favore obtulit ac promisit. Refertur hoc ad proximè precedentia, hoc est, ad glorificationem Christi in nobis, quam in immortalitate ac felicitate celesti nobis danda consistere diximus. Ideo autem hoc adjecisse videtur, quia proximè antè, nomen Domini Iesu, in illis seu per illos glorificandum esse dixerat, & huic glorificationi, quæ ab illis proficisci debeat, glorificationem ipsorum à Christo profecturam subjecerat, tanquam illius premium ac mercedem. Verendū enim erat, ne forte gloriam, quæ à se in Dominum Iesum proficiscatur, hanc glorificationem seu salutem propriè mereri existimarent. Quare hæc verba addit, ut ostendat glorificationem illam nostram ex pura gratia et misericordia in nos Dei profecturam; de quo docuimus alibi. Adjungit autem gratie Dei gratiam etiam Domini Iesu, cum ait, et Dominus Iesu Christi. Expectamus enim, ut Iudas ait, misericordiam Domini nostri Iesu Christi ad vitam eternam. Cum enim ille Dominus sit immortalitatis constitutus, & in ipsius manibus salus omnium hominum sit posita, ut vivificet quem vult, ab ipsius quoq; gratia felicitas nostra sempiterna pender.

Ex gratia
Dei favore
profecta.

IN CAP: II.

Secunda E-
pistolę pars.

Capitis
partes
duę.

Prima pars
cap: erro-
rem detem-
pore advē-
tus D. con-
futans.

Qui aded
noxius ut
ruinam fi-
dei Theſſ.
minaretur.

Ideoq; il-
lum evulſu.

Hoc capite secunda huius Epistolę pars continetur. In qua primò errorem de tempore adventus Domini inter illos spargi cœptum refutat; non priùs illum adfuturum indicans, quàm Apostasia in Ecclesiam fuerit inveſta, & Antichriſtus tyrannidem in ipsa occupaverit. Cuius hic et ingenium seu mores ac facta, et finem seu eventum describit. Deinde, tum consolatione adversus malum istud, seu nimium mali illius ingruentis metum ipsos præmuniens: tum ad constantiam admonens, in voto desinit.

v. 1. Rogamus autem vos fratres. Prima capituli huius pars extenditur ad ver. 13. Cujus sunt duo membra. Nam priùs errorem inter illos de jam instantis adventus Domini tempore disseminari cœptum confutat. Deinde, quòd sit illum præcessura generalis quedam defectio, indicat; atque inde occasione sumpta, de Antichristo, illius defectionis capite ac principe, disserit. Refutat autem errorem illum, sublatiſ fundamentis, quibus niti videbatur, seu rationibus, quę prætexebantur, convulsis. Rogamus autem vos. Quia magni momenti res erat, & erroris istius admissio ruinam fidei ipsorum minabatur, ideo & compellat ipsos, & admonitionis genere blandiſſimo, atque ad persvadendum (considerati utrorumque personis) potentiſſimo, ipsos aggreditur. Sanè enim si hunc errorem imbibissent, & pro Apo-
stolica

stolica doctrina receperant, et verè postea rem aliter habere animadvertissent; facile de veritate totius religionis Christianæ dubitare, ac tandem ut falsam penitus abjicere, atque ad Ethnicismum relabi potuissent. Per adventum Domini nostri Iesu Christi. vel potiùs, de adventu Domini nostri Iesu Christi, seu quod attinet ad adventum. ὁπὲρ προπερὶ, ut supra cap. 1. ver. 4. quem locum vide. et nostræ congregationis ad ipsum. vel potiùs, & de nostrâ congregatione, seu quod ad nostram congregationem attinet, de qua egit superius, Epistola priori cap. 4. 13. Subjunxit autem hujus mentionem adventui Christi, consolationis ergò; ut ostenderet adventum illum Christi longè exoptatissimum & desideratissimum esse, ut Thessalonicensibus, ita omnibus Christianis; quandoquidem tum temporis omnes omnium temporum ac locorum homines pii sint ad Christum aggregandi, ut ab eo ad cœlestia gaudia deducantur.

rus blandè
& potenter
iplos ag-
greditur.

Adventum
Christi piis
desidera-
tissimum.

v. 2. Vt non citò moveamini à mente, seu sensu. i. e. ne tam citò, cum videlicet à nostris adhuc sermonibus caletis, aliud vobis persuaderi patiamini, vosq; abduci ab eo, quod semel a nobis edocti, sentire ac statuere cepistis, quod semel animo fuistis amplexi. Voces autem illæ ut non citò, non eò spectant, quasi significare velit Apostolus, licere illis aliquando a sententia ex ipsius ore ac doctrinâ hausta discedere, modò id non fiat citò: sed pertinet ad rei indignitatem exaggerandam, & ad ostendendam levita-

Ratio mo-
nitionis A-
postolicæ
ab absurdo.

tem, quæ in huiusmodi sententiæ mutatione cernatur. q. d. ne dimoveri vos patiamini à sententiâ, præsertim (ut à vobis fieri aliqua ratione video, vel ne fiat vereor) tam citò. A vera sententiâ abduci, semper turpe est; sed citò abduci, turpissimum. similem locum habes, Gal. 1. 6. Apparet autem hinc, non multò post abitum Apostoli à Thessalonicensibus, irrepsisse impostores, qui contrarium doctrinæ Apostolicæ de tempore adventus Domini urgerent, illi q; persuadere niterentur. Neq; terreamini. Terror hic ac mentis perturbatio, vel inde oriri poterat, quòd contraria eis, quæ semel audierant ac crediderant, sub speciosis titulis obrudi viderent, atq; ita de certitudine ac veritate doctrinæ quam imbibebant, dubitare quodammodo cogerentur; vel inde, quòd licet adventus Domini summam cōsolationem fidelibus adferat, fieri tamen vix posset, quin ipsius propinquitas terrorem incutiat, iis præsertim qui nondum sunt satis ad eum parati, nec usquequaq; sibi bene consci: quia ut pii felicitatem summam, ita impij extremum supplicium atq; infelicitatem adferet: ut taceam, res admodum terribiles, quemadmodum Christus prædixit, eum proximè antegressuras. neque per Spiritum i. e. neq; si quis à spiritu sancto id sibi revelatum inspiratumq; dicat. neque per sermonem i. e. neq; si nos id dixisse docuisseq; quispiam asserat, & velut ex ore nostro exceptum confirmet. neque per Epistolam. i. e. neq; si vel Epistolam tanquam à nobis ad vos, aut etiam aliorum scriptam ostendet, & hac

Adventus
Christi cur
& quibus
terribilis.

Modi, qui-
bus im-
postores viven-
tibus Apo-
stolis sua
somnia ho-
minibus ob-
trudebant,
Act.

Traditio-
num, quae
vocant, &
verbi non
scripti fun-
damentum
quàm lu-
bricum.

itate, ab hoc hominum genere, quod hîc notat Apostolus, in Ecclesiam intrusæ, & postmodum in illa confirmatæ fuerint? Certè cûm hîc videamus fuisse, qui ipsorum Apostolorum tempore talia auderent, qui eum jurè accusare poterit, qui vereatur ne id in aliû quoque factum fuerit. In aliû sanè jam tûm quoque factum fuisse, id satis ostendit, quod Apostolus paulò post dicet, jam tûm, cûm hac scriberet, mysterium iniquitatis operatum fuisse; id est, jam tûm Antichristum in Ecclesiæ visceribus conceptum fuisse. Quamquam præterea omnem illud dubitationem eximit, quòd videamus traditiones illas contrarias esse iis, quæ verè Apostolica esse inter omnes convenit, hoc est, iis, quæ litteris ab Apostolû prodita omnes agnoscunt. Sed de hîc alibi. quasi inster dies Christi, i. e. quasi præ foribus sit adventus Domini, & jam jam adsuturus, maximeq; vicinus. Diem pro tempore posuit, ut 1. Theß: 5. 2. monuimus. Hic est ille pestilens error, quem Theßalonicensium animis eximit, sublati illius tibicinibus, quibus ipsum sui parroni fulcire tentabant.

Error autē
fuit iste,
quòd puta-
rent præ fo-
ribus esse
adventum
Domini.

v. 3. Ne quis vos seducat ullo modo. i. e. Cavete ne quis ullo prorsus, quicumque tandem sit, modo vobis imponat, & mox venturum Dominum persvadeat. Alterum hîc incipit primæ partis membrum. Eandem enim propositionem repetit iterum, ut tantò altius eam eorum animis infigat: Simulq; remotiorem esse, quàm illi ariolabantur, adventum Domini, probat ex eo, quod ipsum necessario esset antecessurum.

recessurum. Id verò est Apostasia: cujus caput ac Pa-
 tronus & promotor est Antichristus ille magnus: Apostolus
verò osten-
dit Aposta-
siam præ-
cessuram.
 Quoniam nisi venerit. Oratio Elliptica; quæ du-
 pliciter impleri potest. vel ita: quoniam non in-
 stabit, scilicet adventus Domini, nisi venerit dis-
 cessio primùm, ut periodum videlicet inchoet; vel
 ut superiùs inchoatam continuet, ita, ne quis vos
 seducat ullo modo, quòd venturus nempe sit dies
 Domini, nisi venerit discessio primùm: Sensus
 eodem redit. Vult videlicet ostendere, non priùs
 Christum ad iudicium illud extremum adventurum,
 quàm facta fuerit Apostasia, hancq; illum omnino
 præcessuram. Apostasie autem seu discessionis voce Apostasie
nomine
quid intel-
ligatur?
 intelligitur generalis quedam orbis, qui Christum
 pro rege & Domino suo agnoscebat, ab ipso defectio,
 sive crassior illa, quàm iugo Christi penitus excusso
 eius religio aperte deseritur, & alia in ipsius locum
 substituitur, qualem videas in Machometanis; sive
 aliquantò subtilior, quàm prioris Domini, Christi vi-
 delicet nomine retento, hostis ipsius imperium reve-
 ra agnoscitur, & sub religionis Christiane titulo ac
 specie alia ipsi adversa colitur. Consistit autem in eo-
 rum dogmatum assertionem, quæ fundamentum no-
 stræ salutis subvertant, eaq; tum cultus divini, tum
 vite ratione, quæ legibus à Christo traditis repu-
 gnat: Non respexisse autem Apostolum ad illam Non respe-
xit Aposto-
lus ad Ma-
chometem
primariè.
 crassiorem, & id svadere videtur, quòd caput illius
 describens, in templo ipsum Dei sessurum dicat: hoc
 verò non nisi improprie de Machomete dici potest,

cum non animo tantum, sed castris etiam ipsis ab Ecclesia dissideat, ab eaq; penitus secesse- rit. Et tace- am, ea, quae de adventu Antichristi hic ab Apostolo dicuntur, ad hunc vix accommodari posse, qui armis potius & tyrannide deliria sua promovit, quam si- gnis & prodigiis, quae tanta à Pseudochristi et Pseu- doprophetis, (istius puta satellitibus, vel potius ipso) editum iri ipse Dominus asseveravit, ut in errorem inducerentur, si fieri posset, & electi, quales certe ni- hil à Machomete editam legimus, etsi nonnulla, sed ridicula & leviuscula, attentârit. Non debet tamen & Machometes hinc penitus excludi, urpote, qui id quod Antichristi spiritus in Ecclesia aliquantò oc- cultius majoriq; arte cepit, apertius postea in certis Christiani orbis partibus perfecit. Corruptâ enim jam Christi doctrinâ ab Antichristi partim prodromis, (quos jam sua etate fuisse queritur Divus Ioan- nes) partim a seclis & sincero Dei cultu ex Ecclesia sublato, legibusq; Christi proculcatu, Machometi vel- ut janua ad Ecclesias Orientis aperta fuit, & robur ipsius imposturi ad leves alioquin Orientalium ani- mos à Christo penitus abducendos additum, adeò ut omnes ipsius successus isti jure adscribi non tantum possint, sed etiam debeant. Et revelatus fuerit. i. e. & aperte extiterit, ac se mundo conspiciendum ex- hibuerit. Revelari enim in sacris litteris id dicitur, quod licet antea quidem aliqua ratione fuerit, sed re- ctum & quasi in suis causis latens, in apertum pro- dit, & se omnibus conspiciendum prae- bet. Et certe jam

Licet nec
ille penitus
hinc sit ex-
cludendus.

Apostasiz
caput Anti-
christus.
Revelari
in S. L.
quid di-
catur.

jam tūm jactis istius defectionis seminibus, & surreptim in Ecclesiam irrepentibus erroris nefarii sentibus, fuisse intra suas causas magnum illum Antichristum dici potest: cum jam ipsius spiritum in mundo extare, & præcursores esse, conqueratur Apostolus.

1. Ioh. 2. 18.

4. 3.

2. Ioh. 7.

Porro in describendo istius defectionis capite, ita procedit Apostolus, ut primò generaliter, qualem illud futurum esset, & quæ finis illum maneat, indicet. Secundò, specialius illum, ab adjunctis seu moribus depingit. Tūm, tempus illius tyrannidis insinuat. Quartò, exitium illius describit. Quintò, artes quibus imperium suum stabiliturus & propagaturus esset, aperit. Deniq;, causam quæ orbem in illius tyrannidem deductura esset, indicat. Generalis tum

Antichristi
homo peccati.

morum tum eventus illius delineatio est; illorum quidem in his verbis, Homo peccati. i. e. peccati mancipium: omnium peccatorum genere pollutus & contaminatus. Hujus verò istius, ille filius perditionis. i. e. qui est exitio destinatus, quem eventus tristissimi exitii manet: qua ratione & Iudas filius perditionis dicitur Ioh: 17. 12. Quem Antichristi eventum prædicit & Daniel cap: 7. 26. sub typo ejus Epiphane. Voce verò eadem, in describendo, falsorum doctorum qui in Ecclesia essent orituri, supplicio, utitur Petrus 2. Epist. 2. 3; quos ad hanc damnationem descriptos esse ait Iudas. v. 4. Ceterum caput istius Apostasie, & principem, seu Antichristum, tanquam unam aliquam personam describit: non quod omnino velit Antichristum unum aliquem singularemq; hominem

filius perditionis.

Voce Antichristi non significatur una persona.

futu-

Cur tanquā
una persona
in S. L. in-
troducatur.

Exempla si-
milis loquu-
tionis.

futurum, ut nonnulli ariolantur, & ex ista loquendi ratione, ac in primis articuli sæpius repetiti vi, concludi debere putant: sed quia uno decedente, alter in alterius locum successurus, & unum omnium regimen, idemq; regimini scopus futurus esset, & unius instar omnes censeari non immeritò possent. Quæ ratione videmus à Daniele Propheta quatuor regna seu monarchias vocari quatuor reges cap: 7. v. 17. confer v. 23, 24: & Græcorum imperium, vel potiùs eorum imperatores, tanquam unum quendam considerari: licet multi essent, aliq; aliis continua serie succederent: Dan. 8. 21. ubi ait hircum caprarum esse regem Græcorum, & postea tamen de cornu, quod erat inter oculos illius, ait illum esse Regem primum: apertè vocem regis aliter & aliter usurpans, & posteriùs quidem certam personam, nempe Alexandrum, priùs verò Monarchiam Græcorum, seu maiò ordinem regum, qui monarchiam illam tenuerunt, intelligens. Eundem vocis usum, deprehendere licet & Apoc: 17. 10. & seqq. Quin & ille locus Moysi Deut. 18. 15. Prophetam è medio tui, è medio fratrum tuorum, ut ego sum, suscitabit tibi Iehova Deus tuus, etsi sensu mystico de certa persona, Christo videlicet, intelligendus est, sensu tamen litterali ad quemlibet Prophetam legitimum referri, & de illo, ut antecedentium & consequentium circumstantia indicant, accipi potest & debet. Idem deprehendes etiam in voce Pontificis, Hebr. 9. 7. 25: 13. 11. in voce Mendacis, & Antichristi, & seductoris.

Ioh. 2. 22; 2. Ioh. 7. Quibus in locis, nominibus illi est in Græco præfixus articulus: ut facile cuius pateat, falsum esse quod vulgò aſeritur, articulum illum individui certi notam esse. vide etiam Matth. 12, 35: 19. 19.

v. 4. Qui adversatur, nempe Christo, qui Ecclesie caput & Dominus est; unde & Antichristus dicitur. Hic jam ulterius ipsum ab adjunctis, moribus videlicet, describit, & quasi vivis depingit coloribus. Quorum primum est, quod sit Christo velut è diametro oppositus, eiq; contrarius. Dupliciter autem aliquis oppositus & contrarius esse alicui potest. Vel aperte, id est, tam ore quàm corde factusq; ipsis: vel occultius; ut licet ore ipsi blandiatur, animo tamen ac factis ab illo sit aversus. Quod autem occultius quis facit, aded non excusat, ut aggravet potius augeatq; hostilitatis crimen; cum tanto nocentior tantoq; abominabilior hostis sit, quantò ob hypocrisin & fictæ benevolentie simulationem tectior est, & quantò facilius minùs cauti amicitie specie imponere potest. Quicquid igitur aliquis lingvâ Christum pro Domino suo agnoscat, ipsiusq; in terris negotium se promoveri simulet; si modò ostendi potest, illum plurima, quæ ad majestatem Christi convellendam spectant, facere, dum videlicet dominium sibi atq; imperium in Christi subditos eorumq; conscientias arrogat, & decreta ipsius rescindendo, imperium ipsius quantum in se est convellit atq; abrogat, & sua in illorum locum substituendo, ad eam reverentiam atq; honorem,

Specialior
Antichristi
ab ejus moribus de-
scriptio.

1. Christo
contrarius.

Hostis tan-
tò gravior,
quanto te-
ctior.

tem, quem Christo debent omnes, sibi præstandum adigit; hostis utique est & adversarius Christi, & quidem tantò gravior, quantò magis odii erga ipsum sui

Antichrist⁹
effertur su-
pra omne
quod dici-
tur Deus.

*virus fictæ reverentiæ velo celare nititur. Et effertur supra omnem, qui dicitur Deus i. e. & sese effert supra omnem cuicumq; is titulus competit ut Deus vocetur. Vetus interpretes legit supra omne quod, sensu eodem. Alterum hoc est ex Antichristi adjunctis, immanis ipsius superbia; quam Apostolus tantam futuram ait, ut se se supra omnes omnino homines, & Reges, & Monarchas, angelos, ipsumq; adeò Dei filium, ejusq; Patrem elaturus esset. Ii enim sunt qui isto titulo gaudent. Quod velut melius explicatur⁹, addit, aut numen, *Græcè* $\Theta\epsilon\omicron\beta\alpha\sigma\iota\mu\alpha$. i. e. cuicumq; cultus aliquis, etiam religiosus, & humano major competit. Concretum de homine, sed qui inter Ethnicos numinis haberet opinionem, nimirum de Cesare seu Imperatore Romanorum, usurpat Lucas Act: 28. v. 26. Ac supra omnes homines titulo isto à Deo ipso condecoratos extollit seipsum, qui se nulli omnino homini subesse, à nemine iudicari posse, adeoq; supra jus omne se esse credit. Deum ipsum ejusq; filium, ac consequenter administratorios illos spiritus quod attinet, id ex collatione prophetiæ Danieli de Antiocho Epiphane, ad quem locum videtur hic Apostolus respexisse, conjici haud difficile potest. Nam de Antiocho Antichristi typo dicitur Daniel: 8. v. 11, 25. eum etiam usq; ad Principem fortitudinis, hoc est, ad ipsum Deum altissimum per-*

Antiochus
Epiphanes
typus An-
tichristi.

venis.

venisse, seu contra eum surrexisse, & ab eo tulisse iuge sacrificium, & deiecisse locum sanctificationis ejus: quo ipso sanè supra eū se, quantum in se fuit, extulit, & veluti victor spolia ei in terris detraxit. Vnde dicitur cap. 11. 36. eo nimirum loco, ad quem satū apertè hic alludit Apostolus, faciet secundum voluntatem suam & elevabitur, & magnificabitur adversus omnem Deum, & adversus Deum Deorum loquetur magnifica. Quocirca si aliquem, cui reliquæ hic ab Apostolo enumeratæ Antichristi notæ conveniant, doceri possit, iuge sacrificium, hoc est, verum ac sincerum Dei cultum sustulisse, idolatriā in ejus locum substitutā, veram ejus Ecclesiam, locum sanctificationis divine evertisse, leges divinas suis stabilitis abrogasse: quis non videt, de eo jurè dici posse, quod se etiam supra Deum altissimum in terris, quantum in se fuit, extulerit. Ita ut ipse in templo Dei, i. e. in Ecclesia. Antichristi
sedes tem-
plum Dei
quomodo
Hæc enim est templum Dei, ut patet ex 1. Cor. 3. 16, & 6. 19. Vt supervacua sit illa subtilitas in voce vocis argutantium, & de templo aliquo materiali vocem istam accipientium. Licet autem Ecclesia illa, in qua Antichristus præsidet, Ecclesia verè adeoq; templum Dei non sit, ideo nihilominus templum Dei dicitur, vel quòd antea templum Dei revera fuerit, (retinent enim res sæpe nomina, eo, ob quod illa fuerant sortita, mutato, ut Matth. 21. 31. & 26. 6. in voce leprosi. & Ioh. 9. 17.) vel quòd adhuc nomen Ecclesie & sic templi Dei sibi usurpet. Et positum est pro eo

ut Mar.

ut Marc: 2. 1. Act: 23, 11. nisi ita verba malis verte-
re, ut se in templum Dei collocet. Tanquam Deus
sedeat. i. e. id sibi jus & eam potestatem usurpando:
que solius Dei est. Locum, in quo Antichristus sedem
suam fixurus esset, indicat, ut simul summum ipsius
superbiæ culmen exprimat: quam etiam uberius ex-
plicat, cum addit: ostendens seipsum quòd sit
Deus, sive titulos Deo proprios sibi usurpando, sive,
rem illi expressam ad se trahendo: exempli gratiâ, si
quis regis regum in suos subditos jus adeò sibi vendi-
cet, ut etiam si infinitas animas secum in infernum
traheret, nemo ei debeat dicere, quid facis? aut in se
summum utriusq; potestatis, tam secularis videlicet
quàm spiritualis, apicem esse credat, aut se posse mu-
tare quadrata rotundis, per ministros suos orbi
persuadere velit.

Ostendet se
ipsum esse
Deum.

v. 5. Non meministis. Instituta de Antichri-
sto narrationi interserit hujus versiculi verba, ut fi-
dem dictis suis conciliet, simulq; eos perstringat taci-
tè, qui eorum non satis memores se fuisse ostende-
rent, dum aures præbuerint iis, qui diem Domini jam-
jam instare docebant. quasi dicat: Hæc verò omnia
non nunc demum vobis dico: ne quis aut errori suo i-
gnorantiam prætexat, aut in dubium ista, quasi nunc
demum ad sententiam de vicino adventus Christi
tempore evertendam conficta, vocare audeat. Ipsi e-
nim meminisse potestis, me, cum adhuc vobiscum ver-
sarer, & Christianæ religionis capita ac mysteria
vobis traderem atq; explicarem, ista etiam inter al-
lia vobis indicasse.

v. 6.

v. 6. Et nunc obſtaculum, vel potiùs id, quod obſtat ſeu retinet, cohibet, (In Græco enim eſt partici-
 pium τὸ κατέχον) ſcitis: i. e. quin & illud eſtis à
 me edocti, quid ſit in cauſa, quominus ille ſtatim ve-
 niat, quidq; ipſius adventum remoretur. In vocibus
 eſt trajectio quedam. Non enim vocula nunc ver-
 bum ſcitis reſpicit; quaſi nunc demum id illos reſciſ-
 ſe dicat Apoſtolus, ſed potiùs vocem obſtaculum,
 ſeu id quod obſtat: ut illos id etiam ſcire aſſerat,
 quod obſtet ac impèdiat, quominus hoc ipſo tempore
 quo hæc ſcribat, aut quandiu illi vivant, Antichri-
 ſtus compareat. Obſtans igitur nunc, eſt quod
 nunc obſtat. Occurrit autem hîc tacite objectioni
 aut cogitationi Theſſalonicenſium. Poterant enim
 dicere: Cur ergo non apparet Antichriſtus ille? Re-
 ſponder Apoſtolus, eſſe adhuc aliquid, quod obſtet quo-
 minus in apertum prodire poſſit, quod ipſi non igno-
 rent; nondum aſſeſſe tempus quo ille emergere debe-
 at; cum id ſore, ubi obſtaculum ipſis notum, fuerit ſub-
 latum. Eo ipſo autem ſimul tacite cogitandum re-
 linquit Apoſtolus Theſſalonicenſibus, quid de tempo-
 re adventus ipſius Chriſti ſentire debeant. Si enim
 nondum advenerat tempus adventus Antichriſti, &
 impedimentum adhuc ei obſtabat, quod non admo-
 dum citò videbatur amovendum, facile inde pote-
 rant colligere, non adeò vicinum eſſe adventum ipſi-
 us Chriſti, qui Antichriſti demum adventum, atq;
 Apoſtaſiam per illum orbi invehendam, debeat ſubſe-
 qui, tamq; tollere. ut reveletur. i. e. manifeſtè exi-
 ſtat

Adeoq; ſci-
 re quid i-
 pſius adven-
 tum remo-
 retur.

Cujus tem-
pus defini-
tuma.

stat atq; appareat suo ipsius tempore. i. e. tempo-
re ad id destinato; non quod Deus illius adventum
per se ac simpliciter procuraverit, ideoq; tempus ipsi-
us adventus præcisè definierit; sed quia causis ipsius
jam in genere humano existentibus, ipsoq; in ipsius
Ecclesiæ visceribus concepto, & velut latente, ita
rem moderatus sit, ut tùm demum ipsum prodire &
caput suum efferre voluerit, cùm omnia ipsius ad-
ventui propter hominum improbitatem parata at-
matura essent, & orbis jam satis habuisset temporis
atq; occasionis, ut veritatem Evangelicam incorru-
ptam susciperet, ac porro, cùm eam impiè sprevisset,
dignus esset qui in mendacia atq; errores ab Anti-
christo induceretur.

Et vivente
iam Apo-
stolo ipsius
virus occul-
tè se Eccle-
siæ visceri-
bus insinu-
abat.

v. 7. Nam mysterium iniquitatis jam ope-
ratur. In Græco est trajectio quedam. vox enim ini-
quitatis à nomine mysterii, cum quo jungitur sen-
su, dirempta est. id est: Impius Antichristi domina-
tus, seu Apostasia per eum penitus introducenda ac
firmanda, jam per viscera Ecclesiæ latenter serpit,
virusq; illius occultè se ipsi insinuat: jam ejus semina
iacta sunt, seq; exserere paulatim incipiunt. Pergens
in temporis, quo patefieri debebat Antichristus, insi-
nuatone, illustrat & confirmat præcedentia, occur-
rens cogitationi ex superioris versiculi assertioni
suborienti. Quia enim dixerat esse aliquid, quod
Antichristum cohibeat, ut suo tempore reveletur, po-
terat aliquis cogitare: num ergo Antichristus jam
extat? Neq; enim id dicitur. cohiberi, quod nullo pa-
to est.

Non est, sed quod aliqua saltem ratione extat, & pro-
 gredi ulterius nititur. Cui rei & revelandi verbum
 favet, quo Apostolus de Antichristo est usus. Quare
 Apostolus respondet, ita omnino se rem habere: Anti-
 christiane impietatis semina iam extare, & funda-
 menta securus Apostasie Satanam in Ecclesia oc-
 cultè moliri. Eo ipso autem monet tacitè Thessaloni-
 censes, ne sint securi, neve existiment, quia nunc ob-
 certum impedimentum emergere non possit, sua
 tempora ab illius impietatis contagione prorsus fore
 immunia, et sibi nihil ab eo esse metuendum periculū;
 sed sibi caveant, scientes jam malum illud in Ecclesie
 visceribus occultè serpere, & Antichristum, ejusve
 impietatem jam veluti conceptam intus latere, tūm
 in lucem prodituram, ubi obstaculum fuerit amo-
 tum. Agebat enim jam tūm Satanas suum in Eccle-
 sia negotium, mysteriumq; iniquitatis. i. e. ini-
 quitas mystica seu occulta, & vulgo ignota, nec cui-
 quam nisi patefaciente Dei spiritu cognita, tūm e-
 tiam operabatur. i. e. sese exerebat, sed clam. unde
 de mysterium dicitur. Quod verò de obstaculo dix-
 rat superius, id repetit, & rem ipsam indicat, sed ita
 rectè, ut insinuet potiùs tacitè, & in memoriā revo-
 cet, quod coràm apertius ipse dixerat, & versiculo
 superiori illos scire asseruerat. Ait enim Solūm ob-
 stans seu tenens nunc, donec è medio fiat. Te-
 nentis, seu eius qui obstat, vel retineat aut cohibeat
 nomine, idem intelligit, quod superius obstaculi, seu
 ejus, quod obstat nomine expresserat. quasi dicat: Et

Apertè rem
 gesturus im-
 pedimentū
 sublatoq;

tamdiu quidem nefarius ille latebit, neque caput suum efferet, donec fiat è medio. i. e. tollatur & aboleatur. qui nunc tenet. i. e. qui nunc ei obstat quominus emergere possit. Verùm quinquam ille sit, non exprimit; sed illis, tanquam iam antea ea de re edoctis, memoriâ repetendum relinquit. Quinquam verò ille κατ' ἐχθρὸν fuerit, qui conatus Antichristi moraretur, de eo duplex est inter eruditos sententia. Putant enim quidam, illius nomine Apostolos ipsos intelligi, qui quamdiu supereissent, non poterat negotium Satane ita succedere, ut palàm & apertè doctrinam Christi doctrinæ contrariam in Ecclesiam inueheret; sed si quid ejusmodi fuerit, id tamen clam, & sub ipsorum prætextu ab hominibus nequam intruderetur. Et verum id quidem est, si rem ipsam respicias, ipsos etiam Apostolos maxime Satane conatibus impedimento fuisse, neque tam audacter impostores illos sese ipsis opponere ausos fuisse. Quamquam nonnullos etiam apertè illis sese opposuisse, ex ipsorum Apostolorum scriptis constat, & quidem eos, qui Antichristi prodromi censi debebant, quique Antichristiano spiritu afflati, viam ei præparabant, ut ex Iohanne intelligitur. Sed tamen plurimos auctoritas Apostolorum cohibuit, qui illis vitâ defunctis caput sustulerunt, ut testatur Egesippus vir Apostolicis temporibus proximus: & Apostolus ipse senioribus Ecclesie Ephesinæ prædixit: ut Actor. 20. legimus. Verum enim vero non videtur eò Apostolus hoc loco respexisse. Quorsum enim ita obscure loquere-

Per quod
& Apostoli
ipsi, intelli-
gi possunt.

1. Ioh: 2. 18.

22.

2. Ioh: 7.

Euseb. hist.
Eccles. lib. 3.
cap. 26.

Non tamen
id respexit
Apostolus,

tur, si se & suos in Apostolatu socios intelligeret? cur non rem tantam aperte, & sine circuitione aut verborum involucris explicaret? Assentimur igitur aliorum sententiae, qui καὶ ἑξ ὧν τὸς nomen denotare putant, Imperatorem Romanum Ethnicum; seu potius Imperatores Ethnicos; qui quamdiu habenas imperii moderarentur, tamdiu in cavernis suis serpens iste delitescere cogebatur, nec emergere ad tantum potentiae fastigium poterat. Quin & illud dici potest, quamdiu Roma Imperatorum sedes fuit, tamdiu ad summum imperii culmen ascendere Antichristum, licet in Ecclesia jam exclusum atque in lucem editum, non potuisse; ita, ut si verba hac Apostoli accipere velis de ultima dominatus Antichristiani perfectione, iure dicere possis, imperium hic vetus intelligi, ab Ethnicis imperatoribus constitutum, ipsosque adeo imperatores, qui in veterum illorum potentiam successerunt.

Qui obstantis nomine videtur Imperatores Ethnicos intellexisse.

ver. 8. Et tunc revelabitur. i. e. et tunc palam existet, tunc emerget, & se conspiciendum omnibus praebebit. Impius ille. In Graeco est ἄνομος & proprie exlex; quia videlicet nullis legibus subesse, nullius imperio coerceri velit, sed omnia divina humanaque iura proculcet, suorumque unius arbitrio subiciat. Tempus illius conspicua in Ecclesia existentia & imperii exprimitur, de quo quid sentiamus, versiculo superiori diximus. Ortu illius descripto, & tempore ejus rei indicato, etiam exitum seu interitum exprimit: quod quartum esse diximus eorum, quae in hac

Antichristi exlex, cur

Antichristi interitus.

A quo,

Quomodo,

Spiritus oris Christi
quid?

Quando

Antichristi descriptione ab Apostolo explicantur. In descriptione autem huius interitus ita progreditur, ut & authorem illius exprimat, qui est Dominus Iesus, & modum quo sit ab eo perimendus, nempe iussu ac robore ipsius, & denique tempus, quo id futurum sit, aperiat. Quem Dominus nempe Iesus (quod etiam vulgata addit, sed in Græcis codicibus non est vox Iesu) perdet, seu abolebit. spiritu oris sui, i. e. potenti iussu ac decreto suo. Est enim hic antropopathia seu metaphora ab hominibus potentibus desumpta, aliquid fieri iabentibus, quod effectui à ministris statim detur, ita ut ipsa propemodum voce ac spiritu seu halitu, (qua voce hic Piscator in Germ. utitur) rem conficere videatur. Sic sumitur spiritus oris Domini Psal. 33. ver. 9. quasi dicat: simulac halitum oris emisit, constitit omnis ornatus cælorum, omnes stellæ instar exercitus exstiterunt. vide Vatabl. Esaie cap. 17. ver, 4. (ad quem locum hic, ut omnes doctiores interpretes animadverterunt, respicit Apostolus) de Christo iuste iudicatuero dicitur: Percutiet terram virgâ oris sui. hoc est, iusto suo decreto ac sententiâ, quam ore proferet, tanquam virgâ percutiet, & pœnam irrogabit orbi impio, & spiritu labiorum suorum interficiet impium, hoc est, simulac halitum oris emittet, sententiam pronuntiâns, & pœnam decernens, eum perdet. Et hic est ille gladius anceps, qui progreditur ex ore ejus, qui percutit gentes Apoc. 1. 16. 2. 16. 19. 15. Et illustri adventu suo abolebit. i. e. Radicitus exstirpabit.

cūm

cū venerit ad reddendum unicuique secundū opera sua. Quem adventum illustrem vocat, quia tū maxima ipsius majestas & potentia conspicietur, omniumq; sese oculis inseret. Veniet quippe cū omnibus angelis potentie sue, in nubibus, multi illustribus sui adventus signis præmissis. Pater hinc non debere ejusmodi ruinam Antichristi ante Christi adventum sperari, ut ille penitus tollatur, nullosq; sui sectatores habeat, cū illustri demum adventu Christi dicat abolendum. Sed nimirum, ut aliquandiu iam conceptus latuit, & occultè tantū negotium suum promovit, & jam in lucem editus, non protinus ad summum potentie apicem pervenit, nec statim tantam, quantam postea, in conscientias hominum tyrannidem exercuit: ita ad eas iterum incitas redigetur, ut istā, quā nunc terribilis & intolerandus est, autoritate & potentiā exutus, etsi aliquos sui cultores retineat, à plerūque tamen pro impostore agnoscatur, (hæticā laboranti similū, qui vivat quidem, & aliquando etiam vires & sanitatem se recuperare, morbo autem relevari putet, interim tamen sensim conficiatur & absumatur,) donec decretorius ille adventus Domini dies venerit, quo penitus emoriatur, & supplicio ignis sempiterni conficiatur.

v. 9. Cujus est adventus. Quintum in hac Antichristi descriptione. Indicat enim hic Apostolus quibus artibus tantam corruptionem in Ecclesiam Christi invehiturus, eamq; sibi potentiam sit stabilitu-

Anciehr-
stus ad Chri-
sti adventum
duraturus
quomodo.

qu. Poterant enim Theſſalonicenſes tantam Anti-
 chriſti impietatem, ſclerūq; importunitatem ac
 magnitudinem ex Apoſtolo audientes cogitare, qui
 fieri poſſit, ut tam ſcleratus homo in Eccleſiam Chri-
 ſti tanta veritatis luce colluſtratam irrepat, & fide-
 lium animis obrepat, ſeq; ita illis venditet, ut ab eo
 non protinus abhorreant atq; reſiliant, & tanquam
 monſtrum quoddam horrendum fugiant. Quare ut
 dubitationem atq; admirationem iis demat, oſten-
 dit quibus artibus ſibi tantam authoritatem ſit in
 eccleſia etiam ipſa, apud homines Chriſto. initiatus,
 conciliaturus, & ad tantum potentie faſtigium a-
 ſcenſurus. Et primò quidem indicat unde vires ſit
 habiturus, quibus ſubnixus rem tantam aggreſſurus
 ſit, cum ait adven- tum ipſius fore ſecundum ope-
 rationem Satanæ. quaſi dicat: nec verò mirari
 quicquam debet, illum rem tantam perfecturum. Ad-
 ventus enim ipſius cauſa erit operatio Satanæ, vel,
 erit conjunctus cum operatione Satanæ; ipſe Satanæ
 una cum ipſo operi manum admovebit, ejusq; viribus
 & auxilio fretus Antichriſtus emerget, caputq; ef-
 feret. Notandum eſt hoc loco, relativum Cujus non
 reſerri ad ſubjectum proximum, quod eſt Dominus
 ſeu Chriſtus, ſed ad remotius, quod eſt Antichri-
 ſtus. Idem ſit inter alia loca etiam 2. Ioh: 7, qui locus
 cum de Antichriſtis agat, huic eſt propè geminus. De-
 inde in ſpecie explicat Apoſtolus rationes & media,
 quibus res ſuas promoturus ſit Antichriſtus, ſeu que-
 nam & qualis illa Satanæ operatio futura ſit. In
 fronte

Vi-
 res Anti-
 chriſti un-
 de.

Artes quib⁹
 Antichriſt⁹
 res ſuas pro-
 moturus eſt.

fronte autem collocat verba in omni virtute. i. e. cum omni virtute seu potentia. In ponitur pro cum, quāquam alii pro per positum malunt. Indicat Apostolus, potentia ipsam ac viribus Satanae hac in re usurum, & viribus quidem longè maximis. Vnde non simpliciter dicit adventum ipsius futurum in potentia, sed cum ejusmodi additione in omni, ut significet, vires Satanam suas omnes explicaturum, & Antichristo impertiturum; quicquid potentiae habeat eo conversurum, ut Antichristum ejusq; conatus adjuvet, & imperium ejus promoveat. Vox enim Omnis accomodatè ad materiam subjectam est accipienda, & restringenda ad eas vires, quae à Satana suppeditari homini possint. Quo autem pacto hac tantè potentia, quā eum Satanas sit instructurus, usus sit Antichristus ad homines seducendos ac sibi subiciendos, statim subjicit Apostolus, dum ait: & signis & prodigiis mendacii. i. e. mendacibus, fallacibus, seu falsis. Non tam enim novum revera medium, & à priori diversum in his verbis exprimit Apostolus, quàm prius ex suo effectu proprio declarat. Vnde doctissimi quidam interpretes notarunt, hic esse ἐν δυνάμει in potentia & signis, pro cum potentia signorum ac prodigiorum scilicet edendorum. Miracula nimirum editurus erat Antichristus, diabolicā potentia adjutus, ad homines in fraudem pertrahendos, atq; ad auctoritatem sibi conciliandam, ac potentiam suam adstruendam. Nihil enim ad persuadendum aliquid, praesertim in rebus ad religi-

Miracu-
la.

onem cultumq; divinum pertinentibus, efficacius est miraculū. Emulaturus nimirum erat Antichristus subdolē Christum, & quo mediorum genere hic in veritate Evangelii hominibus commendanda est usus, eodem ille ad homines in fraudem inducendos, fidemq; sibi ipsi conciliandam usurus erat. Christus prodigiis & miraculis potissimum orbem terrarum ad credendum Evangelio adduxit: Iste etiam, ne fraus sua deprehenderetur, cum hīs accessit, atq; si Dei ac Christi ipsius causam promoveret. Ut autem discrimen inter Antichristi, & Dei Christi q; miracula indicaret, addidit vocem mendacii, non tam quia multa falso jactaturus esset, quæ non essent omnino patrata, (etsi nec id excludi debet, certumq; est, multa ab ipso confingi facta, quæ nunquam sunt facta) quàm quia non essent vera, seu divinitus profecta (pro qualibus venditarentur) miracula: sed Diaboli efficaciam ac fraude perfecta; quare falsa mendaciiq; signa ac prodigia jure dicuntur. Huc referri possunt & apparitiones quædam ac visiones, spectra, aliaq; ad sensus externos internosq; fallendos terrendosq; pertinentia; quin & alia paulò majora, ut sanationes quorundam morborum, aliaq; hīs similia. Etsi enim multa Satanas præter naturæ cursum patrare potest, non tamen talia ac tanta, quanta olim per Christum & Apostolos, aliosq; veros Dei prophetas fuerunt edita. Quocirca, cum Romanenses Ecclesia sua auctoritatem miraculū & prodigiū, quæ hīs, vel illis à suis mystis fieri jactant, propugnare solent.

Quæ à Christi miraculis diversa, quod mendacia.

Cur mendacia vocat Apostolus.

Quid de miraculis quæ hodie jactari solent, sentiendum.

lent; adeò non est confugiendum eò, quo pleriq; confugere solent, ut illa omnia penitus conficta esse dicamus, (etsi id quoq; majori ex parte verum est) ut potius inde argumentum ad eos convincendos capiamus; cum veritas quidem Evangelica nulli hodie miraculis indigeat, Antichristi autem fraus indigeat; unde eum plurima editurum signa ac miracula hic prædictum videmus. Nec illa ipsorum miracula sunt tanta, ut divinorum nomen revera mereri possint; utpote in quibus fiant quidem aliqua præter naturæ cursum, (etsi id quoq; præsertim hodie admodum raro) non tamen tanta, quæ non nisi ab ipso Deo fieri possint. & quæ omni suspitione collusionis cum Satana vacua.

v. 10. E in omni deceptione injustitiæ. Pendunt hæc unà cum superioribus ex illis versiculi præcedentis verbis: cujus adventus erit &c. in omni deceptione: hoc est, cū omni generis fraudibus, fallaciis, ac decipiendi artibus conjunctus. Dicitur autem hæc deceptio seu fraus injustitiæ, quia ad injusticiam seu impietatem deducat, ut sit genitivus objecti, seu majoris scopi & finis, vel (nam eodem res recidet) effecti. Pertinet enim fraus Antichristi ad homines ad apostasiam seu defectionem à Deo ac Christo ejusq; vero cultu, ac vitæ pietate ab eo præscripta, sollicitandos ac pertrahendos. Apostasia vero hujusmodi summa est impietas. Quare etiam fraudes, quibus ad eam impellantur homines, admodum impias seu cum summa impietate conjunctas esse necesse est.

11. Fraudem
& deceptiones generis
omnis.

Hæc; cum
summa im-
pietate con-
juncta.

ceſſe eſt. Vnde poſſis deceptionem iniuſtitie, per Hebraiſmum uſitatum, accipere pro deceptione ac fraude iniuſta, vel ut nonnulli, pro mendaci, ac fallaci, ſeu impia. Hiſ verbis complectitur Apoſtolus cetera media, quibus Antichriſtus præter miracula ad potentiam ac dominatum ſuum, impiaq; ſua dogmata ſtabilienda, ſit uſurius; quòd nimirum ſtrophis ac ſallaciis, iuq; variis & mirabilibus, imò omnibus quæcunq; tandem excogitari poſſunt, homines ſit circumuenturus capturusq;. Quod ſine aliquando, in Eccleſia Chriſti factum, aut potiùs in quam ſit factitatum, utinam maiorem nunc inquirendi neceſſitatem haberemus! nunc vel cæcus iſta omnia digito monſtrare poteſt. in iis qui pereunt. Addit iſta verba ut occurrat tacite obſeſtioni, ſimulq; limites aliquos Antichriſti ſucceſſibus ponat, & apud quosnam ſuis iſtis artibus & technis aliquid proſecturus ſit, indicet; ne quis fortè cogitaret, in fidelibus etiam Chriſti ſeruis, fraudibus iſtis & ſignis ac potentiâ ſuâ aliquid proſecturum, eosq; ſibi mancipaturum; putetq; fieri non poſſe, quin ii quoq; quantamcunq; adhibeant diligentiam, capiantur irretianturq;: quaſi dicat: Id autem, quod dico, ad eos tantum extendi debet, qui pereunt. i. e. qui digni ſunt ut pereant; in hiſ plurimum proficiet Antichriſtus, non in hominibus piiſ. Cujus ipſius rei mox cauſam ſubnectit. eò quòd charitatem veritatis non receperunt, ut ſalvi fierent, quaſi dicat: Ideò autem peribunt, aut digni ſunt, qui pereant, quòd cùm illi Deus veritatem Er-

Apud quos
iſta valitu-
ra.

Nempe eos
qui digni
ſunt ut per-
eant.

Quare di-
gni.

tem Evangelicam pateſaceret, & ejus amorem illū inferere vellet, variis eam modis confirmando ac commendando, noluerint ita eam amare, ut eam amplecterentur, cū tamen ea ratione ſalutem ſempiternam eſſent conſequuturi. Summa hæc fuit eorum hominum impietas, quòd cū illū veritas divina nullo errore admixto pateſceret, divinis inſuper miraculis confirmaretur, eam tamen contempſerint ac repudiārint, imò ejus profeſſores exquisitiſſimis ſuppliciiis affecerint, cū eam amplexi ſelicitatem ſempiternam poſſent conſequi. Poſſis hæc cum ſuperioribus ita etiam connectere, ut non pendeant à proximo tantū participio τοῦ ἀποδυνάμειν, ut nimirum cauſa reddatur, cur illi ſint perituri, ſed à ſententia tota præcedente, nimirum quòd Antichriſtus ſit venturus cum omni deceptione injuſtiæ in iis, qui pereunt: quia nimirum illi veritatem repudiārint, ideo & digni ſunt & opportuni, ut Antichriſti fraudibus circumveniantur. Quod ſi admittas, particula et, in verbis proximè ſequentibus poteris ſumi pro nam. quaſi dicat: Nam propter hanc cauſam, hoc eſt, impium Evangelii contemptum, mittet illis Deus efficaciam erroris. Sed priori connectendi ratione admiſſa, vim connectendi conſuetam retinebit. quaſi dicat: Et ſanè ob hanc ipſam cauſam mittet illis Deus efficaciam erroris.

ver. 11. Et propter hoc mittet illis Deus. Ex occaſione ejus, quod in ſine verſiculi ſuperioris dixerat, deſcendit Apoſtolus ad rei longè maxime explicationem.

Cur Deus
tantos suc-
cessus in sua
Ecclesia
Antichristo
permisur⁹.

plicationem, ansamq; aperit, cur nefario isti tantos
successus, & tyrannidem Deus esset in eos permisu-
rus, quorum saluti tanto studio antea invigilasset.
Nam si attendas ea, quae Deus eo fine fecit, ut homi-
nes vere felicitatis compotes faceret, posset quis mi-
rari, cur tantopere Satanam in eos grassari, remq;
eo deducere, ut Ecclesia Christi tyrannide Antichri-
sti opprimatur, permisurus esset. Huic igitur cogita-
tioni occurrens Apostolus, ostendit Deum malitiâ &
ingratitude hominum illius seculi irritatum, non
tantum id permissurum esse; sed certo quodam modo
etiam ita fieri velle, utq; fiat, curaturum esse; non
quidem quasi eo homines esset impulsurus ipse, ut An-
tichristi jugum reciperent; sed quia Satanam, quo-
minus vires suas omnes in illis experiretur, non esset
prohibiturus, passurusq; eum pro suo libitu cum homi-
nibus agere: qui cum, sole veritatis Evangelicæ cla-
rissime ubique terrarum lucente, rerum terrena-
rum amore, atque afflictionum, quae veritatis pro-
fessores comitari solent, metu praepediti, manus
Christo dare noluisent; ad eam tamen postmodum
jam pace florentem, & imperatoribus ac viris ma-
gnis conspicuam, non tam veritatis amore compul-
si, quam hac illius felicitate tracti, sese contulerunt.
Vnde cum in religione non id quererent, quod ipsis e-
rat querendum, amplecti quidem illam eos voluit
Deus, sed tunc demum, quando jam esset depravata,
& receptaculum hostis ipsius facta: ac proinde non ut
servarentur, sed ut nihilominus perirent, etiamsi
Chri-

Christiani utcumq; evasisent. Noluit nimirum Deus eos, qui veritatem nudam, inopem, afflictam, cum ja-
ctura rerum omnium amplecti recusaverant, imò a-
lio eo nomine afflixerant, eandem pace florentem,
opibus circumfluentem, ac probè veluti dotatam, sine
ullo periculo, sine pulvere ac sudore reperire, & tam
facili ratione salutis viam ingressos, ad salutem æ-
ternam pervenire. Quare Christianam religionem
tenebris involvi permisit, antequam tam facilis, tam
latus ad eam aperiretur omnibus aditus; ut qui abje-
cto paganismo interitum effugisse sibi jam videren-
tur, in eum hic nihilominus incurrerent. Et hæc est
illa operatio seu efficacia imposturæ i. e. effica-
cia seducendi vim habens; vel, ut nonnulli volunt, per
hypallagen Hebraicam, deceptio efficax, quam De-
um ipsis immisurum ait, id est, minimè impeditu-
rum, dum Satanæ ipsam explicaret.

v. 12. Ut judicentur, i. e. damnentur punian- Finis tam
turq; omnes. Finis tam horrendi divini judicii, quod horrendi
amplecti quidem illos voluerit religionem Christi, judicii di-
sed jam ab Antichristo pollutam & contaminatam. vini.
Hic autem est, ut id cedat in pœnam ac supplicium
illorum ingratitude & malitiæ, per quam à salu-
tari & nondum corrupta doctrina oculos animosq;
suos averterant. qui non crediderunt veritati,
sed beneplacitum habuerunt in injustitia. Im-
pia illorum hominum contumacia, quæ pœnam hujus-
modi sint commeriti, exprimitur. Summa videlicet
fuit ista perversitas, quod veritati Evangelicæ præ-
tule-

rulerunt mendacium, & errores suos impios quibus assueverant. Mendacium enim injustitiam vocat, quia cum impietate sit conjunctum, aut genus quoddam injustitiæ seu improbitatis. Nisi forrè simplicitus ipsam vitæ impietatem velis hic intelligere, quæ veritati Evangelicæ ideo potest opponi, quod hæc omnium generis virtutem, ac pietatem præcipit, inculcat, urget. Similem oppositionem habes Rom: 2. 8.

Altera pars capituli, quæ primò eos consolatur ne ob dicta concidant animo.

v. 13. Nos autem debemus. Altera pars Capituli, in qua occasione sumpta ex eo, quod ultimo loco de tam horrendo Dei judicio dixerat, primò consolatur Thesalonicensēs, & de eorum felicitate ipsis gratulatur: deinde monet ac hortatur; tandem votum etiam suum adjungit. Poterant videl. Thesalonicensēs talia de tanta in homines ira Dei audientes sibi etiam ipsis metuere, & cogitare an non ipsi etiam in numero pereuntium essent futuri. ideo ipsos erigit & solatur, ostendens minimè id ipsis verendum aut pertimescendum esse: cum ipsorum ad Christum conversio, seu receptio doctrinæ Evangelicæ tam funesta & horribilia tempora antecesserit. Nisi quis ista cum antecedentibus simpliciter connectere velit in hunc modum, quasi dicat: Quod cum ita sit, tantaq; in religione nox, aut potius tanta ira Dei immineat mortalibus; tanto ardentiores nobis agendæ sunt gratiæ pro vobis; adeoq; vos tanto feliciores vos censere debetis, quod longè ante illa tempora simulac aures vestras attigit veritas, illam obviū ulnū receperitis. Ut autem beneficium istud quod illi

illis obtrigerat à Deo, exaggeret, illosq; tantò melius
 erigat atq; consoletur, non simpliciter rem ipsam de-
 scribit, sed quodam circuitu utitur. primò cùm ait, se
 pro illis gratias agere debere Deo, & quidem
 semper. Bonum enim, & quidem non vulgare ac
 tralaticium sit oportet, de quo tam ardentè gratias
 agat agereq; debeat vir tantus. Deinde, cùm ipsos vo-
 cat à Domino dilectos. Nō est enim quòd secum ma-
 lè aut agi aut actum iri putent, quos Dominus ipse di-
 ligat. Tūc rem ipsam aperit, & causam ob quam gra-
 tias agere Deo perpetuò debeat, atq; aded materiam
 gratiarum actionis, exprimit, eadēq; operā docet
 & cur dilectos à Domino dixerit, & cur ipsi contri-
 stari animoq; concidere non debeant, audientes de
 tyrannide Antichristi, & iudicio divino in homines
 contumaces ac veritatis Evangelice contemptores.
 Quòd elegerit vos, puta ex numero reliquorum
 hominum, gentilitiis superstitionibus & idololatriæ
 deditorum. ab initio, puta prædicati inter gentes
 Evangelii, & ante illa tempora misera & acerba;
 quibus Antichristus dominari debet. in salutem, hoc
 ipso fine, ut vobis salutem animarum olim largire-
 tur. in sanctificatione Spiritus, & fide verita-
 tis, i. e. per sanctificationem spiritus, & fidem Ev-
 angelicæ veritati adhibitam, seu, dum vos spiritu suo
 sanctificavit, & ex reliquorum numero ad sibi servi-
 endum segregavit, postquam veritati fidem adhibu-
 istis, eiq; assensu estis. Genitivus veritatis nomini
 fidei subiectus objectum significat. Quod si Hebrai-
 ca consue-

Uc pote dicit
 lecti à Deo

Et electi ad
 te illa tem-
 pora lucus
 oia.

ca consuetudine pro adjectivo positum velis, quasi dicat & fide vera; non pugnabimus; licet illud verius in salutem, putemus. Verbi in salutem, explicat finem electionis, qui opponitur fini v. 11. nominato, ut judicentur; ut ostendat longè aliam esse conditionem horum temporum quibus illi crediderant, & illorum de quibus prophetaret; seu maius, longè aliam ipsorum esse conditionem, & eorum, quos esset Antichristus fraudibus suis circumventurus, & in suas partes pertracturus. ipsos enim esse ad salutem à Deo electos, hos damnationi ac interitui destinatos. Verbi verò in sanctificatione & fide, explicat formam istius electionis, & media ad illum finem, salutem nimirum eternam ducentia: quorum unum est ex parte Dei, sanctificatio spiritus, oppositum verbi mitter illis operationem erroris. Alterum ex parte nostri, nempe fides veritati adhibita, oppositum verbi ad credendum mendacio & beneplacitum habentes in injustitia.

Per quæ
media id
Deus perfe-
cerit.

ver. 14. In quod vocavit vos. i. e. Atque id quidem ut perficeret et ad exitum perduceret, hoc est, ut vos ad fidem Evangelio adhibendam pertraheret, ac pertractos spiritu suo sanctificaret, atque hoc pacto ad salutem eternam eligeret, vobis Evangelium per nos annunciari curavit, & ad tantum bonum capeßendum, vos invitavit. vel; nec alio, quàm quem jam dixi, sine, vos ad se invitavit, per Evangelium nostrum, seu per prædicationem doctrine Christi, meâ operâ perfectam. Amplius consolationi insistenti,

flens, qua ratione electio ista illis obvenit, indicat;
 & ejus certitudinem animis illorum insinuat. in ac-
 quisitionem gloriæ Domini nostri Iesu Chri-
 sti. i. e. nempe ut acquiratū gloriā, quam Chri-
 stus suis fidelibus Dei nomine promisit, quamq; ipse
 met jam possidet, & aliquando suis re ipsa est datu-
 rus. Finem vocationis atque electionis Thessalonicen-
 sium, voce salutis versiculo superiori expressum,
 reperit.

v. 15. Nempe igitur fratres state. i. e. con-
 stantes estote in eo, quod semel credidistis, nec patia-
 mini vos ab eo unquam, nedum tam citò, ut facere
 ceperatū, dimoveri. Consolationi subjungit exhor-
 tationem, quam ex superioribus deducit. Tam autem
 promanare potest ex principali hujus capituli thesi,
 quasi dicat: cū igitur videatū quo pacto vos in er-
 rorem inducere voluerint impostores isti, constanter
 illud quod semel recepistis, tenete; quā ex consola-
 tione proximè precedente; quasi dicat: cū igitur
 videatū, quā augustus sit vocationis vestre finis,
 perstate in ea quam semel Christo dedistis fide, nec
 eam ullā ratione subrui patiamini, ne tanto simul
 bono excidatū. Videtur tamen illud potiùs respexis-
 se. et tenete traditiones. Insistit instituto, & il-
 lam constantiam aliqua ratione explicat. quasi di-
 cat: Constantes autem in fide veritati adhibita eri-
 ti, si traditiones tenueritis. Traditiones vocat do-
 ctrinam suam, quam illis tradiderat, quamq; ex ipso

Secundò
 monet ut
 sint constan-
 tes in fide.

Et traditio-
 nes ipsius
 teneant.

Quænam
 illæ.

ideo addit: sive per sermonem. i. e. sive viva voce explicatas, cum ipse vos coram alloquutus sum: sive per Epistolam nostram. i. e. cum ad vos scripsi. Hunc locum credant Pontificii traditionibus suis patrocinari, & insufficientiam Scripturarum arguere, quia Apostolus præter Epistolas suas teneri velit etiam ea, quæ per sermonem Theßalonicensibus tradiderat, non facturum proculdubio, si in Epistolis omnia creditu aut factu necessaria continerentur. Sed non vident isti, minimè ad universam Scripturam torqueri posse, quod de solis Epistolis ad Theßalonicenses scriptis ab Apostolo dicitur. Non enim sequitur, quia nonnulla ad salutem creditu factuve necessaria in Epistolis ad Theßalonicenses scriptis non continentur, ideo ne in universo quidem sacramentorum litterarum codice esse scripta. Ne de eo nunc quicquam dicam, quod quas illi traditiones nobis obtrudunt, ea verbo Dei scripto, quod irrefragabilis esse authoritatis unà nobiscum fatentur, repugnant. Sed de his dictum ab aliis fusiùs alibi.

Deniq; sub-
jicit Votum
ut opem co-
litus accipi-
ant ad ea
præstanda,
ad quæ ipsos
hactenus ex-
citaverat.

v. 16. Ipse verò Dominus noster. Restat votum, quo affectum erga eos suum ac benevolentiam singularem ostendit, dum videlicet ad ea de quibus eos monuit præstanda, divinitus illis opem ferri cupit. quasi dicat: verbis autem meis pondus adsit cælitus, dictaq; mea sanciat Deus et Dominus Iesus, ut ea præstetis, ad quæ vos sum hortatus. Votum verò ita concipit, ut personas, a quibus ista, quæ versiculo sequenti expressit, vovet, describat ab eiusmodi ad-

junctionem

junctis, quæ verisimile faciant, obventura Theſſalocensibus omnia ea, quæ illis voveret. Personas nominat duas, Deum videlicet Patrem, & Dominum Iesum. Ab hoc autem incipit, tanquam nobis quodammodo conjunctiori, & eo, per quem fides & spes nostra tum à Deo proficiſcitur, tum ad Deum vicissim porrigitur, & per quem à Deo omnia spiritalia bona in nos conferuntur. Hunc Dominum nostrum vocat, non tantum honoris ipsius causa, sed ut insinuet, cum sit noster Dominus, nos autem ipsius servi & peculium, non utique suos deserturum, sed nobis in omnibus quæ ad obsequium ipsi præstandum pertinent, adfuturum. noster. i. e. qui idem meus, & vester, imò omnium Christianorum Dominus est. et Deus. est altera persona, fons & principium tum nostri quod Christo debemus obsequii, tum eorum omnium, quæ per Christum in nos proficiſcuntur, donorum. Quem hic suavissimè, & ad propositum suum accommodatissimè describit, cum primò ait: ac pater noster. i. e. qui est Pater noster. Vocula enim *ergo*, explicandi hic vim habet, non autem diversa connectendi. Vt autem vocabulo Deipotentiam, ea quæ voveret præstandi, ita vocabulo Patris voluntatem notat; quasi dicat: *is* qui nos adeò tenero affectu dilexit, ut nos pro filiis suis receperit, patremq; se nostrum esse pronunciet. Cujus documenta statim addit ab effectibus paterni ejus in nos affectus, quæ arguant illud etiam ipsis ab eo, quod optabat, collatum iri, cum ait: Qui dilexit nos & dedit consolationem

Spes Christi-
 tianorum
 bona cur?

nem æternam. i. e. Qui nos ita dilexit, ut daret nobis id, quod nos in æternum solari, & beatos ac felices reddere potest. Spem nobis dedit bonam, hoc est, promisit nobis vitam æternam, ejuſq; spem certam & inconcuſſam animis nostris inferuit. Spem autem illam bonam vocat, quia & summi ſit boni expectatio, & certa atque indubitata. Duo enim illa ad ſpei bonitatem ac preſtantiam pertinent, magnitudo boni futuri, et certitudo. Hoc autem totum ut ex dilectione paterna proſectum eſſe tantò melius inſinuet, addit: in gratia ſeu per gratiam. i. e. non ullo nostro merito aut dignitate impulſus, aut invitatus; ſed ex ſola gratia, miſericordia, benignitate.

v. 17. Conſoletur corda veſtra. ad verſus afflictiones videlicet & metum malorū impendentium, ne afflictionibus propter nomen Chriſti preſſi, forte etiam ob metū inſtantis Apoſtaſie, animo concidatū; ſed potiùs erecti, & alacres ſitū; certi, omnia iſta nihil vobis officium veſtrū facientibus nocitura. Et ſtabiliat in omni ſermone. i. e. viresq; vobis addat, quò & dicatis & ſaciaris ea, quæ ſunt bona, voluntari videlicet ejus conſentanea. Hoc voto comprehenduntur omnia, quæ ad officium Chriſtianorum pertinent, & etiam ea nominatim, ad quæ Theſſalonicenſes hortatus fuerat Apoſtolus. Nam dum eos cupit ſtabiliri. in omni ſermone bono conſtantiam illis optat in doctrina ſalutari, quam ab ipſo acceperant, ad quam fideliter tenendam illos antea exci-

taſcit.

ravit. Sed quia constantia in doctrina pura, sine vitæ pietate eaq̃ plena simul ac constanti, nil prodest; ideo etiam optat ut stabiliantur in omni opere bono. Nam vox omni non ad sermonem tantum, sed etiam ad opus bonum referri debet.

IN CAP. III.

IN tertia hujus Epistolæ parte, quam hoc capite contineri diximus, primò seipsum precibus Thessalonicensium commendat, atque inde sumpta occasione eos consolatur, & voto suam erga illos benevolentiam denuo testatur. Deinde hortatur ad certa pietatis officia. Tandem Epistolam votu & salutationibus sibi familiaribus ita concludit, ut notam ac signum apponat, ex quo genuinas ipsius Epistolas ab adulterinis ac supposititiis discernere queant.

Tertia Epistolæ pars.

Capitis membra tria.

ver. 1. Quod reliquum. Primum capituli hujus membrum, quo continetur admonitio ad preces pro se instituendas, per modum cujusdam obsecrationis proposita. Exprimit autem & id quod à Deo petere debeant, & causam cur id petere debeant. Conneditur caput hoc cum superiori huius verbis: quod reliquum. quasi dicat: Et hæc quidem ego vobis à Deo Patre, & Domino Iesu, rogo & opto, quod etiam ipsum facturum certò mihi persvadeo, si modò vobis ipsi deesse nolueritis. Quare illud unicum restat, ut vestrarum officiorum sitis memores, ad idq̃ quod vo-

Primum capituli hujus membrum ad v. 6.

Nexus cum superiori capite.

bu à Deo voveo, pro virili amplectendum, totū ipsi
 viribus connitamini. Inter quæ illud quoque est, ut
 mei in precibus sitū memores. vel brevius: Et hæc
 quidem quæ hucusque dicta sunt, potissimum vobis
 scribenda putavimus; sed ut quæ adhuc supersunt
 attexam, illud vos primum oro, ut mei in precibus
 sitū memores. orate fratres pro nobis. i. e. fun-
 dite ad Deum preces pro me, meosq; illi labores in
 Evangelio hominibus annunciendo commendate.
 Duo autem hic exprimit, quorum illos in precibus
 pro se fundendū meminisse vult, quorum prius vide-
 tur esse finis posteriorū; & hoc quidem primò perso-
 nam Apostoli ejusq; sociorum concernit. illud primum
 gloriam Dei. Continetur autem verbis versiculi hu-
 jus. ut sermo Domini currat. i. e. ut Evangelium
 quod à nobis predicatur, citò & sine ullū impedin-
 tū inter homines propagetur, & omnes terrarum
 oras pervagetur, nec quicquam sit quod illius cursum
 sistere & sufflaminare possit. et glorificetur. i. e.
 laudetur, approbetur, ac prædicetur ab omnibus; o-
 mnes Evangelium cum quadam veneratione susci-
 piant, omnes admirentur, sit in omnium, ad quorum
 aures notitia eius pervenerit, oculis gloriosum: ita
 quidem, ut qui illud amplexi fuerint, pro summo id
 bono suo ducant, votivamq; sibi conditionem obti-
 gisse videntes, Deum pro eius oblatione debitū lau-
 dibus venerentur; ceteri verò qui recipere nolue-
 rint, admirentur tamen, ac suspiciant, adeò ut vo-
 lentes nolentes, illud honorifica mentione prosequi
 cogantur

Rogat The-
 sal. ut orent
 pro ipso.

3. Ut sermo
 Domini
 currat.

rogantur. sicut & apud vos. i. e. et glorificetur
ita, quemadmodum glorificatum est in urbe vestra.
Exemplo ipsorummet Thessalonicensium rem illu-
strat Apostolus, ut tantò melius intelligant, quid il-
los hac in parte à Deo petere velit.

v. 2. Et ut liberemur ab importunis & ma-
lis hominibus i. e. Et ut liberemur à variis machi-
nationibus hominum cum iudicio perverso prædito-
rum, tum moribus pravis contaminatorum, ne ab il-
lis impediamur, ne cum illis nobis sit luctandum ac
conflictandum: quod non modò molestissimum est vi-
rii pii, sed & magnum ipsorum laudibus ac conati-
bus adfert impedimentum, & multorum hominum
saluti obstat. Est alterum quod pro se orare vult
Thessalonicenses; remotio unius ex præcipuis cursus
Evangelii remoris ac impedimentis. Hominum im-
portunorum seu ἐνόητων nomine intelliguntur ii
quorum mens prava est, & iudicium corruptū, ac per-
versum; distortumq; qui absurdè de rebus sentiunt,
nec se in certum veritatis iter, ob contumaciam ac per-
caciam animi, flecti patiuntur. Hi multum negotii
verbi divini doctoribus facessere, & veritatis cursui
obstare solent. Mali autem sunt homines vitâ im-
probi, & moribus corrupti; præsertim si animo quoq;
malitiam ita imbiberint, ut virtutem in aliis ode-
rint, ac doctrinam pietatis ferre non possint, ad in-
jurias aliis inferendas, ad persequendum pios, & in-
primis pietatis doctores, sint proni. Non enim o-

2. Ut libe-
retur ab
hominibus
importunis

Quinam illi

Cur hoc sibi
à Deo velit
impetrare

impetrari per eos cupit, objectione tacitâ occupatâ confirmat. Ratio autem hac pro duplici anteceden-
tium verborum acceptione dupliciter explicari po-
test. Vel enim importunorum & malorum hominum
nomine eos intelligit, qui professione Christiani es-
sent, & hac ratione gremio Ecclesiæ continerentur;
quomodo sensus erit: Non omnes enim, qui fidem pro
se ferunt, verè credunt; sed multi fidem tantum si-
mulant. Vel extraneos, & ab Evangelica doctrina
prorsus alienos. unde sensus emerget talis: Non omnes
enim idonei & apti sunt ad fidem, hoc est ad doctri-
nam Christi amplectendam. Qui sensus melior esse
videtur, cum nihil cogat verba absolutè prolata ad
certum tantum genus hominum restringere. Occur-
rit autem his verbis tacitæ Thesalonicensium cogi-
tationi. Poterant quippe mirari, cur ab illis liberari
tantopere cuperet, quos erudire & in viam reduce-
re ipsius muneris esset. Id igitur se non posse præstare
his verbis indicat: atq; simul causam, cur ab illis libe-
rari cupiat, demonstrat. Non sunt autem omnes fidei
capaces, non per se & naturâ suâ; cum omnes Deus
ad agnitionem veritatis pervenire, atq; ita salvari
cupiat, omnesq; qui modò non sunt mente capti, na-
turâ suâ & credenda intelligere, & præstanda fa-
cere, si modò velint, possint; sed ob susceptam & ac-
quisitam sponte animi improbitatem; quâ in habi-
tum versâ, id quod naturâ suâ erat possibile, redditur
quodammodo impossibile. Breviter: facultatem ab
illis remover proximam, ut vocant, non remotam: illa
animi est voluntati; hac nature.

Fidei nō o-
mnes capa-
ces.

v. 3. Fidelis autem est Dominus. Quia su-
 perioribus verbis Apostoli consternari, atq; ita secum
 cogitare poterant: si tantus Christi Apostolus, tan-
 toperè à perversis hominibus liberari cupit, nec fieri
 potest ut illi emendentur; quid nobis tandem fiet,
 quorum vires longè viribus Apostolicis sunt imbecilli-
 ores? Forte ejusdem farinae homines, improbitatis ac
 perversitatis suae cuniculi mœnia fidei nostrae subru-
 ent, atq; ita actum erit de salute nostra: Eximit hunc
 scrupulum Apostolus, & solatur ipsos protectionis &
 custodiae Domini Iesu spe; quam superstruit constan-
 tia in promissis servandis Domini Iesu; quasi dicat:
 Cum verò & me tantopere expetentem liberari à
 perversis hominibus, & causam hujus meae petitionis
 auditis, non debetis animo concidere, & de vestra sa-
 lute desperare. Is enim, sub cujus vexillo mereti, cuiq;
 fidem dedisti, nempe Dominus Iesus, fidelis est: i. e.
 in eo quod promissis præstando verax ac constans.
 Promisit autem opem suam omnibus quicunq; sese ei
 dediderint; quo in numero & vos estis: ac porro fide
 ipsius ita postulante, auxilium vobis feret, ut omnes
 tentationes sustinere ac vincere possitis, ne à fide vos
 depellant ac dejiciant. qui confirmabit vos. Ef-
 fectus hic est fidelitatis Christi; quasi dicat: qui tan-
 tum roboris, tantum constantiae vobis inspirabit, ut
 in veritate semel agnita & recepta immoti persi-
 stere possitis, nec ab ea vos abduci, nisi per ignaviam
 armis abjectis herbam hostibus ultro porrigere reli-
 tis, patietur. & custodiet à malo. i. e. & provide-
 bit ac

Quod tamē
 non debet
 ad cōsterna-
 tionem Chri-
 stianum pro-
 vocare.

Quia D. Ie-
 sus est fide-
 lis.

Qui promi-
 sit custodi-
 am a malo.

bit ac procurabit, ne quicquam vobis Satanas fraude sua affricet, itaq; vos circumveniat, ut veritatem Evangelicam vel penitus deseratis, vel errorem amplectamini saluti vestre noxium. Mali vox in masculino genere potius, pro Satana malorum principe ac capite, quàm in neutro genere, pro re mala, sumenda videtur; quemadmodum & in precatione Dominica: ut, quia malorum hominum superiori ver- su meminit Apostolus, ad vocem alludens, malitie ipsius & improbitatis fontem, qui extra hominem est, tangat. Quod nonnulli interpretes animadvertentes, ita reddunt verba stabiliet vos: & tuebitur ab illo malo, exprimentes vim articuli qui hoc loco est $\delta\iota\alpha\chi\rho\iota\sigma\iota\varsigma$, & malum $\kappa\alpha\tau'\epsilon\phi\omicron\chi\eta\iota$ sic dictum denotat.

Ut nec hæc
ingenerare
debet tor-
porem & ne-
gligentiam

v. 4. Confidimus autem in Domino super vos. i.e. sumus autem persuasi de vobis, ope Domini, quem fidelem esse diximus, & auxilii ipsius spe freti. Ne superiorem consolationem ita interpretentur, ut sibi esse securum licere arbitrentur, Dominumq; ipsos sine ulla ipsorum opera & labore confirmaturum ac custoditurum putent, hac addit verba, quibus torporem & securitatem excutiat, quemadmodum superioribus metum ac desperationem; minimeq; ipsos aut ob hominum perversitatem animo frangi, aut ob custodia divina spem in studio pietatis relanguescere debere doceat. Artificiose autem id eis tribuit ad quod eos hortari volebat, & pro eo quod monere debebat ut sibi ipsis etiam advigilarent, nec
sine inter-

sine interveniente etiam ipsorum studio illos confir-
maturum Deum crederent, spem de illis quod id fa-
cturi sint, se concepisse ait; quasi dicat: cum verò Do-
minum vos custoditurum à Satana dico, non existi-
mo vos mea verba ita interpretaturos, quasi Deus
id non sentientibus & dormientibus vobis sit conse-
cturus. Persuasus enim sum, imò credo firmissimè, vos-
mer ipsos auxilio Domini invocato, ejusq; ope fretos,
& facere quantum in vobis, & facturos porro ea que
vobis prescribimus; ut qui sciatis id esse officii vestri
ad quod estis vocati.

v. 5. Dominus autem, nempe Iesus Christus, Votum con-
quem voce ista absolutè posita ab Apostolo designari tinens me-
notum est, & in his ipsis epistolis aliquoties vidimus. dia studiū
Subjicit votum benevolentie in eos sue (cujus ex- pietatis in
promende nullam occasionem prætermittit) pleni- nobis exci-
simum, ut stimulos ipsis acriores ad ea facienda sub- tancia.
dat, ad que eos artificiosè versiculo superiori fuerat
hortatus. q. d. quod quidem ut præstare etiam porro
possitis, officioq; vestro advigilantes omnem Satha-
næ insultibus ad vos aditum intercludatis, atq; ita
mea de vobis fiducia sit perpetua & stabilis, ea vobis
ab eo qui Dominus nostrum omnium est, & qui-
dem benignissimus eoq; ut nobis mancipiis ejus bene-
fit providet, opto & rogo, quorum ubi compotes fa-
cti fueritis, meum etiam desiderium implebitis, &
nihil quod ad illius mali fraudes præcavendas fuerit
necessarium vobis de esse patiemini. Charitas nimi-
rum Dei & expectatio Christi, que duo hic ipsis vo-
vet, sunt.

vet, sunt media ad unumquemq; nostrum in officio continendum studiumq; veræ pietatis in nobis quâ excitandum, quâ augendum, & fovendum ut certissima ita potentissima. Quando enim quisq; majore Dei Opt: Max: flagrabit amore, ipsumq; amandi causas quanto pervidebit acrius, tanto impensius eum sibi demereri studebit, & quanto majori adventus Christi desiderio tenebitur, tanto studiosius ut sibi veniat propitius elaborabit. Dirigat corda vestra. i. e. omnia cogitata & consilia vestra eo convertat, ita illa temperet, eumq; vobis animum qui nunc in vobis est porro conservet, imò cœlesti favore suo in dies magis ac magis firmet & augeat. in charitatem Dei. i. e. ut ardentissimo amore & charitate feramini in Deum, eumq; tam altè condatis pectore quàm altè descendere debet admiratio simul & consideratio ac memoria cùm aliorum ejus in numerorum in vos beneficiorum, tum hujus vel maxime cujus per nos esli facti participes; cùm nobis prædicantibus conversi esli ad ipsum ab idolis; per quod quidem ex statu deterrimo & miserrimo in felicissimum & latissimum aserti & translati esli. Et ex

i. Amor
Dei.

a. Expecta-
tio adven-
tus Christi.

pectationem Christi Græcè ὑπομονή. Vetus interpretēs Patientiā Alii patientē expectationem. Vox enim ὑπομονή, ut annotant interpretes, significat perseverantiam in re quapiam non sine molestia sed rursus cum expectatione præmii, aut certè finiendi mali. i. e. ante oculos verò semper habentes venturum de cœli Christum, ut judices mundum in justitia &

sticia & reddat unicuique secundum opera sua: eo vos in cruce confirmetis, ipsumque ut finem omnium afflictionum & miserationum vobis allaturum & ab ira ventura vos liberaturum, patienter expectetis. Posuit autem expectationem Christi, pro expectationem sui antecedens pro relativo per Hebraismum sacris scriptoribus usitatum, quem habuimus, & priori Epist. cap. 3. v. 12. Dirigit verò Dominus Iesus corda fidelium in charitatem Dei & expectationem sui non vim illis cui resisti nequeat inferendo aut oscitantibus & securis ista obrudendo, sed sponte in ea incitati imò currentibus, blandè & suaviter quàm per verbum, quàm per spiritum S. suum cum causas & fructus eorum animis obijciendo, tum magnitudinem simul & suavitatem eorum penitus aperiendo; quibus veluti flabellis quibusdam affectus isti in iis excitati quotidie magis ac magis inardescant, & flamma ipsa ab iis ipsis quæ eam peperere alimentum semper capiente velut augeantur.

v. 6. Præcipimus autem vobis fratres. Sequitur altera huius capituli pars, in qua præcepta quedam Theßalonicensibus tradit, atque ea imprimis quæ ad ecclesiasticam quam vocant disciplinam sanciendam spectant. Primum autem præceptum illud & proponit et confirmat, quod huius loci est præceptum, & cuius occasione cetera quoque interferuntur, quo nimirum præcipit ut à familiari eorum qui inordinatè se gerunt, commercio ac familiaritate abstineatur. Deinde alia duo præcepta adjicit, quorum

alterum

2. Cap. paræ præcepta in primis ad ecclesiasticam disciplinam spectantia, continens.

1. Ut abstinetur commercio familiari inordinatè ambulantium.

Cui authori-
tatem ini-
tio cōciliat.

Quare?

alterum ad eos spectat qui ita ut dictum est ab aliis
notari merentur; alterū ad eos qui illos notare & ab
eorū conversatione abstinere jubentur. Deniq; præ-
ceptum primū aliqua ratione repetit, & uberius ex-
plicat atq; illustrat. Præceptum principale ita propo-
nit, ut authoritatem ei statim cōciliet, dū nō simpli-
citer ait: præcipimus autē vobis fratres, sed ad-
dit in nomine Domini nostri Iesu Christi i.
e. authoritate ac jussu ipsius Domini Iesu Christi. hu-
jus enim est hoc mandatum, ab ipso profectum, ad Ec-
clesiæ disciplinam stabiliendam; non meum hoc est
placitum aut consilium quod negligi absq; peccato
fortē possit, aut posse à quopiam putetur. Non frustra
authoritatem hujus præcepti ita stabilit Apostolus,
quia plerisq; hīc obrepit aut negligentia quædam, aut
nimia quædam lenitas. Alii enim existimant satū es-
se si ipsi suum officium faciant, parum pensi habentes
quid ceteri agant, quoq; modo se gerant. Alii, licet
monendos existiment & ceteros ut & ipsi officium
faciant, non tamen tam duriter putant in eos con-
sulendum, si officium facere noluerint, ut in eos quo-
quo modo animadvertant, ab eorumq; familiari
convictu abstineant, præsertim si alia quædam illi a-
micitiæ vincula cum ipsis intercedant, aut tales sint,
quorum amicitia ipsis videatur appetenda. Quare,
ne quid hujusmodi obstaret apud Thessalonicenses
hujus præcepti observationi, authoritate Christi in-
terposita illud munit, quæ cū sit prorsus irrefragabi-
lis atq; inviolabilis, siquidem est Dominus no-
ster,

ſter, qui divinum in nos abſolutumq; habet imperi-
um, nulla quantumvis ſpecioſa ratio efficere debet, ut
ejus mandata negligamus. Ipſum autem mandatum
continetur illis verbis: ut ſubducatis vos ab omni
fratre qui inordinatè ambulat. hoc eſt, ut abſti-
neatis à familiaritate, convictu, conſuetudine fra-
tris hujusmodi. Fratrem hoc loco appellat quemvis
Chriſtianum, qui nimirum ſalutarem Chriſti doctri-
nam unà nobiſcum profitetur. 1. Cor. 5. 11. ubi de ea-
dem re agens, ait: ſi quis frater nominetur. Appel-
labatur autem frater à Chriſtiani, qui quicq; & ipſe
Chriſtianus eſſet, ſeu Ieſum profiteretur eſſe Chri-
ſtum, ejuſq; religioni addictum ſe eſſe teſtaretur. I-
taq; hoc præceptum non obſtringit nos ad vitandum
commercium aliorum hominum vitioſorum, ac pec-
catis aliquibus deditorum, ſi à religione Chriſtiana
ſint alieni, uti Apoſtolus eodem loco. 1. Cor. 5. expres-
ſè monet. v. 10, 12, 13. Quod idem hodie quoq; ſtatui
potest de iis qui licet Chriſtianam religionem proſi-
teantur, & Chriſtiani tum ipſi nominari velint, tum
ab aliis dicantur, pro noſtris tamen fratribus vulgò
non habentur, neq; ad eccleſiam ſeſe noſtram aggre-
gant, aut unquam adjunxerunt; præſertim ſi eaſdem
de religione ſententias nobiſcum non proſiteantur.
Nam ad eos qui ad eccleſiam non pertinent, animad-
verſio etiam eccleſiaſtica non pertinet: quid enim, in-
quit Apoſtolus, mea intereſt etiam extraneos judica-
re? 1. Cor. 5. 12: nec eorum improbitas eccleſie nocere,
vel ſaltem non tantopere nocere poteſt, ſive infami-

Quousq; hu-
jus præcepti
pomeria
extendenda.

am species, quæ ad ecclesiam ipsamq; veritatem divinam ex mala eorum vita redundet; sive contagionem, quæ ad ceteros manare queat. Interim tamen, si quis eandem nobiscum religionem profiteatur, unde etiam vulgò pro fratre nostro habeatur, etiamsi ad ecclesiam aliqui non acceperit, si tamen sæpius monitus non resipiscat, ejus consortium est vitandum. Nam aliqua saltem ratione jam ad ecclesiam pertinet, & infamia quedam ad veritatem divinam, & Ecclesiam quæ eam proficitur, ex ejus peccatū redundat, & contagio aliorum est metuenda: Majori tamen lenitate (nisi fortè vita hominū hujusmodi sit prorsus infamū) utendum, & diutiùs ferendus est hujusmodi frater, vel saltem diutiùs ferri potest, quàm si se ecclesie adjunxisset. Minor enim sere solet esse Ecclesie ex hujusmodi hominū moribus infamia,

Quid de cō-
mercio ho-
minum ex-
tra Ecclesi-
am malorū
sentiēdum.

Inordinate
ambulare
quid sit.

& minor contagionis metus. Etiam si autem non ju-
bemur hoc loco vitare commercium hominum malo-
rum extra Ecclesiam: tamen & ipsa honestatis ratio,
& pietatis amor postulat, ut quantum ejus fieri po-
rest, vitemus eorum familiaritatem quorum vita est
infamū, licet pro fratribus nostris non habeantur. Se-
cūs si quis faxit, non quidem in hoc, quo de nunc agi-
mus, præceptum Apostoli peccat, sed in illud quod ab
eodem traditur 2. Cor: 6. Ne alienum jugum tra-
hamus cum infidelibus. & quæ sequuntur. Porro,
quid sit inordinate ambulare, ipse Apostolus ali-
qua ratione explicuit verbis sequentibus, dum addit.
& non secundum traditionem quam accepit
à nobis

à nobis. hoc eſt, qui non ita ſe gerit quemadmodum poſtulat doctrina quam vobis tradidimus, quamq; & ipſe unà cum aliis à nobis accepit. i. e. didicit, amplectus ac profeſſus eſt. Per traditionem enim doctrinam intelligi, aliis propoſitam atq; explicatam, vidimus ſuperiori cap. v. 15. Qui ergo id non facit quod doctrina Apoſtolica præcipit, aut facit quod illa prohibet, ù inordinatè ambulat, ù extra orbitam à Deo & Chriſto nobis conſtitutam evagatur, & diſciplinam morum violat. Loquitur autem hic Apoſtolus non tam de ſingulis delictorum adverſus doctrinam Chriſti admiſſorum actibus, quàm de habitibus ſeu majoris conſuetudine peccandi. Nam & verbum ambulandi hanc vim habere videtur, & res ipſa id poſtulat. Etenim ſi de ſingulis peccatorum actibus id eſſet intelligendum, quoruſquiſq; foret qui ad familiarem convictum ac conſuetudinem admitti deberet? Ita ſanè citò dilaberetur Eccleſia, imò vix conſtitui unquam poſſet. Interim tamen quia nonnulli peccatorum actus ita ſunt graves, itaq; enormes, ut jure dici poſſit eos vitioſis peccatorum aliquanto leviorum habitibus equipollere ſententia huius præcepti etiam ad eos extendenda eſt, qui huiusmodi actus committunt, & in eos acies huius animadverſionis ſtringenda, præſertim, ſi eos publica quædam infamia comiteretur, ſequaturve. Nam & infamiam Eccleſie conciliant, & ignominie labem veritati aſpergunt huiusmodi flagitia, dum vulgo ſunt nota, & niſi animadverſione aliqua coërceantur, in ex-

Loquitur
autem po-
tiſſimum de
habitu in
delictis.

Et ſi nec e-
rit quidam
penitus ex-
cludendū.

emplum ire facile possunt, & efficere, ut minoris estimetur, & facilius ab aliis admittantur. Quare huiusmodi animadversione severiori occurrendum est, & non tam usitata verborum huius precepti significatio, quam mens & sententia Apostoli, aut ipsius potius Christi, qui hanc Ecclesie sue disciplinam constituit attendenda. Erratur autem hic non leviter

Imò nec illarum actiones, quæ licet per se non prohibentur à Christo, infirmiores tamen offendere possunt.

ab illis, qui existimant tam severe cum illis agendum non esse, qui tale quippiam faciunt, quod per se ac simpliciter consideratum à Christo eiuusve Apostoli prohibitum non est, sed tamen cum infirmorum scandalo & offensione extraneorum non exigua est coniunctum & infamie labem veritati divine & Ecclesie Christi aspergit. Etenim licet id quod faciunt, per se ac simpliciter consideratum peccatum non sit, nec cum doctrina Christi & Apostolorum pugnet, tamen cum huiusmodi circumstantiis spectatum, vere peccatum est, & cum Christi doctrina omnino pugnat, si modò illi videre ac cernere possint, offensionem huiusmodi facile sequuturam. Doctrina enim Christi præcipit, ut omnia quaecunque facimus, utut per se adiaphora sint, & simpliciter spectata, nec præcepta sint, nec prohibita, ad gloriam Dei faciamus, simusque absque offensione & Iudæis, & Græcis, & Ecclesie Dei, ne per nos fiat, ut bonum nostrum, ut inquam religio nostra sanctissima, ut Dei sermo blasphemetur; ut omnia ad ædificationem faciamus, alioqui contra charitatem facturi, & quantum in nobis est perdituri alios: ut omnia faciamus, quæ bona sunt

1. Cor. 10.

32.

Jacob. 2. 7.

1. Cor. 14.

16

Rom. 15. 2.

Philip. 4. 8.

ne sunt fama, si quæ gloria, si quæ laus, ut ea meditemur, & re ipsâ sequamur: ut honesta coram omnibus hominibus procuremus, exemplo Apostoli, qui honesta procuravit non tantum coram Domino, sed etiam coram hominibus. Quod si ergo factum aliquod licet per se licitum, ob circumstantiarum tamen rationem ad offensionem aliorum faciat, & in causa sit ut religio nostra divinaq; veritas blasphemetur, si cum bona fama pugnet, si in reprehensionem, præsertim gravem, apud omnes incurrat, si infamiam conciliet, certè cum doctrina Apostolica pugnabit, ac proinde qui illud committere solet, inordinatè ambulat, ut qui nec Dei gloriam ita ut debeat amet, nec proximorum suorum saluti ita studeat, ut pietas à Christo eiusq; Apostoli præscripta postulat; cum & gloriæ divinæ & alienæ salutis causâ suam quoque vitam deberet impendere, nedum aliquod commodum aut voluptatem, aut quidpiam simile ei postponere. Vnde intelligitur in huiusmodi hominem legis huius Apostolicæ severitatem iure stringi posse, vel potiùs debere, & tantò quidem severiùs cum eo agendum, quantò maiori cum offensione, dedecore, atque infamia factum eius est coniunctum. Quod si tale sit ut vulgò apud omnes valde enorme, flagitiosum, atque impium censeatur, quia nimirum sua natura aliquam habeat cum rebus valde flagitiosis, & à Deo severè prohibitis cognitionem; contrarium autem eius virtuti & honestati admodum sit consentaneum; nulla videtur esse causâ cur non possit

quispiam ob unum huiusmodi factum à familiaritate fidelium arceat; præsertim si præmonitus fuerit, & sæpius quidem, ita ut eius contumacia etiam accesserit. Si enim enormia peccata severiori animadversione sunt digna, & licet singularia sint facta, tamen leviorum peccatorum consuetudinem æquant; idem etiam de hoc peccatorum genere statuendum est, quod ob circumstantiarum rationem ut peccatum est, ita & enorme esse potest. Sed hæc obiter. Iam ad verba Apostoli redeamus; in quibus postquam vidimus quinam ii sint in quos Ecclesia animadvertere, & censoriam virgulam stringere debeat, iam nonnihil etiam dicamus de animadversionis genere quo in eos uti debeat. Vidimus autem illud contineri eo, ut nos subducamus ab huiusmodi fratre, & quidem ne profopolepsia hic sit locus. ab omni. seu quovis qui inordinate se gerat, qua de re postea nonnihil dicemus explicatiùs.

Profopolepsia hic locus nullus.

Quid sit nō commisceri cum inordinate ambul.

Quod hic dicit subducere se ab huiusmodi fratre id inferiùs versiculo 14. dicit: non commisceri cum eo, hoc est, familiaritatem non colere, cum eo commercium ac consuetudinem non habere, quo eodem verbo eadem in re utitur Apostolus 1. Cor. 5. 9. 11. quo loco etiam ostendit quomodo sit vitanda huiusmodi hominum consuetudo ac familiaritas: cum ait: cum huiusmodi fratre neque edendum esse, hoc est, non alia tantum facta ac negotia quibus familiaritas colatur fugienda esse, sed ne communem quidem cibum cum eo capiendum, licet id alioqui

liſſi qui arctæ familiaritatis argumentum non ſit, vel non adeo magnum. Sunt enim longè maiora arctioraq; vincula, quibus familiaritas conſtat, quàm communis cibus, quem non raro etiam cum alieniſ capimus. Non ergo in eo ſolo, hæc animadverſio ſita eſt, ne cibus unà cum huiusmodi fratre capiamus; ſed etiam in ſuga aliarum rerum, quibus familiaritas conſtat, ut ſunt amplexus, & (ubi id conſuetudo fert,) oſcula, crebri congreſſus, colloquia ac ſalutationes etiam, tum inſtitute, cum nec ulla urget neceſſitas, nec ad delinquentem ea corrigendum adhibeantur, miſſiones munuſculorum, non neceſſitati alienæ, ſed ſolius amicitiæ reſtanda cauſa inſtitute, et ſi quæ huiſſimilia. Apparet autem diligenter hæc eſſe cavenda, ut etiamſi ſeſe nonnunquam offerat occaſio cum huiusmodi homine colloquendi, inq; ſeipſum nobis offerat, aut nos invitet, nos tamen eius congreſſum ac colloquium ſubterfugiamus; niſi, ut dictum eſt, neceſſitas aliqua, aut eius hominis emendatio eò nos adigat. nam & hoc ſignificant verba Apoſtoli, cum iubet ſeſe ſubducere ab huiusmodi homine (is enim ab aliquo ſe ſubducit, qui ut ſi forte alter ipſum ad ſe invitet, eum vè ſectetur, ſubterfugit eius cōvictum ac conſuetudinem, & ſibi ab ea caret) & illud quoque argumento eſt, quòd Apoſtolus eum in finem id fieri vult, ut is pudeſcat, id quod non fieret, niſi ad eum modum conſuetudo eius vitaretur, & quidem ita, ut id ipſe animadvertere poſſit, ac probè intelligere, ſe indignum quodammodo aliorum converſatione ob-

Animadverſio iſta non in eo ſolo ſita, ne cibus cum eo capiamus.

Quàm longè à familiaritate inordinatè ambulantis fratris recedendum?

Subducere ſe ab aliquo quid.

facta sua censeari. Argumento est & illud, quod ea familiaritate nobis cum fratre inordinate ambulante interdicit Apostolus, quam nobis cum hominibus à Christiana religione alienis, licet idololatri, scortatoribus, rapacibus, ebriosis, conviciatoribus permittit, 2. Cor: 5. 9. 10. Atqui ne cum illis quidem iugum trahere nobis licet, nec ita illis adherescere debet animus noster, ut cum nulla prorsus necessitas, nulla honesta utilitatis ratio, atque inprimis pacis conservanda studium postulat aut svadet, cum illis vivere ac versari cupiamus. Siquidem ipsa honestatis ratio, & virtutis ac pietatis amor ab huiusmodi hominis consuetudine nos avocare ceteroqui debet, quemadmodum supra diximus. Cum ergo Apostolus doceat, ne illud quidem familiaritatis genus cum fratre inordinate ambulante, nobis permixtum esse, quod cum infidelibus, seu à Christiana religione alienis, permixtum nobis est, facile est intelligere, quam longe à fratris inordinate viventis consuetudine sit recedendum, quamq; diligenter sit ipsius commercium ac familiaritas vitanda.

Quæstiones

A.

1.

Sed hic quatuor potissimum in disquisitionem veniunt, à nobis breviter explicanda. Primum, Vtrum quivis Christianus à quovis inordinate vivente sese subducere vi huius præcepti Apostoli debeat, utrum etiam uxor à marito, liberi à parentibus, servi à Dominis, subditi à magistratibus; vel contra. Quin etiam utrum pares à paribus semper omnino discedere, & alii aliorum consortium vitare debeant.

Secun-

Secundum: Annon casus aliquis incidere possit, ut ci-
 bum cum homine inordinate se gerente, capere lice-
 at ei, cui commercium eius interdicat Apostolus. Ter-
 tium: An protinus sit vitandus frater, qui inordina-
 te se gerit, an verò & monendus prius, & mora ali-
 qua interponenda, ut se emendare possit. Quartum
 Quid illi faciendum fratri, qui à familiari fratrum
 conversatione segregatus, respiscere noluerit, sed in
 pristina vivendi, ac malè agendi consuetudine perse-
 veraverit. Qua in re illa etiam continetur questio,
 supersitné, præter hanc qua de nunc agitur, alia a-
 nimadversio, quâ Ecclesia hodie uti possit aut debeat
 in eos, qui in suis peccatis ac vitiis perseverant, &
 non tantum moniti, sed etiam ita ut hoc loco jubet
 Apostolus, notati atque à familiaritate cæterorum
 fidelium remoti, respiscere nolunt.

Ad primam questionem respondemus. Non esse
 consentaneum, præceptum hoc ad omnes planè sim-
 pliciter, seu magis respectu quorumvis inordinate
 ambulantium, extendendum esse, ita ut quivis in ec-
 clesia à quovis, quocunque tandem modo sit cum ipso
 conjunctus sese subducere, ejusq; consuetudinem vi-
 tare debeat; sed ad illos id spectare, in quorum pote-
 state cæteroquin est, cum aliis vel commercium habe-
 re, vel non habere. Nam primum nullo modo conce-
 dendum Apostolum velle, ut illi, qui alius ita sunt vel
 divino vel humano jure devincti, ut indissolubilem
 cum iis vitæ consuetudinem colere, aut iis parere, &
 quoties jubent, adesse, ac sermonem cum iis sociare,

1. An quivis
 Christianus

à quovis in-
 ordinate
 ambulante
 recedere
 debeat.

Respond.
 negativè,
 quia præce-
 ptum Apo-
 stoli ad il-
 los tantum.

pertinet, in
 quorum id
 propriè po-
 testate, cõ-
 mercii cum
 aliquo ha-
 bere, vel nō

respe habere.

resvè alias unà cum illi obire tenentur, ut ab iis, si in ordinatè se gerant, discedant, & eorum consuetudinem vitent. Nec enim Christus aut Apostolus, ejusmodi ecclesiæ præscribit animadversionem, quæ cum injuria cujusspiam sit conjuncta, seu id cuipiam deneget, quod ipsi jure debeatur. Debetur autem, v. g. marito ab uxore, ut arctissimam cum eo colat per universam vitam consuetudinem; similiter & parentibus debetur à liberis, Domini à servis, ut hi cum illi præsertim omnino volentibus ac jubentibus versentur, iis ad manum sint, colloquia eorum nequaquam subterfugiant, aut communem cum illi cibum capere detrectent. Idem & de magistratibus respectu subditorum statui debet, & tanto quidem magis, quanto majus eorum aut absolutius est in nos imperium. Hinc porro intelligitur, statuendum esse idem de iis, qui cum inter se sint pares, invicem tamen ita sunt colligati, ut vitare alter alterius consortium, sine illius, aut alterius cujusspiam injuria nequeat: ut si duo ministri eidem Domino serviant, quorum alter ab ecclesiâ notatus, ceteroqui sit vitandus; aut si duo pluresvè societatem victus acquirendi gratia inter se inierint, quæ familiarem ipsorum convictum ac consuetudinem omnino postulet. Intelligitur etiam nec uxoris consuetudinem marito esse fugiendam; cum non uxor tantum marito, sed & maritus uxori vicissim arctissimo, atq; indissolubili (nisi adulterium hujus interceperit) vinculo sit copulatus: & etiamsi tandem uxor consentiret in separationem, quam vo-

Quare nec
liberis, à pa-
rentib. nec
subditis à
magistratu
&c.

Nec marito
ab uxore re-
cedere licet

cant,

cant, thori, seu convictus diffidium, (divortium enim uno tantum adulterii casu licitum est) alia tamen ratio separationi huic posset obstare, de qua mox dicemus. Parentibus in liberos, Dominis in servos plius licet. Non enim aquè parentes liberi, Domini servi sunt obstricti, ut hi illis. Itaq; nonnunquam licet, non nunquam etiam decet parentes aut Dominos ut à familiari convictu arceant liberos aut servos. Verumtamen cause non nunquam justè obstare possunt, quo minus hujusmodi separatio instituat. Earum prima jam dicta est, si jus alterius partis licet inferioris, obstet, quo minus separatio fiat. Nam & inter Dominum & servum potest esse mutua obligatio, & quidem ejusmodi, quæ non permittat ut Dominus pro arbitrio suo servum à convictu suo removeat, præsertim si servi nomine mercenarium intelligas, aut ministrum certo precio ad certum tempus conductum. Neq; verò ea, quæ justa causa est cur ecclesia quempiam notet, & à sanctorum communione arcendum statuat, protinus etiam justa causa est, cur Dominus servum abdicare & à suo convictu arcere possit. Idem aliqua ratione etiam de liberis est statuendum. Nam etiam si parentibus liceat nonnunquam arcere à suo convictu liberos, quin etiam, si ita mereantur eos penitus abdicare; non tamen quamvis ob causam, aut quovis tempore licet. Quare videndum est, utrum tam gravis sit illa causa ob quam ecclesia eorum familiaritatem fugiendam statuit, ut etiam à parentum consuetudine, quorum amicitiam liberis

Magis licet parentibus a liberis, & Dominis a servis.

Nisi obstet

1. jus partis inferioris.

Non continet qui ab Ecclesia excommunicatus & à domesticis arcendus.

natura

2. Indigen-
tia piorum
etiam inter
pares.

Alioquin
hæc pœna
impiis infi-
cta, magis
noceret piis

natura ipsa primum conciliavit, sint amovendi. Sed præter hanc, & alia potest esse causa, quæ diremptionem convictus ac familiaritatis jam institutæ impediatur, quæ inter pares etiam locum habere potest. Ea vero est, indigentia, sive utriusq;, sive alterius partu, ac porro quædam necessitas, quæ alteram partem alteri ita devinciat, ut eam ab ea divelli, vix ac ne vix quidem patiatur. Etenim non est credibile Apostolum ita præcepisse fugam familiaritatis ac convictus cum inordinatè ambulantis, ut veller etiam pios propterea magnum aliquod detrimentum incurrere, & iis se se commodè atq; usibus privare, quos illi præstare debeant, ii qui inordinatè se gerunt. Itaq; consentaneum non est voluisse eum omnino, ut parentes liberos, aut Domini servos non rectè se gerentes à se arcerent, & sic eorum ministerio se se privarent quo indigent. Hoc pacto non raro contingeret, ut pius noceret huiusmodi animadversio, ipsis nocentibus seu inordinatè se gerentibus prodesset. Atqui hos, non illos pœna hac (si eam licet ita appellare) affici vult divinus spiritus. Vnde jam intelligitur, etiamsi tandem alie rationes non obstarent quo minus maritus ab uxoris inordinatè viventis convictu discederet, eam tamen rationem sufficere, si maritus uxoris consuetudine atque officio carere nequeat. Eodem locum habere potest inter eos, qui societatem jam inter se inierunt ejusmodi, quæ convictum ac familiares congressus frequentiores postulet, si sine notabili incommodò suo pius à nocente discedere non possit.

poſſit, etiam ſi id ſine huius injuria facere poſſit. Quamquam autem dictum eſt, ſenſum huius animadverſionis, aut (ſi ita appellare licet) pœnæ, ad eum redundare totum debere, qui meruit; hoc eſt ad eum qui ex præſcripto Chriſti & Apoſtolorum vitam ſuam non inſtituit; non eſt tamen concedendum, velle Apoſtolum ut ab eccleſia (de civili enim aut domeſtica diſciplina hic non agitur) tam ſeverè cum eo agatur, ut ii etiam commodis ſuis fraudetur, & honeſta ei victus quærendi ratio eripiatur, atq; in anguſtias conjiciatur rerum ſuarum. Neq; enim aliud in hac animadverſione ſpectavit Apoſtolus, quàm ut hac ratione pudore ſuffundatur frater inordinatè vivens, v. 14. quia nimirum ii qui ſamiliarius alioqui, cum illo verſari ſolerent, poſtea ab ejus congreſſu abſtineant, eumq; ſua conſuetudine ob morum improbitatem indignum judicent. Adde quod apertè caveret Apoſtolus, ne cum ceteri pro inimico habeant, ſed ut fratrem moneant, v. 15. Quin & ver: 13. non obſcurè indicat, ne huiusmodi quidem hominibus neceſſaria prorsus vitæ ſubſidia eſſe neganda, ut illic videbimus. Quare non eſt credendum, Apoſtolum ita velle ſeparationem illam inſtitui, ut damno ſimul afficiantur, & honeſta victus ratione, aliivè commodis protinus priventur. Quod ſi alioqui ſuo delicto civilem pœnam mereantur, aut, ſi ſub patrisfamilias poteſtate ſint, domeſticam aliquam animadverſionem incurrant, aut in privatorum commoda peccantes digni ſint ut ſuo aliquo commodo viciſſim priventur, id hoc

Nec ipſe
nocens com-
modis ab
Eccleſia
fraudandus.

Non enim
habendus
pro inimico.

loco

3. species
emendatio-
nis.

Regula in
hujus qua-
stionis so-
lutione o-
mnibus in-
tuenda.

loco non attenditur, ubi de ecclesiastica tantum di-
sciplina censuraq; agitur, quæ civilis ac domesticæ
potestatis jura sibi non vindicat, sed aliis relinquit.
Deniq; & illa potest esse justa causa, cur convictus
jam institutus inter domesticos nō dirimatur, & nec
parens liberos, nec dominus servum à se amoveat,
aut qui societatem iniiit cum altero, eam non diri-
mat, si spes sit, fore, ut i qui exorbitat in orbitam
cito redeat; præsertim si & illud accedat, ut metus
sit, ne, si deferatur, deterior evadat, aut veritatem
etiam penitus deferat. Atq; ut summatim videamus
quod ad questionem illam penitus dissolvendam per-
tinet; non eos hoc Apostoli præceptum simpliciter o-
bligat qui in eadem familia vivunt, aut illos, qui pe-
culiari jure sunt inordinatè viventibus obligati, ut
sine eorum injuria ab illis subducere se nequeant, sed
eos qui in diversis vivunt familiis, & qui sine viola-
tione juris alieni possunt ab aliis discedere, utpote
in quorum arbitrio situm est cum illis versari vel mi-
nùs, idq; tum, cum nulla eos ad colloquia ac congres-
sus adigit necessitas, nec civilis concordie ac paci-
ratio eos huc compellit. Itaq; & cognati à cognato-
rum, affines ab affinium familiaritate, cum diversas
familias constituunt, abstinere debent, quatenus ci-
vilis honestas ac vitæ concordia permittit. Et quia
intereos qui in eadem familia vivunt, aut societa-
tem aliquam inierant, vel major vel minor esse po-
test conjunctio, ut inter ministros ejusdem heri; eti-
amsi ab iis qui inordinatè ambulant discedere vel
non

non possint, vel ut discedant consultum non sit; eatenus tamen sese ab illis subducere debent, quatenus ullo pacto licet, & minus tamen arcte cum illis vivere, quàm aliàs victuri essent, omnibusq; modis ostendere, quantopere sibi illorum mores displiceant: quia in re quia plùs licet superioribus in inferiores, plùs etiam paribus in pares, quàm inferioribus in superiores, plùs etiam hac in parte facere debent.

Ad secundam quæſtionem respondemus, accedere non nunquam posse, ut eidem mensæ, unà cum inordinatè ambulante, absq; violatione hujus præcepti Apostolici, affideas, & communem cum illo cibum capias, v.g. si contingat ut inviteris à patrefamilias ad cibum capiendum, cujus vel uxor, vel filius, vel servus, ab aliorum fidelium consortio sit remotus; aut hospes adveniat, qui invitatus, ab eodem patrefamilias eidem mensæ accumbat. Neq; enim ille confessus protinus familiaritatis, cum inordinatè ambulante indicium est, præsertim si illi ipsi fratri inordinatè ambulanti, non præbibus, aut præbibenti, responsurum te modestè neges, & prout locus, tempus, aliæve circumstantiæ ferunt, conditionis tuæ, & illius ipsum admoneas, nec sermones, nisi fortè quibus illum admoneas ac reprehendas cum eo, præsertim tua sponte, jungas, & quibus possis modis ostendas, te ejus conversationem sugere, ac vitare. Interim tamen satius est si modò honestè possis, istiusmodi mensas ac convivia fugere, quibus non interfit, qui est ab Ecclesia ad eum modum

2 An possit aliquis casus incidere, ut cibum unà cum inordinatè ambulante capere liceat ei, cui id interdicitur est?
R Affirmativè.

Cautio.

benda

- notatus, præsertim si verendum sit, ne vel ille qui inordinatè ambulat, vel alii infirmiores, id in familiaritatis argumentum trahant, aut tu ipse hoc pacto familiaritè cum ipso versari isuescas. Atq; hac in re tantò major est adhibenda cautio illi, quorum major est in ecclesia auctoritas, & quorum exemplum vel prodesse, vel nocere aliis plus potest. Præter hos autem casus possent & alii accidere, ubi nō videatur illicitum cum ejusmodi fratre cibum capere, ut si ad nuptias suas aut liberorum suorum, vel cognatos suos invitet, vel alios, quorum opera carere, eo tempore vix ac ne vix quidem possit. Neq; enim credibile est velle Apostolum, ut hujusmodi tempore necessaria illi humanitatis officia denegentur. Neque verò extraordinarius hic convictus pro familiaritate jure potest haberi. Nobis autem familiaris tantum cum inordinatè ambulatibus usus ac consuetudo est interdicta; cibus verò communis eatenus, quatenus est conversationis ac familiaritatis vel pars vel argumentum. Itaq; etiam interdum ut majus evitetur incommodum, v. g. rixæ, pugnae, aut quidpiam simile, cibus cum inordinatè ambulante communis capi posse videtur, quæ in re & prudentia, & timor Domini, veneratioq; præceptorum ejus adhibenda est, boniq; ratiocinatores officiorum esse debemus, ut medium inter nimiam facilitatem nimiumq; rigorem teneamus. Illud etiam probabile est non prohibere Apostolum, quominus inordinatè ambulantem, si in ades nostras vel ultro veniat, & cibū una nobis-

sum capere velit, à mensa nostra arceamus, vel si videamus eum alibi divertere sine suo incommodo non posse, eum invitare in edes nostras non audeamus. Etenim satius esse videtur, si cum illo ita hac in parte agamus, quemadmodum Iudæi cum Ethnicis, ac publicanis, quorum exemplum hac in parte nobis proponere videtur Christus. Matth: 18. At Iudæi licet ad Ethnicorum mensas ipsi non accederent, eorumve cibis uti horrerent, à suis tamen mensis accedere volentes non arcebant. Quare ne illud quidem in usitatum fuisse videtur, ut Iudæi Ethnicos, cum ea re indigere eos viderent, ad mensam suam invitarent; ut nihil videatur esse absurdi, si frater fratrem inordinatè ambulantiem ad se invitet, ubi viderit eum hoc humanitatis officio indigere; quia ut antea dictum est, beneficentia ipsi necessaria nequaquam hoc Apostoli præcepto est vetita. Interim tamen etiam hic modus est, & cautio adhibenda, ne in familiaritatem res abeat, & quâ licet, aliter cum huiusmodi fratre, aliter cum aliis hospitibus agendum. Sunt enim & officiorum humanitatis, ac hospitalitatis gradus; & alii majoris sunt familiaritatis, alii minoris. Breviter, familiaritas cum inordinatè viventibus, ita est vitanda, ut nec beneficentiam in eos, cum eorum necessitas eam requirit, negligamus, nec pacem ac concordiam, civilem aut domesticam violemus. Interim tamen non est quævis offensio fratris inordinatè ambulantis, pro violatione concordie aut pacis habenda; & si id agatur

Cautio

Regula

gatur ab altero, ut in se discipline Ecclesiasticæ nervi laxentur, & vel nemo, vel certè nonnulli, vitare ipsius consortium non audeant; fortiùs obistendum est, & cum quodam etiam periculo, nulla habitat ratione istiusmodi offensionù, ab ejus commercio abstinendum. Majoris enim momenti apud nos esse debet, ordo ac disciplina Ecclesiæ, gloriaq; divina, quàm hujusmodi hominù offensio, nostrũve periculum.

9. An pro-
tinus sit vi-
tandus qui
inordinatè
se gerit, an
mora inter-
ponenda, ut
se emenda-
re possit.

¶ In enor-
mibus & que
non faciliè
repeti so-
lent, moram
nullam ad-
hibendam.

Ad tertiam questionem respondemus: In enormibus delictis, atq; in que semel admissa nec faciliè repeti solent, nec emendari possunt, qualia sunt matrimonia cum idolatris contracta; moram ejusmodi adhiberi non posse, vel non debere. sed statim animadversionem adhibendam esse: præsertim si quis jam antea præmonitus satù fuerit, aut enormitas, facinoris tanta sit, ut Christiani hominù animus ab eo, nullo etiam monente, ita abhorrere debeat, ne unquam id audeat committere. Talia sunt, abnegatio veritatù, homicidium, latrocinia, incestus, adulterium, & alia hũc similia. Nam cùm vel unus hujusmodi scelerum actus, hujusmodi animadversionem mereatur, absurdum fuerit expectare hujusmodi hominù facinorosi emendationem. Etenim vel statuendum esset, ejusmodi hominem non esse arcendum, à piorum conversatione, nisi sæpius idem facinus repetierit; quod absurdum esse, faciliè homines pietatù amantes videre possunt, multaq; inde consequerentur in commoda, in gloriam divinam, humanamq; salutem redundantia; vel cum demum esset

arcen-

arceſſendus à conſortia piorum, ubi ſe ſe emendaret, & per reſipiſcentiam ſacinus ſuum quodam modo expiaſet; quod iſdem abſurdum eſſe qui vix facile cernit. Quomodo enim auderes eum emendatum arceſſere à familiaritate tua, quem non dum emendatum arceſſere non fueris auſus? Animadverſio hæc ad emendationem delinquenti potiffimum ſpectat, unde eâ ſubſequutâ tolli ſolet. Quare abſurdum foret, eam tandiu diſſerre, donec is qui deliquit ſe ſe emendaverit, & per reſipiſcentiam, priorū vitæ labem, gloriæ divini, veritati cœleſti, & eccleſiæ aſperſam elucet. Sed in aliis minùs gravibus delictorum generibus, & vulgo uſitatis in quæ facilior ac pronior eſt lapſus, & quæ infamiam Eccleſiæ non tam facile aſferunt, mora eſt adhibenda, & monendus priùs eſt frater, ut ſe ſe emendet, & emendatio aliquouſq; expectanda, antequam ab ejus convictu, ac conſuetudine abſtineatur. Docet id ipſe Apoſtolus non obſcurè, dum de hominibus otioſis, quorum cauſa atque occaſione potiffimum hoc Theſſalonicenſibus de diſciplinâ Eccleſiaſtica præceptum præſcripſiſſe eum apparet, ait ver. 14. Quodſi quis non auſcultat noſtro per epistolam ſermoni, hunc notate: & ne commercium habere cum eo. Vult ergo eū priùs ſermonem ſuum ſeu præceptum in hac epistola expreſſum, nimirum ut cum quiete operantes, pane ſuo veſcantur, proponi, & demum eos notari, atq; à familiari conſuetudine piorum arceri, ſi non auſcultant huic ſermoni. Ut autem conſtare

In mino-
bus & vulgo
uſitatis de-
lictis, non
ſtatim ad a-
nimadverſi-
onem ipſam
deſcendam
dum.

Quanta mo-
ra interpo-
nenda, ex di-
lecti gravi-
tate judican-
dum.

posset utrum auscultarent nec ne, mora aliqua postquam illis precepta Apostolica fuissent proposita, interponenda erat. Quanta autem mora sit adhibenda, ex gravitate aut levitate delicti, itemq; ex ejus qui monetur, aut ad obsequendum promptitudine, aut contraria contumacia, atq; adeo ex spe, quam de ejus emendatione habeas, vel non habeas, aestimandum est. Nec mirum est, si non nunquam optimorum etiam in Ecclesia virorum judicia, hac in parte discrepent. Res enim illa prudentie est, nec generali aliqua ratione ita comprehendi potest, ut non sit necesse ex circumstantiarum ratione eam definire. Vnde fit ut in eodem quoq; delicti genere, ita exigentibus circumstantiis, aliter atq; aliter agi non tantum possit, sed etiam debeat. Verum ita, ne prosopolepsia locum habeat, & rerum ipsarum ratio, ac cause meritum, disciplineq; hujus scopus attendatur.

De loco
Marth. 18.
ubi est præ-
ceptum de
eo, qui fra-
trem offen-
dit.

Possemus jam ad ultimam questionem transire, nisi nobis difficultatem adhuc objiceret locus Matth. 18, Vbi videtur Christus precipere, ut is, qui fratrem aliqua in re offendit, si & privatim semel atq; iterum monitus & ab ecclesia publice reprehensus ac convictus, culpam agnoscere, atq; emendare nolit; habeatur seu tractetur ut Ethnicus ac publicanus. Quia in re illud videtur comprehendendi, quod hoc loco precipit Apostolus, ut ejus consuetudo ac familiaritas vitetur. Quanquam enim vel ex hoc ipso loco apparet, cum frater in fratrem peccavit, non protinus eum à consortio ceterorum esse amovendum, sed pri-

ſi monendum, & aliquantiſſer ſaltem ejus emenda-
tionem expectandam; tamen & illud videtur inde
apparere fratrem etiam ob unum delictum in fra-
trem admiſſum, licet non enorme, ſi id agnoſcere no-
lit, nec id ſibi dolere teſtetur, ab eccleſiæ conſortio,
arceri non tantum poſſe, ſed etiam debere: id quod
non ſatis videtur conſentire cum iis, quæ & ſuperius
in explicatione Apoſtolici præcepti, & eorum præci-
pue verborum ubi inordinatè ambulantes comme-
morat, & paulò ante in hujus ipſius queſtionis tra-
ctatione diximus. Sed nihil dictis noſtris contrarium
ex illis Chriſti apud Matth. verbis elici poteſt. Nam
cum dicimus, in levioribus delictorum generibus non
ob ſingulos peccatorum actus homines eſſe à commu-
nionem fidelium removendos, ſed ob malè agendi con-
ſuetudinem, actusvè crebrò repetitos; non volumus
eum ferri fratrem, qui cognitione præceptorum
Chriſti inſtructus quidpiam deliquit, & peccati con-
victus ſatis ſuperq̃, tum privatim tum publicè ſuerit,
culpam tamen agnoſcere nolit, & non teſtetur id ſi-
bi dolere, ac velle impoſterum vitare; ſed eum qui
culpam agnoſcat, & ſpem correctionis atq̃, emenda-
tionis faciat; utut fortè ob fragilitatem, aut in ve-
teratam conſuetudinem, aliq̃, peccati irritamenta
iterum poſtea peccet, & in eundem lapidem ſapius
impingat. Nam ſi quis culpam licet demonſtratam,
ita ut eam, niſi affectus ac pertinacia eum excæca-
verit, non poſſit non agnoſcere, agnoſcere tamen ac
fateri nolit, eamq̃, defendere quàm corrigere ma-
lit, e-

sit, cum si iusta ei mora fuerit concessa, ut se se-
 colligere possit, nec nos ferendum esse existimamus,
 nec Apostolus precipit. Iam enim non error amplius
 aut fragilitas, sed contumacia, sed malitia ac per-
 versitas est, quæ lenitate ecclesiæ fovenda non est, sed
 severiore animadversione emendanda. Dicimus au-
 tem nihilominus, moram huiusmodi homini ali-
 quam esse concedendam, ut se recolligere, & re me-
 lius considerata, sequestratoq; affectu, qui nebulam
 iudicio ipsius offuderat, emendare errorem possit.
 Neq; enim id verba Christi prohibent, & aliàs equi-
 tas jubet severitatem legum, cum verba & res pati-
 tur, minuire potius quam augere ac intondere, &
 in mitiorem potius partem sententiam flectere,
 quam in duriores. Non dicit autem Christus, ea
 protinus hora, aut die, quo ecclesiæ primum suam de
 controversia inter fratres seu injuria alteri ab alte-
 ro illata sententiam dixerit, habendum esse cum in-
 star Ethnicæ & Publicanæ, qui deliquerit, si non pro-
 tinus ecclesiæ sententiæ subscripserit, eamve non au-
 dierit. Possunt enim verba illa si non audierit ec-
 clesiæ laxius aliquantò sumi; nimirum, si nec ste-
 tim, nec morâ iustâ interpositâ ecclesiæ auscultave-
 rit, ejusq; sententiæ ac iudicium sequutus fuerit.
 Neq; verò Christus nullum prudentiæ, equitati, leni-
 tati, longanimitati locum hic reliquit fratribus in-
 fratres lapsos, quorum servandorum causa venit, a-
 nimamq; suam posuit; cum aliàs ipsius lenitatem ac
 longanimitatem erga delinquentes imitari jubea-
 mur.

mur, quanquam probè novimus, id absq; relaxatio-
ne nervorum disciplinæ fieri debere. Hujusmodi au-
tem mora si non sit nimia, ad emendationem mo-
rum multum facit, & pœnam, quæ postea sequitur
contumaciam ejus, cui spatium resipiscentiæ datum
est, magis intendit. Cum autem prudentiæ atq; equi-
tati locum hic relictum esse dicimus, illud etiam in-
telligi volumus, ne vel privatim læsi, quas libet eti-
am levissimas offensas suas velint ita urgere, ut ad
ecclesiam omnes deferant, vel ecclesia quasvū & su-
scipere, & ob eas non agnitas velit à communione
sua delinquentem excludere: Sed illas demum quæ
alicujus sint momenti, & quas agnoscere quivis, vul-
gari licet judicio sit præditus, possit. Cætera enim
regere potius, ac non nunquam dissimulare, aut to-
lerare, alii in alii debent, ita tamen ut privatim e-
orum correctioni studeant, caveantq; ne à levioribus
injurii ac delictis ad graviora fiat progressus. Est
autem & illud observandum, illa delicta quæ ad pa-
cem ac concordiam fratrum turbendam ac diri-
mendam pertinent, quales sunt injuriæ fratribus il-
latæ de quibus ait dicto loco Christus, si cætera sint
paria, aliquantò severiùs esse cohibendas, ne in pu-
blicum ecclesiæ malum, ejusq; dissipationem tandem
erumpant. Plurimum enim ad salutem cum totius
ecclesiæ, tum singulorum ejus membrorum, in pace ac
concordia situm est. Quare proportio inter alia deli-
cta, & inter injurias fratribus illatas ita est institu-
enda, ut cum demum ad alia delicta id extendatur,

N. B.

quod Christus ait, eum, qui ecclesiam non audiverit esse habendum instar ethnici & publicani, cum ea sua gravitate injuriarum fratribus illatarum gravitatem atq; incommoda equant ac compensant. Nihil de eo nunc dicimus, quòd verba Christi apud Matth. sit tibi tanquam ethnicus & publicanus, quando quidem ad eum sunt directà, qui ab altero est offensus, possint ita accipi, ut magis quid liceat significant, quàm quid fieri omnino debeat, quasi dicat, licet tibi cum eo postea agere, ut cum ethnico ac publicano; quemadmodum viri quidam doctissimi censuerunt: quo pacto, non ageretur hic de publica ecclesie in peccatorem animadversione, ad disciplinam morum stabiliendam pertinente, sed facultas tantum daretur lesò, ut non majorem jam ampliùs hujusmodi fratru, quàm hominis extranei haberet rationem. Sed sequentia verba valde faciunt verisimile, verba hæc licet ad lesum fratrem sint directà, ut pote ad quem præcedentia quoq; pertinent, de re tamen loqui quæ non minùs ad alios in ecclesia, quàm ad ipsum pertineat.

An repetatur aliud præter hoc animadversionis Ecclesiasticæ genus.

Restat quarta questio; de qua ita sentimus; non reperire nos aliud aliquod animadversionis genus, Ecclesie aut præscriptum, aut in perpetuum permisum, quo uti possit aut debeat in eos, qui ita ut hoc loco docemur, ab ecclesia notati, ac consignati respiscere noluerint, præter hanc ipsam eorum à consortio fidelium separationem atq; exclusionem; licet arbitramur hanc ipsam pœnam intendi aliqua ratione pos-

ne posse, imò interdum etiam debere; si homines ejusmodi, in impietate longius progrediantur, & deniq; si veritatem etiam abnegent, & Christianam religionem deserant, aut alioqui prophani aut piorū hostes evadant, ut tanquā anathemata quedam vitentur. Nam si quis existimet id quod est apud Matth. sit tibi tanquam ethnicus & publicanus diversum quoddam genus ab eo, de quo hic agimus, ecclesiæ precipere; & eo quidem gravius ac severius, quo nimirum extrema quedam à cætu fidelium exclusio contineatur; inde errorem suum facile potest animadvertere, quòd hæc pœna ei sit infligenda, qui vel semel illatā fratri injuriā, eam privatim publiceq; monitus agnoscere ac deprecari dato ad resipiscentiam spacio non vult. Atqui hujusmodi hominem protinus esse habendum pro extraneo, ea nimirum ratione qua non nulli crediderunt, absurdum sanè foret dicere; cū Apostolus ne in idololatrias quidem, scortatores, rapaces, aliam 1. Cor: 5. pœnam constituat, quàm ne cum illis hominibus commercium habeatur, aut cibus cum illis capiatur. Itaq; nec verba illa sit tibi tanquam ethnicus & publicanus, etiam si præcepti vim habere censeas, à qua sententia nos non sumus alieni, tam latè erunt extendenda, ut omni ex parte ethnicis & publicanis hujusmodi homo comparetur, sed habita ratione conversationis ac convictus; ut nimirum ita ab eorum consuetudine abstineamus, quemadmodum Iudæi solerent abstinere à consuetudine ac convictu ethnico-

rum ac publicanorum. Verum tamen, quia dictum est, posse eò rem devenire, ut ab hominibus in ordine ambulanti- bus, tanquam ab anathemate quodam sit abstinendum; hoc ipsum ultimæ ex ecclesiæ exclusionis seu ex communicationis loco esse potest.

Ecclesiæ nō
est præce-
ptum, ut a-
liquem Sa-
tanæ tradat.

Illud vix est commemorandum, ecclesiæ præceptum nūspiam esse, ut peccantes Sathane tradat. Nam tale præceptum ostendi nūspiam potest, imò ne exemplum quidem, quòd ecclesiæ ipsa quempiam aliquando Sathane tradiderit; sed cum bis ea de re legamus 1. Cor: 5. v. 3. 4. 5. & 1. Tim: 1. v. 20. Utrobique tradendi actio Paulo Apostolo tribuitur; licet in priori loco ecclesiæ veluti consensum ac conspirationem, hominem illum ecclesiæ ejicientis, velit accedere. Fuit nimirum ea res potestatis Apostolicæ, quæ miraculosum soleret habere effectum, primorum illorum temporum proprium; de qua potestate loquitur inter alia Apostolus 2. Cor: 10. 6. & deinceps & cap: 13. 7. 10. Sed de his hæcenus. Nunc ad Apostoli verba revertamur.

Rationem
præcepti
reddat, suo
exemplo.

v. 5. Nam ipsi scitis quomodo oporteat. Exposito præcepto, ad disciplinam morum in Ecclesiâ sancientiam spectante, iam ratione illud munit, & per prolepsin quandam, causam adfert cur id Thesalonicensibus tradat ac perscribat. Ratio petita est ab Apostoli ipsius exemplo: cui altera sed specialior annectitur ab ipsius præcepto, antea Thesalonicensibus coram tradito, cuius sancienti causa exemplo illi suo præire voluerit. Et exemplum quidem suum
primò ge-

primò generaliter proponit hoc verſic. deinde ſpecialiùs in ſequenti explicat. Ait ergo. Nam ipſi ſcitis. Vim hoc addit rationi, quòd res eſſet eiſmodi, quam ipſi probè noſſent, & quæ non nunc demum illis eſſet perſuadenda, ſed iam dudum perſuaſa quomodo oporteat nos. i. me (nam de ſe loquitur) imitari quàm diligenter meum vitæ exemplum omnibus ſit ſequendum, dandaq; opera ut mores actioneſq; meas exprimant, & ad eas ſe quoq; ipſos & actiones ſuas conforment. Quanquam vox quomodo ita quoq; accipi poſſe videtur, ut nullam maiorem vim habeat, quàm ſi ſimpliciter dictum eſſet, quòd oporteat, &c. quoniam non inordinatè ambulavimus inter vos, i. non diſceſſimus ab orbita honeſtati, virtutù ac pietatù, non deſleximus à norma doctrinæ Chriſti, ac noſtrù ipſorum præceptù quæ aliis præſcripſimus: ſed quæ mandavimus aliis, & ipſi fecimus. Docet huius verbi, & iurè ſe velle ut Theſſalonicenſes ſuum exemplum ſequantur, & quæ in re exemplum ſuum ſequi debeant. Ait autem inter vos, non quòd alibi aliter ſe geſſerit, ſed quòd rem illi ipſis probè cognitam ac perſpectam ante oculos ponere voluerit, & vim exemplo addere ad eos tantò magis excitandos. Segnius enim irritant animos demiffa per aures, quàm quæ ſunt oculis ſubjecta fidelibus. Quæ alibi eſſent acta à Paulo, quidvè egiſſet, ignorari à multis poterant, à pertinacioribus fortè etiam negari. Itaque quorum ipſi oculati fuerant teſtes, ea ſola commemorat, aliiſq; omiſſis quæ tamen illis ſimilia

in similia erant, & ex iis quæ oculis subjecta erant, facile poterant estimari.

v 8. Neq; enim gratis panem edimus à quoquam scilicet acceptum : quam vocem nonnulli interpretes perspicuitatis causa inserunt verborum contextui. Exemplo speciali declarat id quod dixerat; se inordinatè non vixisse inter Thessalonicenses; non quòd, si grati accepisset a quoquam ipsorum panem, inordinatè revera fuisset ambulaturus, seu violaturus doctrinam Christi (docet enim in sequentibus id se jurè facere potuisse, si modò jurè dici potest gratis edere panem alterius, qui eum in doctrina Evangelica instituendo victum abundè meretur) sed quòd in ceteris id sit inordinatè vivere, & ipse si ab alio victum accepisset, nec labore manuum acquisivisset, speciem quandam præbere potuisset, inordinatè ambulanti. Panem pro cibo simpliciter sumi, atq; aded pro rebus quibus vis ad vitam tolerandam necessarius, vulgo quoq; usitatum est; atq; ita in precatione Dominica sumitur. Videtur enim hoc loco, etiam amictus eo nomine comprehendì, per Synechdochen sive partii, sive speciei. gratis hoc est labore proprio non acquisitum, aut pretio justo non comparatum. Sed cum labore & ærumna nocte & die operantes. A contrario illustrat vocem gratis, seu magis aliqua ratione demonstrat, se panem à quoquam acceptum grati non edisse, quia dies ac noctes manibus suis laboraverit summo studio, nec minore molestia victum acquirendi gratia. Rem exaggerat,

*Panis pro
victu & a-
mictu.*

gerat, vel potiùs magnitudinem laboris huius explicat, dum & contentionem, seu intensionem, & assiduitatem eius exprimit. Illam, dum non contentus voce laboris & ærumnam commemorat, quæ molestiam apertiùs significat quàm illa. Hanc cum ait, nocte dieq; se operatum, hoc est quicquid temporis supersuerat prædicationi Evangelii, & necessariæ corporis ac virium refectioni, hoc est cibo ac somno, quarum rerum parcissimus fuerit, id totum et interdium & noctu se laboribus manuariis impendisse. Erat autem scenopega seu opifex tabernaculorum, ut legimus Act: 18. 3. Nequenquam, vestrum gravaremus. Finem explicat huius tanti laboris, tantiq; studii in victu acquirendo: ne cuiquam Thessalonicensium onerosus, molestus ac gravis esset, victum ab eo petens, aut stipendium accipiens; quæ de re dictum est etiam in priori Epist: cap. 2. v. 9.

v. 9. Non quòd non habeamus potestatem finem ulteriorem huius sui & laboris & abstinentiæ à victu ab aliis petendo, expositurus, prolepsi utitur. Potuisset enim aliqui cogitare; non mirum esse, te manuum labore victum tibi comparasse, nec eum à nobis postulando atq; exigendo, quenquam nostrum gravare voluisse; nam ne poteras quidem jure, non licebat tibi gratis à nobis victum exigere. Respondet Paulus, imò verò licuisse; nec ideo se ab ea re abstinuisse, quòd non liceret sibi exigere ab auditoribus victum: justissimum enim est, ut qui Evangelium docent alios, ab illis necessariis vitæ subsidia mercedis

mercedem cuiusdam loco referant; dignum est operarii mercede sua: & leve est si qui alii seminant spiritualia, metant eorum carnalia, qua de re prolixè disputat Apostolus 1. Cor. 9. Aliam ergo huius rei causam sibi fuisse indicat, & mox aperte docet. Addit hæc res magnum exemplo Apostolico pondus. Nam si Apostolus ab aliis gratis acceptum panem non comedit, cum summo jure posses eum ab illis postulare; si tam diligenter labori manuum incubuit, cum abstinere ab eo posses: quanto minus alii debent victum ab aliis gratis petere aut sumere, qui nullo jure petere possunt, quantoq; magis labore suavitatem tolerare aut sustentare debent? Quæ ergo inquires causa fuit id faciendi, quod omittere poterat, quodq; non cum tanta molestia erat conjunctum? id exprimit Apostolus. Sed ut nosmet ipsos exemplar demus vobis ad nos imitandos, ut nostro exemplo doceremus vos, non esse vobis otio indulgendum, sed labore assiduo victum acquirendum, utq; ad id faciendum vos incitarem. Si enim ut paulò ante dictum est Apostolus labore manuum vitam toleravit, qui poterat stipendium ab aliis accipere, & eorum sumptibus vivere: quanto magis ceteri sui laboribus victum sibi querere debebant? Itaq; Apostolus suo exemplo laborandi necessitatem quandam imposuit. Non est autem intelligendum hunc solum fuisse finem cur Apostolus labore manuum victum quereretur, qui hoc loco exprimitur. Habebat enim & alios, huic tamen admodum consentaneos,

Cur Paulus
manibus suis laboravit.

nēos, nimirum ut suspicionem avaritiæ à se amoliretur, ne fortè putaretur lucri tantum ac questus sui causa Evangelium prædicare, præsertim apud homines divites, inq̃, urbibus opulentis, qualis erant Theſſalonica, Corinthus, Ephesus, in quibus Evangelium prædicavit; Quare ne hac ratione cursum Evangelii impediret, stipendium non accepit; simul etiam ut præcideret ansam gloriandi falsis quibusdam doctoribus, qui Apostoli labores ac laudem sibi vindicabant, cum interea lucrum captarent, & avaritiæ, ambitioniq̃, suæ velificarentur, qua de re disserit, 1. Cor: 9. 12. 18. d. & 2 Cor: 11. 7. 12. & d. & cap: 12. 14. Sed hos fines nunc non commemorat, eo contentus solo qui ad rem præsentem facit, qui quidem fuit unus ex primariis; & fieri facile potest, ut cum a libi, aut in Achaia, quam nominatim hac in re commemorat, & Macedoniæ quodam modo opponit, illum potissimum finem respiceret quem in Epist: ad Corinth: explicatum videmus, apud Theſſalonicenses hunc potius respexerit; quia plures ibi deprehenderet otio indulgere, qui exemplo essent ad labores adducendi.

v. 10. Etenim cum essemus apud vos. Causam hic adfert Apostolus proximè præcedentium, sed simul etiam superiora aliqua ratione illustrat ac confirmat. Docet enim cur laborando & victum hoc pacto sibi querendo exemplum aliis præbere voluerit, & incitamento iis esse ad se se imitandum. Nempe quia præceperat verbis, ut qui in labore honesto vi-

Cur laborando exemplum aliis præbere voluerit.

Am

etum sibi quereretur, eumq; ab aliis si laborem fugeretur, ne auderet exigere. Quare quod verbis docuerat facto etiam docere ac sancire voluit, licet alioqui id facere non teneretur. Norat enim efficacius docere exempla, quam precepta; facta verbis esse ad commovendos hominum animos validiora. Noluit ergo verbis facta, & precepto exemplum de esse, omnemq; aliis excusationis ansam & otii pretextum precipere voluit. Iisdem autem verbis simul etiam illustrat ac confirmat Apostolus quae dicta sunt v. 6. Nam & exemplo quodam speciali illustrat id, quod de inordinate ambulantes, ac non secundum doctrinam a se traditam, dixerat, & causam explicat, cur hoc genus inordinate ambulantium mereatur notari, & a consuetudine aliorum arceri, quia iam antea preceptum hac de re acceperint, cum illis coram adestet, ita ut ignorantiam pretendere non possent. Si quis nolit operari, etiam non edito. Non ait Apostolus simpliciter, si quis non operetur. Fieri enim potest, ut quis ob virium imbecillitatem sive naturalem, sive ex morbo, sive ob senectutem, sive alio aliquo casu contractam non laboret; quia nimirum non possit, non quia nolit; cui homini victus nequaquam est denegandus. Sed si quis operari nolit, cum nimirum possit: si quis inquam otio indulgeat, & a labore abstineat, non virium defectu, sed voluntatis ac studii, is dignus est qui etiam non edat; indignus qui ab aliis alatur. Etenim cum victus non nisi labore hominum queratur, & ipse Deus olim dixerit Adamo

(quae con-

(quæ conditio est etiam ipsius posterorum) in sudore vultus tui comedes panem: qui laborem subterfugit, jure etiam fructu laboris, hoc est victu caret, & injuriâ eum ab aliis exigit. Latet in hoc præcepto uno duplex quodammodo præceptum: alterum quod præcipue intendit Apostolus, ut qui vis laboret, & hoc ad officium nostrum potissimum pertinet: alterum aliquo modo ad pœnam, ne is qui laborare non vult, panem seu victum ab aliis exigere audeat. Id enim esse videtur, dum ait etiam non edito: quanquam etiam simpliciter accipi potest; quasi dicat, dignus est qui non edat, unde sequitur victum ei ab aliis negari jure posse.

v. 11. Audimus enim quosdam inter vos ambulantes inordinatè. &c. ambulantes participium, ponitur pro infinitivo ambulare, Græcorum more. Hic causam reddit, ut diximus, tum præcepti superius traditi, de vitanda familiaritate inordinatè ambulantium, tum eorum, quæ illius confirmandi ac stabiliendi causâ hucusq; disseruit: idq; per quandam prolepsin. Poterat enim aliquis dicere: Quid cause est, cur nobis inordinatè ambulantes fugiendos esse præcipias, & victum labore acquirendum inculces: Nunquid enim ea re nos tantopere indigemus: aut estne inter nos quipiam, qui contra faciat. Respondet Apostolus omnino audire se quosdam hujus generis homines, inter ipsos, seu in ipsorum Ecclesia versari, & hanc esse causam, cur hæc illi præcipias atque inculcet. Audimus, inquit.

Causa præcepti superioris de vitanda familiaritate inordinatè ambulantium.

nō scimus, quia absens erat, quosdam inter vos, ne omnes accusare videretur: qui inordinate ambularent, seu non ita ut decet, non ita ut precepimus, se gerant: quo autem pacto, explicat dum subjicit: Nihil agentes, seu nulla honesto labore, quo victum comparent, occupati. Sed inaniter sat agentes hoc est, rebus non necessariis occupatis; occupati rebus supervacaneis, inutilibus, aut ad se nihil pertinentibus, operose nihil agentes; ut faciunt ii, qui alienis se ingerunt, turbis se immiscunt, & sub specie curandæ Reipublicæ, aut ambitioni vacant, aut otii tantum pretextum ac laborum diverticulum querunt; aut studiis vanis, vel ad ostentationes tantum, vel ad inanem oblectationem spectantibus dediti sunt; quo in numero etiam illi collocari possunt, qui ætatem in carminibus ludicris scribendis aliūve argutiis consumunt, aut id quod $\pi\alpha\rho\epsilon\pi\gamma\omicron\nu$ studiorum esse debebat, tanquam $\epsilon\pi\gamma\omicron\nu$ tractant. Vide etiam illa, quæ dicta sunt prioris Epistolæ cap. 4. ver. 11, 12. In Græcis verbis paronomasiam esse elegantem, notarunt doctiores quidam Interpretes.

Alterū præceptum otiosis, ut laborent,

v. 12. lis autem, qui sunt huiusmodi, præcipimus. Sequitur alterum huius loci præceptum, ex precedentibus veluti enatum; illi hominum generi, quod versiculo precedente notaverat, nimirum otiosis nominatim propositum. Etiam si enim ad omnes revera spectet, (omnes enim cum quiete operantes, pane suo vesci debent) tamen id hominibus otiosis hoc loco solis inculcat, tanquam eare indigentibus.

gentibus: Qui enim officium hac in parte iam faciē-
bant, illos ea de re monere nihil erat necesse. Ut au-
tem apud huiusmodi homines otio assuetos, & labo-
rem fugientes, tantò plùs ponderū habeat hoc prae-
ceptum, auctoritatem ei conciliat, dum addit & eos
admonemus per Dominum nostrum Iesum Christum. h. e. auctoritate Domini Iesu Christi
interposita, ejusvè nomine ac jussu. Ejus enim est hac
voluntas, hoc mandatum. Sic paulo antè auctorita-
tem conciliavit, praecepto de vitanda hominum in-
ordinatè viventium familiaritate. v. 6. De simili u-
su particulae Per vide 1. Theß: 4. 2. ubi ait praece-
pta vobis tradimus per Dominum Iesum.
Praeceptum autem ipsum his continetur verbū ut
cum quiete operantes vescantur pane suo.
Cum quiete ait, ut à turbis recedant, nec se negotiū
aut alienis aut publicis, à quibus abesse honestè pos-
sunt, & utilitatis parum habent, ingerant, sed
quantūm licet ea fugiant, & intra sese veluti rece-
dant. Opponitur enim hac quies τὴν πολὺν πρᾶγμα-
σὶν, Vide quæ hac de re dicta sunt, dicto pauld
ante loco. 1. Theß: 4. 11, 12. Suo inquit pane vescan-
tur, non alieno, non emendicato, non ex aliena libe-
ralitate vivant, aliisvè sint graves, facorum instar,
qui mel ipsi non colligunt, sed apum labore ac seduli-
tate collectum, otiosi, aut rebus vanis occupati absu-
mant. Panis iterum omnia ad victum, vitæq; susten-
tationem spectantia, per Synechdochen complecti-
tur, ut paulo ante v. 8.

Quod pro-
ponit, au-
thoritate
Da. Iesu in-
terposita

Tertio præceptum, ne tamen propterea in beneficentia studio segnescant, qui benefacere possunt

v. 13. Vos autem fratres ne segnescite in benefaciendo. Tertium præceptum, non jam hominibus otiosis propositum, sed aliis qui labore manuum tantum parassent, vel re ab aliis relicta ita abundarent, ut etiam in alios liberales esse possent. Natum autem hoc præceptum ex proximo est, in eoq; errori, quem nonnulli inde trahere possent, occurritur. Cum enim audirent Apostolum velle, ut homines otiosi (ceterorum autem eandem esse rationem qui vi videt.) cum quiete operantes, suo pane, non gratis ab aliis accepto vescantur: cogitare poterant, nihil jam opus esse eleemosyna ac beneficentia in alios; siquidem unus quisque suo labore sibi victum comparare, & seipsum sustentare debeat. Itaq; de beneficentia studio, cuius nomine eos superiori epistola commendaverat, facile poterant remittere, inq; ea re segnescere; præsertim cum alias quoq; molestum sit, suam liberalitatem cum aliis communicare, & suis sese commodis aliorum causa privare. Quare ne id fiat Thessalonicenses monet. Etenim licet omnes victum sibi ipsis labore querere debent, non tamen omnes possunt, aut vix ac ne vix quidem, vel ob virium imbecillitatem, vel ob casum aliquem atq; infortunium, vel ob liberiorum multitudinem possunt. Itaq; his saltem beneficentia succurrendum est. Præceptum enim Apostoli de victu proprio labore acquirendo nonnisi eos obstringit, qui laborare ac victum parare possunt, & quatenus possunt; & otium tantum voluntarium prohibet. Itaq; nequaquam prohibet ad alienam liberalita-

Quibus benefaciendum.

beralitatem confugere, cum ipsa urget necessitas, & calamitas quempiam huc compellit; tantum abest, ut alienam liberalitatem ac beneficentiam restringat aut coerceat. Illi autem qui beneficentia aliena indigent, etiam illi accenseri possunt, qui cum hucusque otiosi fuerint, postea ad laborem quidem sese accingunt, sed vel vires eos deficiunt, vel saltem non ea est illis facultas, ut se suosque sine aliena liberalitate sustentare possint. Itaque licet liberalius in largiri debeamus, qui laboribus honestis perpetuo vacarunt, nec suae paupertatis fortunae ipsi sunt fabri: tamen ne illi quidem necessaria benignitas est neganda, qui vellent quidem se se labore suo alere, sed iam non possunt amplius. Atque ad hoc quoque Apostolum respexisse, ne quaquam a veritate alienum est. Addi potest & illud, ne otiosis quidem eo usque negandum esse victum, ut eo adigantur, ut veritatem divinam abnegent. Satius enim est otiosum fratrem, utut tenuiter alere, eumque corrigere, & ad laborem subinde incitare, quam permittere, ut a veritate inopia adactus, penitus deficiat. Verbum $\epsilon\kappa\kappa\alpha\kappa\epsilon\iota\nu$ significare etiam segnescere, notatum est a doctissimis quibusdam interpretibus, quia $\kappa\alpha\kappa\omicron\varsigma$ etiam ignavum significat.

Vide Piscat.
& Vorst.

v. 14. Quod si quis non auscultat sermoni nostro per epistolam. Preceptum huius duobus v. 12. & 13. interiectis ad primum v. 6. propositum quodammodo redit, & ad certum illud hominum inordinate

Quo pacto
praeceptum
illud de in-
ordinate
ambulanti-

his debe-
bant exe-
qui.

Verba per
epistolam
cum quib.
iungenda.

ambulantium genus, hoc est ad homines otiosos ex-
plicatum, quo pacto executioni mandari a Theßalo-
nicensibus debeat, ostendit. Ait ergo eum qui huic
præcepto, quo otiosis hominibus præcipit, ut labore
bonesto victum sibi querant, (nam de hoc sermone
hic nominatim loqui videtur) non pareat; notari ab
illis debere, & a consuetudine ipsorum arceri, seu
maius ipsos consuetudinem eius fugere debere. Rectè
autem monent doctissimi quidam interpretes, verba
per epistolam non cum sequentibus, sed cum præce-
dentibus connectenda esse, quasi dicat Si quis non
auscultat nostro per epistolam sermoni, hunc
notate, & hoc quidem modo ambiguitatis tollende
causa, interpretes illi verba in ipso contextu colloca-
runt. Rationes attulit Iohannes Piscator in suis su-
per hunc locum annotationibus, has. Primum quia
non dicit σὺ μὲν εἰτε, id est significate sed σὺ
μειῖον id est notate. deinde quia proximè se-
quentia præcipiunt, quomodo se gerere debe-
ant erga sic notatum, hoc est excommunicatū.
tertio quia non dicit indefinitè δι' ἐπιστολῆς
sed διὰ τῆς ἐπιστολῆς articulo innuens episto-
lam certam, nempe hanc ipsam epistolā. quar-
tò si illud διὰ τῆς ἐπιστολῆς coheret cum ver-
bo σὺ μειῖον et eum pronomen, τὸ τὸν potius præ-
cederet ad hunc modum τὸ τὸν διὰ τῆς ἐπιστο-
λῆς σὺ μειῖον. quibus addi & illud potest, quanquā
in secunda ratione ab illo allata, quodammodo com-
prehensum

prehensum; nullam apparere satū gravem causam, cur Apostolus velit sibi nominatim indicari, qui nam essent illi, qui ipsius sermoni non auscultarent, Quid enim? num forte ut ipsius hac de re iudicium exquirerent, & tum demum ab eius consuetudine abstinerent, ubi eius consensus accessisset? Atqui statim precipit ut ita notatum vitent; & frustra sane vellet Apostolus precepto generali Theſſalonicensibus ea de re dato, suam de nū de singulis exquiri sententiam, & quidem absenti; cum res ex presentium iudicio pendeat. Præterea cum Apostolus per varias & longè diffitas terrarum oras Evangelii prædicandi causa discurreret, & non nunquam longè a Theſſalonicensibus abesset, longum fuisset & Apostolo per litteras rem proponere, & eius demum expectare sententiam; cum & illi ignorare posset ubi nam versaretur, & commoda mittendi epistolas de esset occasio. Ita cunctando res ipsa elapsa sepe fuisset è manibus, & impune ii qui excludi a communione fidelium mererentur, fuissent in ecclesia versati; ac nervo soluto laxata fuisset Ecclesie disciplina. Adde, quòd si volebat sibi Apostolus iudicium de singulis in ecclesia Theſſalonicensium relinqui, nulla est causa, cur non etiam de cæteris Ecclesiis ab ipso collectis idem statuamus. Atqui nec ullum eius rei indicium apparet, quòd idem a cæteris quoque ecclesiis fieri voluerit; quin potius videmus, eum Corinthios graviter obiurgare, quòd incestum illum e catu non eiecissent: & non est consentaneum, cum cæterarum ecclesiarum iudicio,

Nempe ut
epistolâ A-
postoli pro-
posita, offi-
cii commo-
neantur
primò,

exclusionem inordinatè ambulantium permetteret, solis eam facultatem Theſſalonicenſibus negaſſe, eorumvè hac in parte iudicio fuiſſe diſſiſum. Ergo niſi Apoſtolus ſuper eſſet, non poſſent illi Eccleſiæ diſciplinam tueri? Vel ergo Theſſalonicenſium quoq; iudicio rem hanc permiſiſſe cenſendus eſt, vel cæteri quoq; Eccleſiis negaſſe, Fuiſſet autem res immenſi laboris, ſi Apoſtolus de ſingulis à qua vix Eccleſia excludendis iudicium ferre debuifſet. Quæ etiam cauſa eſt inter alias, cur non ſit exiſtimandum, ided eum nomina illorum qui inordinatè viverent ad ſe perſcribi voluiſſe, ut eos ipſe priùs moneret. Nam & hoc infiniti fuiſſet laboris; & fieri ſepe non potuiſſet, & deniq; facile apparet, id factum non eſſe. Infiniti enim Epistoſis ad eam rem fuiſſet opus, quas nec itinera nec labores Apoſtoli ſerebant. Sed nihil opus eſt pluribus. Ex hiis autem Apoſtoli verbis iam ſuperius in quaſtione tertiæ explicatione concluſimus, non præcepiſſe Apoſtolum, ut protinus excluderentur a familiaritate fidelium ii, qui hucusq; inordinatè ambulaſſent, ſed voluiſſe iis priùs hanc epistolam ac præcepta in ea comprehenſa proponi, eosq; ut parerent moneri; tum demum ubi non paruiſſent, a conſuetudine aliorum arceri. Hunc notate. i. e. ſententia in eum veſtra animadvertite, cenſoriam veluti virgulam in eum ſtringite, & quaſtione ac iudicio publico inſtituto, mores eius tales eſſe pronunciate, qui ferri in Eccleſia, ſeu in Chriſtiano homine non poſſint aut aut debeant, & hac velut nota ſententiæ veſtræ illi inuſta,

Tum notetur, & com-
mercium
tam illis nō
habeatur.

inusta, eius consortium postmodum vitare, quemadmodum statim subijcit Apostolus. Notatio ergo illa in sententia adversus eum lata, quæ illi quodam modo sit ignominiosa, seu qua indignus cōmunionē ac consortio fidelium pronuncietur, consistit, quam postea sequi debet ipsa castigatio. & ne commiscemini cum illo. i. e. ne cum eo commercium habete, cum eo familiariter nolite versari, quæ de re iam supra dictum est, v. 6. ubi similem loquendi modum adduximus ex 1. Cor: 1.9.11. Ut pudeat. Finem exprimit huiusmodi animadversionis, charitate ac lenitate Christiana dignum, qui est, ut frater, qui inordinate hucusq; se gesserat, hac castigatione correptus, & quadam veluti ignominia à ceteris notatus atq; affectus (ignominiosum enim est, bonorum ac piorum hominum, Deoq; consecratorum consuetudine indignum iudicari) pudore suffundatur, itaq; pudefactus resipiscat. Etenim per metonymiam Synechdochicā, una cum pudore ac confusione, eius etiam consequēs, seu effectum, nimirum emendatio ac correctio hominis huiusmodi comprehendere debet. Neq; enim aliās pudorē cuiusquam querere iubet Christiana charitas ac mansuetudo. Finis hic ostendit etiam, quousq; in hac animadversione progrediendum sit, & quamdiu durare debeat. Etenim cū is qui peccaverat ad frugem redit, eaq; de re certis argumentis ac testimoniis constat, pœna illa tollenda est. Fine enim posito cessant media, quorum præsentia ad finem illum tuendum necessaria non est. Cū verò in leviorum de-

Finis animadversionis.

Quandiu hæc animadversio durare debeat.

rum delictorum genere, inde emendatio eius qui peccaverat potissimum sit aestimanda, si is ea non repetat, licet occasionem sorte ac invitamenta ad ea perpetranda habeat; quaedam delicta, aut ita sunt enormia, aut alias eorum natura ita comparata est, ut repeti non facile possint, aut soleant, quorum in numero, est matrimonium cum idololatrici contractum: non ex eo aestimanda est eius qui peccavit emendatio, si eandem rem non repetat: sed partim ex eo si & verbis constanter per tempus haud exiguum testetur, sibi factum suum vehementer displicere, sibiq; dolere, praesertim si & lachrymae verbis accedant, & alia doloris signa; & ex tota hominis vita appareat, eum ita mutasse animum in melius, ut etiamsi similem habeat peccandi occasionem, peccatum tamen istud aut aliud simile, commissurus non videretur. Itaq; tam diu detinendus est frater qui peccaverat, nec ad familiaritatem fraternam admittendus, donec iudicium ea de re ab ecclesia probabiliter (nam certum ac indubitatum de ea iudicium, Deo tantum ac Christo $\alpha\epsilon\phi\delta\upsilon\omicron\gamma\upsilon\omega\varsigma\kappa\alpha\iota$ competit) ferri potest. Qua in re etiam eius rei iure habetur ratio, ut videatur, sitne labes illa infamiae atq; ignominiae, quae ecclesiae ac veritati divinae hominibus illius facto fuerat aspersa temporis diuturnitate, & Ecclesiastica censura ac castigatione iam quodammodo deleta atq; oblitterata; & exemplo in ecclesia ita satisfactum, ut non facile videantur alii exemplo illius incitati, idem facinus ausuri. Etenim licet illius qui deliquit, correctio vel

inprimis

inprimis in huiusmodi animadverſione ſit ex praecepto Apoſtolico ſpectanda; non eſt tamen exiſtimandum, hanc ſolam eſſe huius caſtigatiōis cauſam. Nā partim res ipſa, partim dicta quaedam Apoſtolica, ſatis oſtendunt, ideō adhiberi eam correptionem, ne Eccleſia aut doctrina Chriſti malè audiat, nè ceteri exemplo corrumpantur, ſed potiùs animadverſa hac ſeveritate in aliis, & ipſi ſibi metuant. De qua poſteriori vide 1. Cor: 5. 6. 7. & confer cum precedentibus, & 1. Tim: 5. 20.

v. 15. Et non ut inimicum ducite. Per proleptin quandam præcedens præceptum aliquo pacto declarat, & certos veluti limites ſeveritati huius animadverſionū, qua in fratres peccantes ſit utendum, ponit, ultra quos progredi non debeat. Occurrit nempe errori, qui fortè ex præcepto priari non ſatis rectè intellecto oriri colligiq; poterat. Audientes enim Theſſalonicenſes, hominem ejuſmodi eſſe vitandum, nec ad familiaritatem piorum ad mittendum, cogitare poterant, eum inimici loco habendum, & pro homine extraneo reputandum, nec amplius fraternè ut ſe corrigere velit, monendum, ſed inſtar anathematis fugiendum. Hoc ergo ne cogitarent, nè reſacerent Theſſalonicenſes, hac verba apponit, & novo veluti præcepto, priari certos cancellos circumdat, certiq; limitibus ſeveritatem illius circumſcribit. Non vult hominem ita notatum, & à communione ac conſortio fidelium excluſum, pro inimico Eccleſiæ aut veritati haberi, ita vè cū illo agi, ut cū

extraneo

Non tamen
iſta cenſura
notatus ini-
mici loco
habendus,

extraneo ac inimico (quanquam ne hic quidem odio est habendus, aut ullum hostilitatis genus in eum exercendum) liceret. Licet autem inimicum non monere: imò si verendum sit, ne, ut Christus ait, porci instar non modò margaritas sibi projectas pedibus conculcet, verùm etiam in nos conversus, nos laniet, ac discerpant, ne decet quidem eum monere. At hic ut frater monendus est. Addit enim Apostolus: sed admonete ut fratrem: hoc est ut Christianum, & vobiscum professione conjunctum, & eatenus adhuc ad ecclesiam pertinentem. Quam diu enim veritatem cœlestem amplectitur ac profitetur, nec pietatis aut piorum evadit hostis, nec ad prophanam prorsus vitam delabitur; ad huc pro Christiano, quanquam ægro, ac morbis animi laborante habendus est. Nam & in aliqua ad huc gratiæ divini parte hæret, nec à salutis via tam longè abest, quin ad eam aditum habeat, nisi sortè contumacia acceperit, & morà malum inveterascens ita induretur, ut iam vix ac ne vix quidem sanari possit. Quare in aliqua etiam amoris fraterni parte hæreere debet, & officium illi fraternum, quod in admonitione ac correptione, amica consistit, ei non est negandum. Quia frater inimico seu hosti opponitur, apparet non tantùm communionem professionis ac religionis eo nomine intelligi, sed & eius communionis consequens, hoc est amicitia sacratioris vinculum ac coniunctionem eiusmodi, quæ amorem singularem & extraneis non communem postulet. Non ergo ita fugienda est fratri hu-

Sed monendus ut frater.
ver.

tris huiusmodi consuetudo, ut ne colloqui quidem eius corrigendi causa sustineas; ut supra quoque monuimus. De aliis rebus colloquia, cum necessitas ipsa non cogit fugienda sunt. Similiter autem intelligendum est, nec alia humanitatis ac benignitatis officia ei etiam deneganda, praesertim si ad opem ille nostram confugiat; cum ea ne inimico quidem sint neganda, hic autem magis quam inimicus diligendus est.

Quin & alia officia humanitatis illi non deneganda, si ad nostram opem confugiat.

v. 16. Ipse autem Dominus pacis; Restat jam ultima hujus capitis & epistola particula, voto ac salutatione rem totam ita concludens, ut signum ostendat Apostolus Thessalonicensibus, cujus indicio possint genuinas ipsius epistolas ab adulterinis ac subpositiciis dignoscere, ne circumveniri à quopiam praeceptu auctoritatis Apostolicae, & in errorem induci possint. Votum autem triplex est, vel potius ter idque; ter diversis verbis repetitum. Salutatio enim ipsa voto continetur. Primum optat, ut ipse Dominus pacis, det illis pacem per omnia, seu semper (Graece est $\delta\iota\alpha\ \pi\alpha\nu\tau\omicron\varsigma$ scilicet $\chi\rho\omicron\nu\varsigma$, per omne nimirum tempus) omni modo $\pi\alpha\nu\tau\iota\ \tau\omicron\pi\omega$ pro quo, vetus interpres habet omni loco, ut appareat eum pro $\tau\omicron\pi\omega$ legisse $\tau\omicron\pi\omega$, una littera omisa. Quae lectio etiam si viris quibusdam doctis probetur, haud scio tamen, an melior sit vulgarium codicum Graecorum lectio. Nam cum ad Thessalonicenses solos scriberet Apostolus, qui eodem loco eademve in urbe viverent, non est credibile eum voluisse optare ut pax illi in omni loco concedatur. Plus enim videntur significare

Tertia & ultima capitis pars continens i. Votum.

idque; ter diversis verbis repetitum.

gnificare verba in omni loco, quàm ut ad eos accedi
modari possint, qui eadem in urbe versentur. Alia
ratio est loci, 1. Cor: 12, ubi non modò ad Cor: scri-
bit, sed etiam ad ceteros, qui per totam Achaïam
nomen Christi invocarent, ejusq; religionem ample-
cterentur. Confer locum dictum cum inscriptione
posterioris ad eosdem Corinthios Epistolæ. cap: 1. v. 1.
Cum ait Ipse autem Dominus pacis, perinde est
ac si dixisset, & hæc quidem ego vobis præcipio ad
felicitatem vestram scientia; sed ipse Dominus pa-
cis cetera sua ope, auxilio ac benignitate suppleat;
vel, quod reliquum est, ipse Dominus Iesus vos beet.
Etenim per dominum pacis intelligit Dominum no-
strum Iesum Christum: quem eodem modo appellat
pacis Dominum, quo Deum vocare solet Deum pa-
cis, hoc est Pacis authorem. Pacis autem nomine ut
alibi in hujusmodi votis solet, Hebræorum more feli-
citatem intelligendam putamus; licet nihil prohibe-
at quo minùs concordia eo nomine intelligatur. Quò
pacto videretur ad præcedentia respexisse, ubi præ-
ceperat, ne fratrem notatum pro inimico haberent,
sed ut fratrem admonerent: id quod ad concordie
rationem aliquatenus pertinet. Sed altera significa-
tio magis convenire videtur. Hoc pacto melius hæc
Christi descriptio quadrabit cum descriptione rei,
quam illi optat Apostolus, ut mox in explicatione
verborum sequentium apparebit. Quomodo Christus
author sit pacis, & felicitatis satis notum est. Est e-
nim proxima illius secundū Deū causa tanquā uni-
cus illi

2. Operat à
Domino se-
in pacem.

Quem vo-
cat Domi-
num pacis.

Cujus no-
mine, feli-
citatem in-
telligit.

tus ille Dominus per quem omnia. Vnde Apostolus
 toties gratiā & pacem seu felicitatem à Deo patre
 & Domino nostro Iesu Christo fidelibus optat. De
 vobis pacem semper omni modo: hoc est, felici- Eamq; perfe-
ctam.
 ces vos reddat, vos beet, & semper & omni ex par-
 te, Perfectionem nimirum huius felicitatis exprimit,
 dum & perpetuam esse vult, & plenam. Potest enim
 qui esse beatus (quatenus quidē in hac mortalitate
 beato cuiuspiam esse licet) ad tempus tantum; vel per-
 petuo quidem, sed non omni ex parte. Etiam si autem
 felicitas hic spiritualis potissimum sit intelligenda;
 nihil tamen prohibet, quominus & corporalem atq;
 terrenam, sed que spiritualem haud quaquam ever-
 sat aut labefacter, eadem voce comprehendat. Ha- Felicitas
spiritualis
in hoc se-
culo qua-
 bet enim felicitas spiritualis suas quasdam partes.
 Nam & plena rerum divinarum mysteriorumq; coe-
 lestium cognitio ad eam pertinet, & solida vite pie-
 tas ac constantia in veritate, & spes firma felicitatis
 sempiternae, animi tranquillitas, letitiaq; conscien-
 tia, & gaudium spiritus sancti, ac gustus voluptatum
 coelestium, aliaq; divini spiritus dona, quae in prima-
 va illa Christi Ecclesia vigeant. Non parum etiam
 hac pertinet totius Ecclesiae concordia, summaq; a-
 nimorum conjunctio, & felix labor circa rem gloriae
 divinae, & salutis humanae successus. Dominus cum
 omnibus vobis scilicet sit. Alterū votum seu voti prio-
 ris repetitio, cum quodam argumento. Etenim cum
 in verbis precedentibus felicitatem Theſſalonicen-
 sibus precatus esset, & constantem seu perpetuam ac
 plenam

plenam omnibusq; numeris (quatenus quidem in hac vita licet) absolutam: hic iam etiam precatur ut quàm possit latissimè pateat, omnibusq; illius Ecclesie membris sit communis. optat enim ut Dominus, i. e. dominus noster Iesus Christus (hunc enim suo more simplici hoc nomine & quidem articulo in Græcū notato intelligit) a quo pacem illi seu felicitatem fuerat modo precatus; illis omnibus adsit, nempe gratia, favore, benignitate, ope atq; auxilio. Idem enim est Dominum Iesum esse cum aliquo, & gratiam Domini Iesu (quæ una cum suis effectis, nimirum auxilio ac beneficiis inde manantibus intelligenda est,) esse cum aliquo. Ideo quod hic dicit Dominus sit cum omnibus vobis, paulò post, ut & alibi dicit: Gratia Domini nostri Iesu Christi sit cum omnibus vobis. seu vobis omnibus adsit. Hac autem in re felicitas humana revera continetur. Quem enim Dominus Iesus gratia, favore, ac benignitate sua prosequitur, cui ope & auxilio suo adest, in non potest non esse felix ac beatus.

2. Ut illis
Domin⁹ ad-
sit gratia
sua

2. Signum,
quo debe-
bant veras
Apostoli e-
pistolas ab
adulterinis
discernere.

v. 17. Salutatio mea manu Pauli. Hic veluti obiter Theſsalonicensibus, signum ac notam quandā ostendit, ex qua veras ac genuinas ipsius epistolas agnoscere, & a falsis seu adulterinis ac suppositiciis distinguere queant. Vidimus enim supra c. 2. v. 2. impostores quosdam, ut suos errores Theſsalonicensibus persuaderent, auctoritate Apostoli inter alia fuisse abusos, & alios quidem dicere ausos fuisse, illa quæ dicerent, se ex Apostoli ore audivisse, alios etiam

litteras

litteras tanquam ab ipſo ſcriptas conſingere, ac proferre auſos fuiſſe, ac Theſſalonienſibus pro genuinis obtruſiſſe. Quare ne hac fraude circumvenirentur, oſtendit hic illis certam quandam ſuarum Epistolarum notam, quæ ſi in aliqua Epistola non extaret, eam non admitterent, ſed tanquam ſuppoſiticiam repudiarent. Poſſunt autem hæc verba & ad ſequentia & ad præcedentia referri; & de ſequentibus quidem dubium eſt nullum, quãdoquidem dicat, ſic ſcribo, ſubjectum protinus huius verbi. Gratia Domini noſtri Ieſu Chriſti &c. Idem ſit in Epist. ad Coloſſ: ubi ſcripta extant verba, quæ ad ſequentia non ad præcedentia referri illic poſſunt. Col: 4. v. 18. Salutatio mea manu Pauli. Gratia vobiscum &c. Sunt tamen nonnulli, & doctiſſimorum interpretum, qui etiam ad præcedentia referre videntur, dum ita paraphraſticè hæc verba reddunt: Hanc ſalutem ego Paulus meâ ipſius manu adſcribere volui. Hoc enim ſignum eſt omnibus Epistolis noſtris, hæctenus annexum, quo veræ ac germanæ à falſis ac ſuppoſiticiis ſecernantur. Itaque ſic ſcribere ſoleo, gratia Domini noſtri Ieſu Chriſti adſit vobis omnibus. Et nobis quidem iſta ſententia non planè diſplicet. Et enim non eſt incredibile, Apoſtolum, cum primo voto ſubjeciſſet ſua manu votum brevius Dominus cum omnibus vobis; hac occaſione voluiſſe eos de ſigno epistolæ ſuæ veluti impreſſo monere, & ut tantò reſtius adhuc manum ſuam agnoſcerent, idem poſtea

Vorſius,

votum

Paulus in
scribendis
epistolis a-
liena manu
solebat uti.

Tantum cer-
tam notam
his subicie-
bat propria
manu, ut il-
lius esse no-
taretur.

votum aliquantò plenius manu sua exprimere ac
subscribere. Quod si quis absurdum putes, Apostolum
bis sua manu idem votum voluisse subscribere, &
cùm de superioribus jam dixisset, ea sua manu esse
scripta, denuò subjicere, ita se scribere solere.
Gratia Domini nostri Iesu Christi &c. cum illo
nequaquam pugnabimus. Et hoc si sequamur, perin-
de erit, atq; si post salutationem, ab amanuensi, quem
vocant, descriptam; ita subjiceret: saluto vos ego
Paulus verbis mea ipsius manu adscriptis: Vel; saluta-
tionem ego Paulus mea ipsius manu nunc appono:
(quod signum est cuius Epistola mee appositum) Sic
autem scribo Gratia Domini nostri Iesu Chri-
sti &c. Apparet ex his verbis, Apostolum consuevisse
Epistolas ad Ecclesias aut certos ex fidelium numero
homines, dictare, alienaq; manu descriptas, & post-
ea salutatione suâ manu subjecta notatas mittere.
Quod etiam nominatim in Epistola ad Romanos vi-
demus c. 16. eius Epist. v. 28. ubi dicitur: saluto vos
Tertius, qui scripsi seu descripti hanc epistolâ.
Epistolam ad Gal: sua manu totam scripsisse Aposto-
lum, inde apparet, quòd c. 6. v. 11. ait, videte quantis
vobis litteris (hoc est quàm prolixam vobis episto-
lam.) scripserim mea manu Quod quia comme-
morat tanquam argumentum singularis sue erga il-
los benevolentiae ac studii; ex eo ipso faciliè intelli-
gitur, eum alias Epistolas, praesertim aut aequè proli-
xas, aut etiam prolixiores quàm est illa ad Gala-
tas, non consuevisse sua manu scribere: qua de re eo

loca

loco dictum est. Cæterum quod ad notam hanc attinet, nō est intelligendum hæc sola verba Gratia Domini nostri Iesu Christi sit cum omnibus vobis, esse certam Paulinarum Epistolarum notam: quod tamen haud pauci viri doctissimi videntur statuere, qui exinde quoq; colligunt, Epistolam ad Hebræos Paulinam esse, quia habeat notam Epistolæ Paulinæ appressam; quia sub illius finem adjiciatur, Gratia cum omnibus vobis: quasi verò non poterint alii Apostoli, aliiq; divini viri eadem verba suis Epistolis subjicere. Videmus sanè Iohannem eadem prorsus verba quæ hic exprimit adThesal. Apostolus, Apocalypsi subjicere; cū alibi Apostolus, ut paulò post dicemus, aliquantulum sua verba variet, & author Epist: ad Hebr: longius adhuc à consuetudine Apostolica recedat. Etenim nullam invenies Apostoli epistolam ad universam aliquam Ecclesiam scriptam, in qua ipsum Domini Iesu Christi nomē non sit expressum, præter eam quæ est ad Coloß. ubi dicit salutationem sua manu esse scriptam. Hæc sanè nota admodum fuisset dubia atq; incerta. Quid enim? Annon & alii, non modò pii viri, sed etiam impostores illi, imitatione Apostoli, poterant eadem aut similia verba epistolæ suæ subjicere? sanè tantò magis id fecissent homines fraudulentii, si rescivisset (rescire autem id vel ex hac epistola publicè lecta facile potuissent) hanc notam suarum Epistolarum Apostolum esse voluisse, ac porro sub hac nota facile se posse Theßalonicensib. Epistolas à se confectas obtru-

Quænam illa nota.

247 Com. in Cap. III. Ep. post. ad Thes.
dere, ac pro Paulinis venditare. Nō ergo hæc verba,
aut etiam sententiam huius voti, simpliciter voluit
haberi pro nota germanarum suarum Epistolarum,
sed sententiam hanc suam manu descriptam. Itaq; cū
ait sic scribo, nō tantū ad verba aut sententiā i-
psam eos vult attendere, sed etiam ad litterarum fi-
guras ac ductum. Si ergo viderent votum hoc litte-
rū planē huiusmodi, seu in ita similibus, ut solent e-
iusdem hominis litteræ diverso tempore scriptæ in-
ter se similes esse, descriptum, & epistola alicui sub-
iectam esse, tum demum eam pro Apostolica agnosce-
rent. Itaq; si quis ex illo voto Epistolæ ad Hebræos sub-
jecto colligere velit eam esse Paulinam, ei necesse es-
set ostendere, illa verba ipsius Pauli manu fuisse scri-
pta. Deinde & illud notandum est, quod iam paulò
antè indicavimus, non eadem ubiq; verba Paulum
suis Epistolis annumerare, sed sententiam, nunc bre-
vius, nunc pluribus paulò aut paulò aliis verbis con-
ceptam. Vide finem Epistolæ ad Corinth. præsertim
posterioris, & ad Galat. Ephes. Colos. & Tim. Tit.
Philem.

GRATIA TIBI DOMINE IESU.



INDEX RERUM PRÆCIPUARUM quæ in hoc libro continentur.

A.

Accipere pro edocere 40
Accipere Traditionis cor-
relatum 69.

Admonitio matris 111.

Adventus Christi ad ju-
dicium tempus incertū
97. improvisus ingruet. i-
bid. ut sur noctu solet 98.
cū minimè sperabitur
99. impii tam maxime
securi 99. qui tum repē-
te opprimuntur, nec effu-
gient, ut alia judicia dei
solent. 100.

Adventus Christi tempus
cur nobis incognitum 99.

Adventus Christi expecta-
tio parit pietatē 20. cur
à fidelibus expectari debet.
at 21.

Adventus Christi piis desi-
deratissimus 149. cur &
quibus terribilis 150.

de Adventu Christi error
maximè noxius 148.
quod putarent illum esse
praeforibus 152.

in Adventu suo Christus
glorificabitur in sanctis
suis 142.

Adveniens ad judiciū Chri-
stus descendet de caelo cū
clamore hortationis, tuba

Dei & voce archangeli 92
A facie alicui⁹ fieri quid
sit 141.

Afflictiones Christiano-
rum sunt certū documen-
tum illorum futura feli-
citatē 135.

ἀγίασμα Vocis signifi-
catio latior & strictior 70.
71.

ἀκράδασια 76.

Amor Dei 190.

Angeli potentia Christi
139.

Anima nostra quando in-
culpata 124.

Antecedens pro relativo
66.

Antichristus homo pecca-
ti 155. filius perditionis ib.

Antichristi voce non signi-
ficatur una persona 155.
cur tanquam una perso-
na in s. l. introducatur
156. exempla similis lo-
quutionis 156.

Antichristi descriptio spe-
cialior 157.

Antichristus effertur supra
omne quod dicitur Deus
158

Antichristi sedes templum
R dei

Dei, quomodo 159
 Antichristus seipsum esse
 Deum ostendet 169.
 Antichristi aduentum tē-
 pore Apostolorum quā re-
 morabantur 161. 164. 165
 tempus ei⁹ definitum 162
 Antichristus exlex 165.
 Antichristi interitus 165.
 à quo 166. quomodo 166.
 quando. ibid.
 Antichristus ad Christi ad-
 ventum duraturus 167.
 Antichristi vires unde 168.
 Antichristi artes quib. res
 suas promoturus est 168.
 Antichristi miracula di-
 versa a miraculis Christi
 170. mendacia vocat A-
 postolus 170. fraudes &
 deceptiones generis omnis
 171. ea q̃ cum summa im-
 pietate conjuncta 171. a-
 pud quos ista galitura 172
 Antichristo cur Deus tan-
 tos successus in Ecclesia
 permisurus 174. finis tñ
 horrēdi iudicii divini 175
 Apostasia Christi adven-
 tum præcessura 153. quid
 ea 153.
 Apostasia caput Antichri-
 stus 154.
 Apostasia virus vivente ad

Index

huc Apostolo occultè se vi-
 scribis Ecclesia insinua-
 bat 162.

Apostolica præcepta qui
 spernit, Deum spernit 78.
 Auxilio Deum nobis fu-
 turum quis doceat 127.

B.

Benefaciendum etiam o-
 tiantibus & inordinate
 ambulanti bus 128.

C.

Charitas erga fratres 79.
 Theſsalonicensium in eu-
 profectus tantus, ut velut
 à Deo ipsam docti videren-
 tur ibid.

Christi adventus ad judi-
 ciū. Vide Advent⁹ Chri-
 sti ad iudicium. Chri-
 stus pacis dominus 238.

Christi mors pro nobis
 quomodo 108. 109.

Christi resuscitatio fidei
 nostra fundamentum 20.

Christi providentiæ & in-
 vocationis exemplum 64
 Christus descendet de cæ-
 lo cum angelis potentia
 sua 138. in igne flāman-
 te 139.

Christus glorificatur fide-
 lium pietate 146.

Christus cuspis nostra 7.

Christus fidelis 137. pro-
 missio

Rerum præcipuarum.

misit custodiam à malo
187.

Christiana religionis sum-
ma 18.

Christiana religionis diffe-
rentia specifica 20.

Christianos Vocando Deus
non pœna, sed saluti de-
stinavit 106.

Christiani sunt in hoc po-
siti, ut afflictiones pati-
antur 36.

Concordia 113.

Consolatio monendi vim
habet 37. Constantia 79
in Contractibus non cir-
cumveniendus frater 73.

74. 75.

Corpus quomodo inculpa-
tum 124.

Curiositatis fuga 82.

D.

Desides curiosi 82.

Deus cum absoluit voca-
tur Pater, relatio fere
habetur ad nos 4.

Deus cur dicitur vivus &
verus 19.

Deus Christum excitavit à
mortuis 20.

Deus confert dona sua fi-
delibus non sine illorum
opera 66. 145. quomodo
nos sanctos reddit 123.

Deus cur vocetur Deus pa-

cis 123.

Deus obtulit nobis regnum

& gloriam 38.

Dei voluntatem esse ut
Christiani patiantur
quomodo intellig. 56.

Dies pro tempore 143. 152.

δὲ λευεὶν pro λατρεῖν

εἰν 19.

E.

Ebrietatis sædita 103.

εἰς pro μεχρὶ. 90.

Electio infirmior & vo-
catio idem 2.

εἰ pro δὲ 4.

ἐπὶ pro εἰς 77.

Epistola ad Thesalonicen-
ses prioris occasio 1. sco-
pus. 2. partes ibid. Poste-
rioris scopus 130 partes ib.

Epistolas Paulus sua ma-
nu non scribebat. tan-
tùm certam notam ma-
nu propria subiciebat,
ut illius esse noscitate-
tur. 241

Excommunicatio.

Quàm longè à familiari-
tate inordinate ambu-
lantis fratris recedendum
199. Subducere se ab ali-
quo quid. 199. Non tamen

à quodam

R a

Index

à quodvis inordinate ambulante recedi potest & recedere licet 201. 202. 203.

Excommunicatus ab Ecclesia non illico à domesticis arcendus 203.

Excommunicatus non est cōmodus ab Ecclesia fraudandus 205. Non habend⁹ pro inimico 205. cas⁹, quibus licere possit cū inordinate ambulante cibum capere 207. 208. 209. regula hic observanda 209. in enormib⁹ facinorib⁹ nulla mora interponenda: sed statim animadvertendū. 210. in levioribus interponenda 211. quanta autē, ex delicti gravitate iudicandum 212. de loco Matthæi 18. ubi præceptum de eo qui fratrē offendit 212. Nō tamen omnes injuria ad Ecclesiam deferenda, aut ab Ecclesia urgenda 215.

Præter Excommunicationem non reperitur aliud animadversionis genus. 216. præceptum quomodo executioni mandandum 231. 232. quandiu hac animadversio durare debeat 233.

Excommunicatus non habendus inimici loco 236. sed monendus ut frater 230 & alia humanitatis officia illi non deneganda, si ad opem nostram confugiat 237.

Expectatio adventus Christi 190.

ne Extraneorum sublestatione egeamus, quare curandum 84.

Evangelium cur dicatur Domini Iesu 16.

Evangelium pro prædicatione Evangelii 55.

Felicitas spiritualis in hoc seculo quā 339.

in Felicitate priorū exprimenda tres quasi gradus constituit Apostolus 94.

Fidei opus 145.

Fides in prædicando tripliciter violatur 27.

Fidei non omnes capaces 186. non tamen id Christianū turbare debet 187.

Fidelium felicitatis sedes, non aer, sed cælum 95.

Filium esse rei alicujus quid. 105.

Finis actionum nostrarum quis & quomodo cōsequen-

Rerum præcipuarum,

sequeendus 69.

Fornicatio quid, quàm
inter gentiles usitata, &
à Christianorū Sulgo pro
adiaphora olim habita 71.
omnium Solaprium scē-
dissima ib:

G.

Galea Christianorū Spēs
salutis eos cur capiti im-
ponenda 106.

Gaudendum omni tempo-
re 118

Gaudiū spirituale 118. unde
de oritur Ibid.

Gratiarum actio omnitem-
pore & de omnibus 119.

Gratia Domini Iesu 140

H.

Humanitas Vera modesti-
am in se includit 30.

I.

Idola propriè imagines 19.
sed & demones ibid. le-
u nomen pro eius religi-
one 89.

Importuni qui 185.

Impis sub tempus aduentus
Christi maximè erunt se-
curi 99.

Impostores Apostolorum
tempore quibus modis sa-
a se nescia hominibus ob-
trudebant 150.

Impostura duplex 26.

In pro cūm 26. 73. 73. 95.

169 pro Peras propter 176

In finem quid sit 46.

Infirmi tolerandi 125. quo
modo ibid. quinam ii ib.

Injuriæ non omnes ad Ec-
clesiam deferenda 215.

Inordinati monendi 114.
quinam ii, ibid.

Inordinate ambulantiū
familiaritate abstinē-
dum 191. quanti id præ-
ceptum faciendum 192a

quousq; eius pomeria ex-
tendenda 193. loquitur
autem Apostolus maximè
de habitu in delictis 195.

& si nec actus quidam ex-
cludantur 195. imò nec il-
le actiones qualicè per se
non prohibita a Christo

infirmiores tamen offen-
dere possunt 196. proso-
lepsia hic locus nullus 198

quid sit non commiscerā
cam inordinate ambu-
lantiū 198.

Vide Excommunicatio

Ὑπερπρο πρεβί 134.

Ὑπερπινε denotās 136. 141

Ita Dei propina 21. 107.

Iudæi increduli, nec Deū
am curant, & omnibus
adversantur 44. 45.

unde

Index

unde nec E^vangelium gen-
tibus annunciari sunt passi
45. Christum occiderunt
43. & prophetas suos 44.
Apostolos persequuti 44.
sed non impune id eis e-
rit 46.

Iudicium ultimum noma
effugiet 101.

Ius commutativum in
aqualitate 74.

Iustitia societatis Vincu-
lum 75.

K.

καὶ abundat 103.

καὶ ἔχοντες & voce quid
denotes Apostolus in a-
postasia descriptione 163.
164.

L.

Laborare debent otiantes
226.

Lamed & Beth Hebraei non
nunquam permutant 34.

Longanimitas erga o-
mnes 115. quid ea 116.

M.

ad Machometem in de-
scriptione Antichristi nō
respexit primario Aposto-
lus 153. nisi nec ille exclu-
dendus 154.

Mali specie omni absti-
nendum 122.

Mali sub adventum Chri-
sti maxime erunt securi
99.

Malus pro Satana 188.
de Miraculis quæ hodie
patrari solent quid senti-
endum 170.

Miracula Antichristi di-
versa à miraculis Christi
170.

Mors Christi pro nobis
suscepta quomodo 108.

Mortis Christi pro nobis
finis 109.

Mortui in domino cur ob-
dormivisse dicantur 86.
ob mortuos in domino nō
debemus contristari ut
gentiles 86. mortuos non
prævenient videri in acci-
piendo premio & ita ater-
na 90. 91. resurgent enim
illi prius 54. tum & iu-
nā cum illis rapientur in
nubibus ad dominum 94.

O.

Obtestari proprie quid 37.

Omne pro perfecto 62.

Omnia exploranda, bo-
num tenendum 121.

Opus pro functione 113.

Orare Thessal. pro se vult
Paulus 127. 184.

Orandum ut sermo domi-
ni currat 184. & libera-

mur

Rerum præcipuarum.

mur ab importunis homi-
nibus 185. cur 185.

Orandum esse indefinen-
ter, quomodo intelligen-
dum 119.

¶ particula ubi desit, e-
xempla 40.

Osculum sanctum 128.

Otiis fuga 82. Otiiosi curio-
si 83.

Otiiosi laborare debent 226

P.

Panis pro victu & amictu
220.

Pastorum cura 112. qua-
lis & quanta 113. quare
113. descriptio eorum 112

Patientie propter nomen
domini gradus tres 14.

Patientia laus 134.

Paulus Apostoli titulum
cur non apponat in priori
Epistola 3.

Pauli fortitudo in Evan-
gelio predicando 24. cau-
sa illius Fides & Sinceri-
tas in predicando 25.

Pauli pro iis quos Christo
lucrifecerat in precibus
assiduitas 5. 62.

Paulus alienus ab omni
impostura, cupiditate,
fraude, dolo 26. ut qui
Deo, non hominibus in
predicando placere stu-

duit 27. ideoque nulli Theſ-
salonicensium supparasi-
tatus 28. ipsis etiam te-
stibus 29. neque predica-
tione ad avaritiam abusus
29. Deo ipso teste 29. nec
gloriam ex eo venabatur
a quoquam 30. unde nec
pro potestate sua victum
ab iis exegit 30.

Pauli in Theſsalonicenses
lenitas & humanitas 31.
egit cum illis ut solet ma-
ter cum prole sua 32.

Pauli laborum toleran-
tia & in munere obeun-
do diligentia 33.

Pauli labores manuum
graves & assidui 33. no-
te & die ibid. cur susce-
pit 34.

Paulus Sancte, Iuste, &
inculpate inter Theſa-
lonicenses vixit 35.

Pauli paterna pro iis so-
licitudo expressa hortan-
do, obtestando, consolan-
do 36.

Paulus absentium Theſsal.
desiderium ferre non po-
tuit 47. 48. ardentissi-
mo eorum visendorum de-
siderio flagrat 49. sed
quominus id faceret à
Satana fuit impeditus 49

R 4

quomo do

Quomodo ibid.
 Paulus crebatur ne Sazā-
 na per absentiam suam
 Theſalonicēſes ſeduceret
 Paulus cur manibus ſuis
 laboraverit 222. cur labo-
 rando exemplum aliu
 prabere voluerit 223.
 Paul⁹ in ſcribēdis episto-
 lis aliena manu ſolebat
 uti, tantū certā notā ſub-
 ſiciens propria manu ut
 illi⁹ eſſe noſcitur 245
 quānam illa nota 246.
 Paulini amoris erga Theſſ.
 magnitudo 32. 131. gra-
 tiis pro iis Deo ſemper a-
 gendis expreſſa 5. 39. 61.
 Peccatorum menſuram
 implere quid 46.
 Per pro Cum 89.
 Per Dominum Ieſum pro,
 authoritate D. Ieſu 70.
 Perſequutores Chriſtia-
 norum affligi juſtum a-
 pud Deum 136. niſi tamē
 reſpiſcant 137.
 Perſequentio piorum quo-
 modo cauſa illis vitā ater-
 nae 137.
 Pietatis ſtudiū excitā-
 tia media 189.
 Pii glorificantur alio-
 rum pietate 146.
 Poenae impiorū magnitu-

do 140. quādo puniēdi 141.
 πολλῶν pro magnā 14.
 Plurali numero utitur
 Paulus de ſe unico lo-
 quens 34.
 Precum aſpidūta 119.
 Prophetiæ non nihili ſa-
 cienda 120.
 Puſillanimes conſolandi
 114. quando maximē ibi.
 quomodo. ibid. qui tales
 ibid.

Q.

Quietæ vitæ ſtudium 8r.
 quomodo paratur 82

R.

qui Religionem Chriſti-
 anam afflictaſ recipere
 noluerāt, eos pace floren-
 tem recipiētes voluit De-
 us perire 173. 174.

Reſurrectionis doctrina
 84. 85. & ſeqq. cur Theſſa-
 lonic. tradita 85. reſurre-
 ctionis noſtra certitudo
 pendet ex certitudine re-
 ſurrectionis Chriſti 87.
 reſurrectionis noſtra rā-
 tio & ordo in premio fi-
 delibus aſſignando 90. 91
 Revelari in ſ. l. quid di-
 catur 154.

S.

Sanctitatis Chriſtianorū
 perfectio 123. 124.

Sanctos

Rerum præcipuarum.

Santos cur vocet Theſſalonicenſes 129.

Satanas appellatur qui tentat 58.

Satanas quomodo impedit Paulum ne Theſſalonicenſes reſiſceret 49. 50.

Satanæ aliquem ut tradat non eſt Eccleſia præceptum 218.

Scriptura ſolet indiſtinctis & perſonis tribuere quod eidem generi ſeu populo competit 40. 90.

Si pro quoniam 61.

Signum quo debebant veras Apoſtoli epistoſas ab adulterinis diſcernere 240.

Sobrietas 103.

Specie mali omni abſtinendum 122.

Spes Chriſtianorum bona cur 182.

Spes ſalutis duplex 105.

Spiritus ſanctus ſcintilla ſimilis 15. *Apoſtoloſ prædicantes inſinabat, & linguam eorū dirigebat* 11.

Spiritus S. donum viſibile in primitiua Eccleſia omnibus generatim dari ſolitum 12.

Spiritus non extinguenti 120. *quomodo id fiat. ib.*

Spiritus noſter quando inculpatus 124.

Sylvanus idem qui Silas 4.

Sylvanum & Timotheum cur ſibi Paulus adiungit in ſalutatione prioris Epistoſa 3.

T.

Theſſalonica urbs Macedonia præcipua 16.

Theſſalonicenſium Virgines. Fides 6. 132. *Charitas, eaq; laborioſa* 6. 132. *Patientia* 7. 13. 134.

qua tanta erat ut eſſent credentibus exemplaria 15.

Theſſalonicenſium converſationis ratio 18.

Theſſalonicenſium in recipiendo Evangelio alacritas 38.

Theſſalonicenſes ceperunt Evangelium, non ut ſermonem hominum, ſed tanquam Verbum Dei 40. *quomodo id intelligendum* 41.

Theſſalonicenſes imitatores Eccleſiarum in Iudæa exiſtentium quoad patientiam 42.

Theſſalonicenſes Pauli ſpes, gaudium, corona gloria-tionis 50.

Theſſalonicenſes filii lucii

Index


101.
inter Theſſalonicenſes e-
rant multi deſides 226.
Theſſalonicenſes Pauli me-
moriã ſoluebant 59. *i-*
pfum videre deſiderabãt 80
brod' idoxoi qui 80.
Thorax Chriſtianorum
104. partes eius dua Fi-
des & Charitas 104. 105.
Timotheus miniſter Dei
cur 55. *cooperator Pauli*
in Eſangelio 55. *cur Theſ-*
ſalonicam à Paulo miſſus
ibid.
Traditionũ & Verbi non
ſcripti fundamentum
quã lubricum 151.
Traditiones Pauli 179.
Tuba clanger in aduentu
Chriſti 92. *cur Vocetur*
Tuba Dei 93.


P.
Vas, pro inſtrumento 72.
Vas poſſidere in ſanctitate
& honore, quid 73.
Verbum auditus 40.
Vigilantia Chriſtiano-
rum qualis 104. *in ar-*
mis obeunda *ibid.*
Vindicta fugienda 116.
quomodo 116. *quã latè*
id extendendũ 117. *bene-*
ficentia pro ea ſeclanda
177.
Vocati qui 9.
Vocationis noſtra natura
ut impuritatem fugiam
76.
Vocando Chriſtianos Deus
non pœna ſed ſaluti deſti-
nabit 106.
Voluntas pro objecto volũ-
tatis 70.
Votum precationis ſim-
ilabet 64.




Errata quæ per negligentiam operarum & absentiam authoris in textum irrepsērunt sic corriges.

Pag. 6 in marg. *Prima virtutes.* 7 in marg. *Gratiarū actionis.* 9 & 2 à domino antiquā. 12 & 10 alii, cursivā 13, 34 seu, cursivā. 30. 15 *judicaturus.* 22. 1. *regnare.* 24. 9 *alterum.* ib. 10 pro *rationem*, lege *catenā.* ib. 22 *suspensione.* 34 & 21 dele *ipsorum.* 35 in marg. *inculpate.* 45 & 22 cap. 19 & 9. 34. 6. *insideretis.* ib. 7 *putarem.* 69. 8. sic *ambuletis.* 73 ult. *spectant* 75. 1. *utuntur.* 76. 1 *inducamus.* ib. 21 *exerceamus.* ib. 23 *in tantum* *vitis* ab *Apostolo.* 80 penult. *qui erant.* 81. 1. *erant* 85. 11 *deducturi.* 90. 13 *accenset.* 92. 3 *cum dicitur.* ib. 19 *oratione.* 97. 28 *incertitudine* *videlicet* *temporis* *adventus.* 98. 7 *aucupari* *enim.* ib. 18 *improvisō.* 102 in marg. *Secundam personā.* 114. 13 *panarum* *qua* 117. 12 *sibi* 126. 22 dele *Quare.* 132. 5 *alterutra.* ib. 27 *ante* 134 in marg. *patientia laus* 142. 15 *qđi.* 143 2 *speciem certam.* 149. 17 *defectio à fide.* 149. 1 *verō.* 150 ult. *alios.* 165. 4 *nomine* *denotari.* 185. 20 *cōtumaciam* *ac* *perfidiciam.* 189. 25 *composet.* 199. 13 *amicitiæ* *testande.* 207 post ult. *v-notatus* 209. 1 *ante* *arceamus* *non.* 216. 19 *utpote.* 218. 2 *inordinatē.* 218 25 *prescribat.* 219. 14 i. e. 220. 18 *quibus* *vis.* 221. 21 *est.* 224. 7 *desse.* 23 *homini.* 236. 6 *quid* *vis.* 26 post *indigemus?* 26. 17 *πάρρηγον,* ib. 18 *εργον* 227. 20 *τῇ πολυπραγμοσύνῃ.* ibid. ult. *cōplectitur* 230. 10 per *epistolam* *antiquā.* 230. 18 *σημειῶθε* ibid. 21 *ἐπισολῆς.* ibid. 22 *ἐπισολῆς* ib. 24 *ἐπισολῆς* ib. 25. *σημειῶθε* ib. 27 *ἐπισολῆς* *σημειῶθε* 232. 23 *consuetudine.* ib. in fine & 28 *deleatur* *a* & in initio *seq. ut* 234. 21 *καρδιωγνώσκ.* 240. 29 *superpositis.*







Biblioteka Jagiellońska



stdr0026766

